
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





HN JMC G N

NA LEI RONORONO UTO

DIDIRA


MATTHEW, MARK, LUKE, JOHN.

GOSPELS AND ACTS IN THE FLORIDA LANGUAGE.

SPECK

2234.184

Harvard College Library



FROM THE BEQUEST OF

FRANCIS B. HAYES

Class of 1839

This fund is \$10,000 and its income is to be used
"For the purchase of books for the Library"

NA LEI RONORONO UTO

DIDIRA

MATTHEW, MARK, LUKE, JOHN.

MA NA LEI GEHEGEHE

DIDIRA

NA LEI MANE VETENA.

[GOSPELS AND ACTS IN THE FLORIDA LANGUAGE, MELANESIAN MISSION.]


Bible Gospels and Acts. (1906.)

SOCIETY FOR PROMOTING CHRISTIAN KNOWLEDGE,

LONDON: NORTHUMBERLAND AVENUE, W.C.

1906

2274134
3



RICHARD CLAY & SONS, LIMITED,
BREAD STREET HILL, E.C.; AND
BUNGAY, SUFFOLK.

NA RONORONO UTO NINA MATTHEW.

I.

1 Na buka ni vatana Jesus Christ, dalena David, dalena Abraham.

2 Abraham te vahua Isaka ; ma Isaka te vahua Jakob ; ma Jakob te vahua Juda ma ra na hogona ; 3 ma Juda te vahua Perez ma Gerah ma Tamar ; ma Perez te vahua Hezrom ; ma Hezrom te vahua Rami ; 4 ma Rami te vahua Aminidab ; ma Aminidab te vahua Nashon ; 5 ma Nashon te vahua Salmon ; ma Salmon te vahua Boaz tana Rahab ; ma Boaz te vahua Obed tana Ruth ; 6 ma Obed te vahua Jesse ; ma Jesse te vahua David na Vunagi.

7 Ma David te vahua Solomon tatana te tauna eniha Uria ; ma Solomon te vahua Rehoboam ; ma Rehoboam te vahua Abijah ; ma Abijah te vahua Asa ; 8 ma Asa te vahua Jehosophat ; ma Jehosophat te vahua Joram ; ma Joram te vahua Uzziah ; 9 ma Uzziah te vahua Jothan ; ma Jothan te vahua Ahaz ; ma Ahaz te vahua Hezekia ; 10 ma Hezekia te vahua Manasseh ; ma Manasseh te vahua Amon ; ma Amon te vahua Josiah ; 11 ma Josiah te vahua Jekoniah ma ra na hogona ta na bona tara lavikehara i Babel.

12 Mi murina na lavikehaadira i Babel, a Jekoniah te vahua Shealtiel ; ma Shealtiel te vahua Zerubbabel ; ma Zerubbabel te vahua Abiud ; 13 ma Abiud te vahua Eliakim ; ma Eliakim te vahua Azor ; 14 ma Azor te vahua Sadok ; ma Sadok te vahua

Akim ; ma Akim te vahua Eliud ; 15 ma Eliud te vahua Eleazar ; ma Eleazar te vahua Matthan ; ma Matthan te vahua Jakob ; 16 ma Jakob te vahua Joseph na tauna Mary, to vuha mai tatana Jesus, tara vatua nia Christ.

17 Na lei vavata soko tara vuivuni tatana Abraham tara va riti tatana David ara hazavulu me sara e vati na vavata. Mi tatana David polo tara va riti na lavikehaadira i Babel ara hazavulu me sara e vati na vavata ; mi tatana na lavikehaadira i Babel polo ke riti a Christ e hazavulu me sara e vati na vavata.

18 Sakeragi na vahuana Jesus Christ te vaga cui ; na tinana Mary te anea tua i Joseph, mi rogaira toro mua vei pazoti mua tara rigia tua te nia bete na Taruna te Tabu. 19 Ma na tauna Joseph, na tinoni te mabo, te mua liona na tuguni taeana vanira na vure, me te ganagana gaia na tiva poloana. 20 Ma gaia te ganagana vaovaronoi na lei totobo ini, kau rigia, na Angel nina Lord te tate vania ta na maturubole, te gagua, Joseph dalena David, ko bei matagunia na laviana gatu tamua na taumu Mary, na pukuna na totobo te liu i lokana te vuha mai tatana na Taruna te Tabu. 21 Ma gaia ke vahua na gari mane, mo ko vatua na ahana Jesus ; na pukuna gaia ke vavolara ta na paludira na nina vure. 22 Ma na lei totobo ini te ganai ge kalei na bosana Lord ta na porovete, te gagua,

23 Kau rigia, na samu ke bohe, me

ke vahua na dalena, ma gaira kara holoa na ahana Imanueli te gagua, tara bosa tugu, God itatada. 24 Ma Joseph te tuguru sania na matura, me te nea te vaga na Angel nina Lord te bosa vania, me te lavia na tauna ; 25 me te mua panotia polo ge vahua na dalena ; me te vatua nia na ahana Jesus.

II.

1 Mara vahua Jesus i Bethlehem ni Judea ta na lei bozina Herod na vunagi, ko rigia, mara na Magoi tara butu mai i ulu ge ra sara Jerusalem, 2 tara gagua, Ivei te gahaa na vunagidira na Israel tara vahua ? na pukuna igami tai rigia tua na veituguna i ulu, migami tai mai tualagi tuturu vania. 3 Ge ronovia Herod na vunagi, te dika na liona, ma na liodira soko gua na Jerusalem. 4 Me te holo kolura ra na puku sonisukagi ma na Tarai didira na vure, te kenea tadira, Ivei kara vahua Christ ? 5 Ma gaira tara bosa vania, i Bethlehem ni Judea : na pukuna na porovete te gerea te vagaa,

6 Migoe Bethlehem, Komu ni Judea,

Ko mua tanomana pile tadira na lei vunagi ni Judea :

Na pukuna na vunagi ke rugu horu mai tamua,

Ma gaia ke hulira nigua na Vure ni Israel.

7 Ge me te holo polora mai a Herod ra na Magoi, me te ronovi vakodoa tadira, na bona evei te vagaa te tate na veitugu. 8 Me te vetenara gatu i Bethlehem, me gagua, kau gatu ma kau nia pipo na keneana ga na meomeo ; ma kau topoa ke, kau tugunia vaniu mai, ge mu ku tona nigua mu ku tualagi tuturu vania. 9 Ma gaira, tara ronovia tua na vunagi, ge ra taunia na hialautudira ; mo ko rigia,

na veitugu, tara vaevanea i ulu, te idevira, polo te riti na bona te gahaa ga na meomeo me te tuguru kau ga. 10 Ma gaira tara rigia tua na veitugu tara nia togotogo sule nanata. 11 Mara hage ta na vale mara rigia na meomeo te gahaa tana Mary na tinana ; ma gaira tara pogotao mara tualagi tuturu vania ; ma gaira tara hanavigi didira na puku ni tobo ge ra vahea didira na hevei lei, na gold, ma na resesi, ma na muru. 12 Ma God te hove punisira tana matura bole kara bei pulohi vania Herod, ge ra tona ta na komudira ta na halautu keha.

13 Ma gaira tara tona keha tua, ko rigia, na Angel nina Lord te tate vania Joseph ta na matura bole me te gagua. Tuguru mo ko lavia na meomeo ma na tinana, moko nira sogaa i Misraim, mo ko kabu ga polo ku bosa vanigo : na pukuna Herod ke kenea na meomeo ge ke labua. 14 Ma gaia te tuguru me te lavira na meomeo ma na tinana te boni, me te tona keha i Misraim : 15 me te gahaa ritini na mateana Herod ; ge ke kale na bosana Lord te nia bosa na porovete, te gagua, Inau tu holohorua na Dalegu i Misraim. 16 Ge me te pukua Herod tara koehorua ra na Magoi, gaia te rutu sule, me te vetenara gatu rahei tara labu sokora na lei gari mane i Bethlehem, ma na lei buto ni komu taligu, te mua poso mua na niuludira, te vaga na bona te nia pipo na keneana tadira na Magoi. 17 Me te kalea nina bosa Jeremiah na porovete te gagua,

18 Tara ronovia na mana i Rama,

Na taxi ma na manaraha sule,

Rahel te tanihira na dalena,

Mara mua tanomana na togoluvuana na pukuna gaira te taho.

19 Me te mate tua a Herod, na Angel nina Lord te tate vania Joseph i Misraim ta na maturubole te gagua,

20 Tuguru mo ko lavira rogaira na meomeo ma na tinana, mo ko nira tona ta na komu ni Israel; na pukuna tara mate tua gaira tara kenea na mateana na gari. 21 Ma gaia te tuguru me te lavia na gari ma na tinana, me te nira tona ta na komu ni Israel. 22 Me te ronovia tua a Arkelaus te tugua na tamana Herod, me te vuna-gidira na Judea, te matagu na tona ga. 23 Me te tate tua vania tana maturubole ge va boiboli ga ta na buto ni komu ni Galilea, me te sara ga, ge va kabu ta na haebase ni komu tara vatua nia Nasareta, ge ke kalei na bosadira na porovete, Kara holoo nia na mane ni Nasareta.

III.

1 Mi ta na lei boni kiri ke mai John Vulitabu, me te tarai ta na bona aroha ni Judea te gagua, 2 Kau tugulio nimiu: na pukuna na kina-kabu i kokou te dutu mai tua. 3 Agaia eni na porovete Esaia te bosaa, te gagna,

Na mana ni tinoni te gaegahe ta na bona aroha me gagna,

Kau goni dilaa na halautuna Lord,

Kau maemanei na lei halautuna.

4 Ma na pupuluna John na vuvulu ni *kamel*: mi ta na gobuna na kabe guiguli kau, ma na gana vana na puko ma na kokolo ni midua. 5 Mara ruguhoru mai tatana na Jerusalem, ma na Judea soko, ma na lei komu soko ni Jordan taligu. 6 Mara va lavia na vulitabu tatana i Jordan mara bosaa tatei na paludira. 7 Ma gaia te vaevanera na Pharise ma na Saduke tara subo tara mai ta nina vulitabu, ge bosaa vanira, Ra na dalei poli, ahei te keikerigamu kau tona sania na rutu ke mai. 8 Kau nigi vanaga na vavana te manana na tu-

gilio. 9 Ma kau bei ganagana polo ilokamiau, ma kau gagua, Abraham tamada: na pukuna Inau tu bosaa vanigau, God ke tanomana na tuguruvaginiadira na dalei Abraham ta na lei vatu ini. 10 Mi taeni na posopos to dutuvia na oga ni gai, na pukuna na lei gai te mua vanaga uto kara tokai ma kara sonigi ta na lake. 11 Inau sugua tu vulitabugamu nia na beti te manana na tugulio; ma gaia ke mai murigu te haba va itagua, te mua ulugagu na hola-tiana na guiguli kau ni marevona. 12 Agaia ke vulitabugamu nia na Taruna te Tabu nia na lake: na petepete te gaba ta na limana, me ke hala utoa nina bela, me ke vahikolui na *korn* ta na vale ni baobaore, me ke tunigi na vuvulogo ta na lake ke mua mate.

13 Me te butu mai Galilea a Jesus, me te va tatana John i Jordan, ge ke tabea na vulitabu i tatana. 14 Ma John te hove me gagua, Te ulagagu na laviana na vulitabu i tamua; mo to mai tagua? 15 Ma Jesus te bosaa tugu, me vania, Ko tala taeni, te ulagada rogita koro nei kackagea na kabu kikinima. Ge talana.

16 Ma Jesus te tabea na vulitabu, ge dato sania na beti, mo ko rigia, na parako te tuva voka vania, me te rigia na Tarunana God te horu te vaga na bola me te liu vuvunana. 17 Mo ko rigia na mana ta na parako, te gagua, Aeni na dalegu tu dolovia, Inau tu nia togotogo nanata.

IV.

1 Ma Jesus te lavia na Taruna ta na bona aroha, ge ke tabotaboa a Satana. 2 Me te maturu too evati hanavulu na boni me padi ge vitolo. 3 Ma gaia te tabotabo te mai tatana me gagua, Ge to ko dalena God ke, mo ko bosai

na lei watu ini *ge* ke liliu *bread*. 4 Ma *gaia* te bosa tugu me *gagua*, Te *gere*a tua, Na finoni ke mua nia vola na *bread* vamua, ma na lei bosa *mugua* te ruguhoru ta na *manana* God. 5 *Ge* lavi datoa Satana ta na komu te tabu; me tuguruvaginia ta na buko ni vale tabu. Me *gagua* vania, *Ge* to ko dalena God ke, ko soso-ga horu; te *gere*a tua,

6 *Agaia* ke vetenara mai nina Angel *ge* kara rigitaonigo; ma kara sakurigo ta na limadira, ke bei topoa siki watu na tuamu.

7 *Jesus* te bosa vania, te *gere*a tua, Ko bei tabotaboa Lord God igoe. 8 *Ge* lavi datoa *gua* Satana ta na gotu te daro *manana*, me te tatei vania na lei kinakabu soko ta na maramana, 9 ma didira na *ronorago*, me te bosa vania, na lei totoho ini inau ku lubatigi vanigo, *ge* to ko pogotao, mo ko tua-lagi tuturu vaniu. 10 *Ge* bosa vania *Jesus*, Ko tona keha Satana: na pukuna te *gere*a tua, Ko tualagi tuturu vania vasoo na Lord God igoe, ma *gaia* vamua ko nia kikinima. 11 *Ge* tona sania Satana, mo ko rigia, na lei Angel tara mai mara pabea.

12 *Ge* ronovia tua *Jesus* tara pitia John ta na vale pipiti, te va tona i Galilea; 13 me te boli sania Nasareta, te va kabu i Kapernaumu, i lau ta na lei tabuto ni komu ni Sabuloni mi Navutali. 14 *Ge* kalei na bosa te bosa i Isaia na porovete, te *gagua*,

15 Na komu ni Sabuloni ma na komu ni Navutali,

Na halautu saravahale i launa Joridani,

Galilea na komu dira na Sinogo,

16 Na vure tara sopou ta na pui tara vaevanea na marara te sule, Ma na marara te sivuraga vanira tara sopou ta na unauna ni mate.

17 Ta na bona eni *Jesus* te vui-vui ni tarai me *gagua*, Kau tugu

lio, na pukuna te dutu mai tua na kinakabu i kokou.

18 Ma *Jesus* te vahale i Galilea me vaevanera rogaira tama hogoni, a Simon tara vatua nia Peter, ma Adiru hogona, toro vugo ta na horara, rogaira na harovana. 19 Ma *gaia* te bosa vanira, Koro tumuriu mi nau ku negamu koro vugo tinoni. 20 Moro mina sonigi na rodidira na vugo moro saritaonia. Me te tona so *ge* vaevanera rogaira tama hogoni *gua*, 21 James dalena Sebede, ma John hogona, tolugaira tamadira Sebede tara haehage ta na vaka, tara ume vugo, me te holara. 22 Toro mina sania na vaka ma tamadira *ge* taonia.

23 Ma *Jesus* te tona olioli, te tarai ta didira na lei vale sonikolu, me te tuguni tatea na *ronorono* uto ni kinakabu, me te kisui na lei vata soko ni vahagi tadira na vure. 24 Ma na *ronoragana* te lada va i Suria taligu, mara nira mai vania ra na tinoni soko te topora na lei vahagi keha te torora, ma *gaia* *gua* te gahai tadira na lei tidalo, ma ra na bule, ma *gaia* tara gebegebe, ma *gaia* te kisura. 25 Ma na vure subo tara butu mai Galilea, mi Dikapoli me Jerusalemi mi Judea i levu ni Jordan tara saritaonia.

V.

1 Me te rigira tua na vure, *ge* dato tana gotu me te sopou horu *ga*, ma ra na nina vaovarono tara mai tatana: 2 Ma *gaia* te vukesia na manana me te taraira, te *gagua*,

3 Holoutora tara talu pilera hegdira: na pukuna didira tua na kinakabu i kokou.

4 Holoutora tara tani: na pukuna ke toguluvura. 5 Holoutora tara talu murira hegdira: na pukuna kara logo tugua na maramana. 6 Holoutora tara nia vitolo mara nia mananaha na

lio kikinima : na pukuna kara nia mahu. 7 Holoutora ra na dolo : na pukuna kara topoa na dolo.

8 Holoutora te marabu na tobadirā : gaira kara vaevanea God.

9 Holoutora tara haidura na levu-nimate : na pukuna kara holora ra na dalena God. 10 Holoutora tara nira gígirou na pukuna na lio kikiuima : na pukuna didira na kinakabu i kokou. 11 Holoutogamu tara batobatogamu na lei tinoni, ma kara nigau sika, ma kara hurutabo gamu nia na lei totoobo dika soko na pukuna inau. 12 Kau togotogo nimiu ma kau rivu-rivu sugua ; na pukuna te sule zanaata na tabamiu i kokou ; na pukuna gaira tara nira gígirou na lei porovete tara ide mai tamiu.

13 Igamu na tahi ni maramana eni, ge ke tagaa na malina na tahi ke, na hava kara hohoroa nia, ke mua tanomana siki totoobo, kara sonikeha vamu sarani na marevodira na lei tinoni. 14 Igamu na marara ni maramana, ke mua tanomana polo na baebase ni komu te gaha ta na gotu. 15 Na lei tinoni tara mua tunia na bulu makara saroa nia na popo ; tara talua ta na vatei talu bulu mugua, me ke va mararara na lei tinoni soko tara gahara i vale. 16 Te vaga eni gua na nimiu na marara ke hinarira na lei tinoni, ge kara rigigi na lei niuii na gehegehe uto, ma kara ladavaginia ga na Tamamiu i kokou.

17 Kau bei ganaganau tu mai durakea na ronoroño ni vetena, ma ra na lei porovete : tu mua mai durakea siki totoobo, ku savunia vamu. 18 Utuni Inau tu bosa vanigau gatu ke mua durake mua na parako ma na pari me ke mua tagaa siki pilena na ronoroño ni vetena polo ke poso tua na lei totoobo soko. 19 Ahei ke hugua sakai na pilena na ronoroño ni vetena eni, me ke taraira

na lei tinoni te vagaa, kara hōlea te pile kikia ta na kinakabu i kokou. 20 Na pukuna eni Inau tu bosa vanigamu, ke mua haba vulea na nimiu na mabo, ta didira ra na tarai ma ra na Pharisee ke, ma kau mua tanomana na lage ta na kinakabuna God.

21 Igamu tau ronovia tua tara bosa idania, Kau bei labu tabo ; ma hei ke labu tabo ke kalea na dete. 22 Minau tu bosa vanigau gatu, ahei ke rutu tabo vania na hogona, sokea ke kalea na dete, ma hei ke bosa vania, Raka, sokea ke kalea na vaukolu ni dete. Ma hei ke bosa, Metu, sokea ke kalea na lake ni gehena. 23 Na pukuna eni ge to ko lavia mai ta na bela ni sukagi nimua na hevei lee, mo to ganaolia ga to dikala tua na liona na hogomu ; 24 ko sania ga liligina na bela ni sukagi nimua na hevei lee, mo ko tona keha, ko diki sonikolu tana hogomu, vaho ge ko mai nia sukagi nimua na hevei lee. 25 Ko mina sonikolu ta gamua na kara, toro gahagau mua ta na halautu, ke bei hurugo vania na magutu na gamua na kana, ma na magutu ke lubatigo vania na gehegehe, ma kara piligo ta na vale pipiti. 26 Eutuni inau tu bosa vanigo, Ko mua tanomana rugu-horu mai ga polo ko nigi tutugu soko nimua na rono.

27 Igamu tau ronovia tua tara gagua idania, Kau bei tanodika : 28 minau tu bosa vanigau gatu, ahei te vaevanea na vaivive me ke nia garu, te tanodika tua ta na tobana. 29 Ge me ke kabalaginigo na mata madolomu ke, sipa horua, mo ko soni kehaa tamua, te uto vaa tamua ke durake siki baebasemu, ke bei tagaa ta na betidalo na hulimu udolu. 30 Ge me ke kabalaginigo na lima madolomu ke pusi kehaa, mo ko sonihorua tamua, ke uto vaa tamua

ke durake sakai na baebasemu, me ke mua tona ta na betitalo na hulimu udolu. 31 Tara gagua gua, Ahei ke tiva na tauna, ke hea na gegere ni tivaana; 32 minau tu bosa vanigamu, ahei ke tiva kehaa tauna te mua nelea, te nea ge ke tanodika; mahei ke tauna na vaivine te sania tua, te nea ge ke tanodika.

33 Migamu gua tau ronovia tara gagua idania, Kau bei papari kiko, kau kagei mugua vania Lord na nimiu na lei baubahu. 34 Minau tu bosa vanigau gatu, Kau bei nia papari na parako, na pukuna na malei kabuna God, 35 ma kau bei nia papari na pari, na pukuna na palapala ni tuana; kau bei nia Jeru-salema gua, na pukuna na komu ni vunagi sule, 36 ma kau bei nia papari na ulumiu, na pukuna kau mua tanomana na neana siki vuvulu ke pura pe ke bili. 37 Na nimiu na bosa ke Utuni: pe, ke Taho: ma na hava te laga vaa te tanohahi. 38 Igamu tau ronovia tara gagua, Na mata ke tugua na mata, ma na livo ke tugua na livo, 39 minau tu bosa vanigo gatu, Kau bei nia karasi na tobo dika; mahei ke tapoa na nora madolomu, ko liliua vania na levuna. 40 Ma hei ke haga laviheha tamua na pupulu lima, ko lubatia vania gua nimua na polopolo. 41 Mahei ke lavibuleamu ko udu kolu tatana sakai na bona, ko nia udu gua e rua na bona. 42 Ko tala vania agaia te nonia tamua, mo ko bei liliu keha tatana te liona gua.

43 Igamu tau ronovia tara gagua, Ko dolovia na gamua no komu kolu, mo ko nia sika na gamua na kana; 44 minau tu bosa vanigau gatu, Kau dolovira na gamiu na kana, mo ko kokoeliulivutira tara nigau sika; 45 ge ma kau rana dalei Tamamu te gaha i kokou, na pukuna te nea nina aho ke soga dato vuvunadira ra

na dika ina ra na uto, me te uhanira ra na utuni ma ra na kiko. 46 Ge kau dolovira tara dolovigo vamua ke, iveri ga na nimiu na taba? tara mua nea te vagaa ra na vahikolurono? 47 Ge ma kau batura ra na hogomiu ke, na hava gua tau nea? Agaira na voo tara nea te vagaa? 48 Kau uto lee vasoo te vaga na tamamiu i kokou te uto lee.

VI.

1 Kau lavia na lagamiu, ma kau bei tuvaligi na nimiu na hevei lee ta na matadira na lei tinoni, ge kara rigigau; kau mua lavia na tabamiu ta Tamamiu i kokou. 2 Kau bei lovua na tavuli ta na boni keru kau tutuva hevei lee, te vagara ra na kiko ta na lei vale sonikolu ma ta na lei halautu, na lei tinoni kara lada-vaginira ga. E utuni Inau tu bosa vanigau gatu tara lavira tua didira na taba. 3 Mo ko nigi tutuva hevei lee ke bei gilala na maulimu na tobo te kabaria na madolomu, 4 me ke polo nimua na hevei lee, ma na Tamamu te reirei polo ke tabago ga.

5 Migamu kau kokoeliulivuti ke kau bei te vagara ra na kiko: na pukuna tara liona na tuguru ta na lei hala bakesa ta na kokoeliulivuti, ge kara rigira na lei tinoni. E utuni Inau tu bosa vanigo gatu, tara lavia tua didira na taba. 6 Migoe to haga kokoeliulivuti ke, ko hage ga ta na vokimu, mo to vonotia tua na mataula, vaho ge ko kokoeliulivuti polo vania na Tamamu, ma na Tamamu te reirei polo ke tabago. 7 Ma kau kokoeliulivuti ke, kau bei kuruti taboa, to vagara na voo: na pukuna tara ganaganaa ke ronovira na pukuna tara magari. 8 Kau bei te vagara, na pukuna na Tamamiu i kokou te puku dilai na lei tobo tau liona.

9 Te vaga eni kau kokoeliulivuti. Mama i kokou, ke tabu na ahamu, 10 Ke tona mai nimua na kinakabu, Ke tanomana na liomu i pari te vaga i kokou. 11 He gami mai taeni na vana te manana taeni, 12 mo ko talukehai na palumami te vaga igami tai talukehai tua na paludira. 13 Mo ko bei lavi gami mai ta na tabotabo, mo ko vavolagami tatana agaia te dika. 14 Migamu kau talukehai tadirā na lei tinoni didira na tanohahi, na Tamamiu i kokou ke talukehai tamiu gua na nimiu na tanohahi. 15 Migamu kau mua talukehai tadirā na lei didira na tanohahi, na Tamamiu ke mua talukehai gua tamiu na nimiu na tanohahi.

16 Migamu kau maturu too, kau bei te vagara na kiko, tara reirei malili: tara dikalai na matadirā ge kara ganaganara na lei tinoni tara maturu too. E utuni Inau tu bosa vanigau gatu tara lavia didira na taba. 17 Migoe ko maturu too, poka na ulumu, mo ko dalovia na matamu, 18 ge kara mua ganaganago na lei tidoni to maturu too, na Tamamu te polo mugua, ma na Tamamu te reirei polo, ke tabago.

19 Ko bei hoganikolui na nilau ta na pari, na ulelebe ma na soa te dudurake ga, ma na lei tinoni gito tara diu vale mara gito; 20 kau hoganikolui na nilau i kokou vama, te mua dudurake ga na ulelebe ma na soa, ma ra na lei tinoni gito tara mua diu vale ma kara gito. 21 Nimua na nilau te gaha ga, te gahaa gua ga na tobamiu. 22 Na buluna na huli na mata: ke davora na matamu ke, te buluga na hulimu soko. 23 Ke dika na matamu ke, na hulimu soko ke vonugia na puni. Ge te ke puni ilokamu na marara ke, na puni te sule lee. 24 Ke mua tanomana lutu pape siki sakai vanira erua na magutu: ke dolovia sakai me ke nia

sika na ruana; pe ke kabu nasi ta sakai me ke nelea na ruana. Kau mua tanomana na lutu pape rovanira God ma Mamoni. 25 Na pukuna eni Inau tu bosa vanigau gatu, Kau bei ganaganai na volamiu, na hava kau gania, ma na hava kau inuvia; ma na hulimiu gua na hava kau nia pupulu. Te haba va tatana na vola na vana, ma na huli te haba va tatana na pupulu. 26 Kau rigigi na manū tana oka, tara mua vade mara mua vahikolu, mara mua baobaore gua: ma na Tamamiu i kokou te kutira. Migamu tau mua haba vulera? 27 Mahei tamiu ke savunzia nia na lologo lima na daro ni hulina na pukuna te ganaganaa? 28 Ma na pukuna na hava tau ganagana kasunia vaa na pupulu. Kau ganaganai na lei haga ni gai ta na talu, tara totolo soo, tara mua lutu, mara mua vauvau; 29 mīnau tu bosa vanigau gatu, Solomonī te mua nia pupulu ta na raranana te vaga sakai tadirā. 30 God ke pulua nia na buburu ta na talu te vaga eni ke, te gahaa taeni vama, mi ropogana kara sonia ta na umu, ke mua pulugamu nia va tadirā, gau rana talu uluni pile? 31 Kau bei ganagana kasunia vaho, kau gagua, Na hava kai gania? ma na hava kai inuvia? ma na hava kai nia pupulu? 32 Ra na voo tara nigi pipo na lei totobo ini; na pukuna na Tamamiu i kokou te gilagamū tau lionī na lei totobo ini. 33 Kau diki kenea na kinakabuna God ma na nina lio kikinima, ma kara savunzigi vanigamu na lei totobo ini. 34 Kau bei ganagana kasunia va i ropo, na ropogana ke ganagana hegena. Na boni te manana na dikana.

VII.

1 Kau bei dete, ge kara mua detegamu. 2 Te vaga tau detera kara detegamu, me te vaga tau kaekage vanira, kara kagea vanigamu. 3 Eguā ge o rigia vavua na vuvulogo ni gai ta na matana hogomu, mo mua pukua mua na bubulo ta na matamu igoe? 4 Mivei ko tano mana na bosa vaniana na hogomu, mo ko gagua, Hogogu, gatu mu ku sonikeha na vuvulogo ta na matamu, mo to mua rigia na bubulo ta na matamu igoe? 5 O kiko, ko diki sonikeha na bubulo ta na matamu igoe, vaho ko rigi pukua na soni kehaana na vuvulogo ta na matana hogomu.

6 Kau bei hera na lei kau na toতোbo te tabu, ma kau bei sonigi na lei tolu ni davi vanira na bolo, kara bei turigi nia na marevodira, ge kara liliu ma kara sugigamu.

7 Kukuruti, me ke talana vanigamu; kekene, ma kau topoa; kidikidi, ma kara hanavia vanigamu. 8 Ahei to kuruti ke lavia; mahei te kekene ke topoa: ma kara hanavia vania te kidikidi. 9 Ahei tamiu na dalena ke nonia na bread tatana, ke hea na vatu; 10 me ke nonia na iga tatana ke, ke hea na umata? 11 Migamu ra na dika tau gilala ne soni leani na lei sonihalavu te uto vanira na dalemui ke, na tamamui i kokou te gilala vaa na sonileani na lei toতোbo uto vanira tara nonia tatana? 12 Na lei toতোbo tau lioni kara nei vanigamu na lei tinoni, te vaga kiri kau nei vanira: na pukuna na rono-roño ni vetena mara na lei porovete te vaga eni.

13 Kau hage nimir ta na mataula ninine: na pukuna te volapa na mataula, ma te oha na halautu te uhlira ta na mate, ma gaira na subo tara hage mai ga. 14 Na pukuna

te ninine na mataula, ma na halautu te kapi te uhlira ta na vola, ma na balu vavua tara topoa.

15 Kau rigitaonigau ta na lei poroveto sorisori, kara mai rigigau tara kuvihira nia na guiguli ni *signi*, ma na lokadira te vaga na bolo gagala. 16 Kau pukura nia na vavandira. Na lei tinoni tara mua bilui na vavana ni vaini ta na karukaili, ma na rigi ta na gaulahiliva. 17 Te vaga eni na lei gai uto soko tara nia vavaga na vavana te uto, ma na gai dika gua te vavaga na vavana te dika. 18 Na gai uto ke mua nia tano mana na vavaga na vuavua te dika; ma na gai dika gua ke mua nia tano mana na vavaga na vuavua te uto. 19 Na lei gai soko tara mua vavaga tara tokai, ma ara sonigi ta na lake. 20 Na pukuna eni kau pukura nia na vuavudira. 21 Ahei ke holo tabou ke vaga eni, Lord, Lord, me ke mua hage ta nina kinakabu iko-kou; ma hei mugua ke saritaonigi na lei toতোbo te lioni Tamagu i kokou. 22 Ara subo kara gagua ta na boni keri, Lord, Lord, igami tai nia tutugu na Ahamu, ma nia na ahamu tai guruhorura na lei tidalogo gume, ma tai kabarigi nia na ahamu na gehegehe te sule? 23 Minau ku bosa vanira, Inau tu mua pukugamu, kau tona sanui igau tau gehetia na tanodika. 24 Ahei te rono vigi nigua na bosa ini, me te nei taonigi, kara vavagaha nia na tinoni te manaha, te kisu tua na valena ta na vatu; 25 me te horu na uha, me te mai na tave, ma na lei guri te guribia, me te labua na vale keri; me te mua tumu; na pukuna tara tuguruvaginia tua ta na vatu. 26 Mahei te rono vigi nigua ha bosa ini, me mua nei taonigi, ku vavagaha nia na tinoni te bule, te kisu na valena ta na sagalea: 27 ma na uha te horuvia, ma na lei tave te mai, ma na lei guri te tavuvu, me labua na vale keri;

me te kutu ; me sule tua na kutuana ga.

28 Ma Jesus te bosa sokoi na lei bosa ini, na vure subo tara nia hare ta na nina tutugu ni tarai : 29 na pukuna te taraira te vaga na tinoni tara manania, me te mua vagara na Tarai.

VIII.

1 Me te sugi horu mai ta na gotu na vure te subo tara tumuria. 2 Ma kau rigia, te mai tatana na tinoni te ila, me te tualagituturu vania, me gagua, Lord, to liomu ke, ko taxo-mana na vamarabuagu. 3 Ma gaia te haua na limana me te tabea me gagua, Eo ; ko marabu oli igoe. Me te sakeragi te vamarabua na ila tatana. 4 Ma Jesus te bosa vania, Ko hei tuguni tatea vania siki sakai ; mo ko tona mo ko tatea na hulimu vania na mane sukagi, mo ko sonia na vatei hevei lee a Moses te bosaa, na vatei talu vatoga vanira.

5 Me te va hage tua i Kapernaumu, te sara mai tatana na tinoni te rigitaonira na hanalatu, te kurutia, me gagua, 6 Lord nigua na tinoni te koli ga ta na vale, na vahagi tatata te toro nanataa. 7 Ma gaia te bosa vania, ku gatu nigua mu ku kisua. 8 Ma na tinoni te rigitaonira na hanalatu te bosa tugu vania, me gagua, Te mua ulagagu ko hage mai ta na vale-gu, mo ko bosa lea vasoo, me ke vola nigua na tinoni. 9 Inau na tinoni tu kubolu tadira na haba, ma ra na *soldier* gua tara kubolu tagua : minau tu bosa vania na tinoni eni, Tona, me tona ; me vania na balu gua, Mai, me te mai ; ma vania nigua na tinoni, Ko nea te vaga eni, me te nea. 10 Ma Jesus te rono-via te nia hare, me te bosa vanira tara tumuria, Eutuni Inau tu bosa vani-gamu gatu, Inau tu mua rigi topoa mua siki taluutuni sulo te vaga eni i

Israel. 11 Minau tu bosa vanigamu gatu, ra na subo kara butu mai i ulu mi boko, ma kara koli kolu tadira Abrahamia, ma Isaka, tolugaira Jakob, ta na kinakabu i kokou : 12 ma kara sonihorura na lei dale kinakabu i pari ta na pni, na tani ma na girigiri livo ga. 13 Ma Jesus te bosa vania na tinoni te rigitaonira na hanalatu, ko tona igoe ; te vaga to taluutuni, ke nea vanigo. Ma na tinoni te vola ta na bona ni bozi keri.

14 Me te hage ta na valena Peter, te rigia na vuzona te koli, na vahagi papara te sapania. 15 Ma gaia te tabea na limana ma na vahagi papara te tagaa itatana ; me te tuguru me ge-he gana vana. 16 Me nulavi tua, tara nira mai vania ra na subo na tidalo gume te gahai tadira ; me le gurno-rura nia na bosa na lei tidalo, me te kisu sokora tara vahagi : 17 ge ke kale na bosa Isaia na porovete te bosaa, te gagua, Agaia te lavigi na gamami na vahagi, me te holo ni nima-mi na vatei totoro. 18 Ma Jesus te rigira na lei vure subo tara koluvia, te vetenara ge kara tona keha i levu. 19 Me te mai na mane tarai me bosa vania, Magutu, Inau ku tumurigo gatu ko tona ivei. 20 Ma Jesus te bosa vania, Na lei *vokori* tara babaga, ma na lei manu tara nikuga, ma na dalei tinoni vamua te mua gahaa tatana na bona ke talua na uluna ga. 21 Sakai gua ga tadira na vaovarono te bosa vania me gagua, Lord ko diki talagu ku va tavugia na tamagu. 22 Me te bosa vania Jesus, Ko tumuriu ; ma ra na lei tinoni mate kara tavu-gira na lei tinoni mate.

23 Ma gaia te hagelia tua na tiola, ra na lei vaovarono tara saritaonia. 24 Mo ko rigia na maragata sule te sivuraga ta na horara, ma na tabi te sogahage ta na tiola : ma gaia te maturu. 25 Ma gaira tara mai tatana, mara rarehia, mara gagua, Lord ko

vovologita ; ta mate sugua. 26 Ma gaia te bosa vanira, Egua ge au matagn, gau ra na pile taluutuni. Ge tuguru gaia, me te pasaa na guri ma na horara ; me te sule na beata ga. 27 Ma rana lei tinoni tara nia hare, mara gagua, Ivei te vagaa na tinoni eni, na lei guri ma na horara gua te ronovia ?

28 Me te sara tua i levu ta na komudira na Gadara, toro va sodoa erua na tinoni na tidalo te gahai rotadira, toro ruguhoru mai ta na lei malei beku tinoni, toro matamata nanata, me te mua tanomana liu ga ta na bona keru siki sakai. 29 Mo ko rigia toro gaegahe, moro gagua, Na hava rotamami mi tamua, Dale God igoe ? To mai toro kasunigami sugua ? 30 Me te sagauvira na ovu sule ni bolo tara luhu ga. 31 Ma na lei tidalo tara kurutia, mara gagua, Ko guruhorugai ke, ko vetena kehagami va ta na ovu ni bolo. 32 Ma gaia te bosa vanira, Tona. Ma gaira tara rugu horu gatu, mara va hage ta na lei bolo : mo ko rigia, na ovu udolu te dororo horu ta na sosogola ta na horara, mara mate ta na tahi. 33 Ma gaira tara rigitaonira tara sama, mara tona keha ta na komu, mara tuguni tatea vanira ga na totobo te kalera rogaira na tidalo te gahai rotadira. 34 Mo ko rigia, na komu udolu tara ruguhoru mai mara topoa Jesus : mara rigia ke, ge ra kurutia na tona kehaana ta na lei tabuto ni komudira.

IX.

1 Ma gaia te hagelia na tiola, me te halavu, me sara na puku ni komuna. 2 Mo ko rigia, tara nia mai vania na tinoni na vahagi tatata te nea, me te koli ta na sape : me te rigia tua didira na taluutuni, Jesus te bosa vania te vahagi tatata, Dale, ko togotogo nimua : te talukehai tua na palumu. 3 Mo ko rigia, na balu tadira na Tarai

tara kokoe polo, mara gagua, Na tiuoni eni te bosa tabu. 4 Ma Jesus te pukui na ganaganaadira te gagua, Egua ge au ganagana dika ta na tobamui ? 5 Ivei te malumu ge ta ka bosa, Te talukehai tua na palumu, pa ka bosa, Tuguru, mo ko tona ? 6 Mi gau kau pukua taeni na Dale tinoni te mana na talukehaani na lei palu iani ta na maramana (vaho ge bosa vania na tinoni te tatata), me gagua, Ko tuguru mo ko holatia na sapemu, mo ko tona ta na valeinu. 7 Ma gaia te tuguru, me tona ta na valena. 8 Ma na vure subo tara rigia tara matagu, mara ladavaginia God, te mananira va na lei tinoni.

9 Ma Jesus te liu padi ga, te vaevanea na tinoni tara vatua nia Matthew, te sopou ta na malei sosoni rono vania na vunagi : me te bosa vania, Ko tumuriu. Ma gaia te tapa tuguru, me te saritaonia

10 Me te sakeragi, te sopou ni vana ta na vale, mo ko rigia, ra na vahikolurono, ma ra na tanotanodika tara subo, tara mai mara sopou kolu tadira Jesus ma ra na nina vaovarono. 11 Ma ra na Pharise tara vaevanea, ge ra gagua, Egua ge vana kolu na Magutumi tadira ra na vahikolu rono ma ra na tanotanodika ? 12 Ma gaia te ronovia tua, ge gagua, Gaira tara vola tara mua kenea na mane kisu, ra na vahagi vamua. 13 Kau tona nimiu, ma kau kenea na hava te gagua eni, Inau tu mua liona na sukagi, na dolo mugua. Inau tu mua mai na holoadira na maemane, ra na tanotanodika vamua.

14 Mara mai tatana ra na vaovarononina John, mara gagua, Egua ge ra talu kaura hegedira haia ra na Pharise, migami gua, mara mua talu kaura hegedira nimua na vaovarono ? 15 Me te bosa vanira Jesus, Kara mua tanomana tazi ra na kulana na tinoni te taulagi, te gaha so tadira na tinoni

te taulagi? me ke poso mai na lei bozi ma kara lavi keha tadira na tinoni te taulagi, vaho ge kara talukaura hegedira. 16 Na tinoni te mua sukia na marosi ni tivi tara mua tupia mua ta na tivi haulagi; na to-tobo ke ponoa ke velaa vamua, ma na tarosi te dika va taeni. 17 Ma na lei tinoni gua tara mua dodea na vaini vaolu ta na lei guiguli haulagi; ke bei bohahi na guiguli, ma na vaini ke hava koba, ma na lei guiguli ke dika gua; kara dodea mugua na vaini vaolu ta na lei guiguli tagiha, moko-tata vahale soko.

18 Ma gaia te bosa soo vanira na lei totobo ini, ko rigia, te mai pogo horu tatana siki vunagi, me gagua, Taeni te mate tua na dalegu, ko gatu igoe, mo ko tabea nia na linamu, me ke vola. 19 Ma Jesus te tuguru me saritaonia, ma gaira nina vaovarono tara udukolu tatana. 20 Ma na vaivine e hanavulu tua me sara erua na niulu na gabu te tave, te mai i murina me tabea na sosopuna na nina tivi: 21 na pukuna te ganagana vaovarono, Ku tabea nina pupulu ke, ku nia vola. 22 Ma Jesus te riri me te rigia ge gagua, Dale, ko togotogo nimua, nimua na taluutuni te vavolago. Ma na vaivine te vola ta na bona ni boni keri. 23 Ma Jesus te sara tua na valena na vunagi, me te rigira tara uvi galevu, ma ra na vure subo tara nanaraha, 24 te gagua, Tulili nimiu, na tahula te mua mate, te matura vamua. Ma gaira tara batobatoa. 25 Me guru horura na vure subo, ge hage gaia, me te tabea na limana: ma na tahula te tapa tuguru. 26 Ma na ladana te ronoraga ta na komu udolu.

27 Me te padi mai ga Jesus, erua na tinoni rorodo toro tumuria, moro gaegahe, moro gagua, Dalena David igoe, ko arovigai. 28 Me te hage tua ta na vale, ra na rorodo toro mai

tatana, ge bosa vanira Jesus, Toro ganagana pe taho Inau ku tanomana na kabariana na totobo eni? Toro bosa tugu vania, Eo, Lord. 29 Ge tabei na romatadira me gagua, Te vage toro taluutuni ke nea ro vanigau. Ma na romatadira te davora. 30 Me te kekeirira Jesus, me gagua, Koro lavia na rolagamiu ke bei pukua siki sakai. 31 Ma rogaira toro tona, moro ladavaginua na ladana ta na komu udolu keri.

32 Ma gaira tara rugu horu, ko rigia, tara nia mai vania na tinoni te todo, ma na tidalo te gahaa lokana. 33 Me te rugu horu tua na tidalo, te bosa tate na todo: mara nia hare na vure subo, mara gagua, tara mua rigia te vagaa i Israeli. 34 Ma ra na Pharise tara gagua, Gaia te guru horura na tidalo nia na vunagidira na lei tidalo.

35 Ma Jesus te tona kolili ta na lei komu, ma na lei tabuto ni komu soko, me te tarai ga ta didira na lei vale sonikolu, me te tuguni tatea na ronorono uto ni kinakabu, mete kisura na lei vahagi soko me va mavo sokora na lei ila. 36 Me te rigira tua na vure subo, te arovi nanatara, na pukuna tara kabu vatei aroviadira mara havukagi, te vagara na lei sipu te taho ga tadira siki sakai ke rigitaonira. 37 Ge bosa vanira nina vaovarono me te gagua, Na vana te hali ga sugua, ma ra na tinoni lutu na balu vamua. 38 Kau kokoeliu-livutia nimiu na vunagi ni baobaore ge ke vetenara mai ga na lei tinoni lutu ta nina baobaore.

X.

1 Ma gaia te holokolura mai tatana rana hanavulu me sara erua na vaovarono, me te talana vanira na mana kara nia mana punusira, ma kara guruhorura nia na lei tidalo gume,

ma kara kiswa na lei vata ni vahagi soko, ma na lei ila soko. 2 Ma ra na lei ahadira na mane vetena te vaga eni. Na diki Simon, tara holoa nia Peter, ma na tahina Aderu; James dalena Sebede, ma na tahina John, 3 Philip, maia Bartholomiu; Thomas, ma Matthew na vahikolu rono; James dalena Alveus, maia Thadeus; 4 Simon na Kanana, ma Judasi Iskariot, te peroa gua. 5 Agaira hanavulu me sara erua Jesus te vetenara gatu, me te kekoirira, te gagua.

6 Kau bei tona ta siki halautudira na Sinogo, ma kau bei liu ta siki komudira na Samaria: 7 kau tona vasoo ta na lei sipu asi ta na kemadira na Israel. Ma kau tona soo, kau tarai, tau gagua, Te dutu mai tua na kinakabuna God. 8 Kau kiswa ra na vahagi, tuguruvaginira na lei tinoni mate, va marabura ra na ila, guru horura na lei tidalo. Kau sosoni sule nimiu, na pukuna tau hohogo sule tua. 9 Kau bei hohogo nimiu na *gold*, ma na *silver*, ma na *burasi* ta na kabemin; 10 ke taho *ga* na kirisa ta na halautumin, ke bei ruaga na nimin na pupulu lima, ma na *shoe*, ma na todogona; te manana na vanana na tinoni ni lutu. 11 Ma kau hage ta siki komu pe na baebase ni komu, kau kenea *ga* na tinoni uto ma kau gahagamu *ga* tatana polo kau raguhoru gatu. 12 Ma kau hage ilokana na vale ke, kau bosa utoa, 13 *ge* ke uto na vale ke, ma na maboinu ke horuvia, me ke mua uto ke, na nimiu na mabo ke pulohi mai tamiu. 14 Ma hei ke mua lavipantigau ke, me ke mua ronovigi na bosamiu, kau raguhoru *ga* ta na vale keru, pe ta na komu keru, 15 kavulahai na pugu ni pari ta na marevomi. Eutuni inau tu bosa vanigau gatu, ta na boni ni dete kara dete malumua vaa i Sodoma ma Gomora ta na komu keru.

16 Kau rigia, Inau tu vetenagamu gatu te vagara na lei sipu tadira na lei kau asi: kau manalia nimiu te vagai na lei umata, ma kau dolo te vagai na lei bola. 17 Ma kau rigitaonigau na lei tinoni; na pukuna kara lubatigamu tadira na lei ovu ni dete, ma kara ramusigamu ta didira na lei vale ni sonikolu; 18 ma kara goragamu sugua ta na matadira na lei magutu ma na lei vunagi na pukuna inau; na vatei talu vatoga vanira, ma vanira ra na lei sinogo gua. 19 Ma kara lubati horugamu ke, kau bei ganagana kasunia na totoho ma na hava kau bosaa. 20 Igamu kau mua bosa hegemi, na nina taruna Tamamiu mugua ke bosa i lokamiu. 21 Na hogona ke lubati horua ta na mate na hogona, ma na tamana na dalena; ma na lei gari kara tuguru punusira na tamadira ma kara labu matera gua. 22 Ma na lei tinoni soko kara nigau sika na pukuna na ahagu: ma *gaia* te vadavilai ta na sosoko kara vavolaa. 23 Ma kara nigau gigitou ta na baebase ni komu eni ke, kau tona sania ta na komu keha. Eutuni inau tu bosa vanigau gatu, kau mua padai na lei komu ni Israel polo ke mai na dale tinoni.

24 Na vaovarono te mua haba vulea na tinoni te taraia, ma na seka na vunagina. 25 Te manana na vaovarono te vagaa na tinoni te taraia vanua, ma na seka na vunagina. Kara holoa Belesebulu na puku vale ke, kara holora va gaira tara gahara *ga*. Kau bei mataginira gua. 26 Taho siki totoho *ga* tara kuvilia kara mua rigia; me te polo ma kara mua pukua.

27 Na hava tu tugunia vanigamu ta na pui, kau bosa tate ta na marara; ma na hava tara nia vaevare tamiu, kau tuguni tatea ta na vovotu ni vale. 28 Ma kau bei mata-

gunira tara matea na huli, ma kara mua tanomana na mateana na taruna. Kau matagunia vamuua agai ke tanomana na mateana na huli ma na taruna ta na betidalo.

29 Tara mua sabirigi nia erua na pia ta siki pile rozo, me ke mua tumu sakai ta na pari ke mua pukua Tamamiu. 30 Te idumigi sokoi na lei vuvulu ni ulumiu. 31 Kau bei matagu gua; Igamu tau haba vulei na lei pia subo. 32 Ahei te bosa tateu ta na matadira na lei tinoni, Inau ku bosa tatea gua ta na matana Tamagu i kokou. 33 Ma hei ke huguu ta na matadira na lei tinoni, Inau ku hugua gua ta na matana Tamagu i kokou.

34 Kau bei ganaganau tu mai sonia na tove ta na maramana: Inau tu mua mai sonia na tove, na ivi mugua. 35 Inau tu mai vokaa na tinoni ma na tamana, ma na dale ta na tinana, ma na vuno ta na vunona. 36 Ma ra na gana kana na tinoni tadira ta na valena. 37 Ahei te dolovira va tagua na tamana ma na tinana te mua ulagagu; ma hei te dolovira va tagua dalena, na mane pe na vaivine, te mua ulagagu. 38 Ma hei te mua lavigalagaa na gaivavalana me ke tumuriu, te mua ulagagu. 39 Ahei ke va sodoa na volana, ke tagaa itatana; mahi ke durakea na volana na pukuna inau ke va sodoa.

40 Ahei ke lavipanotigau, ke lavipanotiu gua, ma hei ke lavipanotiu, ke lavipanotia gua te vetenau mai. 41 Ahei ke lavipanotia na porovete ta na ahana na porovete ke holatia na tabana na porovete; ma hei te lavipanotia na tinoni mabo ta na ahana na tinoni mabo ke holatia na tabana na tinoni mabo. 42 Ma hei ke hea vania siki sakai tadira na pile ini na gana beti behi vamuua ta na ahana na vaovarono,

eutuni inau tu bosa vanigau gatu, ke mua liu padia na tabana.

XI.

1 Me te sakeragi, Jesus te vetena sokora e hanavuhu me sara erua na nina vaovarono, te tona keha ga, ge ke tarai me ke tutugu ta na lei bae-base ni komudira.

2 Me te gaha ta na vale pipiti a John te ronovigi ga na lei gehegehena Christ, te vetenara gatu nina vaovarono mara bosa vania, 3 Agaia ke mai igoe, pe kai pitua na keha? 4 Me te bosa tugu vanira Jesus, me gagua, Kau tona niumi ma kan tutugui vania John na lei toতোবো tau ronovigi ma tau rigigi; 5 ra na rorodo tara reirei oli, ma ra na labe tara sakusaku tua, ra na ila tara inarabu oli, mara na pui tara rono, ma ra na lei tinoni mate tara tapa tuguru, mara taraira nia na ronorono uto na lei tinoni bona. 6 Ma kara holontoa gaia ke mua tanomana kabulagi na pukuna inau. 7 Ma gaira tara tona sanira tua, ge vuivuni na bosa Jesus vanira na vure subo ta na John, Na ha tau haga rigia niumi, tau ruguhoru gatu ta na bona aroha? na guri te adidolaa na ade? 8 Ma na ha tau haga rigia niumi tau ruguhoru gatu? Na tinoni te nia pupulu na tivi malebo? Kau rigia gaira tara nia pupulu na tivi to malebo tara gahara ta na valedira na vunagi. 9 Ma na pukuna tau ruguhoru gatu? Kau rigia na porovete? E utumiu, inau tu bosa vanigau gatu te haba va na porovete itamui. 10 Agaia eni, tara ge-rea tatana,

Kau rigia, Inau tu vetena gatu tana nagomu nigua na mane vetena,

Ke manati dilas na halautumu i nagomu.

11 E utuni inau tu bosa vanigau gatu; te mua sivuraga mai mua siki sakai tadirā tara valura lei vinekama te haba va ta John Vulitabu: te pile mugua ta na kinakabu i kokou te haba va tatana gua. 12 Mi ta na lei bonina John Vulitabu te ritini mai, tara sogā savua na kinakabuna God. Ma ra na malagae vamua tara boiboli ga. 13 Na pukuna ra na lei porovete ma na bosa ni vetena tara tutugu dilaa te riti mai John. 14 Ma kau tanomana na lavipanzotiana ke, a eni Elia ke mai. 15 Ahei te kuliga ke varonohia ke, ke romovia. 16 Ma na hava ku vavagaha nia na vata eni? Te vagara na lei gari tara sopou ta na lei malei sabiri, tara bosa vanira na doladira, mara gagua, 17 Migami tai galevu vanigau, migamu tau mua gavae: tai tani, ma tau mua nia dika lio. 18 A John te mai te mua vaza me mua inu sule, mara gagua te logoa na tidalo gaia, 19 Na dale tinoni te mai te vana me te inu, mara gagua, Kau rigia, na tinoni laolamo, ma na tinoni inu beti bule, na kuladira na vahikolu rono ma ra na tanotanodika. Ma gaira kara dete maemanea na manaha na gehegehe. 20 Ma gaia te vuivuni na pasaadira na lei komu te kabarigi ga na lei nina gehegehe vule, na pukuna tara mua tugu lio. 21 Arovigo Koraisini, Arovigo Bethsaida, tara nei na lei gehegehe te sule ta Turu mi Sidoni ke, te vagai tara nei tua tamiu, e hau tua tara tugu lio gaira, mara nia pupulu na tivi kakae, mara nia poke na ravu. 22 Na pukuna eni inau tu bosa vanigau gatu, tana boni ni dete kara dete malumura va tamiu na Turu mana Sidoni. 23 Migoe Kapernaumu kara ladavaginigo ta na parako ke? Kara talu horugo mugua ta na lei betidalo, Na pukuna tara nei na lei gehegehe te sule ta Sodoma, te

vagai tara nei tua tamua, te gahaa so taeni. 24 Na pukuna eni Inau tu bosa vanigau gatu, ta na boni ni dete, kara dete malumua va tamua na komu ni Sodoma.

25 Ta na bona keri Jesus te bosa tugu me gagua, inau tu holoutogo, mama, to vunagi ikokou mi pari, na pukuna to poloi na lei totobo ini tadirā na manaha ma ra na pukuga, mo to tuguni tatei vanira na pile: 26 e utumu, Mama, to ganaganaa te uto va tamua te vagaa. 27 Tamagu te lubatigi vaniu mai na lei totobo soko: me taho siki sakai te pukua na Dale, na Mama vamua, me taho siki sakai gua te pukua na Mama, na Dale vamua, ma gaia gua na Dale ke tala na tuguni tateana vania. 28 Kau mai tagua, igau soko rana lugu, mara na noroti, minau ku va betogamu. 29 Kau lavia nimiu nigua na vatei kodo, ma kau tunuriu: Inau tu dolo, mu tu lio talumuri ta na tobagu, migamu kau va topoa ga na beto ta na tarunamui. 30 Na pukuna te malumu tagua na vatei hola, ma na holagu te mamala.

XII.

1 Mi ta na bona keri Jesus te liu i gobuna ni legai ni *korn* ta na boni ni aheahe; ma gaira ra nina na vaovarono tara vitolo, mara vuivuni na hagogitani na vavana ni *korn* na ganiani. 2 Ma ra na Pharise tara rigira, mara gagua, Ko rigia, gaira ra nimua na vaovarono tara kalitia na totobo te mua manana na boni ni aheahe. 3 Ma gaia te bosa vanira me gagua, Igamu tau mua romovia na totobo te kabaria a David te vitolo nina, ma gaira tara udu kolu tatana; 4 agaia te hage ta na valena God, me te gania na bread vaugilala, mara na gana udu gua, te mua ulagana na ganiana, gadira na gehegehe vamua? 5 Mi-

gamu gua tau mua ronovia ta na bosa ni vetena, ra na gehegehe tara nia parilee va vale tabu ta na boni ni aheahe mara mua detera. 6 Minau tu bosa vanigau gatu te gaha mai siki sakai te haba vulea na vale Tabu, 7 Igamu tau ronovi vakodoa ke na totoho te gagua, Inau tu mua liona na sukagi, na dolo vamua, tau mua detera ra na lio kikinima. 8 Na pukuna na Dale tinoni te vunagi puzusia na boni ni aheahe.

9 Ma gaia te tona keha ga me te va hage ta didira na vale ni sonikolu : ma kau rigia, na tinoni ga te rapobete na limana. 10 Ma gaira tara huatia, mara gagua, te manana pe taho na kisuana na tinoni ta na boni ni aheahe ? ge kara hurua nia. 11 Ma gaia te bosa vanira, me gagua, Ahei na tinoni tamiu te logoa sakai na *sipu*, me ke kutu ta na gilua ta na boni ni aheahe, ke mua tabea, me ke gora datao ? 12 Evei te haba vulea na tinoni na *sipu*. Na pukuna eni te ulagana na boni ni aheahe na gehegehe uto. 13 Ge bosa vania na tinoni, Ko haua mai na limamu. Ma gaia te haua ; me te vola oli te vaga na dolana. 14 Ma ra na Pharise tara ruguhoru, mara bosa kolu hegedira, evei kara tanomana na durakeana. 15 Ma Jesus te pukua ge tona keha ga : ma gaira tara subo tara saritaonia ; ma gaia te kisura soko. 16 Me te hovera kara bei tuguni tatea :

17 Ge kale na bosana Isaia na porovete, te gagua,

18 Ko rigia, nigua na tinoni tu vilia ; na tinoni tu pabea na na turugagu te nia togo-togo :

Inau ku talua i vuvunana nigua na Taruna,

Ma gaia ke tuguni tatea vanira na Sinogo na dete.

19 Agaia ke mua huguhugu, me ke mua manaraha ;

FLO.

Taho sakai ke ronovia na manana tana lei halautu.

20 Ke mua gotia na ade te paruruha, me ke mua matea na buburu te vuvuroro polo ge ke vetena horua na dete ta na laga.

21 Ma ra na Sinogo kara varava tana ahana.

22 Soko ge ra lavia mai tatana siki sakai te rorodo me te todo, na tidalo te gahaa itatana : ma gaia te kisua, ge bosabosa, me te reirei na todo. 23 Ma na lei vure subo tara nia hare, mara gagua, Na mua dalena David eni ? 24 Ma ra na lei Pharise tara ronovia ge ra gagua, te mua guru horura na lei tidalo na tinoni eni, nia Belesebulu vamua na vunagidira na lei tidalo. 25 Ma gaia te pukui na lei ganaganaadira te gagua vanira, Na kinakabu te tuvavoka i levu mi levu kara durakea ; me ke mua tanomana kabu nasi na komu pe na vale tara tuva vokara na tinonina. 26 A Satana ke guruhorua Satana ke, te tuvavoka hegena, mi-vei ke tanomana nasi na kinakabuna ? 27 Minau ku guruhorura nia Belesebulu na lei tidalo ke, na lei dalemui tara guruhorura nia na hava ? Na pukuna eni gaira sugua kara dete gamu. 28 Ge minau ku guruhorura na lei tidalo nia na tarunana God, vaho ge mai vuvanamui na kinakabuna God. 29 Mivei ke tanomana na hage siki sakai ta na valena na malagae, me ke dikatai na hegohegona, ke diki tomoa mugua na malagae, vaho ge ke bolikehai na hegohegona. 30 Ahei te mua niu udu, te kanahaginiu ; mahei te mua vahikolu tagua, te tiba keha. 31 Na pukuna eni inau tu bosa vanigau gatu, Kara talukeha sokoi tadira na lei tinoni na lei paludira ma didira na lei bosa tabo ; kara mua tanomana na talukehaana na paluna ahei

B

vatu, te mua subo na pari ga, me te sakeragi te mina totolo, na pukuna te mua paku na pari ga: 6 Me te dato na aho te melu, ma na pukuna te taho na lalana ge sasaga. 7 Ma na balu gua te kutu igobu ni karukaili, ma na lei karukaili te totolo me te poko kuvia. 8 Ma na balu te kutu ta na pari te uto, me te vuvunuga, na balu na hanalatu, ma na balu e ono hanavulu, ma na balu e tolu hanavulu. 9 Ahei te kuliga ge ke nia rono ke, ke ronovia.

10 Ma ra na lei vaovarono tara mai vania mara gagua, Egua ge o bosa vanira nia ta na lei bosa vavagaha? 11 Ma gaia te bosa tugu vanira me gagua, tara talana vanigamu mai ge kau pukui na lei totobo te vagiliu ta na kinakabu ikokou, mara mua talana vanira. 12 Na pukuna kara savunia vania ahei te lologo, me ke logo aui gaia: ma kara laviheha tatana te mua lologo, na totobo vamua tara ganaganaa te lologo. 13 Na pukuna eni inau tu bosa vanira ta na lei bosa vavagaha; na pukuna tara reirei vamua mara mua reirei vakodoa, mara rono gaira tara rono lea vamua, mara mua ronovi vakalea. 14 Me te kale tadira na bosana Isaia te gagua,

Igamu kau rono, ma kau rono vamua, kau mua rono vakalea.

Ma kau reirei nimiu, kau reirei vamua, ma kau mua reirei vakodoa;

15 Na pukuna te nasi tua na toba dira na vure eni,

Ma na kulidira te pono,

Mara kuvigi na matadira:

Kara bei nia reirei vakodo na matadira,

Ma kara bei nia rono vakale na kulidira,

Ma kara bei lavipanotigi nia gea na tobadira,

Ma kara liliu didira gua,

Mi nau ku vavolara.

16 Te uto vaa na matamiu, na pukuna igamu tau nigi reirei; ma na kulimiu, na pukuna tau nigi rono. 17 E utuni inau tu bosa vanigau gatu; ra na lei porovete, mara na lei tinoni mabo tara subo tara liona nanata na rigiani na lei totobo tau rigigi, mara mua rigigi; ma na ronoviani na lei totobo tau ronovigi, mara mua ronovigi. 18 Kau ronovia nimiu gua na bosa vavagaha na tinoni te havukagi. 19 Ke ronovia siki sakai na bosa ni kinakabu, me te mua ronovi vakalea mua, ge mai agaia te dika, me te sagua tatana na totobo te suba ta na tobana. Agaia eni tara havukaginia liligina na halautu. 20 Ma gaia tara havukaginia ta na saesape ni vatu, agaia keri te ronovia na bosa, me te sakeragi te panoti togotogoa: 21 ma gaia te mua lalaga hegana, ge kabu nasi na bona vamua, me te sivuraga mai ga na pukuna na bosa, na vatei totoro ma na vatei nia gigirou, vaho ge nia kabalagi. 22 Ma gaia gua tara havukaginia iloka na karukaili, agaia eni te ronovia na bosa; ma na lei vatei kaukauri ni maramana, ma na pegopegona na rono, te mai beaa na bosa, me te rusu gaia. 23 Ma gaia tara havukaginia ta na pari te uto, agaia keri te ronovia na bosa, me te ronovi vakalea gua; e utuni agaia te vanaga sugua, me te vuvunuga, na balu na hanalatu, ma na balu e ono hanavulu, ma na balu e tolu hanavulu.

24 Sakai gua ga na bosa vavagaha te tatea vanira, te gagua, Na kinakabu i kokou te vaga na tinoni te havukaginia na vuavua uto ta nina kausa. 25 Mara maturu soo na lei tinoni, ge mai na gana kana me te havukaginigi na sisania i gobu ni korn, me te tona keha gaia. 26 Me

te bosa taboa na Taruna. 32 Mahei ke bosa dika ta na Dale tinoni, ke talukeha na paluna; mahei gua ke bosa dika ta na Taruna, ke mua tazomana na talukehaana na paluna ta na maramana eni mi ta na maramana ga. 33 Ka talugonia na gai ke, me ke uto na vazana: pa ka dikalaa na gai, me ke dika na vazana; tara pukua nia na vazana na gai. 34 Gau ra na dalei poli, evei kau tano-mana na bosaani na lei totoho uto, gau ra na dika? Na pukuna na mana te bosa tatea na totoho te gahaa ta na toba. 35 Na tinoni uto te lavihorui na lei totoho uto ta nina puku ni totoho: ma na tinoni dika te lavi horui na lei totoho dika ta na hegohegona te dika. 36 Minau tu bosa vanigau gatu, ta na bozi ni dete kara sopa detera na lei tinoni taonigi didira na lei bosa tabo. 37 Na pukuna eni kara detego tatavahale taonia na bosamu, pa kara dete kalego taaonia na bosamu.

38 Ma na balu tadira na Tarai ma ra na Pharise tara bosa tugu vania mara gagua, Magutu, igami tai haga rigia na vaugilala tamua. 39 Ma gaia te bosa tugu vanira me gagua, na vata tatanodika eni te kenea na vaugilala, ma kara mua tanomana na tateana vania siki vaugilala, na vaugilalana Jona, na porovete, vama: 40 te vaga Jona te gaha ta na kutuna na puhu etolu na boni ma na dani; te vaga eni gua na Dale tinoni ke gaha ta na kutuna na pari etolu na boni ma na dani. 41 Agaira na Ninive kara tuguru ta na boni ni dete ma kara dete kalea na vata eni; na pukuna Jona te taraira ma gaira tara tugu liodira ga; ma kau rigia te haba vulea Jona tamiu. 42 Na vavine vunagi ni lau ke tuguru ta na boni ni dete me ke dete kalea na vata eni: na pukuna te mai ronovia na-manahana Solomon ta na sosoko

ni maramana: ma kau rigia te haba vulea Solomon tamiu. 43 Na tidalo gume, te ruguhoru tua ta na tinoni, te liu ta na lei komu sereose, te kenea ga na beto, me mua topoa. 44 Ge gagua gaia, ku pulohi nigua ta na valegu tu ruguhoru mai ga; Me te sara ga, ge topoa te uri, mara hala dila, mara vaguvagua. 45 Ge tona me te lavira mai tatana evitu gua na tidalo, tara dika vaa tatana, mara hagevia mara kabu kasila ga: ma na sosokona na tinoni keri te dika vaa ta na valuni mai. Te vaga eni gua ke kalea na vata dika eni.

46 Ma gaia te bosabosa so vanira na vure, ko rigia, na tinana ma ra na tahina tara tuguru ipari, mara kenea ge kara bosà vania. 47 Me te bosa vania siki sakai, Ko rigia, a tinamu mara na tahimu tara tuguru ipari, tara haga bosa vanigo. 48 Ma gaia te bosa tugu vania te tatea vania, me gagua; Tinagu ahei, ma ra na tahigu arahei? 49 Ma gaia te haua na limana vanira nina vaovarono me te gagua, Kau rigira, na tinagu ma ra na tahigu! 50 Mahei te kalitia na liona tamagu ikokou, agaia na tahigu, ma na vavinegu, ma tinagu.

XIII.

1 Mi ta na boni keri Jesus te ruguhoru ta na vale, me te sopou saravahale. 2 Mara vaukolu mai tatana na vure subo, ge hagelia na tiola me te sopou ga: ma na vure soko tara tuguru saravahale. 3 Me te bosai vanira e subo na lei totoho nia na lei bosa vavagaha, te gagua, Kau ronovia, na tinoni te havukagi te ruguhoru ge ke havukaginigi. 4 Me havukaginigi, na balu vuavua te kutu liligina na halautu, ma na lei manu tara mai mara gani sokoi. 5 Ma na balu te kutu ta na saesape ni

vatu, te mua subo na pari ga, me te sakeragi te mina totolo, na pukuna te mua paku na pari ga: 6 Me te dato na aho te melu, ma na pukuna te taho na lalana ge sasaga. 7 Ma na balu gua te kutu igobu ni karukaili, ma na lei karukaili te totolo me te poko kuvia. 8 Ma na balu te kutu ta na pari te uto, me te vuvunuga, na balu na hanalatu, ma na balu e ono hanavulu, ma na balu e tolu hanavulu. 9 Ahei te kuliga ge ke nia rono ke, ke ronovia.

10 Ma ra na lei vaovaronono tara mai vania mara gagua, Egua ge o bosa vanira nia ta na lei bosa vavagaha? 11 Ma gaia te bosa tugu vanira me gagua, tara talana vanigamu mai ge kau pukui na lei totobo te vagiliu ta na kinakabu ikokou, mara mua talana vanira. 12 Na pukuna kara savunia vania ahei te lologo, me ke logo aui gaia: ma kara laviheha tatana te mua lologo, na totobo vamua tara ganaganaa te lologo. 13 Na pukuna eni inau tu bosa vanira ta na lei bosa vavagaha; na pukuna tara reirei vamua mara mua reirei vakodoo, mara rono gaira tara rono lea vamua, mara mua ronovi vakalea. 14 Me te kale tadira na bosana Isaia te gagua,

Igamu kau rono, ma kau rono vamua, kau mua rono vakalea.

Ma kau reirei nimiu, kau reirei vamua, ma kau mua reirei vakodoo;

15 Na pukuna te nasi tua na toba dira na vure eni,

Ma na kulidira te pono,

Mara kuvigi na matadira:

Kara bei nia reirei vakodo na matadira,

Ma kara bei nia rono vakale na kulidira,

Ma kara bei lavipanotigi nia gea na tobadira,

Ma kara liliu didira gua,

Mi nau ku vavolara.

16 Te uto vaa na matamiu, na pukuna igamu tau nigi reirei; ma na kulimiu, na pukuna tau nigi rono. 17 E utuni inau tu bosa vanigau gatu; ra na lei porovete, mara na lei tinoni mabo tara subo tara liona nanata na rigiani na lei totobo tau rigigi, mara mua rigigi; ma na ronoviani na lei totobo tau ronovigi, mara mua ronovigi. 18 Kau ronovia nimiu gua na bosa vavagaha na tinoni te havukagi. 19 Ke ronovia siki sakai na bosa ni kinakabu, me te mua ronovi vakalea mua, ge mai agaia te dika, me te sagua tatana na totobo te suba ta na tobana. Agaia eni tara havukaginia liligina na halautu. 20 Ma gaia tara havukaginia ta na saesape ni vatu, agaia keri te ronovia na bosa, me te sakeragi te panoti togotogoo: 21 ma gaia te mua lalaga hegona, ge kabu nasi na bosa vamua, me te si vuraga mai ga na pukuna na bosa, na vatei totoro ma na vatei nia gigitou, vaho ge nia kabalagi. 22 Ma gaia gua tara havukaginia iloka na karukaili, agaia eni te ronovia na bosa; ma na lei vatei kaukauri ni maramana, ma na pegopegona na rono, te mai beaa na bosa, me te rusu gaia. 23 Ma gaia tara havukaginia ta na pari te uto, agaia keri te ronovia na bosa, me te ronovi vakalea gua; e utuni agaia te vanaga sugua, me te vuvunuga, na balu na hanalatu, ma na balu e ono hanavulu, ma na balu e tolu hanavulu.

24 Sakai gua ga na bosa vavagaha te tatea vanira, te gagua, Na kinakabu i kokou te vaga na tinoni te havukaginia na vuavua uto ta nina kausa. 25 Mara matura soo na lei tinoni, ge mai na gana kana me te havukaginigi na sisania i gobu ni korn, me te tona keha gaia. 26 Me

suaka na *korn* me vuvunuga, ge tate na sisania gua. 27 Ma ra na lei nina tinoni na puku vale tara mai bosa vania, Magutu, to mua havukaginia na vuavua uto ta nimua na kausa? mivei te totolo mai ga na sisania? 28 Ma gaia te bosa tugu vanira me gagua, Na levunimate te nea. Ma ra na lei tinoni tara bosa vania, To liomu igoe kai va tona ga ma kai avuavui? Ma gaia te gagua, sania, 29 kau avuavui na sisania ke, ma kau bei avukolui na *korn*. 30 Ke totolo kolu ritini na baobaore: mi ta na bozi ni baobaore inau ku bosa vanira na tinoni vetena, Kau diki vahikolui na sisania, ma kau virivirigi ma kau kerei: ma kau hogoni kolui na *korn* ta nigua na vale baore.

31 Sakai gua ga na bosa vavagaha te talu horua tadira, te gagua, Na kinakabu i kokou te vaga na vuavua ni *mustard*, te lavia na tinoni me te suba ta nina hohogo; 32 agaia sugua te pile kikia tadira na lei vuavua ni gai soko; me te totolo tua, te sule punusigi na lei tautalu soko, me te vuhaa na gai, ma na lei manu ta na oka tara mai tega ta na otona ga.

33 Sakai gua ga na bosa vavagaha te bosa vanira; Na kinakabu i kokou te vaga na *leven*, te tatu poloa na vinekama ta tolu na popo ni pulaoa, polo te hunua soko.

34 Jesus te bosai vanira na vure nia na lei bosa vavagaha na lei totobo soko ini; me te mua bosa vanira siki totobo te taho na bosa vavagaha: 35 ge ke kale na bosana na porovete, te gagua,

Inau ku vukesia na managu ta na lei bosa vavagaha;

Mi nau ku tatei na lei totobo te polo ta na vuivuniua na maramana mai.

36 Ma gaia te tona sanira na vure subo, me va lage iloka ni vale: ma ra na nina vaovaromo tara mai vania,

ma ra gagua, Ko tuguni tatea vanigami mai na bosa vavagaha ni sisania ta na legai. 37 Ma gaia te bosa tugu me gagua, Agaia na Dale tinoni keri te havukaginia na vuavua ni gai uto: 38 na maramana te gagua na legai, na vuavua uto ke, agaira keri na lei dalei kinakabu; ma na lei sisania na lei dalena agaia te dika. 39 Na levunimate te subai, a Satana: na baobaore na sosokona na maramana; ra na lei tinoni vetena ra na Angel sugua. 40 Te vaga tara vahikolui na sisania mara kerei nia na lake; te vaga eni ta na sosokona na maramana. 41 Na Dale tinoni ke vetenara gatu nina Angel, me ke tiva kehahi ta na kinakabuna na lei vatei kabalagi soko ma gaira tara gehe dika, 42 me ke pilira ta na lake: na tani ga ma na girigiri livo. 43 Vaho ge ke hina te vaga na aho didira na marara na lei tinoni mabo ta na kinakabuna Tamadira. Ahei te kuliga ge ke nia rono ke, ke rozoivia.

44 Na kinakabu i kokou te vaga na puku ni totobo tara poloa ta na legai: me rigi topoa siki sakai ge poloa nina gua: me va hunulu togotogoi na hegohegona soko, ge pelua na legai keri.

45 Maia gua, na kinakabu ikokou te vaga na mane sabiri te kenei vila uto; 46 me te va topoa sakai te sule na matena, te va hunulu sokoi na totobo te logoi, ge pelua nia. 47 Maia gua, na kinakabu i kokou te vaga na vugo, tara sonihorua ta na tahi, me te vahikolui na lei vata ni iga soko: 48 mara haupokoa na iga mara gora lona; ge ra sopou horu ga mara vahikolui na uto ta na pera, mara sonigi na dika. 49 Te vaga eni ta na sosokona na maramana: ra na Angel kara ruguhoru, ma kara tuva vokara na dika tadira na mabo, 50 ma kara soni horura ta na lake: na tani ga ma na girigiri livo.

51 Tau lavipanotigi sugua na lei tofotofo ini pe taho? Tara bosa tugu vania, Eo. 52 Magaia te bosa vanira me gagua, na pukuna eni, na tarai tara vaovaronoa ta na kinakabuna i kokou te vaga na tinoni te puku vale, me te lavihorui mai ta na hegohegona na tofotofo te tagiha me te haulagi.

53 Me te sakeragi Jesus te padigi na lei bosa vavagaha ini, ge tona keha. 54 Me te va sara na puku ni komuna te taraira ga ta didira na vale ni sonikolu, mara nia hare, mara gagua, Mivei te va lavia mai ga na manaha eni agaia keri, na na lei gehegehe ini te mana. 55 Na mua na dalena *Karpenter* tamiu? Ara mua vatua tinana Mary? Mara na hogona, James ma Joseph ma Simon ma Juda? 56 Ma ra na vavinena, tara mua gahara tatada? mivei te lavigi mai ga na lei tofotofo ini agaia keri? 57 Ma gaira tara nia kabalagi. Ma Jesus te bosa vanira me gagua, Tara mua ladavaginia na porovete, ta na puku ni komuna vamua, mi ta na valena. 58 Ma gaia te mua kabarigi ga e subo na lei gehegehe te lada, na pukuna didira na taluutuni te taho.

XIV.

1 Mi ta na lei bozi kiri Herod na vunagi te ronovia na ladana Jesus, me te bosa vanira nina tinoni, 2 Agaia keri a John vulitabu; te tapa tuguru tadira na tinoni mate; na na pukuna eni te gahai tatana na lei gehegehe sule ini. 3 A Herod te sigovia John, me te tonoa, me te pilia ta na vale pipiti na pukuna Herodiasia, tauna hogona Philip. 4 Maia John te bosa vania, Te tabu na laviana tamua. 5 Me te haga labu matea ke, te matagunira na vure, na pukuna tara ganaganaa na porovete. 6 Me te poso mai na bonina Herod tara vahua mai

ga, na dalena Herodiasia te gavae i gobudira, me te va togotogoa na liona Herod. 7 Na pukuna eni te bauhahu vania nia na papari ke hea na tofotofo ke nonia itatana. 8 Ma na tinana te taraira, ge bosa, Ko vaheu mai ga na uluna John Vulitabu ta na pera. 9 Me te dika lio na vunagi; ma na pukuna te nia papari, me te nira maa gua tadira tara sopou kolu tatana, te vetenaa kara hea; 10 me te bosa gaia mara va vuria John ta na vale pipiti. 11 Mara nia mai na uluna ta na pera, mara hea na tahula; ma gaia te vahea tinana. 12 Ma ra na nina vaovarono tara mai lavia na tonono, mara tavugia; mara va tona mara tuguni tatea vania Jesus.

13 Ma Jesus te ronovia ge tona keha ta na tiola, ta na bona aroha te sagauvira: ma na vure subo tara ronovia, tara saritaonia, mara liu pari mai ta na lei baebase ni komu. 14 Ma gaia te ruguhoru mai me te rigira na vure subo, me te arovira, me te kisura tara vahagi tadira. 15 Me nu'avi tua, ge ra mai tatana ra na vaovarono, mara gagua, Na bona te aroha, ma na dani te soko; ko vetena kehara na vure, ge kara va liu ta na baebase ni komu, ma kara sabiri ga gadira na vana. 16 Me te bosa vania Jesus, Kau bei vetena kehara; kau hera nimiu gadira na vana. 17 Ma gaira tara bosa vania, e lima na bread me rua na iga vamua tamami. 18 Ma gaia te bosa, Kau nigi mai vaniu. 19 Ma gaia te vetenara na vure kara sopou horu ga ta na buburu; me te tabei e lima na bread, me rua na iga, me te rei tada, me bosa utoi, me mitigi ge vahera na vaovarono, ma ra na vaovarono vanira na vure. 20 Ma gaira soko tara vana, mara nigi mahu. Ma gaira tara vahikolui na lei pile pile vana, e hanavulu me sara erua na kei te nigi vonu. 21 Ma gaira

tara vana elima na toga na mane, ma ra na vaivine ma ra na lei gari gua ga.

22 Me te sakeragi te vetenara na lei vaovarono ge kara hagelia na tiola, ma kara ide halavu i levu, polo ke vetena kehara na vure. 23 Me te vetena kehara na vure, ge sei dato ta na gotu, ge ke kokoeliulivuti; me te nulavi ge udu hegena ga. 24 Ma na tiola igobu na kema tua, mara totobi ga; na pukuna te dika na guri. 25 Mi ta na vatini na tuguru ni dalana na vaka, agaia te mai tadirā te sakusakutua ta na tahi. 26 Ma ra matagunia, mara gagua, na tidalo tua; mara gaegahe nia na matagu. 27 Me te sakeragi te bosa vanira Jesus, me gagua, Kau togotogo nimiu; Inau sugua, kau bei matagu. 28 Me te bosa tugu vania a Peter, me gagua, Lord, igoe ke, ko holou mai mi nau ku gatu tamua ta na beti. 29 Ma gaia te bosa, Mai. Ma gaia Peter te sogahoru ta na tiola, me te saku-akutua ta na beti, ge ke mai ta Jesus. 30 Ma gaia te rigia na guri te sule ge matagu; me vuivuni lulumi ge nanaraha me gagua, Lord, ko vavolau. 31 Me te sakeragi a Jesus te mina hau na limana, me te sakuria, me te bosa vania, Egoe, te pile nimua na taluutuni, na pukuna na hava to ganagana ruarna? 32 Ma rogaira toro sogā hage tua ta na tiola, te luba na guri. 33 Ma gaira tara nia hae-hage kolu tatana ta na tiola tara ladavaginia, mara gagua, E utuni, na Dalena God igoe.

34 Ma gaia tara halavu tua i levu, tara sogā lona i Genesareta. 35 Mara pukua na lei tinoni ni komu eni, ge ra keikerira ta na lei tabuto ni komu taligu, mara nira mai tatana gaira soko tara vahagi. 36 Mara keikeria ge kara tabea vasoo na sosopuna na pupuluna; ma gaira soko tara tabea tara nia vola.

XV.

1 Vaho ge ra butu mai Jerusalem na balu Varise ma na Tarai, mara mai ta Jesus, mara gagua, 2 Eguā ge ra salania didira na ronoroŋo ra na magutu nimua na vaovarono? tara mua diki sau lima ge kara gania na bread. 3 Ma gaia te bosa tugu vanira me gagua, Na pukuna na hava igamu tau salania nia na nimiu na ronoroŋo na vetena nina God. 4 Na pukuna God te bosa, Ko nira kikinima na tamamu ma na tinamu: ma hei te bosa dikalai na tamana pe na tinana, ke mate sugua. 5 Migamu tau bosa, Ahei ke bosa vania tamana pe tinana, te tabu na totobo to haga lavia tagua; 6 ke mua nia kikinima na tamana pe tinana. Migamu tau hahilaginia nia na nimiu na ronoroŋo na bosana God. 7 Gau ra na kiko, E utuni te bosa kasunigamu Isaia na porovete, ge gagua,

8 Na vure eni tara ladavaginiu nia na gidudira vama; Na tobadira te sagauviu.

9 Tara ladavaginiu me kodera, Tara tutugui ta didira na bosa ni tarai na ronoroŋodira na lei tinoni.

10 Ma gaia te holora mai tatana na vure subo, me te bosa vanira, Kau rono nimiu ma kau ronovi vakalea: 11 Te mua dikalaa na tinoni na totobo te hagevia na manana, na totobo vama te ruguhoru ta na manana, aeni sugua te dikalaa na tinoni. 12 Ge ra mai tatana ra na vaovarono mara vania, To pukua sugua ra na Varise tara nia kabalagi na bosa eni? 13 Ma gaia te bosa tugu me gagua, Kara vutikehaa na gai kerī te mua suba na Tamagu i kokou. 14 Kau bei ganaganara: ra na lei tinoni rorodo gaira tara hulira na rorodo. Ge ke hulira na rorodo siki sakai te rorodo, koro kutu sakai sonikolu ta na gilū. 15 A Peter te bosa tugu me gagua

vania, Ko tuguni tatea vanigami mai na bosa vavagaha. 16 Ma gaia te bosa, Migamu gua tau kabu voo soo? 17 Tau mua gilala mua, na totoho te hage ta na mana te horu ta na kutu, me te ruguhoru sarana? 18 Na lei totoho vainua te ruguhoru ta na mana te pukulagi mai ta na toba: agaira suga tara dikalaa na tinoni. 19 Ta na toba vamua le pukulagi mai na lei ganagana dika, na lei labu tabo, na lei melenele, na lei tanodika, na lei gito, na lei vuha tabo, na lei bosa ni lio ni nanara: 20 agaira kiri na lei totoho tara dikalaa na tinoni: me te mua dikalaa na tinoni te vana me te mua sau lima mua.

21 Ma Jesus te ruguhoru gatu, me te tona keha ta na lei tabuto ni Turu mi Sidoni. 22 Mo ko rigia, na vaivine ni Kanana te ruguhoru mai ta na lei tabuto kiri, me te gaegahe, me gagua, Ko aroviu Lord, dalena David igoe; na dalegu te toro nanataa na tidalo. 23 Ma gaia te mua bosa tugu vania siki bosa. Ma ra na nina vaovaronona tara mai mara kurutia, mara gagua, Vetena kehaa; te mai nanaraha murida. 24 Ma gaia te bosa tugu me gagua, Te mua vetenau mai ga, vanira na lei sipu asi ta na kemana Israel vamua. 25 Ma gaia te mai me te tualagi tuturuu, me gagua, Ko hanau Lord. 26 Ma gaia te bosa tugu vania me gagua, Te mua ulagana da laviana gadira na vana lei gari, ma na soniana vanira na kau. 27 Ma gaia te bosa, E uto Lord: na lei kau suga tara ganigi na pilepile vana te kutu horu ta didira na bela na lei magutu. 28 Ma Jesus te bosa tugu vania, me gagua, Vaivine, te sule nimua na taluutuni: na hava to liomu ke tanomana. Ma na dalena te vola ta na bona na boni vagana.

29 Ma Jesus te tona keha ga, me te dutuvia na horara ni Galilea; me te dato ta na gotu, me sopou ga. 30

Mara vaukolu mai tatana na lei vur subo, mara udu kolu tadira ra na labe, ra na rorodo, ra na todo, ra na kubu, mara na subo gua, mara pilira ta na tuana; ma gaia te vavolara. 31 Ma na vure tara nia hare, tara ronovira na todo tara kokoe, ra na kubu tara udolu, ma ra na labe tara tona kolili, ma ra na rorodo tara rei-rei: mara ladavaginia didira Gôd na Israel.

32 Ma Jesus te holokolura mai tatana nina vaovaronona, me te gagua, Inau tu arovira na vure, na pukuna e tolu tua na bonidira tara gahara tagua, me taho gadira na vana: mu ku mua tanomana na vetena kehadira tara vitolo, kara bei guluva sokea ta na halautu. 33 Ma ra na vaovaronona tara vania, Mivei kai lavigi mai na bread ta na bona aroha, ke va mahura na vure subo te vagara? 34 Ma Jesus te bosa vanira, Eniha na bread tamui? Ma gaira tara bosa, Evitu, ma na balu pile iga gua. 35 Ma gaia te bosa na sopoulaginiadira ta na pari na vure; 36 me te lavigi evitu na bread ma na lei iga gua; me te bosa utoi, me nitigi, me hera na vaovaronona, ma ra na vaovaronona tara tuvaligi vanira na vure. 37 Ma gaira soko tara vana mara nia mahu: mara vahikolui na lei pilepile vana te au tadira, me nigi vonu evitu na kei. 38 Ma gaira tara vana evati na toga ni mane, ma na lei vaivine, ma na lei gari gua. 39 Ma gaia te vetena kehara na vure, me te hagelia na tiola, me vaa sara ta na lei tabuto ni Magadana.

XVI.

1 Ma ra na Varise mara Saduke tara mai tabotaboa mara huatia, Ko tatea vanigami mai na vangilala i kokou, raa. 2 Ma gaia te bosa tugu vanira me gagua, Te nulavi, tau ga-

gua, Ke hina sugua : na pukuna te sisi na parako. 3 Me te puipuni, Ke maragata geva, na pukuna na parako te sisi me gobaguliga gua. Igamu tau rigi pukua na reirei na parako ; ma tau mau gilalai na lei vaugilala taeni. 4 Na vata te tanohahi me te tanodika te kenea na vaugilala ; ma kara mua hea na vaugilala ; na vaugilalana Jona vama. Ma gaia te vanira, ge tonakeha.

5 Ma ra na vaovarono tara halavu i levu, mara nia pono lio na laviana na *bread*. 6 Me te bosa vanira Jesus, Kau nia pipo ma kau rigitaonigau ta didira na *leven* na Varise ma na Saduke. 7 Ma gaira tara kenea na bosa hegedira, mara gagua, Na pukuna igamitai mua lavia na *bread*. Me te rigipukua Jesus ge gagua, 8 Gau te pile na nimiu na tatuutuni, e gua ge au konei hegemiua na bosa, na pukuna te taho na *bread* itamiu ? 9 Tau mua lavi parotia mua, ma tau mua ganagana oligi e lima na *bread* tadira e lima na toga, eniha soko na kei ni pilepile vana tau vahi kolui ? 10 Ma na lei evitu na *bread* tadira evati na toga, eniha soko na kei tau vahikolui ? 11 Egua ge tau mua ronovi vakodoo na bosa, tu mua bosaa na *bread* ? Kau rigitaonigau vama ta didira na *leven* na Varise. 12 Vaho ge ra pukua te mua bosa vanira na rigitaoniana na *leven* ni *bread*, didira na tarai vama na Varise ma na Saduke.

13 Me te vaa sara ga Jesus, na lei tabuto ni komu Kaisarea Philipi, te huatira nina vaovarono, me gagua, Na ha tara gagua na lei tinoni, Inau na hale tinoni. 14 Ma gaira tara gagua, Na balu tara gagua, John Vulitabu ; na balu gua, Elia : ma ra na balu gua Jeremiah, pe siki sakai gua tadira na poroveto. 15 Ma gaia te bosa vanira, Mi gamu gua tau bosau ahei. 16 Ma Simon Peter te bosa tugu vanira me gagua, Na Christ Igoe, dalena God te

vola. 17 Ma Jesus te bosa tugu vania me gagua, Kara holoutogo sugua, Simon dalena Jona : te mua tatea vanigo na vinahi ma na gabu, na Tamagu i kokou vama. 18 Minau gua tu bosa vanigo gatu, a Peter igoe, minau ku kisua nigua na holohoru ta na vatu eni, ma na lei mataula ni betidalo ke mua tanomana na tuguru punusiana. 19 Minau ku talani vanigo na *ki* ni kinakabu i kokou : ma na hava ko pitia i pari kara pitia i kokou, ma na hava ko togia i pari kara togia i kokou. 20 Ge keikerira na vaovarono kara bei tuguni tatea vania siki sikai agaia Christ.

21 Ta na boni keru Jesus te vuivuni na tateana vanira nina vaovarono, te manana na datoana Jerusalem, me ke vadanitai sule ga tadira na magutu, ma ra na puku ni sukagi, ma ra na tarai, ma kara labua, me ke tolu na boni ke tuguru oli sanira na lei tinoni mate. 22 Ma Peter te lavia, me te vuivuni na pasana, te gagua, Ko arovigo, Lord : ke mua tanomana topoamu na tobo eni. 23 Ma gaia te vogi ririu, me te bosa vania Peter, Ko tona murigu, Satana : Inau tu nigo saisari kiba : to mua ganaganai na lei tobo nina God, didira na tobo na lei tinoni vama. 24 Ge bosa Jesus vanira nina vaovarono, Ke saritaoniu siki sikai, ke hugu punusia hegena, me ke gatea na gaivalana, me ke tumuriu. 25 Na pukuna ahei ke nia pani na volana ke durakea ; ma hei ke durakea na volana na pukuna inau ke lavi parotia. 26 Ma na hava ke topo na tinoni, ke logoa na maramana udolu, me ke durakea na volana ? ma na hava ke tugua nia na volana na tinoni. 27 Na pukuna na Dale tinoni ke nia mai na rarazana tamana tadira nina angel ; vaho ge ke sopa tugui didira na gehegehe na lei tinoni soko. 28 E utuni inau tu bosa

vanigau gatu, ra na balu tadira tara tuguru mai, kara mua napi pilena na mate, polo kara rigia na dale tino-ni te nia mai na kinakabuna.

XVII.

1 Me te padi e ono na boni, Jesus te lavira tatana Peter, ma James, tolugaira John hogona, me te lavi datora hegedira ta ua gotu te daro. 2 Ma na hulina te keha ta na mata-dira : me te hina na matana te vaga na aho, ma na pupuluna te pupura te vaga na elina. 3 Mo ko rigia, toro tate tatana Moses ta na Elia, tolugaira tara tolu bosabosa. 4 Ma Peter te bosa tugu vania Jesus, me gagua, Te manamami na kabu iani Lord ; to liomu igoe ke, inau ku kisui e tolu na gagata, sakai vanigo igoe, ma sakai vania Mosesi, ma sakai vania Elia. 5 Ma gaia te bosabosa soo, ko rigia, na parako te vitiviti te kuvihira ; mo ko rigia, na mana ta na parako, te gagua, A eni na dalegu tu pabea, inau tu nia togotogo sule : kau ronovia nimiu. 6 Mara na vaovarono tara ronovia, tara pogo tao ta na matadira, mara nia matagu sule. 7 Me te mai tabera Jesus, me gagua, Tuguru nimiu, ma kau bei matagu. 8 Mara rei tada, tara mua rigia sakai, Jesus vamu.

9 Ma gaira tara sugi horu soo ta na gotu, Jesus te keikerira me gagua, Kau tolu bei tuguni tatea vania siki sakai na mabubu, polo ke tuguru oli sanira na lei tinoni mate na Dale tinoni. 10 Mara nina vaovarono tara huatia, Mara gagua, Egua ge ra bosa na Tarai ke diki mai Elia ? 11 Ma gaia te bosa tugu vanira me gagua, Ke mai sugua Elia, me ke talu gonigi na lei totoho soko. 12 Minan tu bosa vanigau gatu, Elia te mai tua, ma gaira tara mua pukua, mara nea vania na

hava tara liona. Te vaga eni gua na Dale tinoni ke vadanitai tadira. 13 Vaho ge ra pukua na vaovarono te bosa vanira John Vutitabu.

14 Mara van sara tadira na vure, te mai vania siki sakai, te tualagi tuturu vania, me gagua, 15 Lord, ko arovia na dalegu : te bulebule gaia, te toro nanataa na vahagi ; na pukuna te kutu haia ta na lake, mi ta na beti gua. 16 Minau tu nia mai vanira nimua na vaovarono, mara mua tanomana na vavolaana. 17 Me te bosa tugu vanira Jesus, me gagua, Na vata te lio bea, me te huguhugu, eniha soko na boni ku kabu tamiu ? mu ku kabu beto nigua ? Kau lavia vaniu mai. 18 Ma Jesus te pasaa, ma na tidalo te ruguhoru tatana : ma na gari te vola ta na bona ni boai keri. 19 Ge ra mai polo ta Jesus na vaovarono, mara gagua, Egua ge ai mua tanomana na guruhorua ? 20 Ma gaia te bosa vanira me gagua, Na pukuna na nimiu na taluutuni te pile vamu : e utuni inau tu bosa vanigau gatu, na taluutuni tamiu ke te vaga na vuvua ni sinapi, ma kau tanomana na bosa vaniana na gotu eni, Ko sakeragi kehaa ta na bona keri ; me ke sake-ragi ; me taho siki totoho ke vahola-tailigamu. 21 Ma na vata eni te nia ruguhoru vamu na kokoeliulivuti ma na maturu too.

22 Mara gahara soo i Galilea, Jesus te bosa vanira, Kara lubatia na Dale tinoni ta na limadira na lei tinoni ; 23 ma gaira kara matea, me ke tapa tuguru toluni na boni. Ma gaira tara dika lio nanata.

24 Ma gaira tara sara tua i Kaperanaumu, ge ra mai ta Peter tara holatia na vatei sosoni, mara gagua, E sosoni pe taho na magutumu ? Ma gaia te bosa tugu, Eo. 25 Me te vaa hage ta na vale Jesus te diki bosa vania, me gagua, Na hava to ganaganaa

Simon? Tadira rahei tara lavia na hevei lee ra na lei vunagi ni maramana? tadira na daledira, pe ta na lei sinogo? 26 Ma gaia te bosa, Ta na lei sinogo, ea, ge gagua Jesus, vaho ge sa tatavahale lei daledira. 27 Ma kara bei nigita kabalagi, ko va sapa i lau igoe, mo ko soni galo, mo ko sikomia na iga te diki tabe; mo ko vukesia na manana, ko rigi topoa na rono ga; ko holatia kerī, mo ko hera, na ro halada.

XVIII.

1 Ta na bona kerī ra na vaovarono tara mai vania Jesus, mara gagua, ahei agaia ke haba vaa ta na kinakabu i kokou? 2 Ma gaia te holoa mai tatana na gari pile, me te tuguru vaginia i gobudira, me te gagua, 3 E utuni inau tu bosa vanigau gatu, Kau mua tugui na liomiu ke, ma kau vagana na lei gari pile, kau mua tanomana tua na hage ta na kinakabu i kokou. 4 Agaia gua ke talu pilea hegena te vaga na gari pile eni, agaia kerī te haba vaa ta na kinakabu i kokou. 5 Ma gaia ahei ke lavipantia ta na ahagu siki sakai na gari pile te vagaa ke lavi panotiu inau. 6 Ma hei gua te nea ge ke kabalagi siki sakai tadira lei gari pili ini tara taluntuniu, te uto vaa tatana kara pitia na vatu gigiri te sule ta na luana me ke nia belulu kolu ta na horara. 7 Vatei aroviana na maramana na pukuna na lei vatei kabalagi! Ke mua taho ma na lei vatei kabalagi ke livu mai; me te vatei-aroviana na tinoni kerī te nia mai na vatei kabalagi. 8 Me ke nego ge ko kabalagi na limamu pe na tuamu ke, pusi kehaa, mo ko soni keha tamua; o uto vaa vanigo ge to ko hagevia ta na vola to kubu, mo ko bei liu ta na betidalo te ruaga na limamu ma na tuamu. 9 Me ke nego

ge ko kabalagi na matamu ke, sikili horua, mo ko sonikehaa tamua: e uto vaa vanigo ge to ko hage ta na vola e sakai vamua na matamu, mo ko bei liu ta na betidalo nia erua na matamu. 10 Kau lavia na lagamiu ma kau bei talu pilea siki sakai tadira lei gari pile: na pukuna inau tu bosa vanigau gatu, didira na angel tara rigia haia na matana Tamagu i kokou. 11 Na pukuna na Dale tinoni te mai topoa na totoho te sivi. 12 Ma na ha tau ganagana? Ke logoa na hanalatu ni sipu siki sakai, me ke asi sakai, ke mua tona sanigi e hiua hanavulu hiua, me ke liu ta na lei gotu, me ke kenea agaia kerī te asi? 13 Me ke vaa topoa ke, e utuni inau tu bosa vanigau gatu, agaia te nia togotogo sule vaa tadira na lei hiua hanavulu me sara e hiua, tara mua asi. 14 Te vaga eni gua te mua liona Tamamiu i kokou, ke tagaa siki sakai tadira ra na lei pile ini.

15 Ge me ke dikala na liomu na hogomu ke, va tona, mo ko tatea vania na paluna, rogamu koro udu hegemiū: ke ronovigo ke, mo ko tatavahalea na hogomu. 16 Me ke mua ronovigo ke, ko nira udu mai ga sakai pe rua gua na tinoni, ge kalei na lei bosa soko ta na manadira erua pe tolu na tinoni tara pukua. 17 Me ke mua ronovira ke, tuguni tatea vanira na holohoru: me ke mua ronovira na holohoru gua, ke gahaa tamua te vaga na voo ma na vahikolurono. 18 E utuni inau tu bosa vanigau gatu, na lei totoho kiri kau pitigi i pari kara pitigi i kokou: ma na lei totoho kiri kau togigi i pari kara togigi i kokou. 19 Ma eni gua inau tu bosa vanigau gatu, ke ruka na tinoni, mo koro tala ke, mokoro kuruti kolua i pari siki totoho, na Tamagu i kokou ke talana vanigamu. 20 Na pukuna ke ruana pe tolu na tinoni tara vaukolu mai ta na ahagu, inau ga i gobudira.

21 *Ge mai tatana Peter, me gagua, Magutu eniha soko na dikalaana na liogu na hogogu, mi nau ku talu hehaa na paluna, ke riti ta na vitu? Me te bosa tugu vania Jesus me gagua, 22 Inau tu mua bosa vanigo ke riti ta na vitu: ta na vitu hanavulu na vitu mugua. 23 Na pukuna eni na kina-kabu i kokou te vaga na vunagi te haga turi tugu tadira nina tinoni. 24 Me te vuivuni na turi tugu agaia, tara nia mai tatana siki sakai, nina talu kau tatana na mola ni *talent*. 25 Ma na pukuna te mua gaha i talana na vatei tugu, na vunagina te bosa na hunuluana, ma na tauna, ma ra dalena, ma na hegohegona soko, *ge* ke tugua nia na talukau. 26 Ma na tinoni te tualagi tuturu vania, me gagua, Lord, ko vata gua mi nau ku tugu sokoi. 27 Ma na magutuna na tinoni keru te arovia, me te lubatia, me te talukeha tatana na paluna. 28 Ma na tinoni ni luti keru te rugu-horu *ga*, me vaa topoa siki sakai na dolana, nina talukau tatana na hanalatu ni *pene*: ma *gaia* te sigovia, me lotia na sostonona, me gagua, Ke tugua vaniu mai na talukau, *ca*. 29 Ma na dolana te tualagi tuturu vania me gagua, ko vata gua minau ku tugu sokoi vanigo. 30 Ma *gaia* te mua tala; me te vaa tona me pilia ta na vale pipiti, polo ke tugu soko na talukau. 31 Ma ra na gana udu tara rigia na tofoto te nea, te dika *nanata* na liodira, mara va tutugu vania na magutudira na tofoto te nea. 32 *Ge* holoo mai tatana na magutu me gagua, Tinoni dika igoe, ne pukuna to kurutiu inau tu talukehaa tamua na palumu soko: 33 ko mua *tanomona* na arovia na dolamu te vaga inau tu arovido? 34 Ma na magutuna te rutu me te lubatia vanira na lei tinoni tara toroa, polo ke tugu soko nina talukau. 35 Me te vaga eni ke nea vanigamu na Tamagu i kokou,*

kau mua talukehai ta na tobamiu na paludira na hogomiu.

XIX.

1 Me te sakeragi *ge* bosa sokoi na lei bosa ini Jesus, te tona sania Galilea, me te va sara na lei tabuto ni komu ni Judea i levuna Jordan; 2 ma na lei vure subo tara saritaonia; me te kisura *ga*.

3 Mara mai tatana na lei Varise, tara tabotaboa, mara gagua, Te manana na ronorofo pe taho na tinoni ke tiva taboa tauna? 4 Ma *gaia* te bosa tagu vanira, me gagua, Tau mua ronovia *agaia* te vuhara ta na valuni mai te gonira na mane ma na vaivine, me gagua, 5 Na pukuna eni na tinoni ke sanira tamana ma tinana, me ke kau *nasi* ta na tauna; mi rogaira sakai vamua na vinahi? 6 Na pukuna eni rogaira toro mua ruaga, sakai na vinahi vamua. Ke bei tuvavokara na tinoni God te sonikolura. 7 *Gaira* tara bosa vania, e gua *ge* vetenaa Mosesi na lubatiana na gegere ni vei sanigi, soko *ge* tiva keha? 8 *Gaia* te bosa tugu vanira, ne gagua, Na pukuna te *nasi* na tobamiu, *ge* lubatigamu Mosesi kau sanira na taumi: me te mua gagua ta na valuni mai. 9 Mi nau tu bosa vanigau *gatu*, *Agia* ke sania na tauna, te mua *tanodika* *gaia*, me ke tauna na keha, te *nelenele*: ma hei te tauna na vaivine te sania tua te *nelenele*. 10 Ma ra na vaovaroro tara bosa vania, mara gagua, Na ronorofo ni taulagi te vaga eni ke, te mua uto na taulagi sokea. 11 Ma *gaia* te bosa tugu vanira me gagua, na lei mane soko kara mua *tanomana* na lavi panotiana na bosa eni, *gaira* vamua te talana vanira. 12 Na pukuna ra na balu Eunuku *ga*, tara vahura te vagara ta na kutudira

tinadira; ma ra na balu Eunuku na lei tinoni tara lavihira; ma ra na balu Eunuku gua, tara lavihira hegedira na pukuna na kinakabu ikokou. Ahei ke tanomana na lavipanotiana na bosa eni ke, ke lavipanotia sugua.

13 Mara nira mai tatana na lei gari pile, ge ke talui na limana i vuvunadira, me ke kokoeliulivuti, ma ra na vaovarono tara pasara. 14 Me te bosa vanira Jesus, me gagua, Kau lubatira na lei gari pile kara mai tagua, ma kau bei hovera; na pukuna na kinakabu i kokou te vagara. 15 Ma gaia te talui na limana i vuvunadira, me te tona keha.

16 Mo ko rigia, te mai tatana siki sakai me gagua, Magutu, na hava na totoho te uto ku kalitia mu ku logoa na maurihali? 17 Ma gaia te bosa vania, me gagua, Egua ge o kenea tagua na totoho te uto? Te gahaa sakai vama te uto: ge mo ko liu ta na vola kasila, ko vatogai na lei bosa ni vetena. 18 Agaia te bosa tugu vania, me gagua, Na hava? Me te bosa vania Jesus me gagua, Ko bei labu tabo, Ko bei tanodika, Ko bei gito, Ko bei vuha taboa ahei, 19 Ko nira kikinima na tamamu ma na tinamu: mo ko dolovia na gamua na komu kolu te vagago igoe. 20 Na gari mane te bosa tugu vania me gagua, Inau tu vatogai na lei totoho soko ini: na totoho na ha gua te taho so tagua. 21 Jesus te bosa vania, To liona ke uto vaa na liomu ke, ko vaa hunului nimua na lei totoho, mo ko tutuva vanira na lei tinoni bona, mo ko logoa nimua na pukuni totoho i kokou: mo ko mai saritaoni. 22 Ma na gari mane te ronovia na bosa eni ge nia tona keha na dika lio: na pukuna te logoi na hegohego te subo.

23 Ma Jesus te bosa vanira nina vaovarono, E utuni inau tu bosa vanigau gatu, te vahola vania na tinoni te

sodo rono ke vaa hage ta na kinakabu i kokou. 24 Mi nau tu bosa vanigau gatu gua, te malumu vaa ta na kamelo ke sulupa ta na potana na nilo, ge ke vaa hage tana kinakabuna God na mane te sodorono. 25 Mara ronovia na bosa eni, ge ra nia hare nanata na vaovarono, mara gagua, 26 Ahei gua ke vola. Ma Jesus te rigira ge bosa vanira, Tadira na lei tinoni ke mua tanomana; ta God vama na lei totoho soko ke nigi tanomana. 27 Ge bosa tugu vania a Peter, me gagua, Age, igai tai sani sokoi nimami na totoho, migami tai saritaonigo; ma na hava gua kai holatia? 28 Jesus te bosa vanira me gagua, E utuni Inau tu bosa vanigau gatu, Igamu tau saritaoni, kau sopou ta na hanavulu me sara erua na male kabu, ma kau detera ehanavulu me sara erua na kema ni Israel, ta na boni ni vahu tagiha, ma na Dale tinoni ke sopou ta na malekubuna te lada. 29 Ma hei te sanigi na pukuna inau, na lei vale, pa lei hogona, pa na lei vavinena, pa na tamana pa na tinana, pa na lei gari, pa na komuna, ke tabea na hanalatu taeni, me ke nia vaivari gua na maurihali. 30 Mara subo tadira tara diki kara tumuri vaho: mara tumuri vaho kara diki.

XX.

1 Na pukuna na kinakabu i kokou te vaga na tinoni te puku vale, te ruguhoru te labota ge tabara na lei tinoni ni lutu ta nina kausa ni vaini. 2 Ma gaia te bahura na lei tinoni ni lutu ke sopa tabara tano. sakai boni nia na pene, ge vetenara gatu ta nina kausa ni vaini. 3 Ma gaia te rugu horu ta na toluni na bona ni boni, me te rigira na balu tara tuguru lee ta na male sabiri;

me te bosa vanira, 4 Kau tona nimiu ta na kausa ni *vaini*, mi nau ku hegamu na tootobo te kaekage. Ma gaira tara tona soo. 5 Ma gaia te ruguhoru gua ta na ononi mi hiuani na bona ni boni, me te nea te vagaa. 6 Mi ta na sara sakaini na bona ni boni agaia te ruguhoru gua, me topora na balu gua tara tuguru lee soo: ma gaia te bosa vanira me gagua, Egua ge au tuguru boni hagi lee? 7 Ma gaira tara bosa vania, Na pukuna taho siki sakai te vetenagami gatu. Ma gaia te bosa vanira, mo gagua, Kau tona nimiu gua ta na kausa ni *vaini*. 8 Me nulavi tua, na vunagi ni kausa ni *vaini* be bosa vania na tinoni te rigitaoni tootobo, me gagua, Holokolura mai na lei tinoni ni lutu, mo ko sopa hera na tabadira, mo ko nira vuivuni tara tagiha mai, mo ko padariti riniti tara diki. 9 Ma gaira tara mai te vetenara ta na sara sakaini na bona ni boni, tara sopa holatia na *pene*. 10 Ma gaira tara diki tara mai, tara ganaganara kara hohogo sule vaa; magaira gua tara sopa tanosakai holatia na *pene*. 11 Mara hogonia tua, ge ra koenuu ta na puku vale, mara gagua, 12 Agaira tara tagiha mai tara lutua sakai na bona ni boni vamu, mo to nera tara kaekage tamam, tai vadavia na boni udolu ma na hina gota gua. 13 Ma gaia te bosa tugu vania siki sakai tadira me gagua, Kula, inau tu mua pegogo. Inau tu mua baubahu vanigo nia na *pene*? 14 Hogonia nimua, mo ko tona keha; Inau ku hea na sosoko eni te vagago igoe. 15 Ku mua tanomana na taoniana na liogu tigege nia ta nigua na hegohego? Me te dika na matamu sogea na pukuna inau tu utuni? 16 Ma ra na tumuri kara diki, ma ra diki kara tumuri, na pukuna tara holora mai tara subo, mara vilira na balu vamu.

17 Ma Jesus te dato i Jerusalem,

te vaa lavira hegedira ra na vaovaron e sara erua, me te bosa vanira ta na halautu, 18 Kau rigia, igita ka dato Jerusalem: me ke lubatia na Dale Tinoni ta na limadira na lei puku ni soni sukagi ma ra na tarai; 19 ma kara dete matea, ma kara talana vanira na sinogo, ma gaira kara batobatoa, ma kara ramusia, ma kara patokia ta na gaivala: me toluni na boni ke tapa tuguru.

20 Ge mai tatana na tinadira ra na dalena Sebede ma ra na dalena, tara tualagi tuturu vania, mara nonia tatana siki tootobo. 21 Ma gaia te bosa vania, Na hava to liona? Ma gaia te bosa tugu vania me gagua, Ko bosa igoe, ma rogaira ini na dalegu koro sopou ta na kinakabumu, e sakai ta na madolomu nia na ruana ta na maulimu ga. 22 Me te bosa tugu vania Jesus me gagua, Igamu tau mua pukua na tootobo tau nonia. Koro tanomana na inviana na seu inau ku haga invuia? Tora bosa tugu vania, Koro tanomana sugua. 23 Gaia te bosa rovanira, Koro invuia sugua nigua na seu: me te mua nigua na lubatiana vania ahei ke sopou ta na madologu ma na mauligu, vanira rahel vamu na Tamagu te vati kasunia. 24 Mara ronovia ara hanavulu ge ra rutu rovanira tama hogoni. 25 Me te holo kolura mai tatana Jesus, me gagua, Igamu tau pukura na magutudira na sinogo tara vunagi punusira, ma ra na sule tadira tara laga vulera. 26 Ma kau bei nea te vagara: 27 ma hei te haga haba vule tamiu ke gehegehe vanigamu; mahei gua te vunagi tamiu ke lutu vanigamu vamu: 28 te vaga na Dale tinoni te mua mai ge kara gehegehe vania, agaia mugua ke gehegehe, me ke lubatia na volana na vatei huioliadira ra na subo.

29 Ma gaira tara ruguhoru gatu i Jeriko, na vure subo tara saritaonia.

80 Mo ko rigia, eruka na rorodo toro sopou liligina na halautu, moro romovia a Jesus te liu padi, toro gaegahe moro gagua, Age Lord, Dalena David, ko arovigai. 31 Ma na vure subo tara pasara, ge koro todore: ma rogaira toro gaegahe sule va, moro gagua, Age Lord Dalena David, ko arovigami. 32 Ma Jesus te tuguru, me te holora mai tatana, me gagua vanira, Na hava na totobo toro liona ku nea rovanigamu? 33 Rogaira toro bosa tugu vania, Lord ko va reirei oligami gua. 34 Ma Jesus te arovira me tabera na ro matadira: me te sakeragi toro reireioli gua, moro saritaonia.

XXI.

1 Ma gaira tara dutuvia Jerusalem, mara sara Betavage, mi ta na gotu ni Oliveti, ge veteranara gatu a Jesus erua na vaovarono, me te bosa vanira, te gagua, 2 Koro vaa tona ta na bae-base ni komu te paleva mai, mo koro rigi sodoa ga na *asi* tara pitia, ma na dalena tatana: koro togia mo koro nira mai itagua. 3 Me ke bosa vanigau siki sakai ke, koro bosa tugu, A Lord te liona; me soko ke lubatira mai. 4 Ma na totobo eni te nea, ge kale na totobo na porovete te bosaa, me gagua,

5 Kau tuguni tatea vania na dale Sion

Ko rigia, na Vunagimu te mai tamua,

Te talu muria hegena, me te sopou i vuvuzana na *asi*,

Ma na dalena *asi*.

6 Ma ra na vaovarono toro tona, moro nea te vaga Jesus te bosa vanira, 7 moro nira mai na *asi* ma na dalena, mara talui i vuvuzana didira na pupulu mara sopoulaginia Jesus i vuvuzana. 8 Ma ra na balu tara haraa nia na halautu didira na pupulu; ma

ra na balu gua tara toka gotigi na oto ni gai mara hara nia na halautu. 9 Ma na vure subo tara gidevia, mara tumuria gua, tara gaegahe, mara gagua, Hosana vania dalena David; Holoutoa gaia te mai ta na ahana Lord: Hosana ta na parako. 10 Ma gaia te va hage i Jerusalem, na komu udolu te koenelea, mara gagua, Ahei agaia eni? 11 Ma na vure subo tara gagua, Na porovete a eni, Jesus ni Nasareta i Galilea.

12 Ma Jesus te va hage ta na vale tabu nina God, me te guru horura soko agaira tara hunuhunulu mara sabisabiri ta na vale tabu, me te boki taovaginigi na beladira tara kasa rono, ma na lei malei sopoudira tara sabiri bola; 13 me te bosa vanira, Tara gerea, kara vatua na valegu na vale kokoeliulivuti; migamu tau nea ge vatuluma didira na lei tinoni gito. 14 Ma ra na rorodo ma ra na labe tara mai tatana ta na vale tabu: me te kisu-ra. 15 Ma ra na puku ni sukagi ma ra tarai tara rigigi na lei butuli te nei, ma na lei gari tara gaegahe ta na vale tabu; mara gagua, Hosana vania dalena David: ge ra nia rutu sule, mara gagua, 16 O ronovia sugua na totobo tara bosaa? Ma Jesus te bosa tugu vanira me gagua, Eo: igamu tau mua ronovia tara gagua, Ta na manadira na lei meomeo mara na susu to taludila na bosa ni holahaba? 17 Ma gaia te tona sanira me te rugu-horu ta na komu me va sara Betania, me te kabu ga.

18 Me puipuni gana te pulohi ta na komu, ge vitolo. 19 Ma gaia te rigia na *vigi* liligina na halautu, te va dutuvia, me te mua topoa siki totobo ga, na raurau vamua: ma gaia te bosa vania, me gagua, Ko mua ta-nomana vanaga taeni ke va me va. Me te sakeragi na *vigi* te sasaga. 20 Mara na vaovarono tara rigia ge ra nia hare, tara gagua, egua ge mina sasaga

na *vigi*? 21 me te bosa tugu vanira Jesus, me gagua, E utuni inau tu bosa vanigau gatu, Kau taluutuni nimiru, ma kau mua ganagana ruarua, kau mua nea vamua te vaga te nea vania na *vigi* eni, ma kau bosa mugua vania na gotu eni, Ko sakeragi ma kara sonigo tana horara, me ke nea te vagaa. 22 Ma na lei totoobo soko kau nonigi nia na taluutuni ta na kokoe-liulivuti, kau lavi panotigi sugua.

23 Ma gaia te va hago ta na vale tabu, ma ra na lei puku ni sukagi, mara na lei magutu gua tara mai tatana te tarai, mara gagua, Na ha na manaia to nei nia na lei totoobo ini? ma hei agaia te mananigo? 24 Me te bosa tugu vanira Jesus, me gagua, Minau gua ku huatigamu nia siki bosa, ge ma kau tatea vaniu ke, minau gua ku tuguni tatea vanigau gatu na mana tu nei nia na lei totoobo ini. 25 Na vulitabu nina John, ivei te liu mai? i kokou, pe tadirana na lei tinoni? Ma gaira tara sopa kenea hegedira, mara gagua, ge ma ka bosa, I kokou ke, agaia ke bosa tugu vanigita mai, Egua ge tau mua taluutunia. 26 Ge ma ka bosa gagua, tadirana na lei tinoni: igita ka matagunira na vure; na pukuna na lei tinoni soko tara ganaganaa John na porovete. 27 Ma gaira tara bosa tugu vania Jesus, mara gagua, Igami tai mua pukua, ra gagua. Agaia gua te bosa tugu vanira gua, Mi nau gua ku mua bosa vanigau na mana tu nei nia na lei totoobo ini. 28 Ma na hava tau ganaganaa? Na tinoni ga me rua na dalena; ma gaia te mai vania na kamanago, me gagua, Dale ko va lutu taeni ta nigua na hohogo ni *vaini*. 29 Ma gaia te bosa tugu, me gagua, E hove nigua: gegua gua te tugu lio, me tona. 30 Ma gaia te mai vania na ruana me bosa te vaga gua, Ma gaia te bosa tugu, me gagua, Ku tona sugua, magutu: ma gaia te

mua tona. 31 Ahei rotadira te kabaria na liona tamana? Agaira tara gagua, Na diki, ra. Jesus te bosa vanira, E utuni inau tu bosa vanigau gatu, ra na vahikolu rono, ma ra na rebi kara hage sanigamu ta na kinakabuna God. 32 Na pukuna John te mai tamiu ta na halautu ni lio kikinima, migamu tau mua taluutunia: ra na vahikolu rono mara na rebi vamua tara taluutunia: migamu gua, tau vaevanera, tau mua tugu lio taonira, ge kau tazomana na taluutuniana.

33 Kau ronovia sakai gua na bosa vavagaha: Na tinoni ga te puku vale, me te suba na hohogo ni *vaini*, me te peo taligutia, me te gelia na vatei bita *vaini* lokana, me te saria na buko, me te lubatira vanira na lei tinoni kara lutua, me te boli vaa tana komu keha. 34 Me te poso na vula ke vana ga te vetenara gatu vanira na lei tinoni tara lutua na hohogo na lei nina tinoni, ge kara lavigi mai na vana: 35 ma na lei tinoni tara lutua na hohogo tara lavira nina tinoni, mara ramusia sakai, mara labu matea na ruana, ma sakai gua tara petaa. 36 Ma gaia te vetenara gua na lei tinoni, tara subo vaa tara diki, mara nea te vaga gua vanira. 37 Sakeragi ge vetena gatu vanira na dalena, te gagua, Gaira kara nia maa dalegu. 38 Mara na lei tinoni tara lutua na hohogo tara rigia na dale, ge ra bosabosa kolu, A eni na tuguna; gatu, ka labua ma ka sagua na tunuvana. 39 Mara sigovia, mara sonihorua ta na hohogo ni *vaini*, mara labu matea. 40 Ma na magutu ni hohogo ni vaine ke mai, na hava ke kabarira vanira na lei tinoni ni lutu? 41 Agaira tara bosa tugu vania mara gagua, Agaia ke durakera na lei tinoni dika kiri, me ke lubatia na hohogo ni *vaini* vanira na lei tinoni ni lutu keha, ma gaira kara talau vania na vana ta na vuladira.

42 Jesus te bosa vanira me gagua, Igamu tau mua siroa mua ta na lei gegere te tabu ?

Na vatu tara nelea na kisu vale,
Tara vilia ke tuguru ta na piuna na vale :

A eni te mai ta Lord,

Ma na vatei ka nia hare gita sugua.

43 Na pukuna eni inau tu bosa vanigau gatu, kara sagua itainiu na kinakabuna God, ma kara talana vanira na vure tara halilaginigi na vanana ga. 44 Mahei te tumu vuvunana na vatu eni, ke tasodu soso : me ke tumu vuvunana ahei, ke havukaginia te vaga na pugu ni pari. 45 Mara na lei puku ni sukagi ma ra na Varise tara ronovigi nina bosa vavagaha ge ra gilala te bosara gaira. 46 Mara kenea na lotiana, ge ra matagunira na vure, na pukuna tara ganaganaa na porovete agaia.

XXII.

1 Ma Jesus te nigi bosa tugu vanira gua na lei bosa vavagaha, me gagua, 2 Na kinakabu i kokou te vaga na vunagi, te gonua na tabatu ni taulagi vania dalena, 3 me te vetenara gatu na lei nina tinoni ge keikerira mai ta na tabatu ni taulagi te holora tua : mara hove didira. 4 Me vetenara gatu gua na balu gua na tinoni, tara gagua, Kau vanira tu holora mai, Kau rigia, Inau tu talu dilaa nigua na vana : tara labui tua na lei nigua na kau, ma na lei totobo te korukoru, mara gonidilai na lei totobo soko : kau mai ta na tabatu. 5 Ma gaira tara mua ganagana mavaa, mara tona kolili didira soo, e sakai ta na nina lohogo, ma na ruana ta na nina vatei sabiri. 6 Ma ra na sosoko tara sigovira nina tinoni, mara vahagitailira mara labu matera. 7 Ma na vunagi

te rutu ; me te vetenara gatu nina mate, me te durakera na lei tinoni labu tabo kiri, me suraa na komudira.

8 Ge vanira nina tinoni, Na tabatu te pitu dilara, ma gaira tu holora mai te mua ulagadira. 9 Kau tona nimiu ta na lei halautu bakesa, ma gaira tau topora ga kau holora mai ta na tabatu.

10 Ma na lei tinoni ini tara ruguhoru ta na lei halautu, mara holokolura soko tara topora ga, ra na dika mara na uto gua : ma na lei tinoni te manadira na vana ni tabatu. 11 Ma na vunagi te mai rigira na lei tinoni te holora mai tua, ge vaevanea na tinoni te mua nia pupulu na tivi ni taulagi : 12 ma gaia te bosa vania, Kula, egua ge o hage mai mo to mua nia pupulu na tivi ni taulagi ? Me todore nina. 13 Ge bosa vanira lei tinoni na vunagi, Kau tonoi na limana ma na tuana, ma kau soni horua ta na puzi i pari ; na tani, ma na girigiri livo ga. 14 Na pukuna tara holora mai ra na subo, mara vilira na balu vamua.

15 Ge ra va tona na Varise mara vei kekenei evei kara tanomana na pegoana nia na bosana. 16 Ma gaira tara vetenara vania mai didira na tinoni, ma ra na Herod gua, tara gagua, Magutu, igami tai pukugo to utuni igoe, mo to tuguni tatea nia na utuni na halautuna God, mo to mua nia maa siki sakai : na pukuna to mua ganaganara lei tinoni. 17 Ko tatea vanigami mai, na hava to ganaganaa, Te kaekage kai sosoni vania Kaisari, pe taho ? 18 Ma Jesus te ronovi vakodaa didira na pegoego, ge gagua, Egua ge au tabotabou, gau ra na kiko ? 19 Kau tatea vaniu mai na rono ni sosoni. Ma gaira tara nia mai vania na pene. 20 Ma gaia te bosa vanira me gagua, Ahei na titinonina ma na gegere eni ? 21 Ma gaira tara vania, Nina Kaisari, ra. Ge bosa vanira agaia, Kau talani vania Kaisari, vamua na lei totobo te logoi Kaisari ; ma vania God

na lei totobo God te logoi. 22 Ma gaira tara ronovia, ge ra nia hare ga mara sania, mara tona kolili didira.

23 Mi ta na boni keri tara mai tatana na Saduke, tara gagua, na tuguruoli te taho ga; 24 mara huatia, tara gagua, Magutu, Mosesi te bosa, ke mate sakai, me taho na dalena ke, na hogona ke lavia na tauna ge ke vahua na gari vania na tugana. 25 Mara na tama hogoni ara vitu ga: ma na diki te taulagi me te mate, me te taho na dalena, ge bosa vania tahiua ke lolo tugu ta na tauna: 26 me te vaga gna na ruana, ma na toluni gua, ta na vituni. 27 Ma na vaivine te mate na sosoko. 28 Ta na tuguruoli ahei na tauna agaia tadirā evitu, na pukuna agaira soko tara lavia. 29 Ma Jesus te bosa tugu vanira me gagua, Igamu tau nia hahi, na pukuna tau mua gilalai na lei gegere te tabu, ma na manana God gua. 30 Ta na tuguruoli tara mua taulagi, ma na lei vaivine tara mua taudira na lei mane, tara vagara na lei angel nina God vamuā. 31 Mi ta na tuguruoli tadirā tara mate gua, igamu tau mua siroa na bosa God te bosa vanigamu mai, te gagua, 32 Inau God nina Abraham, ma God nina Isaka, ma God nina Jakob? A God te mua God didira na lei tinoni tara mate, didira na lei tinoni tara vola vamuā. 33 Mara ronovia na lei vure subo, ge ra nia hare nina tutugu ni tarai.

34 Ma ra na Varise, tara ronovia te va betora na Saduke, ge ra vaukolu. 35 Ma sakai tadirā, na tarai, te keneā siki bosa tatana, te tabotaboa ga, 36 Magutu, na hava te haba vaa tadirā na lei bosa ni vetena? 37 Ma gaia te bosa vania, me gagua, Ko dolovia Lord God igoe, ta na tobamu soko, ma na tarunamu soko nia na ganaganamu soko. 38 Na bosa ni vetena eni te sule, me te haba va tadirā soko. 39 Ma na ruana te kaekage ga, te

FLO.

gagua eni, Ko dolovia te vagago igoe na gamua na komu kolu. 40 Na ronoroŋo ni vetena soko, ma na lei porovete tara nigi ganagana kodo ta na lei bosa ni vetena ini.

41 Ma ra na lei Varise tara vaukolu ga, ge huatira nia siki bosa Jesus, te gagua, 42 Na hava tau ganaganaa Christ, na Dalena ahei agaia? Tara vania, na dalena David ra. 43 Ma gaia te bosa tugu vanira me gagua, Egua ge holoa nia Lord ta na Taruna, a David, ea,

44 A Lord te bosa vania nigua na Lord,

Ko sopou ta na madologu, polo ku talu horura gamua na kaka sara ni tuamu?

45 Ke holoa nia Lord a David' ke, evei ke tanomana na dalena? e gagua. 46 Me ke mua tanomana siki sakai na bosa tugu vaniana siki bosa, me mua tanomana gua siki sikai na lavibuleana nia siki bosa ta na boni eni ke vaa me vaa.

XXIII.

1 Ge bosa Jesus vauira na vure subo ma ra nina vaovarono, te gagua, 2 Ra na tarai ma ra na Varise tara sopou i vuvuana na male kabu nina Mosesi: 3 na lei totobo sugua tara bosai vanigamu kau nigi pipu na kalitiani: ma kau bei taonigi didira na gehegehe: na pukuna tara bosa lee vamuā mara mua kabaria. 4 E utuni, tara pitigi na lei hola te mava, te torora tara holai, mara talui ta na valadira na lei tinoni, ma gaira vamuā kara mua hugui nia sakai na gigiri vamuā. 5 Ma gaira tara kabarigi didira na lei gehegehe soko ge kara buhu na lei tinoni: tara suki sulei didira na vatei talu vatoga, mara mudumudu volapai vaa didira na pupulu, 6 mara nia lio papara na keneani na lei sape te haba ta na lei tabatu, ma na lei puku ni

o

malei sopou ta na lei vale sonikolu, 7 ma kara bahuia na lei tinoni ta na lei malei sabiri, ma ra na lei tinoni gua kara holora nia Rabi. 8 Migamu gua kau bei taladira kara holo-gamu nia Rabi : na pukuna agaia sakai te taraigamu, mi gau soko gua tama hogoni. 9 Ma kau bei holola mama siki sakai i pari : na pukuna e sakai na Tamamiu *ga* i kokou. 10 Ma kau bei taladira gua kara hologamu nia magutu : na pukuna *agaia* sakai na magutumi, vamuia Christ. 11 Ma *gaia* ke haba tamiu ke *gehegehe* vanigamu sugua. 12 Ma *gaia* ke talunagoa hegema kara talupilea ; ma hei ke talupilea hegema kara talunagoa.

13 Vatei aroviamiu, gau ra na Tarai mara Varise, ra na kiko ! na pukuna igamu tau *ki* punisia na kinakabu i kokou tadira na lei tinoni : migamu gua tau mua hage mai *ga*, ma tau mua lubatira kara liu mai *ga*, tara hage hage didira.

14 Vatei aroviamiu gau ra na Tarai ma ra na Varise, ra na kiko, na pukuna igamu tau vaa vana luvu na valedira na matesasani, mi gamu tau kokoeliulivuti e hau me hau na pukuna na kiko ; mi gamu gua kau tabe vulea na dete ta na niha. 15 Vatei aroviamiu, gau ra na Tarai, mara na Varise, ra na kiko ! mi gamu kau sama kolilia na horara ma na pari tina *ge* kau nera tara *poroseluti* siki sakai : me tala tua *gaia*, kau nea *ge* ke dale Gehena te haba va itamiu.

16 Vatei aroviamiu, gau ra na huli rorodo, tau bosa, Ahei ke nia papari na vale tabu te taho, ma hei gua ke nia papari na *gold* ni vale tabu ke papari uto. 17 Gau ra na bule, ma ra na rorodo ; na hava te haba vaa, na *gold*, pe na vale tabu te vatabua na *gold*. 18 Ma hei ke nia papari na bela ni sukagi te taho, ma hei gua ke nia papari na vatei hevei lee te gahaa *ga*, te dete *ka*lea. 19 Gau ra na rorodo

na hava te sule vaa, na vatei hevei lee, pe na bela ni sukagi te vatabua na vatei hevei lee? 20 Agaia gua te nia papari na bela ni sukagi, te nia papari *ga*, ma na lei totobo soko gua ivuvunana. 21 Ma *gaia* gua te nia papari na vale tabu, te nia papari *ga*, ma *gaia* gua te gahaa i lokana. 22 Ma *gaia* gua te nia papari i kokou, te nia papari na malei sopouna God, ma *gaia* gua te sopou i vuvunana.

23 Vatei aroviamiu, gau ra na Tarai ma ra na Varise, ra na kiko ! na pukuna igamu tau sosoni na hana-vuluni na agole ma na koho ma na ria, ma tau sania na kabariani na lei totobo te mava ta na rororono ni vetena, na dete sugua, ma na dolo, ma na talutuni. 24 Gau ra na tinoni huli rorodo, igamu te kapi sosonomiu na namu ma tau sonomi horua na *kamel*.

25 Vatei aroviamiu, gau ra na Tarai, ma ra na Varise, ra na kiko ! na pukuna igamu tau apoi na murini na seu ma na popo, mi lokani te vonugigi na vatei daedae ma na lio bea. 26 Na Varise rorodo igoe, ko diki apoa na lokana na seu ma na popo, me ke marabu gua na muridira.

27 Vatei aroviamiu, gau ra na Tarai ma ra na Varise, ra na kiko ! na pukuna igamu te vagai na lei malei beku tinoni tara pokeni, na murini te uto lee, ma na lokani te vonugigi na lei huli ni tinoni mate ma na sele soko. 28 Te vaga eni na lei tinoni tara ganaganagamu tau liokinima vamuia, ma na lokamiu te vonugigi na kiko ma na tanoahahi.

29 Vatei aroviamiu, gau ra na Tarai ma ra na Varise, ra na kiko ! migamu tau kisui na malei bekudira na porovete, ma tau vaguvagui gua na giludira ra na liokinima, ma tau gagua, 30 Tai gahagami *ga* ke ta na *bonidira* na tamamami, tai mua nira

udu tara havatigi na gabudira na porovete. 31 Na pukuna eni igamu tau talu vatoga vanigamu, igau ra daledira tara labura na porovete. 32 Igamu tau savunia na tanohahi didira na tamamui. 33 Gau ra na poli, ma ra na dalei umata, evei kau tanomana na rebetiana na dete ni Gehena. 34 Na pukuna eni inau tu vetenara vanigamu gatu ra na porovete, ma ra na lei tinoni manaha, ma ra na Tarai : ma kau labura ma kau patokira gua na balu tadira : ma na balu gua kau ramusira ta na lei nimiu na vale sonikolu, ma kau guru kolilira ta na lei komu ; 35 ge ke dete kale gamu na gabudira na liokikini nima tara havatia ta na pari, ta na gabuna Abel te lio kikinima, ritini na gabuna Sakaria dalena Barakia, tau labua i gobu patuna na voki tabu ma na bela ni sukagi. 36 E utuni inau tu bosa vanigau gatu, na lei tootobo ini soko ke kalea na vata eni.

37 Jerusalem, Jerusalem, to labura na lei porovete, mo to petara tara vetenara mai tamua ! Inau tu haga sonikolu haia na dalemui, te vaga na kudo te taovira ta na gatana na dalena, ma tau hove nimiu. 38 Kau rigia, tara boli sania na valemui, me te uri tamua. 39 Mi nau tu bosa vanigau gatu, kau mua tanomana na rigiagu gua, polo kau bosa, Holoutoa gaia ke mai ta na ahana Lord.

XXIV.

1 Me te rugu horu ta na vale tabu Jesus, me te tona soo ; mara nina vaovarono tara mai tatana, mara tugunigi vania na lei vatu* tara nigi kisu vale tabu. Ma gaia te bosa tugu vanira me gagua, 2 Tau rigigi sokea na lei tootobo kiri ? E utuni inau tu bosa vanigau gatu, Ke mua gahaa siki vatu i vuvunana na vatu, kara mua durakea,

3 Ma gaia te sopou ta na gotu ni Oliveti, ma ra na vaovarono tara mai tatana, mara huati poloa, tara gagua, Ko tatea vanigami mai, keguaniga ge kalei na lei tootobo ini ? ma na hava na vaugilala na maiamu, ma na kouna ni maramana. 4 Me te bosa tugu vanira Jesus, me gagua, Kau lavia na lagamui ke bei hahilaginigamu siki sakai. 5 Na pukuna eni ra na subo kara mai ta na ahagu, ma kara gagua, Inau na Christ ; ma kara hahilaginira tara subo. 6 Ma kau ronovigi na lei kisumate ; ma na lada ni kisumate, kau lavigi na lagamui ma kau bei koenelegamu gea : na lei tootobo ini ke kalei sugua ; ma na sosoko te mua poso mai mua. 7 Ma na vure ta sakai na komu ke tuguru puzusira na vure ta na komu keha, ma sakai na kinakabu ke tuguru puzusia na kinakabu keha : ma na lei nenere ma na lei anu ta na lei komu te subo. 8 Ma na lei tootobo ini ke pukulaginia na vatei arovi vamua. 9 Vaho ge kara lubatigamu ta na vatei tootoro, ma kara labu metagamu. Ma na lei vure soko kara nigau sika na pukuna na ahagu. 10 Vaho ge kara kabalagi ra na subo, ma kara vei peperoi, ma kara sopa nira sika. 11 Ma na lei porovete sorisori ra na subo kara sivuda mai, ma kara hahilaginira ra na subo. 12 Ma na pukuna na tanohali ke hali, na didira na dolo ra na subo ke bihi gea. 13 Ma gaia ke vadanitai ritini na sosoko, ke vavolaa. 14 Ma kara tuguni tatea na ronoro no uto eni ni kinakabu ta na maramana taligu, na vatei talu vatoga vanira na lei vure soko : vaho ge ke livu mai na sosoko.

15 Ge ma kau rigia na haurake ni sura a Daniel na porovete te bosaa, te tuguru ta na bona te tabu (agaia te siroa ke lavipanotia) ; 16 vaho ge kara soga dato ta na lei gotu gaira tara gogo i Judea ; 17 ma gaia te

gahaa ta na tautauvuna ni vale, ke bei horu i pari ge ke boli kehahi na hegohegona te gahai ta na vale: 18 ma gaia te gaha ta na hohogo ke bei pulohi na laviana na pupuluna. 19 Me te vatei aroviadira tara bote, ma gaira tara susu ta na lei boni kiri. 20 Ma kau kokoeliulivuti nimiu ke bei kale ta na malaho na sogamui, me ke bei gua ta na boni ni ahealie. 21 Na pukuna na haurake ke sule ga te mua te vagaa ta na vuivunina na maramana ritini mai, me ke mua tanomana te vaga gua. 22 Ge me ke mua kekeirigi na lei boni kiri, taho na vinahi te vola; ma na pukuna gaira te vilira tua ke kekeirira na lei boni kiri. 23 Ge me ke bosa vanigamu siki sakai, Age, a eni na Christ, pe kerī, kau bei taluutunia. 24 Na pukuna gaira na lei Christ sorisori kara sivuraga mai, ma ra na lei porovete sorisori gua, ma kara tatei na lei vaugilala ma na lei butuli te sule: ge kara nia tanomana na hahilagiadira gaira tara vilira tua. 25 Kau rigia, Inau tu tutugu dilai vanigau gatu na lei tobo ini. 26 Ge ma kara bosa vanigamu, Kau rigia, Agaia te gaha ga ta na bona aroha; kau bei ruguhoru: Kau rigia te gaha ga ta na lei voki, kau bei taluutunira. 27 Te vaga na viti te ruguhoru mai i ulu, me te tate gua i boko, te vaga gua eni na maiana na Dale tinoni ga. 28 Evei te pipili na tonu, ke vaukolu ga na lei manukama.

29 Me padi tua na haurake ta na lei boni kiri, na aho ke boni volo, ma na vula ke mua lubatia na hinana, ma na lei veitugu ke kutu ta na parako, ma na mana ta na parako ke anuanu: 30 vaho ge ke tate ta na parako na vaugilalana na Dale tinoni: ma na lei kema soko ni maramana kara nia tani ga, ma kara rigia na Dale tinoni ke nia mai na mana ma na lada te sule i vuvuzani na lei goba-

guli ni parako. 31 Ma gaia ke vetenara gatu nina Angel nia na tavuli ke tani sule, ma kara vilikolura gaira te vilira tua ta na lei mata ni guri evati, ta na vuivuni ritini na kouna na parako.

32 Taeni kau ronovi vakodooa na nina bosa vavagaha ni vigi: ke pobi na otona ke, me ke pururu, igamu tau pukua na ehina te dutu mai; 33 migamu gua kau rigigi na lei tobo ini ke mai, vaho ge kau pukua agaia te dutu mai tua, ta na mataula vamua. 34 Eutuni, inau tu bosa vanigau gatu, ke mua padi na vata eni, polo ke poso na lei tobo kiri. 35 I kokou mi pari ke tagaa, ma na lei bosagu vamua ke mua tagai. 36 Me taho siki sakai te pukua na boni pe na bona ni boni kerī, taho mua na lei Angel i kokou, taho mua na Dale, na Mama vamua. 37 Me te vaga ta na lei bonina Noa, te vaga gua eni na maiana na Dale tinoni. 38 Me te vaga gua ta na lei boni kiri, te mua livu mai mua na tave, tara vana mara inu, mara lavira na vinekama mara taudira na lei mane, ritini mai na boni, a Noa te hagelia na vaka, 39 ma gaira tara mua gilala polo te sapanira na tave, me te durakera soko: ke vaga gua eni ta na maiana na Dale tinoni. 40 Ta na boni kerī erua na tinoni ga ta na kinakova; kara lavia sakai ma kara sania na dolana. 41 Me rua na vaivine koro gigiri kolu; kara lavia sakai ma kara sania ga na ruana. 42 Kau dai nimiu: na pukuna tau mua gilala na boni na magutumi ke sivuda mai ga. 43 Migamu tau pukua tua eni, te gilala na bona ni boni na puku vale ke, ke mai ga na tinoni gito, te dai nina, me mua tanomana diua na valena. 44 Kau pitu dilaa nimiu, na pukuna eni na Dale tinoni ke sivuraga mai ga ta na bona ni boni tau mua gilala kasunia. 45 Ahei agaia na tinoni te lio sakai me te manaha,

na magutuna te lubatia vania na varena ge ke rigitaonia, ke tuvali utoa vanira na vure gadira na vana? 46 Holoutoa na tinoni keri, na magutuna ke topoā ta na sivuragaana mai te nia pipo ga. 47 E utuni inau tu bosa vanigau gatu ke talana vania na rigitaoniani na lei nina totoho soko. 48 Ge me ke bosa ta na tobana na tinoni dika keri te gagua, Na magutugu te nego; 49 me ke vuivuni na ramusi-adira na dolana, me ke vana, me inu kolu tadira tara inu bulebule; 50 na magutuna na tinoni keri ke sivuda mai ga ta na boni te mua pitua, ma na bona ni boni te mua gilala kasunia, 51 Me ke ramusi matea, me ke talua na malana tadira na kiko: na tani ga ma na girigiri livo.

XXV.

1 Mi ta na bona keri kara vava-gaha nira ehanavulu na tahula na kinakabu i kokou, tara lavigi didira na bulu mara nigi tona ge kara va topoā na tinoni te tagiha taulagi. 2 Me lima tadira tara bule, me lima gua tara manaha. 3 Ra na bule tara lavi leai didira na bulu, mara mua nia tona na kokolo gua: 4 ma ra na manaha tara lavigi didira na bulu ma na kokolo gua ta didira na kada. 5 Ma hau tara pitua na tinoni te tagiha taulagi, ma gaira soko tara maturu totonagi. 6 Mi ta na kutu ni boni te tani na guu, Kau rigia, te sara mai na tinoni te taulagi! Kau ruguhoru nimiu ma kau va topoā. 7 Mara tapatiguru na lei tahula kiri, mara nigi pipo didira na bulu. 8 Mara na bule tara bosa vanira na manaha, kau dodea vanigami mai na nimiu na kokolo, ra, na pukuna te haga mate minami na bulu. 9 Ma ra na manaha tara bosa tugu vanira mara gagua, ke mua kaekage tamami mi tamiu sokea:

kau tona vanira tara sabiri ma kau pelu nimiu, ra gagua. 10 Ma gaira tara va sabiri ma na tinoni te tagiha taulagi te sara mai: ma gaira tara piti kasunia tara hage kolu tatana ta na tabatu ni taulagi: mara vonotia na mataula. 11 Me tumuri va ra na lei tahula keha gua tara mai, mara gagua, Lord, Lord, ko hanavia vanigami mai. 12 Ma gaia te bosa tugu vanira me gagua, E utuni inau tu bosa vanigamu, Inau tu mua gilalagamu, ea, 13 Na pukuna eni kau dai kasunia nimiu, tau mua pukua na boni ma na bona ni boni gua.

14 Me te vaga na tinoni te va tona ta na komu keha, me te holo kolura mai tatana na lei nina tinoni, me te tuvaligi vanira na nina hegohego. 15 Me te hea sakai, elima na *taleneti*, ma na dolana gua erua, ma na keha gua e sakai; te sopa hera taonia na manahadira; me te tona sanira. 16 Me te sakeragi agaia te holai elima na *taleneti* te va tona me te nigi sabiri, me te au gua tatana elima gua na *taleneti*. 17 Me te vaga gua agaia te holai eruka, te au tatana gua eruka. 18 Ma gaia te hola e sakai te va tona me te poloa na nina rono na magutuna me te gelivaginia ta na pari. 19 Me padi tua na bona te hau, na magutu dira na lei tinoni kiri te pulohi mai, me haga padalaginigi tadira. 20 Ma gaia te holai e lima na *taleneti* te nigi mai tatana e lima gua na *taleneti*, te gagua, Magutu, igoe to talani vaniu tua e lima na *taleneti*: mo ko rigia, te au so tagua e lima gua ga na *taleneti*. 21 Na magutuna te bosa vania me gagua, E utumu, na tinoni te uto me te lio sakai igoe; to lio kikini-ma sugua ta na rigitaoniani na lei totoho pile, inau ku lubatigi vanigo taeni e subo na totoho; ko va hage igoe ta na togotogo nina na magutumu. 22 Ma gaia gua te holatigi erua na *taleneti* te mai bosa vania, Magutu, to

talani vaniu tua eruka na *taleneti* : ko rigia, te au *ga* tagua erua gua na *taleneti*. 23 Na magutuna te bosa vania, me gagua, E utumu, na tinoni te uto me te lio sakai, to lio kikinima sugua ta na rigitaoniani na lei toতোবো pile, inau ku lubatigi vanigo taeni e subo na toতোবো : ko va hage igoe ta na nina togotogo na magutummu. 24 Ma gaia gua te hola e sakai na *taleneti* te mai, me te vania, Magutu, inau tu pukugo na tinoni pani igoe, to baohore mo to mua vade, mo to vahikolui to mua seburukaginigi : 25 minau tu mata-gu nigua, mu tu tona keha mu tu gelivagini poloa ta na pari nimua na *taleneti*, ko rigia, ko holatia nimua. 26 Ma na magutuna te bosa tugu vania, me gagua, Na tinoni dika mo to lupa igoe, to gilalau tu baorei tu mua vadei, mu tu vahikolui tu mua havukaginigi ; 27 e gua *ge* o mua lubatigi nigua na rono vanira tara nia pipo na sabisabiri rono, mi ta na pulohiagu mai, ku holatia nigua, ma na dolana gua te au. 28 Kau lavi kehaa tatana na *taleneti* mo ko vahea agaia e hanavulu na *taleneti* tatana. 29 Na pukuna kara soni halavua vania te lologo, me ke au tatana : ma kara lavikeha tatana te mua lologo, na toতোবো vamua te gaha itatana. 30 Ma kau soni horua na tinoni te vana luvu ta na pui i pari : na tani *ga* ma na girigiri livo.

31 Mi ta na boni keru ke nia mai na rararana na Dale tinoni, ma kara nia udu kolu mai gua na lei angel, vaho *ge* ke sopou ta na malei sopouna ni ladana. 32 Ma kara vahikolura mai tatana na lei vure soko. Me ke tu-vali kehara i levu mi levu, te vaga na tinoni rigitaoni *sipu* to tualira na lei *sipu* tadira na *gotu*. 33 Me ko talu kolura na lei *sipu* ta na madolona ma na lei *gotu* ta na maulina. 34 Vaho *ge* bosa na Vunagi vanira ta na madolona, Mai, gau, te holoutogamu na

Tamagu, kau logoa nimiu na kina-kabu te goni kasunia vanigamu ta na vuivuuina na maramana mai. 35 Inau tu vitolo, ma tau kutiu : inau tu mananaha, migamu tau heo gagua na beti mai : inau tu sinogo, ma tau pabeu : 36 tu bona, ma tau puluu nia na tivi : tu vahagi, ma tau toutoguluu : tu gahau ta na vale pipiti, ma tau mai kaou. 37 Vaho *ge* kara bosa tugu vania ma kara gagua, ra na lio kikinima, Magutu, teguaniga tai rigigo to vitolo, migami tai kutigo ? mo to mananaha gua, mi tai heo gamua na beti ? 38 Mi teguaniga gua to sinogo, ma tai pabego ? mo to bona, mi tai pulugo nia na tivi ? 39 Mi teguaniga gua tai rigigo to vahagi, mo to gahago ta na vale pipiti, ma tai toutogulugo *ga* ? 40 Ma na Vunagi ke bosa tugu vanira me ke gagua, E utuni inau tu bosa vanigau gatu, Tau nea te vagaa vania siki sakai tadira na lei hogogu ini ke, te pile kikia tadira sugua, te vaga tau nea vaniu. 41 Vaho *ge* ke bosa vanira ta na maulina. Kau tona keha tagua, gau ra na vavarana, ta na lake te gala kasila, tara keru dila vania Satana ma ra na lei nina taruna dika. 42 Na pukuna inau tu vitolo, migamu tau mua kutiu : inau tu mananaha, migamu tau mua heo gagua na beti : 43 inau tu sinogo, migamu tau mua pabeu : tu bona, migamu tau mua puluu nia na tivi : tu vahagi, mu tu gahau ta na vale pipiti, migamu tau mua toutoguluu. 44 Ma gaira gua kara bosa tugu vania, ma kara gagua, Magutu, teguaniga tai rigigo to vitolo, pe to mananaha, ma na sinogo, pe to bona, pe to vahagi, pe to gahago ta na vale pipiti, migami tai mua gehegehe vanigo ? 45 Vaho *ge* ke bosa tugu vanira, me ke gagua, E utuni inau tu bosa vanigau gatu. Tau mua nea te vaga eni vania siki sakai tadira na lei pile ini, tau mua nea

te vagaa vaniu. 46 Ma gaira ini kara tona keha ta na vatei totoro kasila : ma ra na lio kikinima ta na vola ke mua mautu.

XXVI.

1 Me te sakeragi a Jesus te bosa sokoi na lei bosa ini, te gagua vanira nina vaovarono, 2 Igamu tau pukua ke padi erua gua na boni me ke poso mai na Lovovule, ma kara lubatia na Dale tinoni ge kara patokia. 3 Vaho ge ra vaukolu mai na lei puku ni sukagi mara na magutudira na vure, ta na bebetena na puku ni sukagi, tara holoa Kaiavasi ; 4 mara nia guruvarono na tabe poloana ge kara matea. 5 Mara gagua, Sania ta na gougounu kara bei nia haurerevo gea na vure.

6 Ma Jesus te gaha ga i Betania, ta na valena Simon na ila. 7 Na vaivine te nia mai tatana na popo tara saria nia na *Alabasete*, te vonugia na kokolo te hahi na matena, me kovala ta na uluna te koli ta na vana. 8 Ma ra na lei vaovarono tara rigia, ge ra nia rutu, mara gagua, Egua ge ra soni leaa na totobo eni ? 9 Na pukuna kara tanomana na sabiri suleana na kokolo eni, ma kara vahe leara na lei tinoni bona, 10 Ma Jesus te gilalaa, ge bosa vanira, Egua ge au lavi buleana na vaivine ? Na pukuna te gehehia na gehegehe uto vaniu. 11 Ra na lei tinoni bona tara gahara haia itamiu ; mi nau te taho. 12 Ma gaia te kovala na kokolo eni ta na huligu, te nea kasunia na bekuagu. 13 E utuni inau tu bosa vanigamu gatu, kara tuguni tatea na ronoro uto eni ta na maramana taligu, ma na totobo te kalitia na vaivine eni kara tutugua gua, na vatei ganagana oliana.

14 Vaho ge va itadira ra na lei puku ni sukagi sakai tadira na sara

erua, na ahana Judasi Isikarioti, me gagua, 15 Na hava kau tabau nia minau ku lubatia vanigamu ? Mara kagei vania etolu hanavulu na *silira*. 16 Mi ta na boni keri agaia te kenea na bona ke peroa vanira ga.

17 Mi ta sakai na boni ni bread gulu, ra na vaovarono tara mai rigia Jesus mara gagua, Ivei to liona kai va goni dila vanigo ko gania na Lovovule ga ? 18 Ma gaia te bosa, Kau va tona ta na komu vania siki sakai, nia kau varia, Na magutu te gagua, te poso mai tua na bonigu : inau tu haga gania ta na valemu tadira nigua na vaovarono, na Lovovule. 19 Ma ra na vaovarono tara nea te vaga Jesus te bosa vanira ; ma ra gehe dilaa na Lovovule. 20 Me te nulavi te sopou kolu ta na vana tadira ra na sara erua. 21 Ma tara vana soo, agaia te gagua, E utuni inau tu bosa vanigau gatu, sakai tamiu ke perou. 22 Ma gaira tara dika lio nanata, mara vuivuni tua na sopa bosa vaniana, E mua inau, inagutu ? 23 Ma gaia te bosa tugu vanira me gagua, Agaia te heoti kolu tagua na linana ta na popo, agaia keri ke perou. 24 Na Dale tinoni ke tona te vaga tara gerca tua tatana : me te vatei aroviana na tinoni keri te peroa na Dale tinoni, e uto vaa tatana na tinoni keri tara mua vahua. 25 Ma Judasi te peroa, te bosa tugu vania me gagua, E mua inau, magutu ? Agaia te bosa tugu vania me gagua, To bosaa igoe. 26 Mara vana soo Jesus te tabea na bread, me te bosa utoa, me nitia : me te tuvalia vanira na vaovarono, me gagua, Tabea, gania : aeni na huligu. 27 Me te tabea gua na seu, me te bosa utoa, me te hiera va, te gagua, Igamu soko kau inuvia eni ; 28 aeni na gabugu ni baubahu te tagiha mai, te tave tugura na subo, ta na talukehai palu. 29 Mi nau tu bosa vanigau gatu, Inau ku mua inu-

via na kokolo ni *vaini* eni, ke riti na boni keri ku inuvi vaolua kolu mai tamui ta na kinakabuna Tamagu.

30 Ma *gaia* tara *linea* tua na *line*, *ge* ra ruguloru ta na gotu ni Oliveti.

31 Ma *Jesus* te bosa vanira, me *gagua*, *Igamu* soko kau niu kabalagi : na pukuna te gerea tua, Inau ku labua na tinoni te rigitaoni *sipu*, ma na lei *sipu* kara havukagi. 32 Mi nau tu tuguru oli tua, ku idevigau i Galilea. 33 Me te bosa tugu vania a *Peter* me *gagua*, Kara nigo kabalagi na lei tinoni soko ke, mi nau tu taho. 34 *Jesus* te bosa vania, E utuni Inau tu bosa vanigo, ta na boni eni, ke mua rua na tazina na kokoroko, me tolu tua na niu huguagu. 35 *Peter* te bosa vania, me *gagua*, *Ge* mu ku mate kolu tamua ku mua luguhugugo. Ma *gaia* soko ra na vaovarono tara bosa kolu te vagaa.

36 Vaho *ge* sara na bebete tara vatua nia Getesemani a *Jesus*. Me te bosa vanira nina vaovarono, me *gagua*, Kau sopou mai eni, minau ku va tona iane, mu ku kokoeliulivuti. 37 Ma *gaia* te lavira tatana *Peter*, ma ra rua na dalena Sebede, me te vuivuni dika lio ma na marate. 38 Ma *gaia* te bosa vanira, Na tarunagu te nia dika lio nanata, ritini na mate vamua : kau tolu pitu soo iani, ma kau tolu dai kolu tagua. 39 Ma *gaia* te tona vasoo na pile, me te pogo horu ta na matana, me te kokoeliulivuti, me *gagua*, Age Tamagu, *ge* ke tanomana, na seu eni ke liu padia-gu : mugua ke bei te vaga inau tu liona, migoee vamua. 40 Ma *gaia* te pulohi tadira tolugaira na vaovarono, me te rigi topora tolugaira tara matura, me te vania *Peter*, Kau tolu mua tanomana dai kolu tagua sakai na bona vasoo? 41 Kau tolu dai nimiu, ma kau tolu kokoeliulivuti gua, kau tolu bei liu ta na tabotabo : na taruna te laga sugua, na huli

vamua te labe. 42 Me ruani gua na tonana tadira, me te kokoeliulivuti, me te *gagua*, Age Tamagu, ke mua tanomana na padia-gu na seu eni ke, mu ku mua inuvia, ke kale sugua na liomu. 43 Ma *gaia* te mai tadira tolu-gaira gua, me rigi topora tara matura soo, na pukuna na matadira tolugaira te kakaka. 44 Ma *gaia* te sanira gua, me tona keha, me toluni tua te kokoeliulivuti, me te bosai gua na lei bosa kiri. 45 Vaho *ge* mai agnia vanira na vaovarono, me te bosa vanira tolu-gaira, Kau tolu matura ma kau tolu ahehe nimiu soo : kau rigia te sara mai tua na bona, tara peroa *ga* na Dale tinoni ta na linadira na tano-hahi. 46 Tuguru nimiu, ma ka tona : kau rigia, te mai tua a *gaia* ke perou.

47 Me te sakeragi, te bosa soo, *Ju-dasi*, e sakai tadira na sara erua, te nira mai tatana na vure subo, tara holai na isi ma na tila, mara butu mai tadira na puku ni sukagi ma ra na lei magutudira na vure. 48 Ma *gaia* te peroa te talua na vaugilala tadira, te *gagua*, Inau ku noninomia ahei, ma *gaia* sugua : kau sigovia. 49 Me te sakeragi te mai ta *Jesus*, me te vania, Age magutu ; me te noninomia. 50 Me te bosa vania *Jesus*, me *gagua*, Kula, ko nea na pukuna to mai tua. *Ge* ra mai mara sigovia *Jesus*, mara lavia. 51 Mo ko rigia sakai tadira tara gahara ta *Jesus* te haua na limana, me te sipaa nina isi, me te labua vina tinoni na puku ni sukagi, me te kamo kehaa na kulina. 52 Vaho *ge* bosa vania *Jesus*, me *gagua*, Hilipaginia gua ta na malana nimua na isi : na pukuna agaira soko tara tabea na isi kara nia mate na isi. 53 Mo to ganagana igoe, inau ku mua tanomana kurutia na Tamagu, ma *gaia* ke vetenara mai tagua na mola ni Angel e hanavulu me sara erua, me subo vaa gua? 54 Mi vei ke tanomana keha, me ke kalei na lei ronorono te tabu,

te vaga eni sugua? 55 Mi ta na bona keri Jesus te bosa vanira na vure, me gagua, Igamu tau nigi ruguhoru mai na lei isi ma na tila na sigoviagu te vaga na tinoni gito? Ta na lei boni soko inau tu sopou ta na vale tabu mu tu tarai, migamu tau mua sigoviu. 56 Me padi na lei totoho ini ge kalei na lei gegere didira na porovete, te gagua, Ge ra sama sania ta na lei vaovarono soko.

57 Ma gaira tara lavia Jesus tara nia tona ta na valena Kaiavasi, na puku ni sukagi. Ma ra na tarai mara na lei magutu tara vaukolu ga. 58 Ma Peter te saritaonia te hau, ta na bebetena na puku ni sukagi, me te hage ga, me sopou horu tadira na lei gehegehe, me pitua soo na kouna. 59 Ma ra na lei puku ni sukagi ma ra na ovu ni dete soko tara kenea na huru taboana, ge kara matea. 60 Mara mua tanomana na bosa kaleana tadira : na lei tinoni huruhuru tabo tara subo tara tuguru mai. 61 Mi murina vaa toro mai eruka, moro gagua, te bosaa na tinoni eni. Inau ku tanomana na durakeana na valena God, mu ku kisua gna ta tolu na boni. 62 Me tapa tuguru na puku ni sukagi me te bosa vania, Egua ge o mua bosa tugu siki bosa, na hava na lei totoho ini tara hurugo nia? 63 Ma Jesus te todore, na na puku ni sukagi te bosa vania, me gagua, Inau tu nia papari vanigo na ahana God te vola, ko tuguni tatea vanigami mai. Na Christ dalena God igoe, pe taho? 64 Jesus te bosa vania, me gagua, To bosaa : minau tu bosa vanigo, Ta na eniia kau rigia na Dale tinoni te sopou ta na madolona na Mana, me ke mai ta na lei gobaguli ni parako. 65 Vaho ge rosia nina pupulu na puku ni sukagi, me te gagua, Agaia te bosa tabo : na pukuna na hava ka kenera gua kara hurua nia? Kau rigia igamu tau ronovia nina bosa tabu :

na hava tau ganaganaa? 66 Agaira tara bosa tugu vania mara gagua, Te manana na mate. 67 Vaho ge ra anusua na matana mara ramusia. Ma na balu tara tapotapoa, 68 mara gagua, Igoe Christ, ko tatea vanigami mai ahei agaia te labugo?

69 Ma Peter te sopou i pari ta na bebeta, me te mai tatana na tahula me gagua, Igoe gua to gahago ta Jesus na Galilea. 70 Ma gaia te huguhugu tadira soko, me gagua, Inau tu mua pukua na totoho to bosaa. 71 Me te ruguhoru tua agaia tana malei gehe ni vale, te rigia sakai gua na tahula, me te bosa vanira tara tuguru ga. Na tinoni eni gua te gahaa ta Jesus na Nasareta. 72 Ma gaia te nia huguhugu me te nia papari gua, Inau tu mua gilala na tinoni, ea. 73 Mi ta na siki bona pile gua, gaira tara tuguru ga tara mai mara bosa vania Peter, E utuni sugua, igoe sakai tadira : nimua na leu te tatego mai. 74 Vaho ge vuivuni na papari ma na bosa dikadika, to gagua, Inau tu mua pukua na tinoni. Me te sakeragi te tazi na kokoroko. 75 Ma Peter te ganagana olia na bosana Jesus te gagua. Ke mua tazi na kokoroko me tolu tua na niu huguagu. Ma gaia te ruguhoru me te nia tazi na dika lio.

XXVII.

1 Me te puipuni gana, ra na lei puku ni soni sukagi soko, ma ra na lei magutudira na vure tara nia gu-ruvarono na mateana Jesus. 2 Ma gaira tara tonoa mara lavihehaa, mara lubatia vania Pilatu na Governor.

3 Me rigia Judasi, te peroa, tara dete kalca, ge tugua na liona, me nigi oli mai tadira na puku ni sukagi mara na lei magutu na etolu na hanavulu na siliva, te gagua, 4 Inau tu bahi nigua tu peroa na

gabū te lio kikinima. Ma gaira tara vania, Ma na hava itamami ra, ko nia pipo igoe? 5 Ma gaia te sonihorui na rono ta na vale tabu me te rugu-horu me va ligo matea hegena. 6 Ma ra na puku ni sukagi tara lavia na roho na *siliva*, mara gagua, Te mua ulagana na hogoniana ta na vale ni rono tabu, na pukuna na matei gabu kerī. 7 Ma gaira tara bosa kolu, mara nia sabiri na hohogo ni *Pota*, na malei tavugiadira na sinogo *ga*. 8 Na pukuna eni tara vatua nia na hohogo ritini mai taeni, Na hohogo ni gabu. 9 Vaho ge kalei na bosana Jeremia na porovete te bosai, Ma gaira tara lavigi na etolu hanavulu na *siliva*, na matena agaia kerī tara pelua, na balu tadira na dale Israel. 10 Mara tugua nia na hohogo ni *Pota*, te vaga a Lord te bosaa.

11 Ma Jesus te tuguru punisia na matana na *Governor*: ma na *Governor* te huatia me gagua, na vunagidira na Israel igoe, pe taho? ea. Me te bosa tugu vania Jesus me gagua, To bosaa. 12 Ma ra na puku ni sukagi tara hurua me mua bosa tugu. 13 Ge bosa vania Pilatu me gagua, O mua ronovigi na lei totoho te subo tara hurugo nia? 14 Ma gaia te mua bosa tugu vania, taho siki bosa: ma na *Governor* te nia hare *nanata ga*. 15 Mi ta na gougonu na *Governor* te lubatia vanira na vuro siki sakai na tinoni tara pitia, ahei tara liona. 16 Ma sakai na tinoni pipiti *ga* tadira, tara vatua nia Barabasu, me te lada na ahana. 17 Me te bosa vanira Pilatu tara vaukolu mai *ga*, Ahei rotadira tau liona ku lubatia vanigamu? Barabasu, pe Jesus tara holoa nia Christ? 18 Ma gaira te pukura tara peroa na pukuna tara nia sika. 19 Ma gaia te sopou ta na bela ni dete, na tauna te vetena mai tatana ki sakai, me gagua, Ko bei nea siki totoho

vania na tinoni kerī te lio kikinima: na pukuna na maturu bole te torou genī na pukuna *gaia*. 20 Ma ra na lei puku ni sukagi, ma ra na lei magutu tara lavi buleadira na vure na noniana Barabasu, ma na durakeana Jesus. 21 Ma na *Governor* te bosa tugu vanira me te gagua, Ahei tadira rogaira tau liona mu ku lubatia vanigamu? 22 Ma gaira tara bosa, Barabasu. Pilatu te bosa vanira me gagua, ma na ha ku nea vania Jesus tara vatua nia Christ? Ma gaira soko tara bosa, Patokia, raa. 23 Ma gaia te bosa, Egua, na ha na totoho dika to kabaria? Ma gaira tara gae-gahe *nanata*, mara gagua, Patokia. 24 Ma Pilatu te pukua te mua tanomana na mana punusiadira, me te gunalira vamua na vure, ge lavia na beti, me te sau lima ta na mata-dira na vure, me te gagua, Te mua kauili na gabuna na tinoni eni te liosakai: igamu kau nia kaukau *ga*. 25 Ma na vure soko tara bosa tugu, mara gagua, Na gabuna ke kauili mategami, ma rana lei dalemami gua, raa. 26 Vaho ge lubatia vanira Barabasu: Me te ramusia Jesus, me te talana vanira kara patokia.

27 Ma ra na nina *Governor* tara nia tona Jesus ta na *Piritoreum*, mara holokulura mai tatana na ova udolu. 28 Vaho ge ra sonikeha nu pupuluna, mara pulua nia na polopolo te sisi. 29 Mara vauhia nia na karukaili na pitulu mara talua ta na uluna, ma na ade ta na mado-lona; ma gaira tara tualagi tuturu batobato vania gua, mara gagua, Age, Vunagidira na Israel! 30 Mara azusua, mara lavikeha tatana na ade mara labua nia na uluna. 31 Mara batobato soko tua, ge ra sua keha tatana na polopolo, mara pulua nia na pupuluna, mara nia tona keha ge kara patokia.

32 Ma gaira tara ruguhoru ge ra

topoa na tinoni ni Kurene, ni ahana Simoni: mara lotia ge ke nira udu kolu tadira, me ke holatia na gaivalana. 33 Mara sara tua na bona tara vatua nia Goligota, te gagua, Na bona ni ulu, 34 ge ra hea na vinega tara ule kolua nia na ahu: ma gaia te nani tabonana ge hove nina na inuviana. 35 Ma gaira tara patokia, ge ra tuvalira nia nina pupulu; mara nigi talu vaugilala; 36 mara sopou horu ga mara vatogaa. 37 Ma na gegere tara hurua nia tara gerea i vuvunana, A Jesus eni na Vunagidira na Israel. 38 Vaho ge ra patoki kolura tatana eruka na tinoni gito, sakai ta na madolona, ma sakai ta na maulina. 39 Ma gaira tara liu padi tara naraa, mara birubirui na uludira, mara gagua, 40 Age, to duraken na vale tabu, mo to kisua gua ta tolu na boni, ko vavolago hegemu: ge ke Dalena God igoe ke, ko tete horu mai ta na gaivavala taeni, ra gagua. 41 Te vaga gua ra na puku ni sukagi tadira na lei magutu ma ra na tarai tara batobatoa, mara gagua, 42 Agaia te vavolara na keha; ke mua tanomana na vavolaana hegema. Na Vunagidira na Israel agaia ke, me ke tete horu mai ta na gaivavala, vaho kai taluutunia igai. 43 Agaia te varava ta God; me ke vavolaa taeni, ke liona: na pukuna te bosa, Na dalena God inau. 44 Ma ra na tinoni gito tara patoki kolura tatana toro koe-horua nia na bosa keri.

45 Me te poso mai na ononi na bona ni boni, na puzi te taopunisia na komu udolu polo te poso na hinani na bona ni boni. 46 Mi ta na hinani na bona ni boni Jesus te gaegahe nia na mana te sule, te gagua, *Eli, Eii, lama sabachthani*, te gagua. God inau, God inau, egua ge o tona saniu? 47 Ma na balu tadira tara tuguru ga, tara ronovia, ge ra gagua,

48 Na tinoni eni te holaa Elia. Me te sakeragi te sama sakai, me te lavia na leilesi te vonugia nia na vinega me te sukia ta na ade, me hana vania ge ke inuvia. 49 Ma gaira tara gagua, Sania soo, ka pukua Elia ke mai vavolaa, pe taho. 50 Ma Jesus te nia gaegahe gua na mana te sule, me te lubatia na tarunana. 51 Mo ko rigia, na vovono ni vale tabu te tahari i levu mi levu ta na kouna me sara na sosokona; ma na pari te anuanu; ma na lei vatu te paruruha; 52 ma na lei malei beku te tatavana; ma na hulidira na Tabu te subo tara maturu tua, tara tapatuguru; 53 mara ruguhoru ta na lei beku i muriua mai na tuguru olia, mara hage ta na komu te tabu, mara tate ga vanira tara subo. 54 Ma na rigitaoni na hanalatu ma gaira tara nia dai kolu tatana Jesus, tara rigia na anu, ma na lei totobo te kalei, ge ra matagu sule, mara gagua, E utuni aeni na Dalena God. 55 Ma ra na lei vavine tara subo, tara reirei halahau, agaira tara saritaonia mai tua Jesus i Galilea, mara gehegehe vania: 56 a Meri ni Magidala, ma Meri na ro tinadira James ma Josea, ma na tinadira rogaira dalena Sebede.

57 Me te nulavi mai tua, na tinoni te sodorono te butu mai Arimatea, tara vatua nia Josepu, ma gaia gua na nina vaovarono Jesus: 58 na tinoni eni te va tona ta Pilatu, me te nonia tatana na hulina Jesus. Vaho ge bosa Pilatu na lubatiana. 59 Ma Josepu te lavia na huli, me te pulua nia na tivi te marabu, 60 me te va pilia ta nina malei beku, tara tagila tupia vania ta na vatu: me te pilipilia na vatu kamahi ta na matana na malei beku, me te tona keha. 61 Moro gahara ga Meri ni Magidala, ma Meri keha gua, moro sopou lili-gina na malei beku.

62 Mi ta na ropogana, na boni te tumuri mai na boni tara agoha dila, ra na lei pukuni sukagi, mara na Varise tara vaukolu mai ta Pilatu, mara gagua, 63 Magutu, igami tai ganagana olia na bosana na tinoni sorisori te bosaa, te vola soo agaia, Ke padi e tolu na boni mi nau ku tuguru oli gua, e gagua. 64 Ko bosa igoe ma kara daia na malei beku polo ke padi na toluni na boni, kara bei mai sokea ra na nina vaovarono ma kara gito kehaa, ma kara gagua vanira na vure, Te tuguru oli sanira na tinoni mate agaia: ma na kiko ke dika vaa taeni ta na valuni mai. 65 Pilatu te bosa vanira me gagua, Na ovu ni tinoni ni dai tamiu: kau va nimiu, ma kau nasilia te vaga tau gilala. 66 Ma gaira tara va tona, mara nasilia na malei beku, mara titaa na vatu, na ovu ni tinoni ni dai tadira ga.

XXVIII.

1 Me te padi tua na boni ni aheae, te dani niarao ta na sakaini na boni ni uiki, a Meri ni Magidala na na Meri keha gua toro mai rigia na malei beku. 2 Mo ko rigia na anu te sule; na pukuna na Angel nina Lord te horu mai i kokou, me te mai boki kehaa na vatu, me te sopou i vuvunana. 3 Na hulina te hina te vaga na viti, ma na nina pupulu te pura te vaga na *sinou*: 4 mara na lei tinoni ni dai tara matagu mara nia tatata, mara te vagara na lei tinoni mate. 5 Ma na Angel te bosa tugu ro vanira na lei vinekama me te gagua, Koro bei matagu: inau tu pukua toro kenea Jesus, tara patokia tua. 6 Agaia te taho iani: na pukuna te tapa tuguru, te vaga te bosa sugua. Koro mai rigia na bona te

pipili ga na Lord. 7 Mo koro mina va tona, mo koro tuguni tatea vanira nina vaovarono, agaia te tuguru oli sanira na lei tinoni mate tua, mo ko rigia, te idevigau i Galilea; kau va rigia ga, tu bosaa ro vanigau tua. 8 Ma rogaira toro mina tona sania na malei beku, moro matagu, moro sama togotogo na tuguni tateana vanira nina vaovarono. 9 Mo ko rigia, a Jesus te va sodora rogaira, me gagua, Koro togotogo nimiu. Ma rogaira toro mai tatea na tuana, moro tualagi tuturu vania. 10 Vaho ga bosa rovanira Jesus, Koro bei matagu. Koro va tona mo koro bosa vanira na lei hogogu inau ku tona keha i Galilea, ma gaira kara rigiu ga.

11 Ma gaira tara tona soo, ko rigia, na balu tadira na ovu ni dai tara mai ta na komu, mara tuguni tatea vanira na lei puku ni sukagi na lei totobo soko te padi. 12 Ma gaira tara vaukolu tadira na lei magutu, mara bosa kolu ga, agaira tara gagua, 13 Kau bosa te vaga eni, Ra na nina vaovarono tara mai te boni mara gitoa, migami tai matura. 14 Ge me ke ronovia ga na *Governor* ke, igami kai va betoa na liona, ma kai tuguru punisigau gua. 15 Ma gaira tara hogonia na rono mara nea te vaga tara bosa vanira: ma na bosa eni te lada tua tadira na Israeli, nie te gahaa so ritini mai taeni.

16 Ma ra na vaovarono na sara sakai tara va horu i Galilea, ta na gotu Jesus te bahura va ga. 17 Mu gaira tara rigia mara tualagi tutura vania: ma na balu tadira gua tara nia ganagana ruarua. 18 Ma Jesus te mai tadira me te bosa vanira, me gagua Te talana vaniu mai na mana soko ta na parako mi ta na pari. 19 Kau va tona nimiu, ma kau nera kara rono na vure ta na lei komu soko, ma kau vilitabura ta na ahana na Mama ma na Dale

ma na Taruna te Tabu : 20 ma kau taraira ge kara nigi pipo na lei totobo soko tu bosai vanigamu tua : mo ko

rigia : 'Inau ku nigau udu ta na lei boni soko, ritini mai ua kouna ni maramana.

NA RONORONO UTO NINA MARK.

I.

1 Na vuivunina na ronorono uto nina Jesus Christ Dalena God.

2 Te vaga te gerea tua a Isaia na porovete, Ko rigia, inau tu vetena kasunia vanigo nigua na mane vetena, ge ke vati kasunia vanigo na halautumu i nagomu. 3 Na manana ahei te bosa gaegahe ta na bona aroha, me gagua, Kau goni kasunia na hala tina nina Lord ma kau goni dilai na lei halautuna.

4 A John te mai, te vulitabu ta na bona aroha, me taraira nia na vulitabu ni tugu lio. 5 Ma gaira soko na Judea tara ruguhoru mai tatana, ma ra na Jerusalem, ma gaira soko tara lavia na vulitabu tatana ta na beti tina Jordan, tara tuguni tatei na lei paludira. 6 Ma John te nia pupulu na tivi na vuvulu ni *kamel*, me kabea na gehina nia na guiguli ni kau ; ma na gana vana na puko, ma na kokolo ni midua. 7 Ma gaia te tarai, me gagua, Agaia te mana vaa i tagua ke tumuriu mai, mi nau tu mua kaekage na taoragi horu ni togiana na galo ni pipiti ta na marevona. 8 Inau ku vulitabugamu nia na beti, ma gaia ke vulitabugamu nia na Taruna te Tabu.

9 Mi ta na lei boni kiri a Jesus te butu mai i Nasareta ni Galilea, me vulitabua tatana John i Jordan. 10

Me te sakeragi te sogā dato ta na beti, gaia te rigia na parako te tavoka, ma na Taruna te vaga na bola te horu mai i vuvunana : 11 ma na mana ta na parako te gagua, Igoe na Dalegu tu pabego, tu rigi togotogogo. 12 Ma na Taruna te mina me gurua ta na bona aroha. 13 Ma gaia te kabu ga ta na bona aroha e vati hanavulu na boni, ma Satana te tabotoboa ga : me te gahaa ga tadira na lei bolo mata-mata ; ma na lei taruna vetena tara nia palikutia.

14 Mara talua tua John ta na vale pipiti, a Jesus te vaa tona i Galilea, me tuguni tatea na ronorono te uto ni kinakabuna God, me gagua, 15 Te poso tua na bona, ma na kinakabuna God te dutu mai tua, kau tugui na liomiu, ma kau taluutunia na ronorono te uto.

16 Ma gaia te vavahale liligina na kolokama i Galilea, te rigira rogaira Simon na Aderu tahina toro talahia na vugo ta na kolokama, na pukuna na mane harovana rogaira. 17 Ma Jesus te bosa ro vanira, me gagua, Koro mai tumuriu, mi nau ku negamu koro gehe lau ni tinoni. 18 Me te sakeragi toro sanigi rodidira na vugo moro saritaonia. 19 Ma gaia te vaa tona soo na pile te rigira rogaira James dalena Sebede, ma John tahina, toro gahara gua ta na vaka, toro umei na lei vugo. 20 Me te mina holora rogaira, moro sania ro tamadira Se-

bede ta na vaka tadira na lei mane lutu te tabara, moro va tumuria.

21 Ma gaira tara va hage i Kaperanaum, me sakeragi me va hage ta na vale ni sonikolu ta na boni ni ahehe me te tarai ga. 22 Ma gaira tara nia hare na nina tutugunu, na pukuna te taraira te vaga ahei te mana, me mua vagara na lei Tarai. 23 Ma na tinoni te gahaa ga ta didira na vale ni sonikolu, na tidalo gume te gahaa itatana; me te gaegahe, me gagua, 24 Na hava itamami mi tainua Jesus ni Nasareta? To mai luvuhigami? Inau tu pukugo igoe ahei, A nina Tabu God. 25 Ma Jesus te naraa, me gagua, Ko todore nimua, mo ko ruguhoru mai tatana. 26 Ma na tidalo gume te rosia, me te gaegahe nia na mana te sule, ge ruguhoru mai tatana. 27 Ma gaira soko te nia maro na manadira, mara sopa kakae hegedira mara gagua, Na hava eni? E mua vaolu tutugu ni tarai eni? Na pukuna gaia te nia bosa na mana vanira na lei tidalo gume, ma gaira tara ronovia. 28 Ma na ronoragana te mina dulagi ta na komu soko ni Galilea taligu.

29 Ma gaira tara ruguhoru ta na vale ni sonikolu, tara va hage ta na ro valedira Simon ma Aderu, ma James ma John tadira. 30 Ma vuzona Simon te koli, na vahagi papara te kalea, ma gaira tara tugunia vania. 31 Ma gaia te saravia te lavi datoa, me tatea na limana, ma na vahagi papara te mina tagaa itatana; ma gaia te gehegehe vanira. 32 Me nulavi tua te haga hu tua na aho, tara sakera mai vania ra na lei vahagi soko, ma gaira na lei tidalo dika ilokadira. 33 Ma na lei tinoni ni komu soko tara kokolu mai ta na mataula ni vale. 34 Ma gaia te volara tara subo na vahagi kehakeha te kalera, me te guru kehara na lei tidalo tara subo, me te mua taladira ge kara

bosa, na pukuna gaira tara gilalaa tua.

35 Ma gaia te tuguru te labota te rugu horu, me te va sara ta na bona aroha me te kokoeliulivuti ga. 36 Ma Simon te saritaonia ma gaira itatana. 37 Mara rigi topoa, tara bosa vania, Na vure soko tara kene-go. 38 Ma gaia te bosa vanira, Igita ka tona haliu ta na lei baebase ni komu te dutu ge ku taraira; na pukuna eni sugua inau tu nia rugu horu mai. 39 Me te gahaa ga me te tarai ta na lei vale ni sonikolu i Galilea udolu, me te guru kehara na lei tidalo dika.

40 Ma na tinoni te kasa te mai vania me te kurutia, me te kolitao vania, me gagua, Ge to ko liona ke, to tanomana na marabuagu. 41 Ma Jesus te arovia, me haga loa nia na limana, me tatea, me gagua vania, Inau tu liona, ko marabu gua. 42 Me te bosa soo na kasa te tokeha itatana, me te nia marabu. 43 Ma gaia te bosa laga vania, me te mina vetena kehaa. 44 Me te vania, Ko bei bosa tatea vania siki sakai, mo ko tona mo ko tugunia hegemu vania na mane sukagi, mo ko nigi sukagi na totobo Moses te talui tua, na pukuna na marabuamu, na vaugilala vanira. 45 Ma gaia te ruguhoru, te vuivuni na tuguni tateaana nanata ma na ladaviginiana: na pukuna eni Jesus te mua tanomana na hage tate ta na buto ni komo, me te gahaa i muri peo ta na lei bona aroha, ma gaira tara mai vania ta na lei komu soko.

II.

1 Me soko na balu boni gaia te vaa hage gua i Kaperanaum, mara bosa te gahaa tau ta na vale. 2 Me te mina kokolu na vure subo, me te dukuku na vale tadira, te kodo ta na

mataula, ma *gaia* te tugunia *vanira* na bosa. 3 Ma *gaira* tara nia mai *vania* na tinoni te ludi, e vati na tinoni tara saka. 4 Ma *gaira* tara mua *tanomana* na dutuviana na pukuna na vure, *gera* veotia na vouvotu ni vale te *gahaa ga*, me *tatavana*, *ge* ra dorovagini horua na sape, te *koli ga* na tinoni te ludi. 5 Ma *Jesus* te rigia didira na taluutuni, *ge* bosa *vania* na tinoni te ludi, me *gagua*, Dale, te talukehai tua na palumu. 6 Ma na balu tarai tara sopou *ga*, mara kene *vaovaronoa* ta na tobadira, 7 *Egua ge gaia* eni, *ge* bosa tabo te vataa : Ahoi te *tanomana* talukehai palu ? God *vainua*. 8 Me te sakeragi me pukua *Jesus* ta na tarumana *gaira* tara kakae *vaovarono* didira te *vagaa*, *ge* bosa *vanira*, *Egua* gau kakae *vaovarono* nimiu ta na kutumiu na lei totoho kiri ? 9 Ivei te malumu *ge* taka bosa *vania* na tinoni te ludi, Te talukehai tua na palumu ; pa ka bosa, Tuguru mo ko lavi galagaa na sapemu mo ko tona kolili. 10 Migau kau pukua taeni na Dale tinoni te mana na talu kehaani na lei palu iani ta na maramana, vaho *ge* bosa *vania* na tinoni te ludi, me *gagua*, 11 Inau tu bosa *vanigo*, Ko tuguru, mo ko holatia na sapemu mo ko tona ta na valem. 12 Ma *gaia* te mina tuguru, me lavi galagaa na sapena me rugu-horu ta na matadira soko, na pukuna me nia maro na mazadira soko, mara ladavaginia God, mara *gagua*, Igami tai mua rigia te vaga eni.

13 Ma *gaia* te liu *gua* liligi ni saravahale, ma na vure soko tara kolu-via, ma *gaia* te taraira. 14 Ma ta na bona te liu *ga* te rigia a Levi dalena Alivensi, te sopou ta na malei vahekolu rono, me bosa *vania*, Ko *saritaoniu*. Me te tuguru me *saritaonia*. 15 Me te nea te *vagaa*, *agaia* te sopou horu ta na valena me te *vana*, ma ra na lei vahekolu rono mara *tanotano-*

dika tara subo tara sopou kolu tatana *Jesus*, ma ra na lei nina *vaovarono* ; tara subo sugua *gaira*, mara *saritaonia*. 16 Ma *gaira* na tarai ma na Varise tara rigia te nira *vana* kolu ra na lei vahekolu rono ma ra na lei *tanotanodika*, *ge* ra *gagua* *vanira* nina *vaovarono*, *Egua ge* nira *vana* me inu kolura na lei vahekolu rono ma ra na lei *tanotanodika*. 17 Ma *Jesus* te ronovia *ge* bosa *vanira* me *gagua*, *Gaira* tara vola uto tara mua liona na mane kisu, ma *gaira* tara vahagi *vamua* ; Inau tu mua mai *ge* ku holora na lei tinoni mabo, mara na lei *tanotanodika* *mugua*, *ge* kara tugu lio.

18 Ma *gaira* na lei nina *vaovarono* John ma ra na lei Varise tara maturu too ; ma *gaira* tara mai mara bosa *vania* mara *gagua* ; *Egua ge* ra maturu too ra na lei nina *vaovarono* John, ma ra na lei Varise, nia ra na lei nimua na *vaovarono* tara mua maturu too. 19 Ma *Jesus* te bosa *vanira* me *gagua*, Kara *tanomana* na maturu too na lei *gari* ni vale ni taulagi te *gahaa* soo itadira na tinoni te taulagi ? Kara mua *tanomana* na maturu too te *gahaa* mua i tadira na tinoni te taulagi. 20 Me ke poso mai na lei boni, *ge* kara lavikehaa tadira na tinoni te taulagi, vaho *ge* kara maturu too ta na boni keri. 21 Na tinoni te mua sukia na marosi ni tivi tara mua apoa mua ta na tivi haulagi, na pukuna na totoho ke ponoa ke vola kehaa, ma na tarosi te dika vaa taeni. 22 Ma na tinoni *gua* ke mua dodea na *vaini* vaolu ta na lei *guiguli* haulagi, ke bei nea te vaga eni ke, na *vaini* vaolu ke bohai na lei *guiguli*, ma na *vaini* ke hava keha, ma na lei *guiguli* ke dika *gua* : kara dodea *mugua* na *vaini* vaolu ta na lei *guiguli* vaolu.

23 Ma *gaia* te liu i gobu ni legai ta na boni ni aheha, ma ra na lei nina *vaovarono* tara haliu tara ha-

gotigi na lei vunu ni *korn*. 24 Ma ra na lei Varise tara bosa vania mara gagua, Ko rigia, egua gera nea te vagaa ta na boni ni aheahe te mua manana na vetena? 25 Ma gaia te bosa vanira me gagua, Igamu tua mua siroa ta na *buka* na hava te nea a David, te kabu bona gaia, me te vitolo gua, gaia ma gaira tara nia udu. 26 Ivei te va hage ta na valena God, na puku ni soni sukagi Abiathari, me te gania na *bereti* ni vaugilala, te mua ulagana na ganiana ahei, ma ra na lei mane sukagi hegodira vamua, me te vahera gua gaira tara nia udu. 27 Ma gaia te bosa vanira, Te vuhaa na boni ni aheahe na pukuna na tinoni, me te mua vuhaa na tinoni na pukuna na boni ni aheahe. 28 Na pukuna eni na Dale tinoni te haba punusia gua na boni ni aheahe.

III.

1 Me te va hage gua ta na vale ni sonikolu, ma sakai na tinoni ga te rapobete na limana. 2 Ma gaira tara vatogaa, ke vavolaa ta na boni ni aheahe pe ke taho, ge kara hurua nia. 3 Ma gaia te bosa vania te rapobete na limana, me gagua, Ko tuguru mai. 4 Me gagua vanira, Te manana na vetena na gehegehe uto ta na boni ni aheahe, pa na gehegehe dika? ka vatogaa na vola pa ka nia tagaa. 5 Ma gaia te rigi kolilira nia na rutu, me dika na liona, na pukuna na tobadira te puzi; ge bosa vania na mano me gagua; Ko haua mai na limamu, ma gaia te haua: ma na limana te vola pulohi. 6 Ma ra na Varise tara ruguhoru, me te sakeragi tara gala kolu itadira na Herodi na pukuna gaia, evei kara nea tagaa.

7 Ma Jesus te tona keha ta na horara, ma ra na lei nina vaovarono itatana. Ma na vure te subo ni Gali-

lea tara saritaonia: mi ta na Judea, 8 mi ta na Jerusalem, mi ta na Ildumea, mi levu na Jordan, ma gaira tara gaha taligura i Turu mi Sidoni, na vure te subo tara ronovigi na lei tobo te sule te nei tua, tara mai vania. 9 Ma gaia te bosa vanira na nina vaovarono, na tiola pile ke pitua, na pukuna na vure kara bei dukulia. 10 Na pukuna gaia te vavolara tara subo, mara dukulia ge kara tabea tara nia kaukauli na lei vahagi. 11 Ma ra na lei tidalo gume tara rigia ge ra kutu horu ta na matana, mara gaegahe, mara gagua; Igoc na Dalena God. 12 Ma gaia te nara sulera ge kara mua tuguni tatea.

13 Ma gaia te dato ta na gotu, me te holora mai itatana te liodira, ma gaira tara mai tatana. 14 Ma gaia te gonira ra na hazavulu rua ge kara udu kolu tatana, me ke vetenara gatu, ge kara tarai, 15 ma kara mapa na guru horuadira na lei tidalo. 16 Ma gaia te talua tana Simon na ahana Peter. 17 Ma James dalena Sebede ma John tahina, te talua ro vanira na ahana Boanergesi, te gagua, ra na Dale viviha. 18 Ma Aderu, ma Vilipi, ma Bartholomiu, ma Matheu, ma James dale Aleveusi, ma Tadeusi, ma Simon na Kanaana. 19 Ma Judas Isakarioti, te peroa gna.

20 Ma gaia te va hage ta na vale, ma na vure tara udu kolu gua, na pukuna tara mua tanomana na ganiana na *bread* vamua. 21 Ma ra lei kulana tara ronovia ga, ge ra va tona gatu na tabeana, na pukuna tara gagua, Te bulebule gaia. 22 Ma ra lei Tarai tara sugi horu mai i Jerusalem tara gagua, A Belesebulu te logoa, ma gaia te guru horura nia na lei tidalo na vunagidira na lei tidalo. 23 Ma gaia te holora mai tua tatana ge bosa vavagaha vanira, me gagua; Ivei ke tanomana a Satana, na guruhoruaana Satana? 24 Me ke vokaa na kina-kabu i levu ta na levu ke, na kina-

kabu keri ke mua tanomana tuguru : 25 me ke vokaa na vale, na levu ta na levu, na vale keri ke mua tanomana tuguru, ke taga mugua. 26 Ge ke tuguru puzusia hegena a Satana, me tuva voka tua, ke mua barebare, ke luvu mugua. 27 Na tinoni ke mua tanomana hage ta na valena na malagai me ke sagui na lei nina bina-boli, ke diki pitia mugua na malagai, vaho ge ke boli kehaa na valena. 28 E utuni, inau tu bosa vanigau, ke talukeha sokoi tadira na lei dale tinoni na paludira, ma na lei bosadira soko tara nigi bosa tabo ; 29 ma hei ke bosa taboa na Taruna te tabu, ke mua tanomana na talukehaana na paluna, ke va me va. Na pagu kasila tatana. 30 Na pukuna gaira tara gagua ; na tidalo gume itatana.

31 Ma na tinana ma ra na tahina tara mai ; mara tuguru i pari, tara vetenara hei, na vaa holoana mai. 32 Ma na vure tara sopou taligutia tara vania, Ko rigia, na tinamu ma ra na tahimu i pari tua tara kenego. 33 Me te bosa tugu vanira me gagua ; Ahei tinagu ma ra na tahigu ? 34 Me te rei kolilira tara sopou taligutia, me gagua ; Kau rigira na tinagu ma ra na tahigu. 35 Na pukuna ahei ke gonía na liona God, agaia tua tahigu ma vavinegu ma tinagu.

IV.

1 Ma gaia te vuivuni gua na tarai liligina na saravahale, ma na vure te subo nanata te vaukolu mai tatana, te hagelia na tiola, ge sopou ta na kolo ; ma na vure soko tara gahara liligina na kolo ta na pari tina. 2 Ma gaia te nigi tarai na lei bosa vavagaha na lei tobo te subo, me te bosa vanira ta na nina tarai, me gagua ; 3 Kau ronovia, ma kau rigia, na tinoni te havukagi te ruguhoru ge ke havuka-

FLO.

ginigi. 4 Me havukaginigi, na balu vuavua te kutu liligina na halautu, ma na lui manu tara mai mara gana sokoi. 5 Ma na balu te kutu ta na saesape ni vatu, ta na bona te mua subo na pari ga, me te mina totolo, na pukuna te mua paku na pari ga. 6 Me te dato na aho te melu, ma na pukuna te taho na lalana ge sasaga. 7 Ma na balu te kutu ta na gobu ni karukaili, ma na lei karukaili te totolo me te pono kuvigi, ge mua vanaga. 8 Ma na balu te kutu ta na pari te uto, me ke mukui, te totolo me te kotukotu, ge vuvunu tolu hanavulu me ono hanavulu, ma na hanalatu. 9 Me gagua gaia, Ahei te kuliga ge ke nia rono ke, me ke rono.

10 Ma gaia te gahaa hegena, ge ra huatigi itatana na bosa vavagaha, gaira tara nia udu, ma ra na sara e rua. 11 Ma gaia te bosa vanira me gagua : Te talana vanigamu na lei tobo te vagiliu ta na kinakabuna God : me vanira i pari na lei tobo soko te nei nia na lei bosa vavagaha. 12 Kara reirei gaira, ma kara reirei vavua, kara mua reirei vakodoa. Ma gaira kara rono, ma kara rono vavua, kara mua rono vakalea. Kara bei liliu gua sokea me ke talukehai tadira na paludira. 13 Ge bosa vanira me gagua, Kau mua pukua na bosa vavagaha eni ke ? ivoi kau pukui lei bosa vavagaha soko ? 14 Na tinoni te havukagi, gain te havukaginia na bosa. 15 Ma gaira eni liliu ni halautu, te havukaginia na bosa ga, mara ronovia tua, te sake-ragi a Satana te mai me ke lavikehaa na bosa te havukaginia tua tadira. 16 Ma gaira eni gua tara havukaginigi ta na saesape ni vatu ; gaira sugua tara ronovia tua na bosa, mara holati togotogoa ; 17 me taho na laladira itadira, tara kabu na pile vasoo, mi ta na bona keri te tuguru mai na dika lio ma na gigitou na pukuna na

D

bosa, ge ra mina kabalagi. 18 Ma eni gua tara havukaginigi ta na gobu ni karukaili, gaira sugua tara ronovia tua na bosa : 19 ma na lei ganagana ni Iodiana na maramana eni, ma na pegopego ni rono, ma na lei garu ni tofoto keha gua, kara hage i loka, mara pono kuvihia na bosa, ge nea te kokoba. 20 Ma eni gua gaira tara havukaginigi ta na pari te uto, gaira sugua tara ronovia na bosa, mara hola panotia, mara vanaga etolu hanavulu, me ono hanavulu, ma na hanalatu.

21 Ma gaia te bosa vanira me gagua ; Tara nia mai tua na bulu, ge kara talua sara ni popo, pe sara ni sape, ma kara mua talua ta na malei talu bulu ? 22 Taho siki tofoto te polo tua ke, me ke mua tate, me taho siki tofoto te ravi ke, me ke mua sivuraga. 23 Ahei te kuliga ge ke nia rono ke, ke ronovia. 24 Ma gaia te bosa vanira me gagua, Kau nia pipo na hava kau ronovia : na kaekage keri kau nia kaekage, kara kagea vanigamu, ma kara soni aua vanigamu. 25 Na pukuna kara sonihalavua vania ahei te lologo, ma kara lavikehaa tatana na tofoto te mua lologo.

26 Ma gaia te gagua, Na kinakabuna God te vaga eni, na tinoni te sonia na vuavua ta na pari, 27 me ke matura ke, me ke tapa tuguru ta na boni ma na dani, ma na vuavua ke totolo galaga, me ke daro, ma gaia te mua pukua ivei te nea. 28 Na pari te halilaginia hegena na vana, na totolo te diki, soko na vuvunu, me soko na *korn* te magutu ta na vuvunu. 29 Me te magutu tua na *korn*, gaia ke mina hana na isi, na pukuna te poso mai tua na baobaore.

30 Ma gaia te gagua, Evei ka nia vavagaha na kinakabuna God, ma na hava na bosa vavagaha ka tatea nia. 31 Te vaga na vuavua ni sinapi tara suba ta na pari, na pile kikia tadirā na vuavua soko ni maramana. 32 Me

te suba tua te totolo galaga, me te vuha sule vaa i tadirā na lei sopa vana, me te ototoa sule, ma na lei manu ni oka kara tanomana kabu ta na unaunana.

33 Mi ta na lei bosa vavagaha te subo te vaga eni te tuguni tatea vanira na bosa te manadira na holapanotiadira. 34 Me te taho na bosa vavagaha te mua bosa vanira ; me te uri gua, te togigi na lei tofoto soko vanira na lei nina vaovarono.

35 Mi ta na boni keri, te nulavi tua, gaia te bosa vanira ; Igitā ka halavu i levu. 36 Ma gaira tara sanira tua na vure, tara lavia ta na tiola te vagaa, ma na balu tiola gua i tadirā. 37 Ma na tabuto te sule te tuguru, me te soga hage na tahi ta na tiola, na pukuna te haga vonu na tiola. 38 Ma gaia ta na tagao, te matura ta na vatei uluna ; ma gaira tara raraihia mara gagua ; Magutu, to mua ganagana gita ta haga taga igita. 39 Ma gaia te tuguru, me te naraa na guri, me te bosa vania na tahi ; Ko todore, ko beto ; ma na guri te tagaa me te beata sule. 40 Ma gaia te bosa vanira me gagua, Egea ge gau matagu ? e taho mua na taluutuni itamiu ? 41 Ma gaira tara matagu nanata mara vei ronoro no mara gagua, Ahei vaho eni ? na guri ma na horara te ronovi utoa vaho.

V.

1 Ma gaira tara va sara i levu ni horara, ta na komudira na Gadara. 2 Me te soga horu tua ta na tiola, te sakeragi te haliu topoā ta na lei malei tinoni mate na tinoni na tidalo gume i tatana. 3 Ma gaia te gahaa ta na lei malei tavugi tinoni mate vamua, 4 me te mua tanomana na pitiana mua siki tinoni, taho gua ki tali halo vamua. Na pukuna tara loti haia nia

na lei alo pipiti, ma na lei tahi halo te tautu i tatana, ma na lei pipiti te takoso. Mi taho siki tinoni ke laga vaa na togoluvuana na liona. 5 Me te boiboni me te daidani, ta na lei malei tinoni mate ma na lei gotu te gaegahe haia, me te nia paepahea hegena nia na lei watu. 6 Ma gaia te rigia Jesus te hau, te samalia me te kolitao vania, me te nia nanaraha na mana te sule, te gagua, 7 Na hava i tagua inau mi tamua Jesus, Dalena God te haba nanata? Inau tu kurutigo God, Ko bei niu gigirom. 8 Na pukuna te bosa vania, Ko ruguhoru mai, igoe na tidalo gume, ta na tinoni. 9 Me te luatia gaia, Ahei na ahamu? Me te bosa tugu vania, Na ahagu *Legioni*, na pukuna igai tai subo. 10 Me te kuruti nanataa ge ke mua tivara ta na komu. 11 Me te gahaa ta na gotu na vinavu ni bolo sule tara huhu ga. 12 Ma gaira tara kurutia, tara gagua, Ko vetenagami gatu ta na lei bolo, ge kai va hage ilokadira. 13 Me te taladira, ma ra na lei tidalo gume tara ruguhoru, mara va hage ta na lei bolo; ma na ovu ni bolo te sama horu ta na sosogola, ta na horara, te vaga eruua na toga, me te sukura na tahi. 14 Ma gaira tara kutira tarasama, mara tatea na tobo to na baebase ni komu, mi ta na matana gua. Ma gaira tara varigia na tobo to nei tua. 15 Ma gaira tara mai vania Jesus, mara rigia na tinoni te gahaa i tatana na lei tidalo, te sopou; me te nia pupulu tivi, me te manaha uto, agaia sugua na *Legioni* i tatana. Ma gaira tara matagu. 16 Ma gaira tara rigia na tobo to tara tuguni tatea vanira, ivei te vaga te topoa gaia, na lei tidalo te gaha i tatana, ma na lei bolo gua. 17 Mara vuivuni na kurutiana ge ke tona sanigi na komudira. 18 Ma gaia te hagelia na tiola, ma na tinoni te gahaa i tatana na lei tidalo, te nonia ge ke nia udu.

19 Me te mua talana, me te bosa vania soo me gagua, Ko tona ta na valemu, tadira na lei kulamu, mo ko tuguni tatei vanira na lei tobo to te mava a Lord te nei vanigo tua, me te arovigo. 20 Me te va tona, me te vuivuni i Dekapolis na tuguni tateani na lei tobo to Jesus te nei vania: ma gaira soko tara nia hare.

21 Ge va halavu i levu a Jesus ta na tiola, ma na vure subo tara udu kolu tatana; me te gahaa liligina na horara, 22 me te mai sakai tadira na lei magutu ni vale sonikolu, na ahana Jairus; me te rigia ge pogo horu ta na tuana, 23 me te kuruti sulea, me gagua, Na dalegu pile, na tahula, te dutu ni mate, inau tu kurutigo ge ko gatu, mo ko talua na limamu tatana, ge ke nia mavo ke, me ke vola. 24 Me te nia tona; ma na vure subo tara saritaonia mara dukulia.

25 Ma na vaivine e hanavulu tua me sara e rua na niulu na gabu te tave. 26 Ma ra na lei mane kisu te subo te vahagitailia me va i tadira, me te nigi rage soko tua na lei nina tobo to, me te mua vola pile, ma vaho lee te vahagi sule vaa. 27 Te ronovigi tua na lei tobo to tana Jesus, te nira udu mai na vure murina me te tatea na nina pupulu. 28 Na pukuna te gagua, Ge ku tatea vasoo na nina pupulu ke, ku nia vola nigua. 29 Me te sakeragi na vuravura na gabuna te kaupono; me te pukua ilokana te tatavahale ta na tobo to te toroa. 30 Me te sakeragi te pukua hegena a Jesus na mana te rugu horu tatana, te liliu pulohi ta na vure, me te gagua, Ahei taabei na pupulugu? 31 Ma ra na lei nina vaovarono tara bosa vania, To rigira na vure tara dukuligo mo to bosa igoe, Ahei te taben? 32 Me te reirei kolili ge ke rigia agaia te kabaria na tobo to eni. 33 Ma na vaivine te matagu me te gebegebe, me te gilala na tobo to te kabaria vania,

te mai me te pogotao vania me te bosa tate soko. 34 Ma gaia te bosa vania, Dale, nimua na taluutuni te vavologo, ko tona mabo soo, ko kabu tatavahale nimua.

35 Ma gaia te bosabosa soo, ge ra mai ta na valena na tinoni te haba ta na vale ni sonikolu, mara gagua, 'Te mate tua na dalemu na tahula, egua ge o lavibuleana na magutu? 36 Ma Jesus te mua ganagana na bosa tara bosaa, te gagua vania na tinoni te haba ta na vale ni sonikolu, Ko bei matagu, ko taluutuni vamua. 37 Me te mua talana siki sakai ke nia udu, ma Peter vamua, ma James, ma John tahina James. 38 Ma gaira tara va sara na valena na tinoni te haba ta vale ni sonikolu; me te vaevanera na vure tara kokoe tokatoka, mara subo tara nanaraha, mara gugu sule. 39 Me te hage tua, ge bosa vanira, Egua ge au kokoe susesule, mau gugu? Na gari te mua mate, te maturu vamua. 40 Mara kiahaginia mara batobatoa; ma gaia te guruhorura soko, te lavira na tamana na gari ma na tinana, ma gaira tara nia udu, ge va hage ga te gahaa ga na gari. 41 Me te tabea na limana na gari ge bosa vania, "*Taliha kumi*," te gagua, tara bosa tugu, Tahula, inau tu bosa vanigo, tuguru. 42 Me te sakeragi na tahula te tapatuguru, me te sakusaku tua; na niuluna o hanavulu me sara erua. Ma gaira tara nia maro sule na manadira. 43 Ma gaia te keikeri sulera ke bei pukua na toতোbo eni siki tinoni. Me te bosa vanira ge kara kutia.

VI.

1 Ma gaia te ruguhoru gatu ga; me te va sara na komuna; ma gaira na lei nina vaovarono tara saritaonia. 2 Me te poso mai tua na boni ni aheahe, te vuiivuni na tarai ta na

vale ni sonikolu; ma gaira tara subo tara ronovia tara nia hare, tara gagua, Ivei te mai tatana na lei toতোbo kiri? mi vei te gagua na manaha te vahea na tinoni eni, mivei te gagua na lei gehegehe te sule te nei tua nia na limana? 3 Na mua na *Carpenter* eni, na dalena Meri, ma tahina James, ma Judas ma Simon? ma na lei vavinena tara mua gahara iani tatada! Mara nia kabalagi. 4 Ma Jesus te bosa vanira, Tara mua ladavaginia na Porovete ta na komuna, mi tadira ra na kulana, mi ta na valena vamua. 5 Me te mua tanomana na neana siki butuli ga, te talua na limana ta na balu vahagi vamua, me te va mavora. 6 Me te nira hare na pukuna na taluutuni te taho tadira.

Me te tona olioli ta na lei baebase ni komu me te tarai.

7 Ma gaia te holora mai tatana ra na hanavulu rua, me te vuiivuni na vetenaadira gatu ruarua, me te hera na mana punisira na lei tidalo gume. 8 Me te keikeirira ge kara mua lavia siki toতোbo te manana na tonaadira, na toতোগona vamua; taho na *bread*, taho na kei, taho na rono ta didira na kerisa. 9 Kara tona ke ma na harani vaso na tuadira nia na marevodira, me ke bei erua na pupulu gobo kara nigi pupulu. 10 Me te bosa vanira, Ivei kau va hage ta siki vale, kau kabu vaso i ga polo ge kau goi tona gatu. 11 Rahei ta kara mua lavipantotigau ke, mara mua ronovigau, kau ruguhoru gatu keru ke, kau kavuli keha na pugu ni pari sarana tuamiau na tuguni tategamu vanira. 12 Ma gaira tara tona gatu, mara tarai ge kara tugulio na lei tinoni. 13 Mara gurura na lei tidalo te subo, mara vulira nia na kokolo ra na subo tara vahagi, mara vavolara.

14 Maia te ronovia Herod na vunagi te lada na ahana; me te bosa, John vulitabu te tapatuguru sanira

na mate, ma na pukuna *ga* te tate i tatana na lei *gehegehe* kiri. 15 Ma na balu tara *gagua*, *Elia* *gaia*, ma na balu *gua*, Na Porovete *sugua*, pe te *vaga* sakai tadira na Porovete. 16 Ma *gaia* Herod te ronovia *ge* *gagua*, a John tu *vuria* tua na uluna te *tapatuguru*. 17 Na *pukuna* a Herod te *holoa* mai me te *sigovia* John, me te *pitia* ta na *vale* *pipiti* na *pukuna* Herodias tauna *hogona* Philip; te tauna *gaia*. 18 Maia John te *bosa* *vania*, Te *mua* manana na *vetena* ko tauna na *ivamu*. 19 Maia Herodias te kana *haginia*, me te *liona* na *mateana*, me *mua* *tanomana*. 20 Na *pukuna* Herod te *nia* *maa* John, te *gilala* *gaia* te *mabo*, me te *tabu* *gua*, me te *rigitata* *vahalea*. Me te *ronovia* tua, te *kabarigi* e *subo* na *totobo*, me te *ronovi* *togotogoa*. 21 Me te *poso* mai na *boni* te *kaekage* *ge* *kē* *gonia* na *tatabu* *vanira* na lei *nina* *magutu* ma ra na lei *nina* *puku* ni *vunagi*, ma ra na *haba* ni *Galilea*. 22 Me te mai hage na *dalena* Herodias me te *gavai*, ma *gaia* te va *togotogoa* Herod ma *gaira* tara *sopou* *kolu* *itatana* ta na *vana*. Ma na *vunagi* te *bosa* *vania* na *tahula*, Ko *nozia* *tagua* na *totobo* to *liona*, mi *nau* ku *vahego* *gatu*. 23 Me te *bosa* *papari* *vania*, Ko *nozia* *tagua* *siki* *totobo* *ke*, mi *nau* ku *vahego* *vanigo* *ke* *ritini* na *levu* ni *kinakabugu*. 24 Ma *gaia* te *ruguhoru* me te *bosa* *vania* *tinana*, Na *hava* ku *nozia*? Me te *gagua* *gaia*, Na *uluna* John *vulitabu*. 25 Ma *gaia* te *mina* hage mai me *vania* na *vunagi*, me te *nozia* *hegena*, te *gagua*, Inau tu *liona* ko *vaheu* mai *taeni* na *uluna* John ta na *kei*. 26 Me te *dika* *lio* *sule* *ga* na *vunagi*, ma na *pukuna* na *nina* *bosa* ni *papari*, ma na *pukuna* *gaira* tara *sopou* ta na *vana*, *ke* *mua* *hugua*. 27 Me te *sakeragi* te *vetena* *gatu* sakai na *soldier* tadira tara *daia*, me te *bosa* *vania* na *laviana* na *uluna*; 28 me te

va *tona* *gaia*, me te *vuria* na *uluna* ta na *vale* ni *pipiti*, me te *nia* mai na *uluna* ta na *kei*, me te *vahea* na *tahula*; ma na *tahula* te *vahea* *tinana*. 29 Ma *gaira* na lei *nina* *vaovarono* tara *ronovia* *ga*, tara mai mara *lavidatoa* na *tonona*, mara *talua* ta na *beku*.

30 Ma ra na lei *vaovarono* tara *vaukolu* mai *tatana* *Jesus*; mara *tutugui* *vania* na lei *totobo* tara *kabarigi*, mara *nigi* *tarai*. 31 Ma *gaia* te *bosa* *vanira*, Kau *gatu* *nimi* *hegemiu* ta na *bona* te *uri*, ma kau *ahehe* *pile* *bona*. Na *pukuna* tara *subo* tara mai mara *pulohi*, mara *mua* *tanomana* na *kabu* *beto* *ge* *kara* *vana*. 32 Ma *gaira* tara *tona* *keha* ta na *tiola* mara sara na *bona* ni *komu* *aro* *haga* te *sagau*. 33 Ma na *vure* tara *rigira* tara *tona*, mara *subo* te *pukura*, ma *gaira* tara *sania* *kolu* *ga*, tara *liu* *pari* tadira na lei *baebase* ni *komu* *soko* mara *diki* sara. 34 Ma *gaia* te *ruguhoru* me te *vaevanera* na *vure* te *subo*, me te *arovira*, na *pukuna* *gaira* te *vaga* na lei *sipu* te *taho* na *tinoni* te *rigi* *taonira*: me te *vuivuni* na *tara* *adira* e *subo* na *totobo*. 35 Ma na *dani* te *haga* *hau* tua, ra na lei *nina* *vaovarono* tara mai, mara *bosa* *vania*, Te *uri* na *bona* ni *komu*, ma na *dani* te *haga* *hau* tua. 36 ko *veterara* *gatu*, *ge* *kara* va *tona* ta na *komu* mi ta na lei *tabuto* ni *komu* *ta'igu*, ma *kara* *nigi* *sabiri* na *mate* ni *gadira* na *vana*. 37 Ma *gaia* te *bosa* *tugu* *vanira*, Kau *vahera* *gatu* na *mate* ni *gadira* na *vana*. Ma *gaira* tara *bosa* *vania*, Kai va *tona* *sabiri* na *bread* te *manani* *erua* *hanalatu* ni *rono*, ma kai *vahera* *ge* *kara* *gan'a*? 38 Me te *bosa* *vanira*, *Eni* *ha* na *bread* *tamiu*? va *kenea*. Ma *gaira* tara *pukua* tua *ge* ra *gagua*, *Elima* ma *rua* na *iga*, *raa*. 39 Me te *bosa* *vanira* *ge* *kara* *sopou* *horu* *soko* ta na lei *ovu* ta na *buburu*. 40 Mara *sopou* *horura* ta na lei *tete* na *hanalatu* na *balu* ma na *lima* *hana-*

vulu na balu. 41 Ma gaia te holai e lima na *bread*, me rua na iga, me rei tada i kokou, ge bosa utoi me niti levui na *bread*, ge vahera na lei nina vaovarono, ge kara tuvalira na vure; me rua na iga te tuvaligi vanira soko. 42 Ma gaira soko tara vana, mara mahu. 43 Mara vahikolui na lei pilepilo vana e hanavulu rua na kei te vonugigi, ma na lei iga gua. 44 Ma gaira tara ganigi na *bread* e lima na toga ni tinoni.

45 Me te sakeragi te keikerira na lei nina vaovarono ge kara hagelia na tiola, ma kara halavu i levu i nago i Bethsaida, ma gaia hegena ke lubatira na vure. 46 Ma gaia te bahura tua, te va tona ta na gotu ge ke kokoe-liulivuti. 47 Me nulavi tua na tiola te gaha i gobu ni kema, ma gaia te udu hegena ta na pari tina. 48 Ma gaia te vaevanera tara nia monoli na voevoie, na pukuna te dika na guri. Me te labota mulemule te mai dutuvira, te tuturi ta na tabi; me te haga tona haliura. 49 Ma gaira tara rigia te tuturi ta na tabi tara ganagana na tidalo, mara gaegahe; 50 na pukuna gaira soko tara rigia, mara gebegebe. Me te mina bosa vanira, me te gagua. Kau togotogo nimiu, Inau soo, kau bei matagu. 51 Me te baehage kolu tadira ta na tiola; me te luba na guri; me te nia maro na manadira itadira; 52 na pukuna tara mua holopanotia ga na *bread*, na tobadira te nasi mugua.

53 Ma gaira tara halavu i levu tua, tara va sara ta na komu ni Genesaret. Mara piniti pari lona. 54 Mara sogi i lona tua ta na tiola, na vure tara mina gilala, 55 mara sama kolili ta na baebase ni komu soko, mara vuvuni na hola galagaadira na lei vahagi ta na sapedira, tara romovia gaia ga. 56 Me te va sara ivei ta na lei baebase ni komu, tara kolivaginira na lei vahagi ta na lei malei sabiri,

mara kurutia ge kara tabea na soso-kona na nina pupulu vamua; ma gaira tara tabea tara nia vola.

VII.

1 Mara nia udu kolu mai na lei Varise, ma na balu tadira na Tarai, tara butu mai Jerusalem. 2 Mara vaevanera na lei nina vaovarono tara ganigi gadira na *bread* te meto na limadira, te gagua tara mua sau lima. 3 Ra na lei Varise, ma gaira soko na Judea tara mua vana, tara mua sau lima uto, tara nia pipo na ganaganaadira na lei magutu. 4 Mara pulohi ta na malei sabiri tara mua vana mua tara mua siu. Ma na lei tobo te subo gua ga tara holopanotigi ge kara nigi pipo, na apoani na seu ma na popo, ma na lei vatei halo.

5 Ma ra na lei Varise, ma ra na lei Tarai tara huationa, Eguu ge ra mua taonia na ganaganaadira na magutu ra nimua na lei vaovarono, tara ganianua gadira na *bread* te meto na limadira. 6 Ma gaia te bosa vanira, Te utuni a Isaia te bosa dila gamu, gau na lei kiko, te vaga tara gereca,

Na vure eni tara holomavau nia na gidudira,

Ma na tobadira te sagaviu.

7 Agaira tara kolitao vaniu me kodera, tara nigi tarai na lei bosadira ni tinoni te vagai na lei tutugu ni tinoni.

8 Igau tau sania na vetena nina God, mau holopanotia na bosadira na tinoni. 9 Ma gaia te bosa vanira, Igamu tau hove nanataa na vetena nina God, ge kau holopanotia na nimiu na romorono. 10 A Moses te bosa nina, Kau nira kikinina na tamamiu ma na tinamiu; ma lei ke bosa dikalaa na tamana ma na tinana ke mate sugua. 11 Migau gua tau gagua ge te ke bosa vania tamana pa

tinana na tinoni ke, Na totoobo toro lavia sugua tagua ke te Korobano vamua, te gagua tu lubatia vania God. 12 Igamu tau mua talana ge ke gonia gua siki totoobo vania tamana pa tinana. 13 Mi gamu tau talu tagaa na bosana God nia nimiu na ronoroño tau tutugua tua; ma na lei totoobo te subo te vagai tau nei. 14 Ma gaia te holora mai vania gua na vure, me te bosa vanira. Igamu soko kau rono ma kau lavi panotia; 15 Taho siki totoobo i pari na tinoni, ke hagevia i lokana me ke va metoa; na lei totoobo mugua ke ruguhoru mai tatana gaira sugua ke va metoa. 16 Ahei te kuliga ge ke nia rono, ke ronovia. 17 Me te hage tua ta na vale me te sanira tua na vure, ra na lei nina vaovaronõ tara huatia tatana na bosa vavagaha. 18 Ma gaia te bosa vanira, me gagua, Miganiu gua tau mua manaha gua? Kau mua pukua na totoobo i pari ke hagevia ilokana na tinoni ke mua tanomana na va metoana. 19 Na pukuna te mua hage ta na tohana, ta na kutuna mugua me te tagaa, me te nia marabu na lei vana soko. 20 Me te gagua, Na totoobo te ruguhoru tatana na tinoni gaia sugua te va metoa. 21 Na pukuna ilokana, ta na tohana na tinoni, na lei ganagana dika te ruguhoru mai, na lei tanotanodika, na lei gito, 22 na lei tabotabo, na lei nelenele, na lei garu, na tanohahi, na kiko, na lio ni tanodika, na mata dika, na vavarana, na lionago, na lio bule. 23 Na lei totoobo dika soko ini te ruguhoru mai i lokana, ma te metoa na tinoni.

24 Ma gaia te tuguru gatu ga, me te va tona ta na buto ni komu i Turu ni Sidoni, ma gaia te va hage ta na vale, me hove nina ke bei gilala ahei: ma gaia te mua tanomana polo. 25 Me te sakeragi na vaivine te ronovia u agaia, na delena, na vaivine pile, na

tidalo gume te gaha i tatana, te mai me te pogo tao ta na tuana. 26 Na vaivine eni na *Grekia*, na puku ni komuna na Surovonikia, me te kurutia ge ke guru kehaha na tidalo ta na dalena. 27 Ma gaia te bosa vania, Kara diki mahu ra na gari; na pukuna te mua uto na saguana na gadira na bread na lei gari ma na soniana vanira na lei kau. 28 Ma gaia te bosa tugu vania, E utuni Lord: na lei kau sarana na bela tara ganigi na lei pilepile vana gadira na gari. 29 Ma gaia te bosa vania, Na pukuna na bosa eni ko gatu; na tidalo te ruguhoru mai tua ta na dalemui. 30 Ma gaia te va tona ta na valena, me te topoa na gari te koli ta na sape, ma te tokeha tua na tidalo.

31 Ma gaia te ruguhoru gua ta na buto ni komu ni Turu ni Sidoni me te va sara na horara ni Galilea, te liu pota i gobu ni buto ni komu i Dekapolis. 32 Ma gaira tara lavia siki sakai te pui, me te lagu; mara kurutia ge ke talua na linana itatana. 33 Ma gaia te lavitabalilia hauvia na vure, me te talui na gigirina ta na kulina, me te anusu, me te tabea na lapina; 34 me te rei tada ta na parako, te ahituna, me te bosa vania, *Epatha*, te gagua, hanavia. 35 Me te pota na kulina, ma na alo pipiti te tatogi, me te bosa tate. 36 Ma gaia te kekeirira ge kara mua tatea vania siki sakai: me te kekeirira sule, ge ra tatea sule va. 37 Ma gaira tara nia maro mana, tara gagua, Te goni utoi na lei totoobo soko; te nera na pui vamua ge ra rono, ma ra na todo ge kara bosa.

VIII.

1 Ta na lei bowi kiri, ma na vure te subo te vaukolu gua, me te taho na gadira na vana, te holora mai vania na lei nina vaovaronõ, me te bosa

vanira, 2 Inau tu arovira na vure, na pukuna e tolu tua na boni tara gahara tagua, me te taho na gadira na vata. 3 *Ge* mu ku vetena kehara gatua ta na komudira tara vitolo inua, kara guluva ta na halautu; ma na balu tadira tara butu mai hau. 4 Ma gaira ra na lei nina vaovarono tara bosa tugu vania, Mivei ke va mahura siki sakai na lei tinoni ini nia na *bread* ta na bona aroha eni? 5 Ma gaia te huatira, Eniha soko na *bread* itamiu? Ma gaira tara bosa, Evitu. 6 Ma gaia te kekeirira na vure te subo *ge* kara sopou horu ta na pari: ma gaia te lavigi e vitu na *bread*, me te bosa utoi tua, te nitigi, me te vahera na lei vaovarono, *ge* kara tuvaligi vanira; ma gaira tara tuvaligi vanira na vure te subo. 7 Ma na balu pile iga gua tadira: me te bosa utoi gua, te kekeirira gua *ge* kara tuvaligi vanira gua ini. 8 Ma gaira tara vana mara mahu: ma gaira tara vahikolui na lei pilepile vana te au te manani evitu na kei. 9 Ma gaira te vaga evati na toga; me te vetena kehara. 10 Me te sakeragi te va hagelia na tiola tadira na lei nina vaovarono, me te va sara na lei buto ni komu ni Dalmanutha.

11 Ma ra na lei Varise tara rugu-horu, mara vuivuni huahuati i tatana, tara kakae tatana na vaugilala ta na parako, tara tabotaboa nia. 12 Ma gaia te ahituna lalo ta na tarunana, me te bosa, Egu *ge* kenea na vaugilala na vata eni? E ututuni inau tu bosa vanigo, ke mua vahea siki vaugilala vania na vata eni. 13 Ma gaia te savira, me te hagelia gua na tiola te va tona i levu.

14 Ma gaira tara nia pono lio na laviana na *bread*; me tahoga tadira ta na tiola e sakai na udolu vamua. 15 Me te kekeirira, te gagua, Kau nia pipo, kau rigia na didira na *Leven* na Varise ma nina Herod. 16 Ma gaira

tara vei bosabosa i levu mi levu, tara gagua, Na pukuna na *bread* itatata te taho *ga*. 17 Me te pukua *ga* Jesus te bosa vanira, Egu *ge* au bosabosa na pukuna na *bread* te taho itamiu? Igau tau mua gilala inua, mau mua ganagana vaugilala, te nasi soo na tobamiu. 18 Na lei mata itamiu mau mua nigi reirei, ma na lei kuli itamiu mau mua nigi rono? Mau mua ganagana oli. 19 Inau tu nitigi elimina na udolu tadira e lima na toga, eniha soko na kei te nigi vonu na pilepile vana tau vahikolui? Agaira tara bosa vania, E hanavulu me sara eru. 20 Ma na lei e vitu tadira e vati na toga, eniha soko na kei te nigi vonu na pilepile vana tau vahikolui? Ma gaira tara bosa vania, Evitu. 21 Ma gaia te bosa vanira, Igau tau mua rigi vaugilala mua?

22 Ma gaira tara vaa sara Betisaida. Ma gaira tara lavia vania na tinoni te rorodo, mara kurutia *ge* ke tatea. 23 Ma gaia te tatea na limana na tinoni te rorodo, me te lavi horua ta na tabuto ni komu; me te anusua na matana, me talua na limana tatana, *ge* huatia, Ko rigia siki totobo? te gagua. 24 Ma gaia te rei tada me te bosa, Inau tu rigira na tinoni; tu vae-vanera te vaga na lei gai, tara tona. 25 Ma gaia gua te goi talua na limana ta na matana; ma gaia te reirei nasi, me vola pulohi, me rigi magorai na lei totobo soko. 26 Ma gaia te vetena kehaa ta na valena, te bosa, Ko bei hage ta na tabuto ni komu vamua, mo ko bei bosa vania ahei ta na komu.

27 Ma Jesus te ruguhoru, ma gaira nina vaovarono, ta na lei tabuto ni komu ni Kaisarea Vilipi; mi ta na halautu te huatira na lei nina vaovarono, me te bosa vanira, Gaira na lei tinoni tara gagua Inau ahei? 28 Mara tatea vania, mara gagua, John Vulitabu; ma na balu gua, *gea* Elia, ma na balu sakai tadira na lei

porovete. 29 Ma gaia te huatira Migau ahei tau vatuu nia? A Peter te bosa tugu vania, Igoe na Christ. 30 Ma gaia te kekeirira ge kara mua tuguni tatea vania siki tinoni. 31 Ma gaia te vuivuni na taraiadira, ge ke vadanitai e subo na tobo na Dale tinoni, ma kara tivaa na lei magutu, ma na lei puku ni soni sukagi, ma ra ha lei tarai, ma kara labua, me ke poso e tolu na bozi ke tuguru oli. 32 Me te bosa tatea na tutugu. Ma Peter to lavia, me te vuivuni na todoreana. 33 Ma gaia te rei pulohi, me te rigira na lei nina vaovarono, te pasaa Peter, me te gagua, Ko liu murigu, Satana; na pukuna to mua nigi pipo na lei tobo nina God, na lei tobo nina tinoni vamua. 34 Ma gaia te holo kolura mai tatana na vure ma na lei nina vaovarono, me te bosa vanira, Ge te ke mai murigu siki sakai, ke hugu punisia hegema, me ke gatea nina gaivavala, me ke saritanu. 35 Ma hei ke vavolaa na tarunana ke tagalaginia; ma hei ke tagalaginia na tarunana na pukuna inau ma na ronoro uto, ke vavolaa ga. 36 Ma na hava ke sodoa na tinoni, ge ke logoa na maramana udolu, me ke tagalaginia na tarunana? 37 Ma na hava na tuguna na tarunana? 38 Mahei ke niu maa Inau ma na lei bosagu ke ta na vata eni te tanotano-dika me te tanohahi, na dale tinoni ke nia maa gua, ke mai gua gaia, tadiria na lei Angel tara tabu, ta na ladana na Tamana.

IX.

1 Ma gaia te bosa vanira, E ntuni Inau tu bosa vanigau gatu. Na balu ga tadiria tara tuguru iani kara mua vadania mua na mate, polo kara vuha rigia na kinakabuna God ke nia mai na mana.

2 Me padi tua e ono na boni a Jesus te vilira Peter, ma James, ma John, ge kara nia udu kolu, me te lavi datora hegedira ta na gotu te daro: ma na hulina te keha itadira. 3 Ma na lei nina pupulu te vitiviti, me te pura lee, ke mua tazomana na neana te pura te vagaa siki mane te apo tivi ta na maramana. 4 Me te tate vanira a Elia ma Mosesi; mi tolugaira a Jesus tara tolu tutugu soo. 5 Ma Peter te bosa tugu vania Jesus, me gagua, E uto vanigami na kabu iani, itolugai kai tolu kisui iani e tolu na gagata; sakai vanigo igoe, ma sakai vania gua Mosesi, ma sakai vania Elia gua. 6 Na pukuna te mua gilala na hava ke nia bosa tugu, tara tolu matagu sule sugua. 7 Me te mai na gobaguli te kuvihira; me te ruguloru mai ta na gobaguli na mana, me gagua, Aeni na Dalegu tu dolovia; kau ronovia. 8 Me te sakeragi tara rei kolili, tara mua vaovanea siki sakai gua, a Jesus vamua itolu tadiria.

9 Ma gaira tara sugi horu soo ta na gotu gaia te kekeirira ge kara mua tuguni tatei vania siki sakai na lei tobo tara rigigi, ke tuguru oli mugua tadiria tara mate na Dale Tinoni. 10 Ma gaira tara hola panotia na bosa, mara vei huahuati hegedira na hava te gagua na tuguru oli tadiria tara mate. 11 Ma gaira tara huatia, mara gagua, Na lei Tarai tara bosa ge ke diki mai Elia. 12 Ma gaia te bosa vania, Elia ke mai sugua, me ke talugonigi na lei tobo soko; niwei tea te gerea tua na Dale tinoni, ge ke vadanitai na lei tobo te subo, ma kara talu pilea? 13 Mi nau tu bosa vanigau gatu, te mai tua Elia, mara nei vania na hava tara lioni, te vuga tara gerea tua itatana.

14 Ma gaira tara vaa saravira na lei vaovarono, tara rigira na lei tinoni tara subo nanata te mira udu, ma ra na lei Tarai tara huatira. 15 Me

te sakeragi tara nia hare nanata, mara samalia mara bosa utoa. 16 Ma gaia te huatira me gagua, Na bosa hava kau kakaea itadira? 17 Ma sakai tadirā na vure to bosa tugu vania me gagua, Tarai, inau tu nia mai vanigo na dalegu, na tidalo te todo te nea: 18 mivei te vaa lavia te sagia ga; ma gaia te anuanuhu, me girigirilivo, me te sigere; mi nau to bosa vanira nimua na vaovaronoge kara guru horua; ma gaira tara mua tanomana. 19 Ma gaia te bosa tagu vanira, me gagua, Na vata ni tinoni igau me taho na nimiu na taluutuni, eniha na boni ku kabu itamui? Eniha na boni kau niu gigitu mu ku kabu beto nigua? kau lavia mai vaniu. 20 Ma gaira tara uia mai vania. Ma gaia te rigia, na tidalo te rosi sulea: me te kutu horu ta na pari me te uliuli me te anuanuhu. 21 Ma gaia te hautia na tamana me gagua, Te gua niga te topos na totobo eni? Ma gaia te bosa, Ta na garina mai tua. 22 Me te sonia haia ta na lake mi ta na lei beti ge ke durakea: migoe ko tanomana neana siki totobo, ko arovigai, mo ko hanagai. 23 Ma Jesus te bosa vania, Ge ko tanomana! A gaia te taluutuni ke nigi tanomana na lei totobo soko. 24 Me te sakeragi na tamana na gari te gaegahe me te gagua, Inau tu taluutuni, ko hanaa nigua na ganagana ruarua. 25 Ge te rigia a Jesus na vure subo tara sama kolu mai, te pasaa na tidalo gume, me te bosa vania, Tidalo todo, ma na pui igoe, inau tu vetenago, ko ruguhoru mai tatana, mo ko bei pulohi gua ilokana. 26 Ma gaia te nanaraha dato, me te rosi sulea, te ruguhoru: ma na gari te gahaa te vaga na tinoni te mate; ma gaira tara subo tara bosa te mate tua. 27 Ma Jesus te tabea na limana me te tuguruvaginia; me te tapatuguru. 28 Me te vaa hage tua ta na vale, ra na lei nina vaovaronoge tara huati po-

loa, Egua ge tai mua tanomana na guru kehaana? 29 Ma gaia te bosa vanira, Na vata eni ke ruguhoru nia na kokoeliulivuti ma na maturu too vamaa.

30 Ma gaira tara ruguhoru mai ga, mara liu padia Galilea; me hove nina na gilalaana siki sakai. 31 Na pukuna te taraira na lei nina vaovaronoge, me te bosa vanira, Na Dale tinoni te kaluba tua ta na limadira na tinoni, ma gaira kara labua; me te labua tua, ta na tolu na boni ke tuguru gua. 32 Ma gaira tara mua ronovi vakodoe na bosa, mara matagunia na huatiana.

33 Ma gaira tara vaa i Kapernaum; me te gahaa i vale te huatira, Na totobo hava tau nia huahuati ta na halautu? 34 Ma gaira tara todore; na pukuna tara vei huguhugu itadira ta na halautu, ahei te haba. 35 Ma gaia te sopou horu, me holora mai rana sara rua: me te bosa vanira, Te liona na haba siki sakai, ke tumuri vaho tadirā soko, ma na tinoni ni lutu vanira. 36 Ma gaia te lavia na gari pile, me te tuguruvaginia igobudira: me te boloe ta na limana, te bosa vanira, 37 Ahei ke holopanotia siki sakai na gari pile ta na ahagu, te holopanotiu: ma hei te holopanotin, te mua holopanotiu, ma gaia mugua te vetenau mai.

38 Ma gaia John te bosa vania, Magutu, igai tai rigia siki sakai te ruguhorura na lei tidalo ta na ahamu; mi gai tai hovea na pukuna te mua nigai udu. 39 Ma Jesus te bosa, Kau bei hovea; na pukuna tafo na tinoni ke tanomana na gehetiana na gehegehe te mava ta na ahagu, me te tanomana na mina na koeneleu. 40 Te mua levu ni pala vanigita te nigita udu. 41 Ahei ke vahegamu na siu ni beti iuu, na pukuna igamu nina Christ, e utuni Inau tu bosa vanigau gatu, ke mua dilavja tabana. 42 Ma-

hei ke kabalaginia siki sakai tadira lei gari pile eni tara taluutuniu, e uto vaa itatana ge kara pitia na vatugigiri te sule ta na luana, ma kara sonia ta na horara. 43 Me ke kabalaginigo na limamu ke, pusi kehaa : e uto vanigo ge toko hagevia to kubu ta na vola, mo ko mua liu betidalo te rua na limamu, ta na lake ke mua mate hai ; 44 na kedudira te mua mate ga, me te mua mate na lake. 45 Ge me ke kabalaginigo na tuamu ke, pusi kehaa : e uto vanigo ko hage ta na vola to iapobete, me rua na tua itamua ke, ma kara sonigo ta na betidalo ; 46 na kedudira te mua mate ga, me te mua mate na lake. 47 Ge me ke kabalaginigo na matamu ke, sipa kehaa ; e uto vanigo ko hagevia nia sakai na mata ta na kinakabuna God, me rua tua na matamu kara sonigo tana betidalo ; 48 na kedudira te mua mate ga, me te mua mate na lake. 49 Na pukuna kara talugonia nia na lake siki sakai te vaga nia na tahi ; ma kara talugonia siki vatei sukagi nia na tahi. 50 Na tahi te uto : ge na tahi te maimami, na hava kau malihia nia ? Kau logoa na tahi ta na tobamui, ma kau kabu mabo itamui hegemiui.

X.

1 Ma gaia te tuguru ga, me te va sara ta na lei sosoko ni Judea mi levuna Jordan ; ma na lei vure subo tara vaikolu mai gua itatana ; ma gaia te taraira gua te vaga te nea tua. 2 Ma gaira na Varise tara mai vania, mara huatia, Te manana na bosa ni vetena na tinoni ke lavikehaa tauna ? mara tabotaboa. 3 Ma gaia te bosa tuguvanira, me gagua, na hava te vetenagamu nia Mosesi ? 4 Ma gaira tara bosa, Mosesi te talana na gegere ni sasani ma na lavikehaana. 5 Ma

Jesus te bosa vanira, Na pukuna te nasi na tobamui te gerea vanigamu na bosa ni vetena eni. 6 Ta na vuvuni mai na vuha ni tinoni, te gonira na mane ma na vaivine. 7 Na pukuna eni na mane ke sania na tamana ma na tinana, me ke kabu nasi ta na tauna ; 8 mi rogaira koro gaha sakai na vinahi vamua. 9 Na hava gua God te sonikolua, ke bei vile voka siki tinoni. 10 Mi vale gaira na lei vaovarono tara huatia gua na totobo eni. 11 Ma gaia te bosa vanira, Ahei ke lavikehaa na tauna, me ke tauna na keha, te tanotanodika. 12 Ma gaia na vaivine ge ke lavikehaa na tauna, me ke taulagi keha, te tanotanodika.

13 Ma gaira tara lavia mai vania na lei gari pile ge ke tabera : ma gaira na lei vaovarono tara pasara. 14 Me te rigia a Jesus ge rutu, me te bosa vanira, Kau lubatira na lei gari pile ge kara mai vanui ; kau bei hovera ; na kinakabuna God itadira te vaga gaira. 15 E utuni Inau tu bosa vanigau gatu, Ahei ke mua holopanotia na kinakabuna God te vaga na gari pile, ke mua tanomana na lage ilokana. 16 Ma gaia te bologalagara ta na limana, me te bosa utora, me te talua na limana i vuvunadira.

17 Ma gaia te ruguhoru soo ta na halautuna, te samalia siki sakai, me te tualagi tuturu vania, me te huatia, te gagua, Tarai uto, na hava ku kabaria ge ku logoa na maurihali. 18 Ma gaia Jesus te bosa vania, Egua ge o holou mai te uto, taho siki sakai te uto, God vamua. 19 To pukui na lei ronoro no ni vetena, Ko bei labutabo, Ko bei tanotanodika, Ko bei gito, Ko bei vuavuha tabo, Ko bei hovea nina totobo hei, Ko nira kiki mina na tamamu ma na tinamu. 20 Ma gaia te bosa vania, Tarai, inau tu rigi taonigi tua ta na garimaneagu mai na lei totobo kiri. 21 Ma Jesus te vaevanea ge dolovia, me te bosa

vanía, Sakai na totobo te ganaa soo itamua: tona, mo ko hunulu sokoi na hava to logoi, moko tuvaligi vanira na bona, mo ko logoa na puku ni totobo i kokou; mo ko mai, mo ko sari-taoniú. 22 Ma ua bosa eni te dikalaa na liona, me te kanoraga ge tona keha: na pukuna te subo na nina bina boli.

23 Ma Jesus te reikolili, me te bosa vanira na nina vaovarono, Te vahola vanira rana sodorono na hage ta na kinakabuna God. 24 Ma ra na vaovarono tara nigi hare na bosana. Ma Jesus te bosa tugu gua, me te bosa vanira, Gau gari, te vahola lee vanira tara tulunagoi didira na hegohego, ge kara hagevia na kinakabuna God. 25 Te malumu vaa vania na *kamel* na sulupaana ta na potana na nilo ge ke va hage ta na kinakabuna God na mane te sodorono. 26 Ma gaira tara nia hare *nazata*, mara bosa vania, Ahei gua ke *tanomana* na vola. 27 Ma Jesus te rigira ge bosa, Tadiira na lei tinoni ke mua *tanomana*, tatana God vamu ke *tanomana*; itatana God na lei totobo soko ke nigi *tanomana*. 28 A Peter te vuivuni bosa vania, Age, igami tai sani sokoi nimami na totobo migami tai saritaonigo. 29 Jesus te bosa, Eutuni Inau tu bosa vanigo, te mua sania na valena siki sakai, pa na hogona, pe vavinena, pe tinana, pe tamana, pe tauna, pe dalena, pe nina hohogo na pukuna inau, ma na pukuna na *ronorono* uto, 30 me ke tabea na hanalatu taeni tana maramana iani, na lei vale, ma tama hogoni, ma tama vavineni, ma na lei tina, ma na lei dale, ma na hohogo, ma kara nia *gigirou ga*, 31 ma na vola kasila ta na maramana *ga* ke mai. Mara subo tadiira tara diki kara tumuri valio; mara tumuri valio kara diki.

32 Ma gaira ta na halautu, tara dato i Jerusalem; ma Jesus te ide-

vira: mara nia hare; ma gaira tara taonia tara matagu. Ma gaia te lavira gua ara sara rua me te vuivuni na bosaani vanira na totobo ke topoakise, te gagua, 33 Age, igita ka dato i Jerusalem; ma kara lubatia na Dale tinoni vanira ra na puku ni sukagi ma ra na tarai; ma kara dete matea, ma kara lubatia vanira na lei sinogo. 34 Ma gaira kara batobatoa, ma kara *anusua*, ma kara ramusia, ma kara matea. Me ke padi e toluni na boni ke tuguru oli gua.

35 Ma toro dutuvia rogaira James ma John, na ro dalena Sebede, toro bosa vania, Tarai, rogami toro liona ge ko nea ro vanigami na totobo koro nozia itamua. 36 Ma gaia te bosa rovanira, Na totobo hava toro liona ge ku nea ro vanigamu? 37 Ma rogaira toro bosa vania, Ko talana rovanigami ge koro sopou kolu tamua ta na ronoragamu, a sakai ta na madolomu ma sakai ta na maulimu. 38 Ma gaia Jesus te bosa rovanira, Irogamu toro mua pukua na totobo hava toro nozia. Koro *tanomana* na inuviana na seu Inau ku inuvia? mo koro tabea na vilitabu Inau ku tabea nigua? 39 Mi rogaira toro bosa vania, Irogami koro *tanomana*. Ma Jesus te bosa ro vanira, Na seu ku inuvia, irogamu koro inuvia; ma na vilitabu keru ku tabea inau, irogamu gua koro tabea. 40 Me ke sopou ta na madologu mi ta na mauligu e mua tagua ge ku talana vania ahei, vanira mugua tara talu dilaa. 41 Mara *ronovia* tua ara hanavulu ge ra vuivuni dika lio na pukuna rogaira James ma John. 42 Ma gaia Jesus te holora mai vania, me te bosa vanira, Igamu tau pukua gaira tara ganagapara tara vunagidira sinogo tara hata punisira; ma gaira tara laba tara vunagi punisira. 43 Te mua te vagaa itamiu; ma hei ke haba vule itamiu, ke gehaa ua nimiu na tinoni ni

lutu; 44 ma hei itarniu ke haga nago, ke tinoni ni lutu vanira soko. 45 E utuni e mua mai na Dale tinoni ge kara lutu vania, ge ke lutu vanira mugua, me ke talana na volana na vatei tuguliadira soko.

46 Ma gaira tara va sara Jeriko; ma gaia te ruguhoru ta na Jeriko, ma tara nia udu kolu ra na nina vaovaronono ma na vure subo, a Bartimeus dalena Timeus, na tinoni te noni romo te rorodo, te sopou i liligi na halautu. 47 Me te ronovia tua Jesus ni Nasareta ga, te vuivuni na gaegahe, me te bosa, Jesus Dalena David, ko aroviu inau. 48 Ma gaira tara subo tara pasaa ge ke todore nina; ma gaia te gaegahe te sule vaa, Age, Dalena David, ko aroviu inau. 49 Ma Jesus te tuguru, me te bosa, Kau holoo mai. Ma gaira tara holoo na tinoni te rorodo, mara bosa vania, Ko togotogo nimua: tuguru, te hologo gatu. 50 Ma gaia te soni kehaa na pupuluna, te sogga dato, me te saravia Jesus. 51 Ma Jesus te bosa tugu, me te gagua, Na totobo hava to liona ku nea vanigo? Ma na tinoni te rorodo te bosa vania, Raboni, ge ku reirei oli gua. 52 Ma Jesus te bosa vania, Ko tona gatu, nimua na tuluutuni te vavolago. Me te sakeragi te reirei oli gua, me te saritaonia ta na halautu.

XI.

1 Ma gaira tara dutuvia Jerusalem, mara sara i Betavage mi Betania, ta na gotu Oliveti, te vetenara gatu erua na nina vaovarono, me te bosa rovanira, 2 Koro vaa tona nimiu ta na baebae ni komu te paleva mai; me te sakeragi koro vaa sara ga, koro topoa na dale ass tara pitia, taho siki tinoni te sopou mua i vuvumana: koro lubatia, mo koro nia mai. 3 Ge me ke bosa rovanigau siki sakai, Egua

ge ro nea eni. Koro bosa, A Lord to liona, me te sakeragi ke vetena pulohia mai ga. 4 Ma gaira tara tona keha, ma gaira tara topoa na dale ass ta na mataula, i pari tana halautu; ma gaira tara lubatia. 5 Ma na balu tadira tara tuguru ga tara bosa rovanira, Na hava toro nea toro lubatia na dale ass? 6 Ma rogaira toro bosa vania te vaga Jesus te bosaa: ma gaira tara lubatira. 7 Ma gaira tara lavia na dale ass vania Jesus, mara sonigi i vuvumana didira na pupulu: ma gaia te sopou i vuvumana. 8 Ma gaira tara subo tara nigri hara na halautu na didira na pupulu; ma na balu gua tara tokai na oto ni gai mara soni sebalai tana halautu. 9 Ma gaira tara ide, ma gaira tara tumuria tara gaegahe, Hosana; Holoutoa agnia te mai ta na ahana Lord: 10 Holoutoa na kinakabu te mai, na kinakabuna David tamada: Hosana ta na parako.

11 Ma gaia te vaa hage Jerusalem ta na vale te tabu; me te rei kolilira na lei totobo soko, te nulavi tua, te ruguhoru i Betania tadira rana sara rua.

12 Mi ropogana, tara ruguhoru mai Betania, te vitolo gaia. 13 Me te rigia na Vigi te hau te rauranga, to vaa sara ga, ge ke rigi topoa sogga siki totobo ga: me te va sara ga, te mua rigia na hava ga, na raurau vama; te mua niulu ni Vigi. 14 Ma gaia te bosa tugu, me gagua vania. Ke mua gania siki tinoni na vuavua mu ke hau me hau. Ma gaira rana nina vaovarono tara ronovia.

15 Ma gaira tara vaa sara Jerusalem; me te vaa hage ta na vale te tabu, me te vuivuni na guruadira tara hunulu mara pelupelu ta na vale tabu, me te boki tauvagini na beladira tara kasa rono, ma na malei sopoudira tara sabiri bola. 16 Me ke mua lubatia siki sakai ke nia rugu alaa na

popo ta na vale te tabu. 17 Ma gaia te tarai me te bosa vanira. Te gerea pe taho, Kara holoa na vaele na vale ni kokoeliulivuti vanira na vure soko, migau tau nea na vatuluma didira na gito. 18 Ma gaira rana puku ni sukagi ma rana tarai tara ronovia, mara kenea evei kara tanomana na dura-kehana; tara matagunia sugua, na pukuna na vure subo tara nia hare na nina tarai.

19 Me te nulavi te ruguhoru ta na baebase ni komu.

20 Me te puipuni tara liu padia, mara vaevanea na Vigi te sasaga ta na pukuna. 21 Ma gaia Peter te ganagana olia me te bosa vania, Rabi, ko rigia, na Vigi to varanaa te sasaga keha. 22 Ma gaia Jesus te bosa tugu vanira me te gagua, Koa nia taluutuni God. 23 E utuni Inau tu bosa vanigau gatu, Ahei ke bosa vania na gotu eni, ko tavuti keha igoe, ma kara sonigo tana horara; me ke mua ganagana ruarua na to bana, me ke taluutunia na totobo te bosaa ke kale; ke tanomana vania te vaga te bosaa. 24 Na pukuna keri Inau tu bosa vanigamu, na lei totobo soko kau nigi kokoeliulivuti, ma tau nonigi, kau taluutuni kau lavi panotigi, me ke nigi tanomana vanigau. 25 Mi ta na lei bona ni boni soko kau tuguru kokoeliulivuti, me ke tamiu na nina pagu ahei, kau talukehaa; ge ke talukehai itamiu na nimiu na tanohahi na Tamamiu i kokou. 26 Ge ma kau mua talukehai palu, na Tamamiu i kokou ke mua talukehai na palumiu.

27 Mara va sara gua Jerusalem; me te sakusaku tua ta na vale te tabu, tara mai vania na lei puku ni sonisukagi, ma ra na tarai, ma ra na lei magutu; 28 mara bosa vania. Ahei te mananigo ge ko nigi tanomana na lei totobo kiri? inaei te sonihalavua vanigo na mana keri ge ko kabaragi na lei totobo kiri? 29

Ma Jesus te bosa vanira, Inau ku huaatigamu sakai na bosa vasoo, ma kau bosa tugu vaniu, mi nau gua ku tatea vanigau gatu na mana ku nigi tanomana na kabariani na lei totobo kiri. 30 Na vultabu nina John ivei tea, te mai i kokou, pe tadira na lei tinoni? kau bosa tugu vaniu. 31 Ma gaira tara kekene hegedira mara gagua, Ge ka bosa ikokou; gaia gua ke bosa, egua ge tau mua taluutunia. 32 Ge ma ka bosa itadira na lei tinoni, tara matagunira na vure: na pukuna gaira soko tara ganagana sugua John na Porovete agaia. 33 Ma gaira tara bosa tugu vania Jesus mara gagua, Igami tai mua pukua. Ma Jesus te bosa vanira, Mi nau gua ku mua tuguni tatea vanigau gatu na mana keri Inau tu nigi tanomana na lei totobo kiri.

XII.

1 Ma gaia te vuivuni bosa vanira ta na lei bosa vavagaha. Na tinoni te suba na hohogo ni *vaini*, me te peo taligutia, me te gelia na gilu ni valei bita *vaini*, me te kisua na buko, me te lubati kaua vanira na lei tinoni ni lutu, me te va tona ta na komu keha. 2 Mi ta na niulu vaho te vetena gatu siki tinoni vanira tara lutua na hohogo, ge ke lavia tadira tara lutua na hohogo na balu vanana na hohogo ni *vaini*. 3 Ma gaira tara lavia, mara ramusia, mara vetena lea gatu. 4 Ma gaia te vetena gatu vanira gua na tinoni keha; ma gaira tara labu bohaa, mara tabe dikalaa. 5 Ma gaia te vetena gatu sakai gua; ma gaira tara labu matea, mara subo gua: na balu tara labura, ma na balu tara ramusira. 6 Ma sakai gua itatana, na dale te dolovia: ma gaia te vetena tumuria gatu vanira gua, te gagua, kara nia maa dalegu. 7 Ma gaira ma

lei tinoni keri tara lutua na hohogo tara bosabosa hegedira, mara gagua Na dalena ke tugua aeni, gatu, ka labua, ma ka logo tugua na hohogo. 8 Ma gaira tara tabea, mara labua, mara sonikehaa tana hohogo ni *vaini*. 9 Na hava vaho ke kabaria na magutu te logoa na hohogo ni *vaini*? ke mai gaia me ke luvuhira na lei tinoni tara lutua na hohogo, me ke lubatia vanira ra na keha na hohogo ni *vaini*. 10 Igamu tau mua ronovia mua na ronorofo balu eni,

Na vatu tara tivaa ra na kisu vale, tara talua eni na puku ni piuna.

11 Aeni te mai ta Lord, na vatei hare ta na matada gita.

12 Ma gaira tara lavia na lagadira na tabeana: ma gaira tara matagunira na vure; na pukuna tara lavi panotia te topora nia na bosa vava-gaha eni; ma gaira tara sania, mara tona keha.

13 Ma gaira tara vetenara gatu vania na balu tadira na Varise, ma Herodi, ge kara lavia na bosana. 14 Ma gaira tara saravia ge ra bosa vania. Tarai, igami tai pukugo igoe to utuni, mo to mua ganaganaa siki sakai; mo to mua nira pipo na lei tinoni, mo to tuguni utonia na halautuna God: te manada na sonikoluana na rono vania Kaisari pe taho? Ka sosoni pa ka mua sosoni? 15 Ma gaia te pukua na didira na pegoego, te bosa vanira. Egua ge au tabotabou, kau nia mai vaniu na peni, ge ku rigia. 16 Ma gaira tara vahea; ma gaia te bosa vanira, Ahei na titinoni na ma na gegerena eni? Ge ra gagua, a Kaisari. 17 Ma gaia Jesus te bosa vanira, Kau vahea pulohia vania Kaisari na lei nina tofobo Kaisari, ma vania God na nina tofobo God. Ma gaira tara nia hare nanataa.

18 Ma na balu Saduke tara mai vania, gaira tara bosa na tuguruoli te

taho: ma gaira tara huatia mara gagua, 19 Tarai, a Mosesi te gerea vanigita mai, ge te ke mate na hogona ahei me ke mate sania na tauna, me taho na dalena, na hogona ke lavia tauna me ke vahua vania na hogona na dalena. 20 Tama hogoni ara vitu ga: nia na diki te lavia tauna, me mate, me taho na dalena. 21 Ma na ruana te lavia, me mate, me mua mate sania sakai dalena: ma na toluni gua. 22 Ma ra na vitu gua tara nua sania daledira. Ma na vaivine te mate sosoko. 23 Tana tuguru oli ahei tadira ke tauna? na pukuna gaira ara vitu tara tauna? 24 Agaia Jesus te bosa vanira, Igamu tau mua nia hahi pe taho na pukuna eni? tau mua gi'alai na lei gegere te tabu, ma na nina mana God. 25 Na pukuna kara tuguru oli sanira na lei tinoni mate gua kara mua taulagi, mara mua tudira; me te vagara ra na Angel i kokou. 26 Me tadira tara mate gua, tara vaa tapa tugurura, igamu tau mua siroa tana gegere nina Mosesi, ta na bona ni karukaili, evei te vaga na bosana God te bosa vania, Inau God nina Abraham, ma God nina Isaka, ma God nina Jacob? 27 E mua God didira ra na lei tinoni mate, didira na vola vamua; igamu tau nia hahi nanata.

28 Ma sakai tadira na Tarai te mai, me te ronovira tara vei huahuati, me te gilala gaia te bosa tugu uto ge huatia, Na ronorofo vetena hava te haba tadira soko? 29 Jesus te bosa tugu, Na diki te gagua, Kau ronovia Israel. A Lord God igita, a Lord sakai vamua: 30 migamu kau dolovia a Lord God igamu, nia na tobamiu soko, ma na tarunamiau soko, ma na liomiu soko, ma na lagamiu soko. 31 Ma na ruana te gagua eni, Kau dolovia na gamua na komu kolu te vaga igoe. Taho siki vetena te haba vaa tadira. 32 Ma na Tarai te bosa

vania, E utuni, Magutu, to bosa utoa, Gaia sakai vanua : me te taho siki sakai gua ; 33 ma hei ke dolovia nia na tobana soko, ma na ganaganana soko, ma na lagana soko, me ke dolovia na gana komu kolu te vaga gaia, te haba vaa tadira na lei hevei lee udolu soko tara hevei, ma na lei vatei sukagi. 34 Ma gaia Jesus te pukua te bosa tugu gaia nia na manaha, te gagua vania, To mua hauvia na kinakabuna God. Me te murina kerī, taho siki tinoni te tanomana na huatiana siki bosa.

35 Ma Jesus te bosa tugu me gagua, te taraira ta na vale te tabu, Egua ge ra bosa ra na Tarai a Christ dalena David ? 36 A gaia David te bosa ta na Taruna te tabu.

A Lord te gagua vania Lord inau,

Ko sopou ta na madologu, polo ku vuba talu horura na gamua na kana na vatei tuturina na tuamu.

37 Agaia David te holoa nia Lord, mivei te vaga na dalena agaia ? Ma na vure lee tara ronovi togotogoa.

38 Ma gaia te bosa vanira ta nina tarai, me gagua, Kau nasiligau tadira ra na Tarai, tara nigi tona olioli ta na lei tivi daro, maia tara lionī na lei vatei baubahu ta na lei malei sabiri, 39 ma na lei malei sopoudira tara haba ta na lei vale ni sonikolu, ma na lei puku ni malei gime ta na lei tabatu. 40 Mara vaa vana luvu na valedira na mate sasani, mara kokoe-liulivuti hau na pukuna na kiko. Kara dete sulera va.

41 Ma gaia te sopou horu iligina na malei hohogo rono, me te rigira na vure tara sonigi na rono ta na malei hohogo rono. Mara subo tara sodorono tara sosoni laga. 42 Me te mai ga na mate sasani te bona, me te sonigi ga erua na rono te pile kikigi te kaokage e sakai na rono pile. 43

Ma gaia te holokolura mai vania na nina vaovarono, me te bosa vanira, E utuni Inau tu bosa vanigau gatu Na mate sasani eni te bona te sosoni sule vaa tadira soko tara sosoni ta na malei hohogo rono. 44 Na pukuna gaira tara sosoni ta na didira tobo te au tadira : ma gaia ta na bonana te soni soko na nina hegohego, na nina tobo soko ke nia vola ga.

XIII.

1 Ma gaia te ruguhoru ta na vale te tabu, e sakai tadira ra na nina vaovarono te bosa vania, Magutu, ko rigia, na lei vatu evei te vagai, ma na lei pilu gua. 2 Ma Jesus te bosa vania, Ko rigigi na lei pilu kiri te sule, ke mua gana siki vatu i vuvunana na vatu, kara mua soni horua.

3 Ma gaia te sopou ta na gotu ni Oliveti liligina na vale tabu, Peter, ma James, ma John, ma Aderu tara huati poloa, 4 Ko tatea vanigai, ke gua niga ke mai na lei tobo kiri ? ma na hava na vaugilala ke haga poso na lei tobo kiri ? 5 Ma gaia Jesus te vuivuni na bosa vanira, Kau lavia na lagamiu ke bei hahilaginigau siki sakai. 6 Ara subo kara mai ta na ahagu, kara gagua, "Inau gaia," ma gaira kara hahilaginira tara subo. 7 Migau kau ronovigi na lei kisu mate, ma na lada ni kisu mate, ke bei gebegebe ha liomiu : na lei tobo kiri ke padi sugua, ma na sosoko te mua mai mua. 8 Na vure ta sakai na komu ke tuguru punisia na vure ta sakai na komu, ma na kinakabu ke tuguru punisia na kinakabu : ma na lei anu ke mai ta na balu komu ; ma na lei nenere gua : na lei tobo kiri te vuivunia vanua na haurakea. 9 Kau nigi pipo hegemiū : kara lubatigamu vanira tara sonikolu ; ma kara ramusigamu ta na lei vale ni

sonikolu ; ma kau tuguru punisira na lei vunagi ma ra na lei haba na pukuna inau, ma na vatei nia na huruadira. 10 Ma kara diki tuguni tatea na nonorono uto vanira na lei vure soko. 11 Ge ma kara lavigau ta na dete, ma kara lubatigau, kau bei gaganaga dilaa na hava kau bosaa ; ma na hava te talana vanigau ta na bona vagana keri, kau bosa ga ; igau tau mua bosa, na Taruna te tabu mugua. 12 Ma na hogona ke lubati matea na hogona, ma na tamana na dalena. Ma na lei gari kara tuguru punisira na tamadira ma kara labu matera. 13 Ma na lei tinoni soko kara nigau sika na pukuna ahagu inau ; ma hei vamua ke pitu nasilia ta na sosoko, ke nia vola ga. 14 Ge ma kau rigia na haurake ni sura, te tuguru ta na bona keri te mua uto ga, (ahei te siroa ke lavipanotia,) gaira tara gogo i Judea kara sogga dato ta na lei gotu. 15 Mahai te gahaa ta na tautauvona ni vale ke bei horu, ke bei hage ge ke lavi horua siki totoho ta na valena : 16 mahei ke gahaa ta na hohogo ke bei pulohi ga ge ke lavi galaga na nina pupulu lima. 17 Me ke vatei aroviadira gaira tara bohe ma gaira tara susu ta na lei boni kiri. 18 Ma kau kokoeliulivuti nimiu ke bei ta na rara. 19 Na pukuna ta na lei boni kiri na haurake ga, te mua te vagaa ta na vuivunina mai ga na vuha totoho God te vuha riti mai, me ke mua tanomana gua. 20 Ge me ke mua kekeirigi na lei boni, taho vinahi te volaa ; ma na pukuna gaira te vilira tua te kekeirigi na lei boni. 21 Ge me ke bosa vanigau ga siki sakai, Age ! a eni Christ, pe Age ! inai ga, kau bei taluutunia. 22 Na pukuna gaira ra na lei Christ sorisoro kara sivuraga, ma na lei Porovete gua, ma kara tatei na lei vaugilala ma na lei butuli, ge kara nigi tanomana na halilaginiadira gaira tara vilira tua.

F.I.O.

23 Ma kau nigi popo : Inau tu tate dilai vanigau gatua na lei totoho soko.

24 Mi ta na lei boni kiri i murina na haurake keri, na aho ke boni volo, ma na vula ke mua lubatia na hinana, 25 ma na lei veitugu ke kutu ta na parako, ma na lei mana ta na parako ke anuanu. 26 Ge ma kara rigia na Dale tinoni ke nia mai ta na lei gobaguli na mana te sule, ma na nonoraga gua. 27 Ge me ke vetena horura na lei Angel me ke vili kolura gaira te vilira tua ta na mata ni guri e vati, ta na lei tabuto ni vata sosoko ni pari mi ta na tabuto ni vata sosoko ni kokou.

28 Kau lavi panotia na nina bosa vavagaha na Vigi : ge me ke pobi na otona, me te pururu, igau tau pukua na hina te dutu mai. 29 Migau gua ge ma kau rigigi na lei totoho kiri te mai, kau pukua nimiu te dutu mai tua gaia, ta na mataula vamua. 30 E utuni Inau tu bosa vanigau ke mua padi na vata eni, polo ge ke poso na lei totoho kiri. 31 I kokou mi pari ke tagaa, ma na lei bosagu ke mua tagai. 32 Me taho siki sakia te pukua na boni keri pe na bona ni boni, taho mua na lei Angel i kokou, taho nina na Dale, na Mama vamua. 33 Kau nia pipo, kau dai, ma kau kokoeliulivuti, igamu tau mua pukua ke gua niga ke poso mai na boni. 34 Te vaga na tinoni te haga boiboli ta na komu keha, te sania tua na valena, me te kekeirira na lei nina tinoni ni lutu, te tanosakaira na gehegehena, me te talua tatana na tinoni te rigitaonia na mataula, ge ke dai nina. 35 Kau vaho dai nimiu : ge ma kau mua pukua ke gua niga na puku vale ke mai, ke nulavi, pe ke kutu ni boni, pe ke tani kokoroko, pe ke puipuni. 36 Ke bei mai gaia, me ke ribehaginigamu tau maturu. 37 Ma na bosa keri Inau tu bosa vanigamu Inau tu bosa vanira soko, Kau dai.

E

XIV.

1 Me soko tua erua na boni na gou-gonu ni Lovovule ma na *bread* te gulu, ma ra na lei puku ni sonisukagi ma ra ia lei Tarai tara lavia na lagadira na tabe poloana, ma na mateana. 2 Na pukuna tara gagua, Sania ta na gou-gonu, kara bei koenelea *ga* na vure.

3 Me te gahaa *ga* ta na valena Simoni na ila i Betania, me te koli yana *ga*, na vaivine te nia mai na tobo tara saria nia na lobo te vonugia na kokolo te sule na matena; ma *gaia* te nodoa na lobo, me te kovala ta na uluna. 4 Ma ra na balu tinoni *ga* tara rutu hegedira, tara gagua, Egua *ge* ra soni leaa na kokolo eni; 5 Kara nigi sabiri e tolu hanalatu na rono ke me au, ma kara tutuva vanira ra na bona. Mara kokoe nunulu horua. 6 Ma *gaia* Jesus te bosa, Kau sania, e *gua ge* au lavibuleana? te kabaria na *gehegehe* uto i tagua. 7 Na pukuna ra na lei bona tara gahara hai itamui, ma kau liona ke kau hanara: mi nau taho itamui hai. 8 Te kalitia na tobo te tano-mana, te vuli dilaa na huligu ta na bekuagu. 9 Me utuni Inau tu bosa vanigau gatu, Kara tuguni tatea na ronoro no uto ta na maramana udolu, ma na tobo te kalitia kara bosa nia na ganagana oiana.

10 Ma Judas Isakariot, sakai tadirar na sara rua, ta va tona vanira na lei puku ni sonisukagi, *ge* ke lubatia vanira. 11 Ma *gaira* tara ronovi togotogoa, mara bahua na heana na rono, ma *gaia* te kenea na lubati utoana vanira.

12 Mi ta na sakaini boni ni *bread* gulu, tara sukagia na Lovovule *ga*, ra na lei nina vaovarono tara bosa vania, Ivei to liona kai va goni dilaa ko gania na Lovovule *ga*. 13 Ma *gaia* te vetenara gatu erua na nina vaovarono, me te bosa vanira, Koro

va tona ta na baebase ni komu me ke sodogamu na tinoni te huzia na popo ni beti: koro saritaonia; 14 me ke hage ivei, koro bosa vania na puku yale, Na Tarai te bosa evei te gahaa na voki ni sinogo, mi nau ku gania na Lovovule *ga* tadirar na nigua na vaovarono. 15 Ma *gaia* ke tatea ro vanigau na voki te sule ikokou, tara hara dilaa tua, koro goni dila vanigami *ga*. 16 Mo rogaira toro gatu moro sara na baebase ni komu, moro topoa te vagaa te bosa rovanira, moro goni dilaa na Lovovule.

17 Me te nulavi te nira udu mai ara sara erua. 18 Ma *gaira* tara koli mara vana, Jesus te bosa, E utuni Inau tu bosa vanigau gatu, e sakai tamui ke perou, *agaia* keri te vana kolu tagua. 19 Ma *gaira* tara vuvuni na dika lio, ma na bosa vaniana sopa sopara, Inau *agaia*? 20 Ma *gaia* te bosa vanira, *Gaia* sakai tadirar e sara rua, te heotia kolu tagua ta na popo. 21 Na pukuna na Dale tinoni te tona te vaga tara gerea tatana: me te vatei aroviana na tinoni keri tara peroa nia na Dale tinoni! E uto vaa tatana tara mua vahua.

22 Mara vana soo *gaia* te tabea na *bread*, me te bosa utoa, te nitia, me te tuvalia vanira, me te bosa, Tabea nimiu: aeni na huligu. 23 Ma *gaia* te lavia na seu, me te bosa utoa, te vahera: mara inu soko. 24 Ma *gaia* te bosa vanira, Aeni na gabugu ni baubahu tagiha mai te tave tugura na subo. 25 E utuni Inau te bosa vanigau gatu, Inau ku mua inuvia *gua* na kokolo ni *vaini*, ke riti na boni keri ku inuvi vaolua *ga* ta nina na kinakabu God.

26 Mara linea tua na line, *ge* ra rugu horu ta na gotu ni Oliveti.

27 Ma *gaia* Jesus te bosa vanira, Igamu soko kau niu kabalagi: na pukuna te gerea tua, Inau ku labua na rigitaoni siju, ma na lei siju *kara*

havukagi. 28 Mi nau tu tuguru oli tua, ku idavigau i Galilea. 29 Ma gaia Peter te bosa vania, Kara nigo kabalagi na lei tinoni soko, inau ku taho vamua. 30 Ma Jesus te bosa vania, E utuni Inau tu bosa vanigo, igoe taeni, tana boni eni, ke mua rua mua na tawina na kokoroko, me tolu tua na niu huguagu. 31 Ma gaia te bosa te laga nanata vaa, Ge mu ku mate kolu tamua, ku mua huguhugugo. Ma gaira soko tara bosa kolu te vagaa.

32 Ma gaira tara va sara na pilu tara vatua nia Getesemane : ma gaia te bosa vanira ra nina vaovarano. 33 Kau sopou nimiu iani, minau ku kokoeliulivuti. Ma gaia te lavira tatana Peter ma James ma John, me te vuivunia na hare nanata, ma na dika lio. 34 Ma gaia te bosa vanira, Na tarumagu te nia dika lio mate nanata vamua : kau pitu iani nimiu, ma kau dai. 35 Ma gaia te tona gatu pile, me te kutu ta na pari, me te kokoeliulivuti, ge ke tanomana, na bona keru ke liu padia. 36 Ma gaia te bosa, Aba Mama, ko nigi tanomana na lei totobo soko ; ko lavi kehaa tngua na seu eni ; inugua ke bei te vaga Inau tu liona, migoe vamua. 37 Ma gaia te mai me te topora tara maturu, me te bosa vania Peter, Simon, ko maturu nimua ? ko mua tanomana na daiana siki sakai na bona ni boni. 38 Kau dai nimiu ma kau kokoeliulivuti kau bei hagevia ta na tabotabo ; na taruna te tala sugua ma na vinahi te labe vamua. 39 Ma gaia te tona keha gua, me te kokoeliulivuti, te bosaa, na lei bosa keru gua. 40 Ma gaia te mai gua, me te topora tara maturu, na pukuna na matadira te kakaka nanata, mara mua pukua na hava kara nia bosa tugu vania. 41 Ma gaia te mai gua na toluni, me te bosa vanira, Taeni kau maturu soo nimiu, ma kau ahehe nimiu ; e poso tua ; te mai

tua na bona ; kau rigia, tara peroa tua na dale tinoni ta na limadira ra na tanotanodika. 42 Tuguru nimiu, ka tona ; kau rigia gaia te perou te dutu mai.

43 Me te sakeragi, te bosa soo, a Judasi te mai, ma na vure subo tara nia udu, tara holai na lei isi ma na lei tila, tara mai tadira ra na lei puku ni soni sukagi ma ra na lei tarai ma ra na lei magutu. 44 Ma gaia te peroa te vaugilala vanira, te gagua, Inau ku noninonia ahei, ma gaia sugua ; kau sigovia ma kau tabe nasilia gatu. 45 Ma gaia te mai tua, te sakeragi te mai vania, me te bosa, Age Rabi : me te noninonia. 46 Ma gaira tara sigovia, mara lotia. 47 Ma siki sakai tadira tara tuguru liligina, te sulupaginia na nina isi, me te labua na nina tinoni na puku ni soni sukagi me te pusi kehaa na kulina. 48 Ma gaia Jesus te bosa tugu vanira, Igamu tau nigi ruguhoru mai tua na isi ma na tila ge kau tabeu te vaga na tinoni gito. 49 Inau tu gahau haia tamiu ta na vale te tabu mu tu tarai, migau tau mua tabeu : me te nea te vagaa ge ke kalea na gegere te tabu. 50 Ma gaira soko tara sogasania.

51 Ma na siki gari mane te saritaonia, te nia pupulu na tivi tara vauhia ta na hulina te bona. 52 Ma gaira tara sigovia ; me te sania na tivi tara vauhia me te sogasania te bona soo.

53 Ma gaira tara nia gatu Jesus ta na puku ni sonisukagi : ma gaira tara vaukolu mai tatana na lei puku ni sonisukagi soko ma ra na lei magutu, ma ra na lei tarai. 54 Ma Peter te saritaonia te hau, i loka na vale vamua, ta na bebetena na puku ni sonisukagi ; me te sopou kolu vanira ra na haba, me te madiu nina ta na rarana ni lake. 55 Ma ra na lei puku ni sonisukagi ma ra na ovu deteni

soko tara kakaia na vuhana Jesus ge kara matea ; mara mua topoā. 56 Na pukuna ra na sobu tara vuhāa sorisori, ma didira na lei bosa ni vuha te mua kaekage sakai sonikolu. 57 Ma ra na balu tara tuguru, mara vuha sorisoria, tara gagua, 58 Igami tai ronovia te bosaa, Inau ku durakea na vale Tabu eni na male limadira tinoni mu ku kisua na tuguna te mua male limadira tinoni. 59 Me te mua kaekage sakai sonikolu vamua na didira na bosa ni vuha. 60 Ma na puku ni sonisukagi te tuguru i gobudira, me te huatia Jesus, te gagua, Ko mua bosa tugu vaa? na hava eni tara vuhago nia. 61 Ma gaia te todore, me te mua bosa tugu gea. Ma na puku ni sonisukagi te huatia gua me te bosa vania, Igoe a Christ, na Dalena tara Bosa Utoa? 62 Ma Jesus te bosa Inau sugua ; migamu kau rigia na Dale tinoni te sopou ta na madolo ni laga ke mai ta na lei gobaguli ni kokou. 63 Ma na puku ni sonisukagi te rosia na nina pupulu, me te bosa, Na puku ni hava ka kakaera gua kara vuhāa. 64 Igamu tau ronovia tua na papari kiko. Na hava tua gagagana? Ma gaira soko tara detea te kaekage ta na mate. 65 Ma ra na balu tara vuivuni na anusuana, ma na poloana na matana, ma na tapotapoana, ma na bosa vaniana, Ko bosa polo soo. Ma ra na lei haba tara lavia mara ramusia.

66 Ma Peter te tuguru i pari ta na bebete, ma sakai na tahula nina na puku ni sonisukagi te mai vania. 67 Me te rigia Peter te madiru nina, te bunutia me te bosa, Igoe to gahaa tatana na Nasareta, a Jesus sugua. 68 Ma gaia te hugu me te bosa, Inau tu mua pukua mu tu mua lavi panotia na totoobo to bosaa ; ma gaia te ruguhage ta na mataula ; ma na kokoroko te tani. 69 Ma na tahula te vaevana, me te vuivuni na bosa vaniadira

tara tuguru ga, A eni sakai tadira. 70 Ma gaia te hugua gua. Mi ta na siki bona pile gua, gaira tara tuguru ga, tara bosa vania Peter, E utuni igoe sakai tadira ; na Galilea igoe. 71 Ma gaia te vuivuni na bosa papari ma na vana sukagi, Inau tu mua gililaa na tinoni eni tau bosaa. 72 Me te sakeragi te rua tua na tazina na kokoroko. Ma Peter te ganagana olia na bosa, te vaga Jesus te bosa vania, ke mua tazomana erua na tazina na kokoroko me ke tolu tua na niu huguagu. Ma gaia te ganaganaa, ge tani nina.

XV.

1 Me te sakeragi te puipuzi ra na lei puku ni sonisukagi tadira na lei magutu ma ra na lei tarai ma na ovu ni dete soko tara bosabosa, mara lotia Jesus, mara lubatia vania Pilatu. 2 Ma Pilatu te huatia me gagua, Igoe sugua na vunagidira na Israel? Ma gaia te bosa tugu vania me gagua, To bosaa. 3 Ma ra na lei puku ni sonisukagi tara hurua nia na lei totoobo te subo. 4 Ma Pilatu te huatia gua, me gagua, To mua bosa tugu gua? ko rigia, e subo na totoobo tara huruhurugo nia. 5 Ma Jesus te mua bosa tugu gua ; na pukuna eni te nia hare Pilatu.

6 Mi ta na gougonu te lubatia hai vanira siki sakai na tinoni pipiti, agaira tara nomia itatana. 7 Ma sakai ga tara vatua nia Barabasu, tara pitia me te koli ga tadira tara koenelera na vure, gaira keru tara koenelera na vure tara labu polo. 9 Ma Pilatu te bosa tugu vanira, me gagua, Igamu tau liona ge ku lubatia vanigamu na vunagidira na Israel? 10 Ma gaia te pukua, na pukuna na nia sika ra

na lei puku ni sonisukagi tara lubatia. 11 Ma ra na lei puku ni sonisukagi tara keikeirira na vure ge ke lubatia vanira mugua a Barabasu. 12 Ma Pilatu te bosa tugu vanira gua me gagua, Na hava gua ku nea vania gaia ke tau holoo na vunagidira na Israel? 13 Ma gaira tara gaegahe gua, Patokia. 14 Ma Pilatu te bosa vanira, Egua, na totobo hava te dika te kabaria tua? Ma gaira tara gaegahe nanata, Patokia. 15 Ma Pilatu te haga togoluvua na vure, ge talana vanira Barabasu, me te ramusia tua Jesus, ge lubatia ta na patokiana.

16 Ma ra na lei solses tara nia tona ilokana na bebete, tara holoo ni Piretorium; mara holo kolura na ovu udolu. 17 Mara pulua nia na tivi te denideni, mara vaulia na pitiulu ni karukaili, tara talua vuvunana. 18 Mara vuivuni na bahuana, Age! Vunagidira na Israel. 19 Mara labua nia na ade na uluna, mara anusua, mara tualagi tuturu tara ladavaginia. 20 Mara batobatoa tua, tara lavikehaa itatana na tivi te denideni, mara pulua nia na nina tivi hegena. Mara lavi horua ge kara patokia.

21 Ma gaira tara sigovia sakai te liu padi, Simon na Kurene, te butu mai na matana, na ro tamadira Alesaderu ma Ruvusi, mara hugutia ge ke nira udu me ke gatea na gaivalana. 22 Ma gaira tara lavia ta na bona tara holoo nia Goligota, te gagua tara bosa tugu, Na bona ni ulu. 23 Mara haa vania na *vaini* tara dode kolu nia na *mur*: ma gaia te mua lavia. 24 Ma gaira tara patokia, mara tualagi vanira hegedira na nina pupulu, mara talui didira na vaugilala ahei ke holatia na hava. 25 Me toluni na bona ni boni tua mara patokia. 26 Ma na gegere tara hurua nia tara gerea ivuvunana, Na Vunagidira na Israel. 27 Mara patoki kolura eruka na tinoni gito, a

sakai tana madolona me ruani ta na maulina. 28 Ma na gegere te tabu te kale ga, Tara idumikolua gua tadira tara hahi. 29 Ma gaira tara liu padi tara pasaa, tara liliu kolili na uludira, tara gagua, Egoe to durakea na vale te tabu me te kisua tua ta na tolu na boni, 30 ko vavolago hegemu, mo ho horu mai sania na gaivavala. 31 Me te vaga gua ra na lei puku ni soni-ukagi tara batobatoa hegedira tadira ra na Tarai tara gagua, Gaia te vavolara na kela, me ke mua tinomana na vavolaana hegena. 32 A Christ, na Vunagidira na Israel ke horu mai taeni sania na gaivavala, ge kai tanomana na rigiana ma na talu-utuniana. Ma gaira tara patoki kolura tatana tara koenelea.

33 Me te poso mai na ononi na bona ni boni, na puzi te taopunisia na komu udolu polo ke poso na hiuani na bona ni boni. 34 Mi ta na hiuani na bona ni boni Jesus te gaegahe nia na mana te sule, *Eloi, Eloi, lama sabackthani*, te gagua tara bosa tugu, God inau, God inau, egua ge o tona sanii. 35 Ma na balu tadira tara tuguru ga, tara romovia, tara gagua, Age! te holoo Elia. 36 Ma sakai te sama me te vonugia nia na *Vingar* na leilesi, me te talua ta na ade me te haa vania ge ke inuvia, te gagua, sania soo, igitu ka pukua ke mai Elia pe taho ge ke hola horua. 37 Ma Jesus te nia gaegahe na mana te sule ge lubatia na tarunana. 38 Ma na vovono ni voki te tabu te tarosi i levu mi levu, ta na kouna me sara na sosokona. 39 Ma na rigitaoni na hanalatu te tuguru liligina ge rigia te lubatia na tarunana te vaga te gagua, E utuni na tinoni eni na dalena God sugua. 40 Ma ra na lei vaivine tara bunutia e hau: itadira a Meri ni Magidala, ma Meri tinana James pile ma Joses tolu gaira Salome; 41 agaira tara saritaonia te

gahaa soo i Galilea mara *gehegehe* vania ; ma ra na lei vaivine keha gua tara subo tara nia dato kolu i tatana a Jerusalem.

42 Me te nulavi mai tua, na pukuna na ganagana dila, te gagua, na boni te gide mai na boni ni aheahe, 43 te mai Josepa ni Arimatea na tinoni uto tadira na ovu ni dete, agaia gua te pitua na kinakabuna God ; ma gaia te sonosakai me te vaa hage ta Pilatu me te nonia na hulina Jesus. 44 Me te nia hare Pilatu te mate tua pe taho : ma gaia te holoa mai tatana na haba ni hanalatu me te huatia te hau pe taho te mate. 45 Me te ronovia tua tatana na haba ni hanalatu te talana na huli vania Josepa. 46 Ma gaia te lavia na tivi tara vauhia, me te lavi horua, te pipisia nia na tivi tara vauhia, me te talua ta na vatu ; me te boki punisia na vatu ta na mataula n'beku tinoni mate. 47 Ma Meri ni Magidala rogaira Meri tinana Josesi toro rigia na bona te pipili ga.

XVI.

1 Me te padi tua na boni ni aheahe, Meri ni Magidala, ma Meri tinana James tolugaira Salome, tara nigi mai na gai uruuru, ge kara mai ma kara dalia. 2 Me te puipuni ta na sakaini na boni ni *uiki* tara mai ta na malei beku tinoni mate te sogā dato tua na aho. 3 Ma gaira tara bosa-bosa hegedira, ahei ke boki kehaa vanigita mai na vatu ta na mataula ni vatei beku tinoni mate? 4 Mara rei tada tara rigia na vatu tara boki pulohia tua : te sule nanata tua. 5 Mara hagevia na malei beku tinoni mara rigia na gari mane te sopou ta na madolona, te nia pupulu na tivi te pura : mara nia hare. 6 Ma gaia te bosa vanira, Kau tolu bei nia hare.

Tolugamu tau tolu kenea Jesus ni Nasareta gaia tara patokia : te tuguru tua ; te taho iani : kau rigia na bona tara talua ga! 7 Kau tolu tona, ma kau tugunia vanira ra na nina vaovaronō ma Peter, gaia te gidevigau i Galilea ; kau rigia ga, te vaga te bosa vanigau. 8 Mara rugu-horu, mara sogā sania na malei beku tinoni mate : na pukuna na tatata ma na maromana te topora ; mara mua bosa siki bosa vania ahei : na pukuna tolugaira tara matagu.

9 Ma gaia te tuguru tua te puipuni ta na sakai ni boni ni *uiki*, te diki tate vania Meri ni Magidala, te guru horura tua tatana e vitu na tidalo. 10 Agaia te va tona me te bosa vanira tara udu kolu tatana, tara dika lio mara tani. 11 Ma gaira tara ronovia te vola tua gaia, me te tate vania, tara mua taluutunia.

12 Me te soko na lei totobo ini, te tate keha vanira erua tadira toro tona ta na halautu ni matana. 13 Ma rogaira toro tona keha moro tugunia vanira tara sosoko : ma gaira gua tara mua taluutunira rogaira.

14 Me te soko kerī te tate vanira ra na sara erua tara koli ta na vana ; ma gaia te pasara na pukuna na didira na huguhugu ma na toba nasi, na pukuna tara mua taluutunigi na bosadira tara rigia tua te tuguru oli tua. 15 Ma gaia te bosa vanira, Kau tona ta na maramana udolu, ma kau tuguni tatea na ronoroŋo uto vanira soko tara vuhara. 16 Agaia te taluutuni me te tatea na vulitabu ke vola, mahei te huguhugu kara dete matea. 17 Ma na lei vaugilala kiri ke taoni gaira tara taluutuni ; kara guruhorura na lei tidalo ta na ahagu ; kara nigi bosa na lei liu tagiha ; 18 ma kara tabe galagai na poli, ma kara inuvia siki beti maomao ke mua manazira na dikalaadira. Ma kara tabera na vahagi ma kara nia vola pulohi.

19 Te sakeragi Lord Jesus te bosa soko vanira, tara holati datoa ta na kokou, me te sopou horu ta na pala madolona God. 20 Ma gaira tara

ruguhoru mara tarai ivei mivei, Lord te lutu kolu tadiira, me te paotia na bosa nia na lei vaugilala te taonia. Amen.

NA RONORONO UTO NINA LUKU.

I.

1 Na pukuna agaira tara subo tara naunaua na padalaginiani na lei to-tobo igita ka talutunigi, 2 te vaga gaira tara tutugui vanigami mai tai reirei ma tai *gehegehe* taonia na bosa ; 3 minau gua tu ganagana *ge* muku pidipukuni na *gegereana* vanigo, Magutu Theophilusi, inau tu nia pipo na keneani ta na vuvunina mai na lei to-tobo kiri, 4 vaho *ge* ko gilala utoi na lei bosa tara taraigo nia tua te kalei sugua.

5 Ta na lei bozina Herod, na Vunagi ni Judea, sakai na mane Suka-gi i *ga* na ahana Sakaria, ma gaia ta na taba ni vure ni sukagi Abia ; ma na tauna ta na kemana Aaroni, ma na ahana Elisabeta. 6 Ma rogaira soko taro kabu mabo ta na matana God, ma rogaira toro taonigi na lei Ronorono ni Vetena ma na lei Ronorono ni Tarai nina Lord, me mua hugura siki sakai. 7 Me taho mua ro daledira ; agaia Elisabeta eni te maemane, ma rogaira toro haulagi tua ta na bozidira.

8 Me sakeragi, me te sukagi ta na malana na taba ni vure ta na matana God, 9 taonia na ronorono ni sukagi ; *ge* kalea na vaugilala *ge* ke ruguhage ta na Valena Lord, *ge* ke kerei *ga* na gai uruuru. 10 Ma na vure

soko tara kokoeliulivuti pari ta na bona ni boni te kerei *ga* na gai uru-uru. 11 Ma nina Taruna vetena Lord te mai tate vania, te tuguru ta na pala madolona na malei sukagi ni kere gai uruuru. 12 Ma Sakaria te rigia, me nia hogohare na liona, ma na matagu te horuvia. 13 Ma na Taruna vetena te bosa vania me gagua, Sakaria, ko bei matagu ; te ro-zovia tua nimua na kokoeliulivuti ; ma taumu Elisabeta ke vahua vanigo na dalemu, moko vatua nia na ahana John. 14 Ma na togotogo ma na sunisuni ko logoa ; ma na vure te subo kara nia togotogo na vahuana. 15 Na pukuna gaia ke haba ta na matana Lord, meke mua iuvia na vaini ma na beti ni bulebule, ma gaia ke vonugia na Taruna te Tabu, te ke gaha mua ta na kutuna tinana. 16 Ma gaia ke olivaginira rana dale Israel tara subo kara varigia na Lord God gaira. 17 A gaia ke gide ta na matana nia na taruna nia na nina mana Elia ; *ge* ke olivaginigi na kitudira tamadira varigira daledira, ma gaira tara hove *ge* kara ganagana maemane ; ma gaia ke goni dilara vania Lord na vure. 18 Ma Sakaria te bosa vania na Taruna vetena, me gagua, Ivei ku nea na pukuana eni ? inau tu tonikama tua, ma tangi te haulagi tua ta na bozina. 19 Ma na Taruna vetena te bosa tugu vania,

me gagua, Inau Gabrieli; mi nau tu tuguru ta na matana God, ma gaia te vetenau mai ge ku bosa vanigo, muku tugunia vanigo na Ronorono uto eni. 20 Mo ko rei mai, igoe ko todo, ko mua tanomana na bosa, polo ke poso na boni na lei totoho ini ke kalei ilokana; na pukuna to mua talutunigi na bosagu, ke kalei ga ta na boni te kaekage ga. 21 Mana vure tara pitua Sakaria, mara nia hare te nego ta na Vale te tabu. 22 Ma gaia te ruguhoru, me mua tanomana na bosa tate vanira; vaho gera pukua te rigia na hulina na Taruna ta na Vale te Tabu; ma gaia te totonagi, me kabu todo soo. 23 Me padi tua na lei boni te gehegehe ilokani, ge pulohi ta na valena.

24 Ma na lei boni kiri te padi, ge bohe a Elisabeta na tauna, me te kabu polo elima na vula, ge gagua, 25 A Lord te nea te vaga eni vaniu, ta na lei bonigu te siro horuu mai ge ke lavi keha tagua na ronoragagu te dika tadira na lei tinoni.

26 Mi ta na ononi na vula God te vetenaa na Taruna vetena, na ahana Gabriel, ge ke tona ta na buto ni komu i Galilea, na ahana Nasareta. 27 Ge ke vania na vaivine na samu, tara anea vania tua na mane na ahana Josepa, ta na kemana Davidi, ma na ahana na samu keria Meri. 28 Ma na Taruna vetena te hage varigia, me gagua, Age, te talana vanigo na soni halavu te sule! a Lord itamua; kara holo utogo vaa igoe tadira na lei vaivine soko. 29 Ma gaia te rigia, me nia hogohare na liona na bosana, ma gaia te kenea na bosa keria iwei te vagaa. 30 Ma na Taruna vetena te bosa vania me gagua, Meri, ko bei matagu; igoe to topoa na sonihalavu tatana God. 31 Moko rei mai, igoe ko bohe, moko vahua na dalemua na mane moko holoa nia na ahana Jesus. 32 A gaia ke vunagi, ma kara holoa

nia Dalena na Puku ni haba; ma Lord God ke vahea na malei sopou na Davidi na tamana. 33 Meke vunagi kasila ta na kemana Jakobo; ma nina kinakabu te talo na kouna. 34 Ma Meri te bosa vania na Taruna vetena me gagua, Iwei ke gagua eni, nau tu mua pukua na mane? 35 Ma na Taruna vetena te bosa tugu vania me gagua, Na Taruna te Tabu ke horu mai vuvuzamu, ma nina mana na Puku ni haba ke unahigo mai; na pukuna eni gaira kara holoa a Gaia te Tabu ko vahua keria na Dalena God. 36 Moko rigia, a hogomu Elisabeta te bohe te vinekama hau tua; agaia keria tara vatua nia tua na maemane me ono tua na vulana taeni. 37 Na pukuna na lei bosana God ke mua dila. 38 Ma Meri te gagua, Ko rigiu, inau nina samu ni lutu Lord: ke nei kalei vaniu te vagai to bosai. Soko, ge tona keha tatana na Taruna vetena.

39 Mi ta na lei boni kiri, a Meri te tuguru, me mina tona ta na matana ni Judea; 40 Me va hage ta na valena Sakaria, me bosa utoa Elisabeta. 41 Ma Elisabeta to ronovia na bosa utoana, ma na gari te sogasoga ta na kutuna. Ma Elisabeta te vonugia na Taruna te Tabu, 42 ge bosa nia na mana sule nie gagua, Igoe kara holo utogo tadira na lei vaivine soko, ma gaia gua na vuavua ta na kutumu na vatei holoutoana. 43 Na pukuna na hava ge mai tagua tinana na Vunagigu? 44 Moko rigia, vaho tu ronovia na nimua na bosa utoagu, ge sogasoga te vaga te rivurivu na gari ta na kutugu. 45 Ma gaia te talututuni, kara holoutoa ga; a Lord ke nei ge ke kalei na lei bosa te bosai vania tua. 46 Ma Meri te gagua, Na volagu te holo habaa Lord, 47 ma na tarunagu te nia togotogo gaia God na vavolagu. 48 A gaia te siro horua nina samu ni lutu te talu mu-

ria ; moko rei mai, i taeni te vuivuni, gaira na lei vavata soko kara holoutou. 49 Agaia te mana te gonianianu na butuli ; te tabu na ahana. 50 Ma nina na veiarovi vanira tara nia kikinima, ta na lei vavata ma na vavata. 51 Te tatea nia na lagana na limana ; ge havukaginia nia tara talu nagora hegedia nia na ganagana ta na kutudia. 52 Te gora horura ta na malei sopoudira tara haba, ge talu datora ga tara talu murira. 53 Gaia te mahura tara vitolo nia na lei toto bo te uto ; me guru kobara tara sodo rono. 54 Agaia te hanaa Israeli nina gari ; ge ke ganagana olia nina veiarovi ; 55 te vaga te bosai vanira kukuada, vania Abrahamama ma na kemana ke va me vaa.

56 Ma Meri te kabu te vaga etolu na vula, ge pulohi ta na komuna.

57 Me poso tua nina vula ni vahu-hu Elisabeta, ge vahua dalena. 58 Ma gaira na lei gana komu kolu ma rana kulana tara pukua a Lord te sulea nina veiarovi vania, ma gaira tara togotogo koukolu i tatana. 59 Ma ta na aluni na boni tara nia kokolu na pahe vaugilalana na gari, ma gaira tara haga holo taonia nia na ahana tamana Sakaria. 60 Ma tinana te bosa vanira, me gagua, Taho, ka holoa nia na ahana John. 61 Ma gaira tara bosa vania mara gagua, Taho sakai tadiria ne kemamu tara holoa nia na aha keri. 62 Ma gaia tara tonagi vania tamana te liona na holoana nia ahei ? 63 Ma gaia te nonia na vatei gegere, me gere te vaga eni, A John na ahana. Ma gaira tara nia hare. 64 Ma na manana te vaho tavukesi, ma na lapina, vaho ge bosa tate, me holoutoa God. 65 Ma na matagu te torora soko na gana na komu kolu ; ma ta na lei tete ni Judea tara rono roni na lei toto bo ini. 66 Ma rahei soko tara ronovia mara talu horui ta na kutudia mara gagua,

Sakai sugua na gari ta na niha eni ? Ma na limana Lord te kabu tatana.

67 Ma Sakaria tamana na gari te vonugia na Taruna te Tabu, me tara-ira me gagua, 68 Igita ka holoutoa Lord God Israeli te siro horua me hui olia nina vure ; 69 Agaia te tuguruvaginia na vavolada, ta na kemana Davidi nina gari ; 70 te vaga te bosai nia na manadia lei porovete tabu, ta na pukuna na maramana mai. 71 Na vavolada ta na levu ni mate, ma ta na limadira soko na gada na kana ; 72 ge ke arovira na kukuada, ma ge ke ganagana olia nina bauhau te tabu ; 73 na bosa ni papari eni te bahu nia tamada Abrahamama, ge ke vahigita mai, 74 te ke lavigita tua ta na limadira na levu ni mate, vaho ge ka nia lutu vania na lio te beto, 75 ta na kabu tabu me te maemane ta na matana na lei bonida ta vola. 76 Migoe, gari, kara hologo nia na nina porovete te Haba ; igoe ko gide i nagona Lord, moko halaa na lei halautuna ; 77 ge ko vahera na manaha ni vola vanira na nina vure, ta na talu kehaani na paludira ; 78 nia nina lio ni veiarovi God igita, na sogi ni aho i kokou ke mai kaogita nia tua ; 79 ge ke mararara gaira tara sopou ta na pui ma na unauna ni mate ; ge ke va maemanei na marevoda ta na halautu ni mabo.

80 Ma na gari te sule galaga, me patua haia na tarunana ; me gahaa ta na komu aroha, polo te vuha poso na boni te tate ga vanira na Israeli.

II.

1 Ma ta na lei boni kiri, na bosa ni vetena te rugu horu mai ta Kaisar Augustusu na gegereani na ahadira soko ta na maramana. 2 Ma tara vaho vuivunia na gegere keri ma gaia Kureniasi te haba i Suria. 3 Ma

gaira soko tara tona *ge* kara *gegerera*, gaira soko ta na lei sopa puku ni komudira tara tona. 4 Ma Josepa gua te butu mai Galilea ta na buto ni komu Nasareta, me va ta na komu ni Judea, ta na buto ni komuna Davidi, tara holoa nia Betalehema; a gaia keri ta na valena ma na kemana Davidi; 5 *ge* kara *gegerera* rogaira Meri te anea, te bohe tua. 6 Ma rogaira toro kabu *ga*, me poso tua na bonina *ge* ke vahuhu; 7 *ge* vahua na dalena na kamanago, me pulua nia na tivi, me kolivagina ta na malei vana ni kau, na pukuna te taho *ga* na ro maladia ta na vale ni sinogo.

8 Ma na balu tinoni tara rigitaoni sipu tara danihagi ta na komu keri, tara vei tugutugu na daiani didira na ovu ni sipu. 9 Ma nina Taruna vetena God te tuguru dutuvira, ma na rarazana God te hinari taligutira, me sule nanata na matagu te nera. 10 Ma na Taruna vetena te gagua vanira, Kau bei matagu, inau tu mai tugunia vanigamu na ronorono uto lee te togotogoga ma vanira na vure soko ta na niha. 11 Na pukuna te vahua itamiu igeni na Vavola, a gaia Christ na Lord, ta na komuna Davidi. 12 Ma eni na vaugilala vanigau, igau kau rigia tara pulua nia na tivi, me te koli ta na malei vana ni kau. 13 Ma na taba ni vure ni kokou tara subo tara vatoga tara vei ronorono, mara gagua, 14 Holohabaa God ta na parako, na mabo ta na maramana, itadira na lei tinoni soko na lio uto.

15 Me soko, *ge* ra pulohi kokou na lei Taruna vetena, ma na lei tinoni tara vatoga tara vei ronorono, mara gagua, Igita ka tona tatahalu tua polo ka sara Betalehema, *ge* ka va rigia dida na totoba te nei tua, a Lord te tugunia vanigita mai. 16 Ma gaira tara mina mara tona, gera vaevenera Meri ma Josepa, maia na

meomeo te koli ta na malei vana ni kau. 17 Ma gaira tara rigi sokoa didira, vaho *ge* ra tatea na bosa tara ronovia ta na meomeo keri. 18 Ma gaira soko tara ronovia, *ge* ra nigi hare na lei totobo rana vatoga sipu tara bosai vanira. 19 Ma Meri vamuua te rigitaonigi na lei bosa ini, me vakalei *ga*. 20 Ma rana vatoga sipu tara pulohi, mara holohaba mara bosa utoa God ta na lei totobo tara rigigi mara ronovigi, te vaga tara tugunigi vanira tua.

21 Me alu tua na bovi te soko, gera pahevaugila na meomeo, mara holoa nia na ahana Jesus te vaga te holoa nia tua na Taruna ni vetena, te mua nia liu mua ta na kutuna tinana.

22 Me soko tua na boni tara va marabuadira rogaira ilokana, taonia na nina ronorono Mosesi, gero nia va i Jerusalemi, na va talu punisia nia na matana Lord. 23 Te vaga te gerea tua ta nina ronorono Lord, Kara holora nia lei gari kamanago soko na nina tabu Lord. 24 Ma *ge* koro nia hevei lee na vatei sukagi, taonia na bosa ni vetena ta na nina ronorono Lord, te vaga eni, Ke erua na kavuku, pe rua na dale bola. 25 Mo ko rigia na tinoni te ganaa i Jerusalemi, na ahana Simeoni, gaia eni na tinoni mabo, te nia kikinima God, ma gaia te pitua nina na vamaboadia rana Israel: ma na Taruna te Tabu te kabu tatana. 26 Ma na Taruna te Tabu te bosa tatea vania, ke mua vaevanea na mate, polo ke vuha rigia nina Christ a Lord. 27 Ma gaia te nia tona na Taruna ta na Bona te tabu; ma tinana Jesus maia tamana toro lavi hagea na gari *ge* koro nea vania te vaga tara nea hai taonia na ronorono ni tarai. 28 Ma gaia te gatea ta na limana, me bosa utoa God, me gagua, 29 Lord, itaeni to lubati mabo nimua na tinoni ni lutu, te vaga

to bosa tua vaniu. 30 Na matagu te rigia tua na volamu, 31 to talu dila tua ta na matadia na lei taba ni vure soko, 32 na marara ke va mararara na lei kema soko, na raranadia na Israeli nimua na vure.

33 Ma rogaira Josepa maia tinana Jesus toro nigi hare na lei bosa te bosai tatana. 34 Ma gaia Simeoni te bosa utora rogaira, me gagua vania Meri tinana na gari, Ko rei mai, na gari eni te gahaa me subo tadira na Israel kara nia kutu ma kara nia tuguru oli gaia; ma gaia na vaugilala kara nia hugu ta na niha. 35 Mi goe gua na isi ke kale pota na taruzamu; ge ke soni tatei na lei ganagana soko ta na lei kutu te subo. 36 Ma, sakai na vinekama ga, na porovete, a Ana, na dalena Vanueli, ta na kemana Aseri; ma te haulagi tua ta na lei bonina te subo; me hau tua te samu, me kabu tatana tauna e vitu na niulu. 37 Ma gaia te mate sasani me kabu te vaga e alu hanavulu na niulu me sara e vati, me mua tona sania na Bona te tabu, me lutu kikinima vania ga God nia na maturu too ma na kokoeliulivuti, boiboni me daidani. 38 Ma gaia te tuguru dutuvira ta na bona ni boni ker, me bosa utoa God, me tugunia vanira soko tara pitua na huioli i Jerusalema. 39 Ma rogaira toro nea taoni sokoa na nina ronoro no ni vetena Lord, ge ro pulohi i Galilea ta na buto ni komudira Nasareta.

40 Me te sule galaga na gari, me nasilia na tarunana, me vonugia nia na manaha; ma nina soni halavu God te kabu soo i tatana.

41 Ma tamana ma tinana toro tona i Jerusalema ta na lei niulu ta na gougonu ni Lovovule. 42 Me hanavulu tua me sara erua na niuluna, gera tolu galaga i Jerusalema na taoniana na ronoro no ni gougonu. 43 Me soko tua na lei boni ni gougonu

gera tolu haga pulohi; ma Jesus na gari te kabu soo i Jerusalema; ma rogaira Josepa maia tinana toro mua pukua. 44 Ma rogaira toro ganagana agaia ta na udukolu, moro tona bonihagi, vaho gero kenea tadira na rogadira na udu ma na kuladira. 45 Moro mua rigia, vaho gero pulohi Jerusalema, na keneana. 46 Me tolu tua na boni, gero vuha rigi topoa ta na Bona te Tabu, te sopou ga ta na gobudira rana Tarai, te ronovia na bosadira, me huahuatira. 47 Ma rahei soko tara ronovia mara nia hare na manahana ma na lei nina bosa tugu. 48 Ma rogaira toro rigia, gero nia ribe; ma tinana te bosa vania me gagua, Dale, egua geo nea te vaga eni ro vanigami? Ko rei mai, irogami tamamu toro kenego nia na dika lio. 49 Ma gaia te gagua, Na hava toro keneu nia? irogamu toro mua pukua ge mu ku kabu mugua ta na valena Tamagu? 50 Ma rogaira toro mua pukua na bosa ker, te bosaa vanira. 51 Ma gaia te nira horu kolu, me sara i Nasareta; ma gaia te kabu sasara vanira. Ma tinana te rigi taonigi soo na lei bosa ker, ta na kutuna.

52 Ma Jesus te sule galaga ta na manahana ma na hulina, ma God ma na tinoni tara lio uto vania.

III.

1 A Tiberiusi Kaisari te vnnagi tua e hanavulu me sara e vati na niulu, ma Pontiusi Pilatu te haba i Judea, ma Herodi te vunagi ta na levu ni komu i Galilea, ma Vilipi hogona te vunagi ta na levu ni komu i Iturea na Tirakonitis, ma Lusaniasi te vunagi ta na levu ni komu i Abilene. 2 Ma Anasi ma Kaiavasi toro puku ni sukagi: na bosana God te horu i tatana John dalena Sakaria ta na

komu aroha. 3 Ma gaia te va kabu ta na lei komu te kabu liligi ni beti tina Joridani, me taraira nia na Vulitabu ni tugu lio, kara lavia nia na vatei talu keha palu. 4 Te vaga te gerea tua ta na nina buka Isaia na porovete na lei bosana ga, te gagua, Na mana ni tinoni te bosa gaegahe ta na komu aroha me gagua, Kau goni kasunia vania na Lord na halautuna makau hala maboi na lei halautuna. 5 Kepono na lei boboko soko, me ke nanata soko na lei gotu ma na tetete; me ke maemane na kekele, na na lei bona horu hihigia ke lilui ni halautu mabo. 6 Ma na lei huli soko ke rigia na nina vavola God.

7 Ma gaia te bosa vanira na vure tara haga mai lavia na Vulitabu tana, me gagua, Rana dalei poli, ahei te tuguni tatea vanigamu na sogasania na rutu ke mai ta na niha? 8 Kau nia vanaga na vavana te manana na tugu lio; ma kau bei vuvuni ni bosa ta na lokaniu te vaga eni, Agaia Abarahama tamada hegeda; inau tu bosa vanigau gatu eni, God ke tanomana na tuguruvaginidira na dalena a Abarhamu ta na lei vatu ini. 9 I taeni na kilekile te pipili tua tana lei oga ni gai; ma na gai ke mua vahua na vavana te uto ke, kara toka horua, ma kara sonia ta na lake. 10 Ma na vure tara huatia mara gagua, Na hava kai gonia? 11 Ma gaia te gagua, Ahei ke logoi erua na tivi ke, ke vehei nina te taho nina tivi; ma hei ke lologo gana vana ke, me ke nea gua te vagaa. 12 Ma gaira ra na Vahikoloro tara mai rigia gua, ge ke vulitabura, mara gagua vania, Tarai, na hava kai gonia? 13 Ma gaia te gagua, Kau sania na talu kamaani na rono tara padalaginigi vanigau tua. 14 Ma gaira ra na lei mane gehemate tara huatia mara gagua, Na hava kai gonia? Ma gaia te ga-

gua, Kua sania na huguhuguadira na tinoni; ma kau sania na huru taboadira; ma kau logo kikinagoi vasoo na rono ni tabaamiu.

15 Ma na vure tara ganagana kasunia mara kenea soko ta na kutudia a John eni, agaia Christ pe taho. 16 Ma John te tutugu vanira soko me gagua, Inau tu vulitabugau nia na beti vamua, ma gaia te mana vaa itagua inau ke mai gua, inau tu mua kaekage na togiana na galo ni pitiana na marevona; gaia ke vulitabugau nia na Taruna te Tabu, ma na lake. 17 Na nina petepete ta na limaa, ge ke va marabua nia nina vatei bilu *korn*, ma gaia te hogoni kolui na vuavua ta nina bela, me ke kerei na viovio ta na lake ke mua tanomana na mate.

18 Ma gaia te taraira na vure nia na Ronorono uto, me keikerira nia na lei bosa te subo te keha gua. 19 Ma John te pasaa Herodi na Vunagi ta na levu ni komu, na pukuna tauna Vilipi hogona, maia na lei tanotandika te nei Herodi. 20 Me hanai vaa i vuvunani soko ge pitia John ta na vale pipiti.

21 Ma gaia te vulitabura na vure soko; maia te vulitabua Jesus, ma gaia te kokoeliulivuti, ma na parako te lovo voka, 22 ma na Taruna te Tabu te horu mai vuvunana, te vaga na bola na hulina; ma na mana te bosa mai ta na parako, me gagua, Igoe na Dalegu tu pabego, inau tu lio uto vanigo.

23 Ma na niuluna Jesus te vaga etolu hanavulu tua; mara ganaganaa agaia dalena Josepa, dalena Eli.

IV.

1 Ma Jesus te vonugia na Taruna te Tabu, te pulohi mai Joridani, ge nia tona na Taruna ta na bona aroha.

2 Ma na tidalo sorisori te pegoa ga evati hanavulu na boni. Ma ta na lei boni soko kerī te mua gania tua siki vana, me soko na lei boni kiri vaho ge vitolo. 3 Ma na tidalo sorisori te gagua vania, Ge to ko Dalena God ke, moko bosa na vatu eni ge ke liliu ni vana. 4 Ma Jesus te gagua, To gereā tua, Na mua vana vamua te nia vola na tinoni, ma na sopa lei bosana God mugua. 5 Me soko tua agaia na tidalo sorisori te lavi datao ta na gotu te daro, me mina nanata na tuhuana vania na lei kinakabu soko ta na maramana taligu. 6 Me gagua vania agaia na tidalo sorisori, Inau ku vahego gatu nimua na lei haba soko eni, ma na vatei ronoraga iga; agaia te lubatigi vaniu mai tua, mi nau ku vahea ahei tu ku liona. 7 Ge to ko tualagi tuturu ta na matagu ke, ge ko logo sokoi. 8 Ma Jesus te goi gagua vania, Ko tona murigu Satana, te gereā tua, Ko ko-koelulivuti vania nimua na Lord God igoe, moko lutu vania hegena vasoo. 9 Me soko, agaia te goi lavia vaa i Jerusalemi, me va tuguruva-ginia ta na vouvotu ni vale te tabu, me gagua vania, Ge igoe na dalena God ke, moko sogā horu iani. 10 Te gereā tua te vaga eni, Gaia ke vetenara mai nina Taruna vetena na pukuna igoe, gaira kara rigi taonigo, 11 gaira kara sakurigo ta na limadia, ke bei kalea na tuamu na vatu. 12 Ma Jesus te bosa tugu vania me gagua, Te bosa tua, Ko bei pegoa nimua na Lord God igoe.

13 Ma na tidalo sorisori te pegoa sokoā tua ge tona keha tatana, ke pulohi gua ta na nila.

14 Ma Jesus te nia pulohi nina mana na Taruna te Tabu i Galilea, ma na ronoragana te guguvia na komu udolu te kabu liligina. 15 Ma gaia te taraira ta na lei Vale ni sonikolu, ma gaira soko tara holo habaa.

16 Ma gaia te sara i Nasareta, tara kuti sulea ga; ma gaia te va hage ta na Vale ni sonikolu ta na boni ni aheahe taonia na liona; ma gaia te tuguru ge ke siroa na gegere. 17 Mara vahea na nina gegere a Isaia na porovete. Ma gaia te vurehia na gegere ge topoā ga na bona te gereā ga te vaga eni, 18 A nina Taruna Lord itagua, agaia te vuliu tua ge ku tugunia na Ronorono uto vanira lei tinoni tara bona; gaia te vetenau mai ge ku kisura tara paruruha ta na kutudia, muku tugunia na lubatiadia vanira rana seka, ma na vatei rei oli vanira tara rorodo; mu ku vetena kehara te gola na hulidia; 19 mu ku tuguni tatea na niuluna Lord te liu lioga. 20 Soko ge loku pulohia na gegere kerī, me vahe olia na ge-hegehe, ge sopou horu; ma na matadia soko ta na Vale ni sonikolu tara totolaa. 21 Ma gaia te vuivuni ni bosa vanira, me gagua, Taeni na gegere kerī te kale ta na kulimiu. 22 Ma gaira tara tugunia te manana, mara nigi hare na lei bosa ni sonihalavu te rugu horu mai ta na manana, mara gagua, Aeni na mua dalena Josepa? 23 Ma gaia te vanira me gagua, Igau kau tugunia vaniu na bosa vavagaha eni te gagua, Manekisu, ko vavolago hegemu; na lei totoho soko igami tai ronovigi to gonigi tau i Kaperinaumu, ko nei gua iani ta na komumu. 24 Ma gaia te gagua, Etuni, inau tu bosa vanigau mu gagua, Na porovete tara mua ganagana mava na gana komu kolu. 25 Etuni inau tu bosa vanigau, E subo na mate sasani i Israelī ta na bēmina Elia, te nasilia na parako ga e tolu na niulu maia e ono na vula, ma na nenere sule te haivia na komu udolu; 26 me mua vetenaa Elia vania ahei tadira, ma i Sarapeta vamua na bona ni komu i Sidona, vania na vaivine mate sasani ga. 27

Ma rana ila tara subo ta na bomina Elisa, me mua mavo sakai tadira, ma sakai vamua a Naamani ni Suria. 28 Ma gaira soko ta na Vale ni sonikolu tara ronovigi na bosa keru te vonugira na rutu: 29 mara tuguru, mara guru kehaa ta na bona ni komu keru, mara hola sapa ta na tigege ni gotu, na buto ni komu te gahaa ga, mara haga pili ulu horua. 30 Ma gaia te ruguhoru ta na gobudia, me tona.

31 Ma gaia te sugihoru i Kaperinaumu, na buto ni komu i Galilea, me taraira haia ga ta na lei Boni ni ahehe. 32 Ma gaira tara nia hare nina ronoro ni tarai, na pukuna na bosana te mana lee. 33 Ma ta na Vale ni sonikolu keru te ganaa ga sakai na tinoni na tidalo gume ilokana, ma gaia te nia gaegahe na mana sule, 34 me gagua, Ahe! na hava i tamami mi tamua, Jesus ni Nasareta? igoe to haga mai durakagami? Inau tu pukugo igoe ahe, a nina Tabu God. 35 Ma Jesus te hovea, me gagua, Ko todore nimua, moko tona keha tatana. Ma na tidalo te kutulagina ta na gobudia, ge tona keha tatana, me mua dikalaa vagua. 36 Ma gaira soko tara nia maro na manadia, ma gaira tara nia veironoro, mara gagua, Na hava na bosa eni? na pukuna te vetenara na lei tidalo meto nia nina haba ma na mana, ma gaira tara rugu horu. 37 Ma na ronoragana te dulagi ta na lei sapa komu taligu.

38 Soko ge tuguru galaga, me ruguhoru ta na Vale ni sonikolu, me va ruguhage ta na valena Simoni; ma na vumona Simofi te kalea na vahagi sapania sule; ma gaira tara nonia Jesus na pukuna gaia. 39 Ma gaia te tuguru dutuvia ge hovea na vahagi sapania, me tagaa tatana. Ma gaia te mina me tuguru, me gehegehe vanira,

40 Me ligi tua i boko na aho, ma gaira soko tara nira mai tatana Jesus na lei tinoni tara nia labe na lei vahagi kehakeha, ma gaia te sapa talua na limana vunadia soko me vavolara. 41 Ma gaira tara subo tara ruguhoru na lei tidalo meto itadira, mara gaegahe mara gagua, Igoe a Christ Dalena God. Ma gaia te hovea, te mua lubatira ge kara bosa, na pukuna agaira tara pukua tua agai Christ.

42 Me dani tua ge ruguhoru, me tona ta na bona aroha; ma na vure soko tara kakae taotaoia, polo tara vuha sodoa, mara haga hovea ke bei tona sanira. 43 Ge gagua vanira, Inau tu haga tugunia gua na ronoro uto ta nina kinakabu God ta na lei komu keha; na pukuna eni te vetenau mai.

44 Ma gaia te tarai haia ta na lei Vale ni sonikolu i Galilea.

V.

1 Ma na vure tara kokoluvia ge kara ronovia na bosana God. Ma gaia te tuguru liligina na kolokama i Genesareta. 2 Ma gaia te rigigi erua na tiola tara sakelonai liligina na kolokama, agaira tara gehelau tara sogahoru tua, na vaa apoani didira na vugo. 3 Ma Jesus te sogahage ta sakai na tiola, na tiolana Simon me nozia na nia dusapaana pile na tiola sania na parilona; vaho ge sopou horu me taraira mai na vure ta na tiola. 4 Ma gaia te bosa soko, ge bosa vania Simoni me gagua, Ko talu sapaa na tiola ta na lalo, ge kau sonihorui nimiu na vugo na laviana na iga. 5 Ma gaia Simon te goi bosa vania me gagua, Tarai, igai tai lutu dani hagi, mai mua lavia siki iga; mu tuku goi sonihoru na vugo na pukuna na bosamu. 6 Ma tara uia

te vagaa, gera mai hogo na komu ni iga te subo, ma na vugo te nia varavaragi. 7 Ma gaira tara tonagi vanira rana kuladia ta sakai na tiola keha, ge kara mai hanara. Ma gaira tara mai, mara vonugigi ro na tiola, ma rogaira toro benoro *namata*. 8 Ma gaia Simon Peter te rigia, me kutu horu ta na tuturuna Jesus, me gagua, Ko tona keha tagua, na pukuna inau na tinoni tanotanodika, Lord! 9 Na pukuna te toroa na hare, ma gaira soko tara gahara tatana, na pukuna na lei iga te subo tara holai tua. 10 Ma James ma John gua te vaga eni, rana dalena Sebede, ma na gana udu Simoni. Ge gagua a Jesus vania Simoni, Ko bei matagu, te vuni taeni igoe ko gehe-lau dira na lei tinoni. 11 Ma gaira tara sakelona sokoi na tiola ta na paritina, gera tona sanigi didia na lei totobo, mara saritaoniana gaia.

12 Gaia te gahaa ta sakai na komu, mo ko rigia, te gahaa ga na tinoni te vonugia na ila. Ma gaia te rigia Jesus, ge kutu horu ta na matana, me nomia me gagua, Lord, igoe to mana, moko liona ke, ko va marabuu. 13 Ma gaia ta haua na limana, ge tabea, me gagua, Inau tu liona, ko marabu so. Mana ila te mina tagaa tatana. 14 Ma gaia te hovea ke bei tugunia vania siki sakai; me gagua, Ko vaa, tatego vania na mane sukagi, mo ko nia sukagi na totobo te bosa tua Moses na va marabuamu, na vatei talu vatoga vanira. 15 Me nia dulagi *namata* na romoragana, ma na vure te subo tara sonikolu na *romoviana*; maia te vavolara na lei vahagi tadira. 16 Ma gaia te tona sanira ta na bona aroha, me kokoeliulivuti ga.

17 Ma sakai na boni te tarai; ma rana Pharise ma ra na Tarai tara sopou horu, ma gaira tara mai tua ta na lei komu i Galilea, mi Judea, mi Jerusalem; ma nina mana Lord itatana

ge ke vavolara. 18 Moko rigia, tara holatia mai na tinoni te ludi, ta na sapena, ma gaira tara kenea na holati hageana ge kara va talua ta na matana Jesus. 19 Mara mua tanomana na topoana na malei liu kara hola hagea ga, na pukuna na vure te subo, gera sei dato ta na vovotu ni vale, mara potaa na vovotu ge ra dorovagini horua na tinoni, tana na sapena, i gobu ta na matana Jesus. 20 Ma gaia te pukua didira na taluutuni ge bosa vania na tinoni me gagua, Tinoni, te talukehai tua na lei palumu. 21 Ma rana Tarai ma na Pharise tara vuivuni na keneana, mara gagua, Ahei agaia te sakai bosa tabo? Ahei te tanomana na talu kehai palu? God hegena vamu. 22 Ma Jesus te pukua didira na kakae, ge gagua vanira, Egua gau kakae ta na kutumiu? 23 Ivei te malumu, ge ta ka bosa, Te talu kehai tua na palumu, pa ka bosa, Tuguru, moko tona kolili? 24 Mi gau kau pukua taeni na Dale tinoni te mana na talu kehaani na lei palu iani ta na mara-mana, vaho ge bosa vania na tinoni te ludi, me gagua, Inau tu bosa vanigo, Ko tuguru, moko holatia na sapemu moko tona ta na valemu. 25 Ma gaia te mina tapa tuguru ta na matadira soko, me lavi galagaa na sapena me tona ta na valena, me holoutoa God. 26 Ma gaira soko tara nia maro na manadia, ma gaira soko tara holoutoa God, ma gaira tara vonugia na matagu, mara gagua, Igita ta rigia na butuli taeni.

27 Me soko tua, ge ruguhoru, me rigia na mane vahikolu rono, na ahana Levi, te sopouta na malei vahikolu rono, me gagua vania, Ko taoniu. 28 Ma gaia te sanigi soko na lei nina totobo, ge tuguru, me taonia gaia. 29 Ma Levi te nea vania Jesus na tabatu ta na valena, ma rana Vahikolurono tara subo, ma na balu vure gua tara

subo tara sopou kolu tadira *ga*. 30 Ma ra na Pharise ma ra na Tarai tara koenelera nina vaovarono mara *gagua*, *Egua* gau nira vana mau inu kolu rana Vahikolurono, ma ra na tanotanodika? 31 Ma Jesus te bosa tugu vanira, me *gagua*, Agaira tara vola uto tara mua liona na mano kisu, ma *gaira* vamua ra na vahagi. 32 Nau tu mua mai kenera rana maenane, mara na tanotanodika vamu, *ge* ma kara tugu lio. 33 Ma *gaira* tara bosa vania, mara *gagua*, *Egua* ra na nina vaovarono John tara talu kaura haia, mara kokoeliulivuti, te vaga ra na Pharise; ma nimua na tinoni tara vana vamua mara inu? 34 Ma *gaia* te *gagua* vanira, Igau kau tanomana na neadira nina lei *gari* ni vale te taulagi *ge* kara talukaura, te gahaa mua na mane taulagi tadira? 35 Me ke poso mugua na lei boni, *ge* kara lavi kehaa na mane taulagi tadira, vaho *ge* kaira talukaura ta na lei boni kiri. 36 Ma *gaia* te bosa vavagaha vanira, me *gagua*, Na tinoni ke mua sukia na marosi ni tivi vaolu ta na tivi haulagi; ke nea te vaga eni ke, ma na vaolu keru ke rosia, maia *gua* na marosi vaolu keru te mua ulagana na tivi haulagi. 37 Na tinoni *gua* ke mua dodea na vaine vaolu ta na lei guiguli haulagi; ke nea te vaga eni ke, ma na vaine vaolu keru ke bohai na guiguli haulagi, me ke hava keha, ma na guiguli ke dika *gua*. 38 Kara dodea mugua na vaine vaolu ta na lei guiguli vaolu. 39 Na tinoni te inuvia tua na vaine haulagi te mua hagi inuvia na vaine vaolu, ma *gaia* ke *gagua*, Na vaine haulagi te uto vaa.

VI.

1 Mi ta na ruani Boni ni aheahe te liu ta na gobu ni legai; mara na lei

nina Vaovarono tara hagetigi na vunu ni *korn* mara gadai ta na lima-dira. 2 Ma na balu Pharise tara bosa vanira mara *gagua*, *Egua* gau nea na totoho te mua manana na neana ta na Boni ni aheahe, ra *gagua*. 3 Ma Jesus te bosa tugu vanira, me *gagua*, Igau tau mua siroa ta na buka na hava eni te nea tua a Davidi, te vitolo *ga*, maia na lei tinoni tatana? 4 *Agai*a te vaa hage ta na Valena God, me lavia na bcrete ni vaugilala, me gania, me sopa vahera lei tinoni tatana; me mua ulaga na siki sakai na ganiana, rana mane Sukagi hegedia vamua. 5 Ma *gaia* te *gagua* vanira, Na Dale tinoni te haba punusia na Boni ni aheahe.

6 Ma sakai na Boni ni aheahe keha, te vaa hage ta na Vale ni sonikolu, me tarai *ga*; ma sakai na tinoni *ga* te rapobete na lima madolona. 7 Ma rana Tarai ma na Pharise tara vatoga ke volaa na tinoni ta na Boni ni aheahe pe taho, *ge* kara pukua na pukuna kara hurua nia. 8 Ma *gaia* te pukua didira na ganagana, *ge* bosa vania te rapobete na limana, me *gagua*, Ko tapa tuguru moko tuguru i gobu. Ma *gaia* te tapa tuguru. 9 Ma Jesus te bosa vanira me *gagua*, Nau ku huatigamu, ivei te manana na Boni ni aheahe, ka *gehegehe* uto pa ka *gehegehe* dika? ka vatoga na vola pa ka nia tagaa? 10 Ma *gaia* te rigi kolilira soko, *ge* bosa vania na tinoni, me *gagua*, Ko hau na limamu. Me nea; ma na limana te uto *gua* te vaga na levu. 11 Ma *gaira* te vonugira na rutu, mara vei ronovi na hava kara noa vania Jesus.

12 Ma ta na lei boni kiri te vaa ta na gotu *ge* ke kokoeliulivuti *ga*, ma *gaia* te kokoeliulivuti dani hagi vania God. 13 Me dani tua *ge* holora mai lei nina Vaovarono, me vilira tadira hanavulu me sara erua

na tinoni, *ge* vatura nia ra na Mane vetena. 14 A Simoni, Jesus te vatua nia *gua* Peter, maia Aderu hogona, James ma John, Vilipi ma Bartolomeu, 15 a Matiu ma Tomasi, James dalena Aleveusi maia Simoni tara holoa nia a Selotesi, 16 a Juda hogona James maia Judasi Isikarioti te peroa. 17 Ma *gaia* te nira udu sugi me tuguru ta na nanata, ma ra na lei vaovarono te subo, ma na vure subo ni komu udolu ni Judea, mi Jerusalema mi liligi ni lau *gua* i Turu mi Sidoni, tara mai soko na romoviana, me te vavolara tana gadira lei vahagi, 18 ma *gaira* te dikalara na lei tidalo gume, me vavolara. 19 Ma na vure soko tara *haga* tabea, na pukuna na mana te rugu horu tatana, me vavolara soko.

20 Me sirohorura lei nina Vaovarono, me *gagua* vanira, Holoutogau vaa *gau* tau bona, na pukuna animiu na kinakabuna God, e vanira. 21 Holoutogau vaa tau vitolo taeni, na pukuna igamu kau mahu ta na niha. Holoutogau vaa *gau* tau tanitani taeni, na pukuna igau kau kiakia ta na niha. 22 Holoutogau vaa *gau* na tinoni soko ta na niha kara nigan sika, ma kara nigan *gegehugu*, ma kara bosa dikagau, ma kara nigi sika na ahamiu te vaga na totoho dika, na pukuna na Dalei tinoni. 23 Kau togotogo ta na boni keru, ma kau sunisuni; kau rigia, ke sule na tabamiu ta na niha ikokou, rana tamadira *gua* tara nea tua te vaga eni vanira rana lei porovete soko. 24 Mi *gau* vanua tau sodo rono te vatei aroviamiu; na pukuna igau tau sodoa tua nimiu na togoluvu. 25 Te vatei aroviamiu *gau* tau mahu tua; na pukuna igau kau vitolo ta na niha. Te vatei aroviamiu tau kiakia taeni; na pukuna igau kau dika lio, ma kau tanitani ta na niha. 26 Igau te vatei aroviamiu na lei tinoni soko kara

FLO.

holo utogau taeni; na pukuna ra na tamadira tara nei tua te vagai vanira rana porovete kikokiko.

27 Mi nau tu bosa vanigan *gau* tau romoviu, kau dolovira rana levu ni mate, kau *gehegehe* uto vanira tara nigan sika. 28 Kau bosa utora kara vavasukagiau, makau kokoe-liulivutira kara pasapasa popologau. 29 Ke tapoa na levu ni noramu siki sakai ke, moko liliua vania *gua* na levu ni noramu; me ke lavi kehaa nimua na tivi ni polopolo siki sakai ke, moko bei hovea vania nimua na pupulu ni lima. 30 Ko lubatigi vanira soko kara nonigi tamua; mahei ke lavi keha nimua na totoho ke, ko bei noni pulohia *gua*. 31 Me te vaga igau tau liona na lei tinoni kara nei vanigan, te vagai *gua* ini kau nei vanira. 32 Mi *gau* kau dolovira vanua tara dolovigan ke, mi vei ke nea na holoutoamiu *ga*? Ra na tanotanodika *gua* tara dolovi pulohira tara diki dolovira tua. 33 Mi *gau* kau *gehegehe* uto vanira vanua tara *gehegehe* uto vanigan ke. Ivei ke nea na holoutoamiu *ga*? Ra na tanotanodika tara nea te vaga eni. 34 Mi *gau* takau vahe kasunira ki balu, ma tau goi pitura kara vahe pulohigan ke, mi vei ke nea na holoutoamiu *ga*? Ra na tanotanodika tara vahei kasuni vanira rana tanotanodika, *ge* kara nigi hevei puloh-gua te manani. 35 Mi *gau* kau dolovira na gamiu na kana, ma kau *gehegehe* uto, ma kau hevei lee so, ma kau bei pitu kasunigi *gua*, *ge* ke sule na tabamiu ta na niha, mi *gau* kau dalena te Haba nanata, agaia te lio dolo vanira rana bea lio maia rana dika. 36 Kau lio dolo nimiu te vaga na liona Tamamiu te dolo. 37 Kau bei dete, *ge* kara mua detegau; kau bei dete kaikalea na keha, *ge* kara mua dete kaikalegau; kau talu kehai na paludia *ge* kara talu

F

kehai na palumiu. 38 Kau hevei lee, *ge* kara vahe lea gau gua, na vatei kaekage te uto, te bita horua, me kahikahia, me vouvosula, kara talua ta na *garomiu*; makara kage oligi vanigau te vagai tau kagei tua.

39 Soko *ge* bosa vavagaha vanira, me gagua, Na rorodo ke *tanomana* na huliana na rorodo? Mo koro mua kutu kolu ta na *gilu*? 40 Na vaovarono te mua haba sania na tarai, ma tara manahaa tua, vaho *ge* ke vagaa na tarai. 41 Egua *ge* o rigia vanua na vuvulogo ni gai ta na matana hogomu? mo mua pukua gua na bubulo ta na matamu igoe. 42 Mi vei ko nea *tanomana* na bosa vaniana na hogomu, moko gagua, Hogogu, ko talana vaniu muku soni keha na vuvulogo ta na mutamu! mo mua rigia nimua na bubulo ni gai ta na matamu igoe? O kiko! ko diki soni keha na bubulo ta na matamu igoe, vaho *ge* ko rigi vakodoa na soni kehaana na vuvulogo ni gai ta na matana hogomu. 43 Na gai uto ke mua *tanomana* pa nia *vanaga* na vuavua dika; ma na gai dika ke mua *tanomana* na nia *vanaga* na vuavua uto. 44 Ka pukura nia lei gai na vuavuadira; ahei te mua *tanomana* na bilu hahiana na vavana na vigi ta na kaukaru, ma na vavana ni vaini ta na karukaili. 45 Na tinoni uto te hegi horua mai na totoho uto ta nina na malei totoho uto ta na kutuna; ma na tinoni dika te hegi horua mai na totoho te dika ta nina malei totoho dika ta na kutuna; na pukuna na mana te bosa tatei na totoho te vonugia tua na kutuna.

46 Egua gau holou nia, Lord, Lord, mau mua taonigi na bosagu? 47 Ahei ke mai tagua, me ke rono-vigi na bosagu, me ke goni taonigi, keri ku tugunia vanigau agaia te vaga ahei. 48 Agaia te vaga na tinoni te kisua na vale, me geli laloa,

me tuguruvaginia na bere ni valo ta na vatu; ma na tave te tave, ma na beti tina te apotia na vale keri, meke mua *tanomana* na alealeana; na pukuna te tuguru na berena ta na vatu. 49 Mahei ke ronovia meke mua *gehegehe* taonia, agaia te vaga na tinoni te kisua na vale ta na pari, me taho *ga* na berena; ma na beti tina te apotia na vale keri, me mina kutu, ma na vale keri te dudura sule.

VII.

1 Ma *gaia* te bosa sokoi na lei bosa-na vania na vure, *ge* va hage i Kaperinaumu.

2 Ma na nina tinoni na Habadira na hanalatu te vahagi *ga*, me dutu ni mate; ma *gaia* te dolovia. 3 Ma *gaia* te ronovia Jesus, *ge* vetenara na balu magutu ni Judea na va hololana, *ge* ke volaa nina tinoni. 4 Ma gaira tara va saravia Jesus mara mina kurutia, mara gagua, Te ulagana sugua na totoho eni ko nia vania. 5 Na pukuna *gaia* te dolovigita soko, ma *gaia* te kisua vanigita tua na Vale ni Sonikolu. 6 Ma Jesus te sakeragi me nira udu; ma *gaia* te mua dutuvia mua na valena, *ge* vetenara gua na balu kulana na Haba, na vaniana, me gagua, Lord, ko bei laui buleamu; te mua ulagagu ho rugu hage mai i valegu. 7 Inau tu mua ganagana te ulagagu na samaliamu geni; ma ko bosa lee vaso, me ke nia vola nigua na gari. 8 Inau na tinoni tu kabu rurugu tadira na haba, ma na balu solses rurugugu inau. Mi nau tu bosa vania sakai tadira, Tona, me tona; mu vania na keha, Mai, me mai; mu vania nigua na gari, Ko nea te vagna, me nea. 9 Ma Jesus te ronovigi raini, me nigi hare, *ge* rei pulohi rana vure tara taonia mai, me gagua,

Nau tu bosa vanigau gatu, nau tu mua topoa mua siki talutuni sule te vaga eni i Israeli. 10 Ma gaira na manea vetena tara pulohi ta na vale, mara rigia na tinoni vahagi keru te vola tua.

11 Me roropogana te tona ta na komu i Naini, ma rana vaovarono tara subo, maia na vure te subo, tara nia udu kolu. 12 Me dutuvia tua na mataula ni peo ni komu, ko rigia, tara hola horua na tinoni mate, na vahu sosopa itatana tinana, ma gaia na mate sasani, ma na tinoni ni komu tara subo tara gahara itatana. 13 Ma Lord te rigia na vaivine ge arovia, me vania, Ko bei tani. 14 Ma gaia te dutuvia, ge tabea na bela ni hola, ma gaira tara hola tara tuguru; ma gaia te gagua, Age, garimane, inau tu bosa vanigo, ko tuguru mai. 15 Ma na tinoni mate te sopou galaga, me vuvuni ni bosa, ma Jesus te vahea tinara. 16 Ma na matagu te nera soko, ma gaira tara bosa utoa God, mara gagua, Na porovete sule te tuguru mai tatada, ma God te sirohorua mai na nina vure. 17 Ma na rororagana eni te rugu horu i Judea udolu, mi ta na lei komu soko taligu.

18 Ma gaira na vaovarono nina John tara vaa tutugui vania John na lei totobo ini. 19 Ma gaia te holora mai erua nina vaovarono ge vetenara na varigiana Jesus, na huatiana, me gagua, a Igoe sugua agaia ke mai, pa kai pitua gua na keha? 20 Ma rana tinoni toro va sodoa moro gagua, A John Vulitabu te vetenagai mai vanigo, na huatiamu te vaga eni, Igoe sugua agaia ke mai, pa kai pitua gua na keha? 21 Ma ta na bona ni bozi eni agaia te volara tara subo tara vahagi, maia na vahagi mavitu, ma na lei tidalo dika, maia te talana vanira rana lei rorodo gera reirei oli gua. 22 Ma

Jesus te bosa tugu vanira, me gagua, Koro pulohi, mokoro tutugui vania John na lei totobo toro rigigi moro rorovigi; na lei rorodo tara rei oli gua, ma na logu tara tona olioli, ma na ila tara marabu, ma na pui tara rono, ma na tinoni mate tara tuguru oli gua, maia te tugunia na Rorono uto vanira na lei tinoni bona. 23 Me uto vaa agaia ke mua niu kabalagi.

24 Ma rogaira nina manea vetena John toro tokeha, a Jesus te vaho vuvuni ni bosa na John vanira na vure me gagua, Igau tau rugu horu ta na bona aroha, ma na hava kau haga rigia ga? Na ade te adiolaa na guri? 25 Pa na hava mua tau rugu horu ge kau rigia? Na tinoni te nia pupulu na tivi te malebo? Kau rei mai, na balu gua tara niggi pupulu na tivi malebo mara ganigi na puku ni vana, tara kabu ta na vale ni vunagi. 26 Pa na hava mua tau rugu horu ge kau rigia? Na porovete? Eo, nau tu bosa vanigau, agaia te haba ta na porovete. 27 Gaia keru te gera tua idania me gagua, Ko rigia, Inau tu vetena kasunia vanigo nigua na manea vetena, ge vati kasunia vanigo na halautumu. 28 Mi nau tu bosa vanigau gatu mu gagua, Tadiru soko te vahura na vaivine taho ki sakai te haba vulea John Vulitabu; ma gaia vamua te pile ta nina kinakabu God te haba sania gaia. 29 Ma na vure soko tara rorovia, ma rana lei Vahikolu rono gua tara holoa nia God na maemane, ma gaira tara lavia tua nina Vulitabu a John. 30 Ma gaira vamua rana lei Varise ma rana lei Tarai tara hugua na rororono nina God, na pukuna gera mua diki lavia na Vulitabu tatana. 31 Ma Lord te gagua, Na hava ku vavagaha nia na vata eni? ma na hava mua tara vagaa? 32 Gaira te vagara na lei gari pile

tara sopoū ta na bebete, mara vei hoholoi, mara gagua, Igami tai galevu vanigau mau mua mai gawai; mi gami tai tani vanigau, mau mua tani taonigani. 33 Ma John Vulitabu te mai, me mua gania na bread me mua inuvia na vaini; mi gau tau gagua, Na tidalo dika ilokana. 34 Ma na Dale tinoni te mai, me vana me inu, mi gau tau goi gagua soo, Kau rigia, aeni na papa ni vana vana ma na inu, na kuladira rana loi tanotanodika, ma rana Vahikolu rono. 35 Ma rana dalei manaha tara dete maemanea na Manaha.

36 Soko ge holoa sakai na Pharise ke va vana i valena, e gagua; ma gaia te va hage ta na valena na Pharise, me koli ga ge ke vana. 37 Ma sakai na vaivine iga te tanotanodika, ma gaia te pukua tua agaia te koli ta na valena na Pharise, ge lavia mai na botolo vatu te mara-maranunuga na kokolo uruuru ilokana; 38 ge mai tuguru murina Jesus, me tanitani, me vuvuni ni dalovania na tuana nia na kolobu, me guduri mamahaa nia na vuvulu ni uluna, soko ge nozinonia na tuana, me dalovia nia na kokolo uruuru. 39 Ma na Pharise te holoa mai Jesus te rigia, ge bosa vaovarono, me gagua, Ge te ke porovete ke, ge me ke pukua na vaivine kerī te tabea ivei te vaga, na tanotanodikana. 40 Ma Jesus te gagua vania, Simon, itagua na totoho ku haga bosa vanigo. Ge gagua, Tarai, ko bosa. 41 Sakai na tinoni nina na talukan tadira erua na tinoni; sakai te talu kani tatana lima na hanalatu ni rono, ruana lima hanavulu. 42 Me taho ro tadira koro tugui nia, ma gaia te talukcha lei soko na ro paludia. Mahei rotadira ke dolovia nanata vaa? e gagua. 43 Ma Simon te gagua, Inau tu ganagana ke, ma gaia te talukehai na paluna te sule

vaa. Ma Jesus te gagua, Te mabo nimua na dete. 44 Soko ge liliu pulohi va ta na vaivine, ge gagua vania Simon, O rigia na vaivine eni? e vania, Inau tu mai hage valemū, mo mua vaheu na betina na tuagu; ma na vaivine te mai posia nia na tuagu na kolobu ni matana, me guduri mamaha nia na vuvulu ni uluna. 45 To mua noninoniū, mi nau tu mai hage tua i valemū, ma gaia te mua luba na noninoniana na tuagu. 46 To mua dalovia na ulugu nia na kokolo, ma gaia te mai dalovigi nia na tuagu na kokolo uruuru. 47 Mi nau tu gagua vanigo gatu, te poloi na paluna te subo, na pukuna kerī ge dolo nanata; ma ge te ke polo pilei na paluna ahei ke, meke dolo pile soo. 48 Soko ge bosa vania na vaivine me gagua, Te poloi tua na lei palumu soko. 49 Ma gaira soko tara nia vana kolu tara bosa mara gagua, Ahei gaia ge poloi na palu? 50 Ma Jesus te bosa vania na vaivine, me gagua, Nimua na taluutuni te volago; ko tona mabo soo.

VIII.

1 Me soko ge liu kolili ta na lei komu, ma ta na lei buto ni komu gua, me taraira, me nia mai vanira na Ronorono uto na nina kinakabu God; ma ra na sara erua i tatana. 2 Ma na balu vinekama, te volara tua ta na tidalo dika idania, maia ta na lei vahagi gua, a Meri, tara holoa ni Magidala, e vitu na tidalo tara ruguhoru tua itatana. 3 Maia Joana na tauna Koua te rigitaonia na valena Herodi, tolu gaira Susana, ma na balu gua tara subo, mara gehegehe vania nia didira lei totoho.

4 Ma na vure te subo tara kokolu, tara butu mai ta na lei komu mara

va rigia ; ge bosa vanira nia na vavagaha, me gagua, 5 Na tinoni te havukagi te rugu horu ge ke havukaginigi na vuavua ni gai ; me kavukaginigi, ma na balu vuavua te kutu liligi ni halautu, mara turi panapanai, ma na lei manu ni oka tara gani sokoi. 6 Ma na balu te kutu ta na vuvuna ni saesape ni vatu ; me totolo galaga, me goi sagsaga gua, na pukuna te mua bouabona ga. 7 Ma na balu te kutu ta na gobu ni kaukaru, me nigi totolo kolu na kaukaru, ge ponokuvigi na vuavua. 8 Ma na balu te kutu ta na pari uto, me totolo galaga, me vanaga te vaga na hanalatu. Me bosai na lei bosa ini, ge gaegahe me gagua, Ahei te kuliga ge ke nia rono ke, me ke rono, e gagua.

9 Ma rana lei nina Vaovarono tara hutia, mara gagua, Na hava na bosa vavagaha eni? ra gagua. 10 Ma gaia te gagua, Te sonihalavui vanigamu ge kau pukui na lei totoho te vagiliu ta nina kinakabu God, ma vanira rana keha na bosa vavagaha ; na pukuna agaira kara reirei ke, ma kara mua rigi vakodoa, kara rono ke, ma kara mua manahani. 11 Na bosa vavagaha te vaga eni ; Na vuavua na bosana God. 12 Agaira ta na ha'antu gaira tara ronovia ; me hau vaa, ge mai a Satana, me sagna na bosa ta na kutudia, kara bei talutuni gea, ma kara vola. 13 Ma gaira ta na saesape ni vatu tara ronovigi mara nia togotogo na bosa ; me te taho na laladia, tara taluutuni va soo, mi ta na boni ni tabotabo gera hahi. 14 Ma gaigi te kutu ta na gobu ni kaukaru, gaira tara ronovigi tua, mara tona, maia na lei totoho te puipunisi, ma na rono, ma na lei kabu togotogo ta na maramana eni te punisira, ge kara mua vanaga uto. 15 Ma gaia keru ta na pari uto, gaira tara ronovia na bosa ta na kutudia te

uto me te mabo, gera tabea, gera vanaga nia na lio beto.

16 Taho siki sakai te tunia na bulu, ge poloa sara ni popo, me ke mua talua rurugu ni sape ; ma ta na malei talu bulu mugua ke va talua, ge kara hage mai rahei ke, ma kara rigia na mararana. 17 Taho siki totoho ke polo ke, me ke mua tate ta na niha, me taho siki totoho ke ravi ke, ma kara mua pukua, me ke mua lada ga ta na niha. 18 Na pukuna eni kau rigi taonigau ivei kau nia na ronoviani. Agaia te lologo ke, ma kara goi hevei dolani vania gua ; ma hei te mua lologo mua ke ma kara goi sagu pulohia soo tatana na totoho te ganagana te logoa tua.

19 Ma tinana ma ra hogona tara mai rigia, mara mua tanomana na vaa dutuviana, na pukuna na vure te subo ga. 20 Ma na balu tara tutugunu vania mara gagua, Tinamu ma ra hogomu tara mai tuguru pari hebetes, tara haga vaevanago, ra vania. 21 Ma gaia te gagua vanira, Tinagu ma ra hogogu gaira ini, tara ronovia na bosana God, mara gehetia.

22 Ma ta sakai na boni, te vaa hagelia na tiola, ma rana nina Vaovarono, ge gagua vanira, Gatu, ka halavu levu ni kolokama, e vanira ; ma gaira tara talusapa. 23 Ma gaira tara voveohe, ge maturu ; ma na tubuto te horu ta na kolokama, me te vonugia na tahi na tiola, ma gaira tara tona topo. 24 Ma gaira tara dutuvia, gera rarahia, mara gagua, Age! Tarai, tarai! igita ta mate! ra vania. Ge tapatuguru, me pasaa na guri ma na beti te tipotipo ; ge ro beto, me te beata hali. 25 Soko ge gagua vanira, Ivei nimiu na taluutuni? Ma gaira tara matagu mara nia hare soo, mara vei rono rono mara gagua, Ahei vaho na tinoni eni! te

sakai hovera na guri ma na beti, moro ronovi utoa.

26 Soko, gera vaa sara ta na komudia na Gadara, te paleva mai Galilea. 27 Ma gaia te sogahoru i parilona; ma sakai na tinoni ni komu keri te topoa ga, ma rana tidalo dika te hau' tua tara kabu ilokana, te mua nia pupulu na tivi, me mua gahaa ta na vale, mi ta na lei malei tinoni mate vatua. 28 Ma gaia te rigia a Jesus, ge nanaraha, me kolitao vania, me nia bosa na mana sule, ma gagua, Na hava i tagua inau mi vatua, Jesus Dalena God te Haba nanata? Nau tu no-rigo, ko bei torou. 29 Na pukuna keri a Jesus te vetena tua na tidalo gume ge rugu horu ta na tinoni; na pukuna na tidalo te sogavia haia, mara pitia nia na tali halo, maia na alo gua ta na tuana, na rigitaoniana; ma gaia te kosoi na tali halo, ma na tidalo te gurua vaa ta na lei bona aroha. 30 Ma Jesus te huatia me gagua, Ahei na ahamu? Ma gaia te gagua, Ilegeoni; na pukuna tara subo na tidalo dika tara hagevia. 31 Ma gaira tara nonia ke bei votenara va ta na gilu te taho borona. 32 Ma na ovu ni bolo te subo iga tara huhu ta na gotu; ma gaia na lei tidalo tara nonia; ge ke taladira ge kara vaa hage ta na lei belo. Ma gaia te taladira. 33 Ma ra na tidalo dika tara rugu horu ta na tinoni, geta vaa hage ta na lei bolo: ma na ovu ni bolo tara sama horu ta na sosogola ta na kolokama, me pono na hahedia ga. 34 Ma gaira tara kutira tara rigia, gera sama mara tutugu ta na lei komu, ma ta na lei hohogo. 35 Ma na lei tinoni tara rugu horu mai gera haga rigia na hava te gonina, mara saravia Jesus gera rigia na tinoni na lei tidalo dika tara rugu horu tua i tatana te sopou, te goi nia pupulu tua na

tivi, maia te goi manaha gua, me dutuvia na tuana Jesus; ma gaira tara matagu. 36 Ma gaira tara rigia tara tutugu ivei te nia na volaana na tinoni, na lei tidalo dika tara kabu tua itatana. 37 Ma gaira soko na vure ni komu ni Gadara taligu tara nonia ge ke tona keha tadira; na pukuna te torora na matagu sule. Ma gaia te hagelia na tiola me pulohi. 38 Ma na tinoni, te rugu horu na lei tidalo dika tatana, te nonia Jesus ge ke gahaa tatana; ma Jesus te tivaa me gagua, 39 Ko pulohi i valemu moko tutugui vanira ga na lei totobo te gonigi vanigo tua gala God, e vania. Ma gaia te pulohi me ronoronoi na lei totobo sule te gonina vania tua Jesus.

40 Ma Jesus te pulohi, ma na vure te subo tara nia togo na saraana mai, na pukuna te hau tua tara pitua. 41 Mo ko rigia, sakai na tinoni na ahana Jairusi te mai rigia; ma gaia eni te haba ta sakai na Vale ni sonikolu; me kutu horu ta na tuana Jesus, ge nonia ke van ta na valena. 42 Na pukuna na dalena na tihula na valu sosopa, te vaga e hanavulu tua me sara erua na niulu na te koli so, te haga mate. Mi ta na halautu na vure tara buruburusia.

43 Ma na vaivine ga e hanavulu tua me sara erua na niulu na gabu te tave, te nigi rage soko tua nina lei totobo vanira lei mane kisu, me taho sakai tadira ke tanomana na volaana, 44 te vaa tuguru dutuvia a Jesus i murina, me vaa tabea na sosokona nina tivi; ma na gabu te mina mamaha. 45 Ma Jesus te gagua, Ahei te tabeu? Ma na vure soko tara sopa hugu, ma Peter ma gaira tatana tara vania, Tarai, na vure tara buruburusigo mara dukuligo, me gua geo huahuati te vage eni, Ahei te tabeu? 46 Ma Jesus te goi gagua, A siki sakai te tabeu; tu

vadania na mana te rugu horu i tagua. 47 Ma na vaivine te pukua ke mua tanomana na polo, ge tatata mai, me kutu horu tatana, ge tugunia vania ta na matana na vure soko na pukuna na hava ge tabea mivei te nea na mina volana. 48 Ma gaia te gagua vania, Dale, ko kabu beto; nimua na taluutuni te vavolago, ko tona mabo soo.

49 Ma gaia te bosabosa soo, ge mai sakai na tinoni te butu mai ta na valena na mane te haba ta na vale ni sonikolu, me mai tutugunu vania, me gagua, Te mate tua dalem, ko bei lavibuleana na Magutu. 50 Ma Jesus te ronovia, ge gagua vania, Ko bei matagu, ko talutuni soo, ge ke volaa, e vania. 51 Ma gaia te vaa hage ta na vale, me mua lubatia siki sakai ge ke hage ta na vale, ma Peter vamua, ma John, ma James maia tamana vamua ma tinana na tahula. 52 Ma gaira soko tara tani mara nanaraha; ma gaia te vanira, Kau bei tanihia, te mua mate, te matura vamua, e vanira. 53 Ma gaira soko tara batobatoa, na pukuna gaira tara pukua te mate tua. 54 Soko ge guru horura soko i pari bebete, ge tabea na limana na tahula, me gaegahe, me gagua, Age! na tahula, ko tuguru mai. 55 Ma na tarunana te goi oli mai, ge mina tuguru. Ma Jesus te keikerira na kutiana. 56 Ma tamana ma tinana toro nia hare; ma gaia te hovera koro bei tugunia vania siki sakai na toto bo te nea.

IX.

1 Soko ge holo kolura mai rana Vaovarono hanavulu me sara eru, ge vahera na mana ma na haba punisira na lei tidalo dika, maia na vatei kisu vahagi. 2 Ge vetenara gatu kara vaa ronoroa na nina kinakabu God, ma

kara vaa volara ra na vahagi. 3 Soko ge gagua vanira, Kau bei tabea siki toto bo ta na halautu; sania na totonogona, pa na lobo, pa na vana, pa na rono, makau bei tano rua tivi kau lavigi. 4 Ma kau vaa hage ta siki vale ke, ma kau kabu vaso ga, ma kau goi ruguhoru ga. 5 Ge ta kara mua lavipanotigau ke, ni gau kau ruguhoru ta na komu ke, ma kau kavulaha kehai na pugu ni pari ta na tuamiu, na vatei huruadira. 6 Soko gera tona ta na lei komu, mara tugunia na Ronoroa uto, mara vavolara na vahagi soko ga.

7 Ma Herodi te vunagi ta na levu ni komu te ronovigi na lei toto bo te gonigi tua, ge ganagana ruarua, na pukuna na balu tinoni tara bosa soo mara gagua, A John Vulitabu te tuguru oli sanira na lei tinoni mate, ra gagua. 8 Ma na balu tara gagua, A Elia te livu mai, ra gagua; ma na balu tara gagua, A siki porovete ni dania ge goi tuguru oli, ra gagua. 9 Ma Herodi te gagua, Inau tu vurua na uluna John, ma hei eni tu ronovigi na lei toto bo sule tatana? Ma gaia te kenea na rigiana.

10 Soko gera pulohi mai rana Mane vetena, mara tugunigi vania na lei toto bo tara kabarigi. Soko ge lavira, me sigo popolo va ta na bona aroha, te dutuvia na komu na ahana Betsaida. 11 Ma na vure tara pukua, gera saritaonia, ma te lavi panotira, ge bosa vanira na nina kinakabu God, me volara ga tara liona na vola. 12 Me ligi boko tua na aho, gera mai ra hanavulu rua nina tinoni mara vania, Ko vetenara gatu na vure ge kara vaa ta na lei komu taligu mi ta na lei lohogo ge kara matura ga, ma kara kene vana, na pukuna igita eni ta na bona aroha. 13 Soko, ge gagua, vanira, Igau kau hegadia vana. Ma gaira tara gagua, E lima vamua na bread eni nio rua na iga, ge takai mua vaa

pelu gadira vana na vure ini tara subo vaho. 14 Ma gaira soko te vagara elima na toga. Soko ge gagua vanira lei nina Vaovarono, Kau bosa vanira ge kara sopou; ke sopa lima hanavulu lei ovu; e gagua vanira. 15 Ma gaira tara nea te vaga, mara sopoulaginira. 16 Ma gaia te holai e lima na bread, me rua na iga, me rei tada i kokou, ge bosa utoi, me niti levui, ge vahera na nina Vaovarono; ge kara tualigi vanira na vure. 17 Ma gaira tara vana mara malu soko; gera vahi kolui na gani pile, me hanavulu me sara erua na kei te vonugigi.

18 Ma sakai na bona agaia te kokoeliulivuti hegena, ma na lei nina Vaovarono tara gahara tatana; ma gaia te huatira me gagua, Ahei tara vatuu nia na vure soko? e vanira. 19 Ma gaira tara gagua, Na balu tara gagua a John Vulitabu; ma na balu tara gagua a Elia, ma na balu gua tara gagua, keia siki porovete i tadia dania ge tuguru oli, ra gagua. 20 Soko ge vanira, Mi gau ahei tau vatuu nia? e vanira. Ma Peter te vania, Igoe a Christ nina God. 21 Soko ge hugatira me hovera kara bei tugunia vania siki sakai. 22 Ge gagua vanira, Ke subo na toroana na Dalei tinoni; ma rana lei tonikama, ma rana lei puku ni Sukagi, ma rana Tarai, kara koenelea, ge kara vula matea; mi ta na toluni na boni ke goi tuguru oli. 23 Soko, ge bosa vanira soko, me gagua, Ahei ke liona na saritaoniagu ke meke hugu levu, meke gatea haia na nina gai vavala, geke taoniu. 24 Ahei ke nia pani na volana ke, ke nia taga; mahei ke tagalaginia na volana ke, na pukuna inau, ke panotia. 25 Na hava ke hanaa ga na tinoni ke logoa na mara-mana udolu, meke tagalaginia hegeaa? 26 Ahei ke niu maa maia na lei bosagu, na Dalei tinoni ke nia maa gua ta na niha, ke nia pulohi mai na

raranana rogaira Tamana, maira nina Taruna vetena te tabu. 27 Mi nau tu bosa utuni vanigau gatu, na balu tadia tara tuguru iani kara mua napi pilena na mate polo kara vuha rigia nina kinakabu God.

28 Me padi na lei bosa ini, me alu tua na bozi te soko, ge lavira Peter, ma John, na James, me dato ta na gotu, ge kokoeliulivuti ga. 29 Ma gaia te kokoeliulivuti soo me keha na matana, me te pura ga nina tivi, me daramata. 30 Mo ko rigia, erua na tinoni toro mai nia kokoe koulou, rogaira Moses ma Elia. 31 Ma rogaira toro nia tate na marara, moro bosaa na rugu horuana ke nea i Jerusalema. 32 Me te mavatira na maturu a Peter ma rogaira tatana; mara tolu rarai mai, ge ratolu rigia na mararana, maia rogaira na tinoni toro tuguru tatana. 33 Mi ta na bona toro tona keha tatana, ge gagua a Peter vania Jesus, Tarai, e uto vanigita na kabu iani; itolugai kai tolu kisui iani e tolu na gagata, sakai vanigo igoe, ma sakai vania gua Moses, maia sakai vania Elia gua; ma gaia te mua pukua na hava te bosaa. 34 Ma gaia te bosa te vaga eni, ge mai kuvihira na puzi; mi tolugaira tara tona ta na puzi mi tolugaira tara tolu matagu. 35 Ma na bosa te rugu horu mai ta na puzi, me gagua, Aeni Dalegu tu pabea, kau romovia. 36 Ma na bosa te rugu horu mai, ma gaira tara tolu goi rei vaa ma Jesus hegena vamua. Mi tolugaira tara tolu todore soo, mara tolu mua tuguni ladai vania siki sakai ta na lei boni kiri na totobo tara tolu rigigi.

37 Mi toropogana vaho gera sugi-horu ta na gotu, me subo na vure tara mai sodoa. 38 Mo ko rigia, sakai na mane tadia na vure te gaegahe vania, me gagua, Tarai! inau tu kurutigo ko rigia dalegu, na gari

sosopa. 39 Mo ko rigia, na tidalo te lavia, me mina me *nazaraha*, me kahikahia, me *anazuhu* gua, pile vaso me ke kabu kasila tatana, me paruhaa. 40 Mi nau tu *nozira* ni-mua na Vaovarono ge kara guru horua, mara mua *tanomana*. 41 Soko ge gagua a Jesus! na vavata eni te mua taluntuni, te rono vagiliu! Eni-ha soko na boni ku kabu tamiu, mu ku *vadanitaigamu*? Lavia mai na dalemu, e vania. 42 Me te mai soo agaia ge nia rabo na tidalo, me sagia. Ma Jesus te hovea na tidalo meto, ge volaa na gari, ge goi lubati pulohia vania tamana. 43 Ma gaira soko tara nia hare na nina mana God.

Ma gaira soko tara nigi hare na lei totobo te gonigi tua Jesus, ge gagua vanira Vaovarono, 44 Kau ronovi vakodoi na lei bosa ini. Te dutu mai na boni, kara lubatia na Dalei tinoni ta na limadira na tinoni. 45 Me hau vaa mara mua manahani na bosa keri, te poloi vanira ge kara bei pukua; ma gaira tara nia maa na huatiana.

46 Ma na huguhugu te vuni tadira, ahei tadira ke haba. 47 Ma Jesus te rigia na huguhugu ta na kutudira, ge lavia na gari pile, me talua lili-gina, 48 ge gagua vanira, Ahei ke lavi panotia na gari eni ta na ahagu gaia keri ke lavi panotiu; mahei te lavi panotiu inau te lavi panotia gua te vetenau mai. Mahei tamiu te talumuria *nazata*, gaia keri ke haba.

49 Ma John te bosa vania me gagua, Tarai, igai tai rigia siki sakai te guru horura na lei tidalo dika nia na ahamu; migai tai hovea, na pukuna te mua nigai udu. 50 Ma Jesus te gagua, Kau bei hovea; na pukuna ke mua punisigau siki sakai, ma gaia te hanagau.

51 Ma na boni ke dato i kokou te dutu tua, ge oto maemanea na matana na tonaana Jerusalema, 52 ge vete-

nara i nagona nina mane vetena; ma gaira tara tona, mara vaa hage ta na buto ni komudira na Samaria, tara haga goni dilaa vania. 53 Ma gaira tara mua lavi panotia, na pukuna na ma'ana te otoa Jerusalema. 54 Mi rogaira nina Vaovarono a John ma James toro rigia gero gagua, Lord, to liona na bosaana na lake mai iko-kou, ge ke gani sokoia, te vaga te nea tua Elia? 55 Ma Jesus te rei pulohi, ge hovera, me gagua, Rogamu toro mua pukua na roliomiu. 56 Na Dalei tinoni te mua mai durakei na voladira na lei tinoni, ke vavolara mugua. Soko, gera goi vaa ta na komu keha.

57 Ma gaira tara tona soo, ge bosa vania sakai na tinoni ta na hala, me gagua, Lord, inau ku saritaonigo ivei ko vaa ga, e vania. 58 Ma Jesus te gagua, Na lei vakosi na babadina iga, ma na lei manu kokou na nikudia iga; ma na Dalei tinoni taho na malana ke uluna ga na uluna. 59 Ma gaia te gagua vania na tinoni keha, Ko saritaoniu. Ge gagua gaia, Lord, ko lubatiu gua muku pulohi, muku diki tavugia tamagu. 60 Ge gagua Jesus, Ko taladira tara mate tua makara tavugira na tinoni mate tadira. Mi goe ko pulohi moko tugunia nina kinakabu God. 61 Ma sakai gua na tinoni te goi vania, Lord, inau ku saritaonigo, moko diki lubatiu gua, ge ku bahura ta na vaeleu. 62 Ge gagua, Jesus, Taho siki tinoni te talua na limana ta na toro ni ivu, me ke goi rei pulohi ke, te manana na nina kinakabu God.

X.

1 Me soko tua eni, ge vilira gua Lord na balu tinoni keha ara vitu hanavulu, ge vetenara kara ulu rua-rua i nagona ta na lei komu mi ta na

bona gua; te ke vaa ga ta na niha. 2 Ge g-gua vanira, Te sule na gegeli ma ra na tinoni ni lutu tara mua subo; ma kau kokoeiliulivuti vania tebunagina na gegeli, ge ke vetenara gua na balu mane ni lutu ta nina gegeli. 3 Kau tona soo; kau rei mai, inau tu vetenagamu gatu te vaga na lei sipu i gobudira na bolo gagala. 4 Kau bei kiverigi na kei ni rono, ma kau bei lavi lobo, ma na vatei haraani na tuamui: makau bei baubahua siki sakai ta na halautu. 5 Ma kau vaa hage ta siki vale ke, na kau gagua, Na mabo ta na vale eni. 6 Me ke gana ga na dalei mabo ke, ma nimiu na mabo ke horavia gaia; me ke taho ke, nimiu na mabo ke goi loloku mai tamui. 7 Kau kabu ta na vale keri, ma kau ganigi soo ma kau inuvigi na lei totobo tadira: ma na mane ni lutu te manana na tabana; kau bei idu vale. 8 Igau kau vaa hage ta siki komu ke, ma gaira kara holopanotigau ke, ma kau ganigi na lei totobo kara vahegau. 9 Ma kau volara tara vahagi ga, makau bosa vanira makau gagua, Na nina kinakabu God te dutu vanigau mai tua. 10 Mi gamu kau vaa hage ta na komu ke, makara mua holopanotigau ke, makau rugu horu ta na lei halatina, makau gagua, 11 Na pugu ni pari ni komumiu gua te rago ta na tuamami, mi gani tai kavulaha kehai vuvunamui; makau pukua eni, na nina kinakabu God te dutu vanigau mai tua. 12 Inau tu bosa vanigau gatu, E mamala vaa na deteana i Sodoma, ta na deteana na komu keri ta na boni keri. 13 Arovigo igoe Korasini! arovigo igoe Betesaida! ge ke nei na lei butuli i Turu mi Sidoni idania, te vaga te nei tua i rotamui, rogaira toro tugui na liodira idania, moro sopou ta na tivi te garugata ma na ravu. 14 Ke mamala na deteadira

i Turu mi Sidoni ta na deteamui rogamu ta na boni ni dete. 15 Mi goe Kaperinaumu, te sake datogo me sara ta na parako, kara soni horugo ta na gilua ni lake. 16 Ahei ke ronovigau te ronoviu inau; ma hei ke hovegau te hoveu inau; mahei ke hoveu inau te hovea gua te vetenau mai.

17 Ma gaira ra vitu hanavulu tara pulohi togotogo mai, mara gagua, Lord, na lei tidalo dika tara kabu sasara itamami na pukuna na ahamu. 18 Ge gagua, inau tu rigia Satana te vaga na viti te kutu mai kokou. 19 Kau rei mai, inau tu vahegamu na mana, ge kau turi vatavigi na lei poli, ma na lei togopulohi; ma na mana punisia na lagana na levu ni mate; me taho siki totobo ke dikalagamui. 20 Makau bei nia togotogo keri, agaira na lei tidalo dika tara kabu sasara itamui, ma eni kau nia togotogo vaa, te gerei tua na ahamui i kokou.

21 Ta na bona ni boni keri a Jesus te rivurivu ta na tarunana, me gagua, Inau tu holoutogo, Mama, Lord to haba punisia i kokou ma na pari, na pukuna to matapoloi na lei totobo ini vanira tara gilala maia tara manaha, moto tugunigi vanira na lei meomeo. Eo, Mama, te uto ta na matamu te vaga eni. 22 Ge rei pulohira rana nina Vaovarono, me gagua, Tamagu te vaheu soko mai na lei totobo soko; me taho siki tinoni te gilala utoa na Dale, ma na Mama vamua te gilala; me taho mua siki tinoni te gilala utoa na Mama, ma na Dale vamua te gilala; maia gaia gua na Dale to hage tuguni tatea vania. 23 Ge rei pulohira nina Vaovarono, me bosa popolo vanira, te vaga eni, Te uto vaa na lei mata tara rigigi na lei totobo tau rigigi. 24 Inau tu tugunia vanigau gatu, Rana lei porovete ma rana Vunagi tara subo, tara liona nanata na rigiani na lei totobo

tau rigigi, mara mua rigigi, ma na ronoviani na lei tobo tau ronovigi, mara mua ronovigi.

25 Ko rigia, sakai na Tarai te tuguru, *ge haga* tabotaboa, me *gagua*, Tarai, na hava ku *gonia ge* ku *logoa* na maurihali? 26 *Ge gagua agaia*, Na hava tara gerea tua ta na Ronorono ni tarai, na hava to siroa *ga*? 27 *Ge gagua gaia*, Ko dolovia a Lord God igoe ta na kutumu soko, mi ta na tarunamu soko, mi ta na lagamu soko, mi ta na ganaganamu soko: ma na gamua na komukolu te *vagago igoe*. 28 *Ge goi gagua vania*, Kutumu, to bosa kalei; ko nea te *vagaa ge* ko *vola*. 29 Ma *gaia* te *haga savua*, *ge goi gagua vania* Jesus, Mahei na *gagua* na komukolu? 30 Ma Jesus te *goi gagua vania*, Sakai na tinoni te sugi horu mai Jerusalema me *haga vaa* Jeriko, *ge hogoti* tadira na labu polo, ma *gaira* tara sua kehai nina tivi, mara ramusia, gera tona sania te dutu ni mate tua. 31 Ma sakai na mane Sukagi te liu tana halautu keri, me rigia, *ge liu batia*. 32 Maia na Levi *gua*, te saravia na bona keri, me rigia, *ge goi liu batia gua*. 33 Ma na mane ni Samaria te vaa tona, me topoa, me rigia, *ge arovia*, 34 *ge vaa rigia*, me piti punisigi na lei pae, *ge kovalai lokani* na kokolo ni olivi ma na vaini, me va sopoulaginia ta nina asu *ge lavia vaa* ta na vale ni mavitu, me *rigitaonia ga*. 35 Me roropo *ge haga* tona, *ge tatei erua* na rono, me *vahea* na puku vale, me vania, Ko rigi taonia *gua*; ma na rono ko sonigi va pukuna *gaia*, miuku pulohi mai vaho *ge* ku tugui vanigo. 36 To ganagana ke mahei tadira na gana komukolu na tinoni te hogoti tadira na labu polo? 37 *Ge gagua yaia*, Agaia te arovia. *Ge gagua* Jesus, Eol ko vaa, migoe *gua* ko nea te *vagaa*.

38 Ma tara tona soo, ma *gaia* te vaa hage ta sakai na komu. Ma sakai na vinekama te lavipanotia vaa ta na valena *ga*, na alana Marata. 39 Ma tahina *gua iga*, tara holoo a Meri, ma *gaia* te sopou dutuvia na tuana Jesus, te ronovia na bosana. 40 Me subo na tobo te kaulia Marata, te *haga* kabarigi vania Jesus, *ge vaa* tuguru dutuvia, me *gagua vania*, Tarai, o mua ganagana tahigu te sanu *geu* *gehegehe* hegegu? Ko vetena *ge* ke hanau. 41 Ma Jesus te vania, Marata, Marata, to kanoraga mo *gunaguna* na lei tobo te subo. 42 Ma sakai na tobo puku ni uto; ma Meri te vilia tua, ma kara mua lavekeha tatana.

XI.

1 Ma *gaia* te kokoeliulivuti ta sakai na bona, me lubaa, *ge gagua* sakai na vaa Vaovarono vania, Lord, ko tarai nina na kokoeliulivuti, te vaga John te taraira nina Vaovarono. 2 *Ge gagua vania agaia*, Kau kokoeliulivuti ke ma kau *gagua*, Mama i kokou, ke tabu va ahamu, ke tona mai nimua na kinakabu, ke tanomana na lionu i pari te vaga ikokou. 3 Vahegami mai taeni ni vana te manana i taeni. 4 Ko talukehai na palumami, te vaga igami tai sopa talukehai vanira nimami na talukau tadira. Ko bei lubatigami ta na tabotabo, moko lavigami ta na tanotanodika.

5 Soko *ge gagua* vanira, Ahei tamiu na kulana *ga* me ke vaa rigia te boni hau, me ke *gagua vania*, Kula, ko vaheu mai ctolu na *bread*; 6 na pukuna kulagu te sara mai tagua, me taho siki vana ku vahea. 7 Ma *gaia* i vale ke *gagua*, Ko bei lavibuleagu; tu vorotia tua na mataula, ma na lei *gari tagua* ta na malei gime

tua ; ku mua *tanomana* na tuguru ma na *vahcamu*. 8 Inau tu bosa *vanigamu*, ke mua *tuguru* me ke *vahea*, na *pukuna* *agaia* *kulana*, ma *gaia* ke *tuguru* meke *vahea* *eniha* te *lioni*, na *pukuna* te *lavibuleana*. 9 Mi nau tu *gagua* *vanigamu*, Kau *nonia*, *geke* *vahegau* ; kau *kenea* *gekau* *rigia* ; kau *kidikidi*, *geke* *hania* *vanigau*. 10 Na *pukuna* *gaira* *tara* *nozi* *kara* *lavigi* ; ma *gaia* te *kene* ke *topoa* ; ma *gaia* te *kidikidi* ke *hanavia* *vania*. 11 Ahei na *ma* i *taniu* te ke *nonia* *dalena* na *bread* *tatana* ke, me ke *vahea* na *vatu* ? pa na *iga* ke, me ke *vahca* na *poli* ? 12 Pe ke *nonia* na *tolu* ni *kudo* ke, me ke *vahe* *tugua* na *togopulohi* ? 13 Mi *gamu* ra na *tanotanodika* kau *pukuna* na *vaheadira* na *totobo* te *uto* na lei *dalemui* ke, ma *Tamamui* i *kou* ke *vahera* *nanata* *vaa* na *Taruna* te *Tabu* *vanira* *tara* *nonia* *tatana* ?

14 Ma *gaia* te *guru* *horua* na *tidalo* *dika*, ma *gaia* na *lagu*. Me *rugu* *horu* *tua* na *tidalo*, *vaho* *ge* *bosa* na *lagu* *ma* na *vure* *tara* *nia* *hare* *nanata*. 15 Ma na *balu* *tadira* *tara* *gagua*, *Agia* te *guru* *horuru* na lei *tidalo* *dika* *nia* *Belesebulu* na *vuna* *gidia* na lei *tidalo* *dika*. 16 Ma na *balu* *gua* *tadira* *tara* *tabotaboa*, *tara* *kenea* *tatana* na *vaugilala* *ta* na *parako*. 17 Ma *gaia* te *pukui* na *ganaganadira*, *ge* *gagua* *vanira*, Na *kinakabu* ke *vokaa* na *levu* *ta* na *levu* ke, me ke *ohu* ; me ke *voka* *gua* na *vale* na *levu* *ta* na *levu* ke, me ke *kokovo*. 18 Ke *vokaa* *Satana* *ta* na *levuna* ke, mi *vei* ke *nea* na *kau* *nina* *kinakabu* ? Igau *tau* *bosa* *tua* *mau* *gagua*, *inau* *tu* *nia* *guru* *horura* na lei *tidalo* *dika* a *Belesebulu*. 19 Ma *ge* *tu* *ku* *guru* *horura* na lei *tidalo* *nia* *Belesebulu* ke, *mara* *dalemui* *ahai* *kara* *nia* *guru* *horura* ? ma *gaira* *kara* *detegamu*. 20 Ma *ge* *inau* *ku* *guru* *horura* na lei *tidalo* *dika* *nia* *gigirina*

God ke, ma *nina* *kinakabu* *God* te *dutuvigamu* *mai* *tua*. 21 Na *malagai* ke *tabei* na *tinabena* ke *nia* *vavaita* na *bebetena* ke, lei *nina* *totobo* ke *kabu* *tatavahale*. 22 Ma na *malagai* *gua* te *laga* *vaa* ke *mai* ke, *ge* *laga* *vulea*, me *sagua* *tatana* na lei *tinabena* te *varava* *vuvunani*, me *tuvaligi* na lei *nina* *totobo*. 23 Ahei ke *mua* *gahaa* *tagua* ke, *gaia* na *levu* ni *pala* ; *mahei* ke *mua* *hanau* na *vahikolu* ke, *gaia* ke *havukaginigi* *vamua*. 24 Na *Tidalo* *dika* te *rugu* *horu* *ta* na *tinoni* ke, te *liu* *ta* na lei *bona* *tnatuarese*, te *kenea* na *malana* ke *aheahe* *ga* ; me *mua* *topoa* ; *ge* *goi* *gagua*, *Nau* *ku* *goi* *pulohi* *ta* na *valegu* *tu* *rugu* *horu* *mai* *ga*. 25 Ma *gaia* te *vaa* *sara*, me *rigia* na *vale* *tara* *halaa* *kasunia* *tua*, *mara* *talumaboa*. 26 *Ge* *tona*, me *lavira* *mai* *evitu* na *tidalo* *gua* *tara* *dika* *vaa* *itatana* ; *ge* *ra* *vaa* *hage*, *mara* *kabu* *ga* : *ma* na *liona* na *tinoni* *keri* te *dika* *vaa* *ta* na *vuivuni*.

27 Ma *gaia* te *bosa* te *vaga* *eni*, *ge* *gaegahe* *sakai* na *vinekama* *ta* na *vure*, me *gagua*, *Te* *uto* na *kutu* te *holago*, *maia* na *susu* *to* *susuvigi*. 28 *Ge* *gagua* *gaia*, *Eutumu*, ma *gaira* *tara* *uto* *vaa* *tara* *ronovia* na *bosana* *God*, *mara* *taonia*.

29 Ma na lei *vure* te *subo* *tara* *kokolu*, *ge* *vuivuni* ni *bosa* me *gagua*, Na *vata* *eni* te *tanotanodika*, *tara* *kene* *vaugilala* ; meke *mua* *vahera* *siki* *vaugilala* *keha*, ma *nina* *vaugilala* *Jona* na *porovete* *vamua*. 30 Na *pukuna* te *vaga* *Jona* na *vaugilala* *vanira* na *Nineve* *idania*, te *vaga* *gua* *eni* na *Dalei* *tinoni* *vanira* na *vata* *eni*. 31 Na *vinahogo* ni *lona* ke *tuguru* *kolu* *tadira* na lei *tinoni* na *vata* *eni* *ta* na *bozi* ni *dete*, me ke *dete* *matera* ; na *pukuna* *agaia* te *vaa* *butu* *mai* *ta* na *kouna* na *maramana* *ge* *haga* *ronovia* na *manahana* *Solomoni*, *ma* *kau* *rei* *mai*, *aeni* te *haha* *vaa* *itatana* *Solomoni*. 32 Ma na lei

tinoni ni Nineve gua kara tuguru kolu tadira na vata eni ta na boni ni dete, ma kara dete matera; na pukuna agaira tara tugua na liodira nia na nina tarai a Jona, ma kau rei mai, aeni te haba vaa itatana Jona.

33 Taho siki tinoni ke tuni bulu, me ke talu poloa, pi sara ni kei, ta na malei talu bulu mugua; ge kara hage mai ga rahei ke, ma kara rigia na marara. 34 Na buluna na huli na mata; ge te ke davora uto na matamu ke, me ke nia marara soko gua na hulimu; me he dika ke, ke nia puzi soko gua na hulimu. 35 Ko nia pipo na marara ilokamu ke bei puzi gea. 36 Ke marara na hulimu soko ke, me ke taho siki pileua ke puzi, ke marara soko vamua, te vaga na bulu te hinarigo nia na mararana.

37 Ma gaia te bosa soo, sakai na Pharise te holoa ge ke vaa vana kolu itatana; ge vaa hage, me sopou horu. 38 Ma na Pharise te rigia, me nia hare te mua diki daodalo, ge ke vana. 39 Ge gagua a Lord, I taeni igamurana lei Pharise tau marabua vamua na muri ni seu ma na popo; ma na lokamui te vonugia na lio ni garu ma na tanotanodika. 40 Ra na bule! Agaia te gonua na murina, me mua gonua gua na lokana? 41 Ma kau hevei lee vasoo uimiu na lei totobo, ma kau rigia, na lei totobo te marabu vanigamu.

42 Me vatei aroviamui igau, ra na lei Pharise! igau tau nigi hevei na paura na pidi ma na lei agole na hanavuluna, ma tau padia na lio dete, ma na lio doloviana God. Te uto sugua tau nei kiri, ma kau bei sanigi gea raini. 43 E vatei aroviamui gau na lei Pharise! igau tau liona na malei sopou nago ta na lei Vale kokolu, ma na bosa utoamui ta na lei malei sabiri. 44 E vatei aroviamui gau na lei Tarai, ma na lei Pharise! igau tau vagai na lei malei tavugi te mua tate,

ma na lei tinoni tara liu vuvunani mara mua rigigi.

45 Ma sakai na Tarai te bosa tuguvania, me gagua, Tarai, to bosa dikalagami gua, to nea ia bosa keru. 46 Ma gaia te gagua, E vatei aroviamui gua, igau na lei Tarai! igau tau mavatira na lei tinoni nia na hohola mava, mi gau tau mua tabea na hohola nia siki gigitimui. 47 E vatei aroviamui! tau tupi vatuni na maladira na lei porovete tara mate tua; ma gaira lei kukuamui tara labu matera. 48 E utumui, igau tau tuguni tatea, mau talamaginigi na gehegehedira kukuamui; gaira tara labu matera, mi gau tau tupi vatuni na maladira. 49 Na pukuna na nina manaha God te gagua, Nau ku vetenara vanira na lei porovete, mara na lei hala, ma gaira kara labu matera na balu, ma kara guru kehara na balu; 50 ko kene olia tadira na vata eni na gabudira na lei porovete soko, tara havatigi ta na taluana na berena na maranana mai; 51 te vuni mai ta na gabuna Abele, me sara ta na gabuna Sakaria tara matea i gobuna na malei sukagi ma na vale te tabu. Eutuni, tu gagua vanigau, ke kene olia tatana na vata eni. 52 E vatei aroviamui gau na lei Tarai! na pukuna igau tau lavi kehara na kiina na manaha; mi gau tau mua hage ilokana, ma gaira tara hage hage ga, mi gau tau hovera.

53 Ma gaia te bosa te vaga eni, ra na Tarai ma ra na lei Pharise tara tuguru puzisi nanataa, ma gaira tara lavi buleana ge ke bosai na lei totobo te subo; 54 mara polonia, mara kenea na sakuriana siki bosa tana manana, ge kara vuhaa nia.

XII.

1 Mi ta na bona keru na vure te subo tara kokolu mai, mara vei tuiturigi,

ge diki bosa vanira nina Vaovarono, me gagua, Kau rigitaonigau ta didira na *leven* rana lei Pharise, na lio ni polopolorau. 2 Taho siki totoobo te mata poloa, kara mua tatea tana niha; me taho siki totoobo te polo, kara mua gilalaa ta na niha. 3 Na pukuna eni na totoobo tau bosaa ta na puni kara ronovia ta na marara; ma na totoobo tau nia vaevare ta na kuli ta na voki popolo, kara nigi gaegahe ta na vouvutu ni vale. 4 Mi nau tu bosa vanigau gatu gau lei kulagu, Kau bei matagunira kara matea na huli, mi murina keri kara mua nea gua siki totoobo. 5 Mi nau ku tugunia vanigau agaia kau matagunia. Kau matagunia sugua, te matea tua, ma te mana gua na sosoni i Gehena. Eutuni, inau tu bosa vanigau, kau matagunia gaia. 6 Elima na pia kara mua sabirigi nia rua na pile rono? Ma God ke mua nia pono lio sakai tadiria. 7 Ma na vuvulu ni ulumiu gua te padai tua. Na pukuna aeni kau bei matagu; igau tau haba vaa ta na lei pia te subo. 8 Mi nau tu bosa vanigau, ahei ke tuguni tateu ta na matadira na lei tinoni, na Dale tinoni ke tuguni tatea ta na matadira na lei nina Taruna vatena God. 9 Ma hei teke niu hugu ta na matadira na lei tinoni ke, mi nau gua ku nia hugu ta na matadira na lei nina Taruna vetena God. 10 Ma hei ke koenelea na Dale tinoni ke, ke talukehai na paluna; ma hei ke koenelea na Taruna te Tabu ke, ke mua talukehai na paluna. 11 Ma kara goragau vaa tana lei Vale ni Sonikolu, ma vanira na lei Dete, ma rana Vunagi ke, makau bei nia kanoraga ivei kau nea na bosa tugu vanira, pa na hava kau bosaa. 12 Na pukuna na Taruna te Tabu ke taraigamu nia ta na boni keri, na totoobo kau bosaa.

13 Ma sakai na tinoni ta na vure te bosa vania, me gagua, Tarai! ko

bosa vania hogogu meke tuvaliu nia na lei totoobo ni mate tugu. 14 Ma gaia te gagua, Age! ahei te taluu inau geku dete muku tutuva vanigamu? 15 Soko ge gagua vanira, Kau rigitaonigau, makau hugu levu gekau bei garu ni totoobo; na pukuna na vola te mua manana na logo totoobo-au. 16 Ma gaia te bosa vavagaha vanira, me gagua, Nina legai na tinoni sosodo te hali ga na vana. 17 Ma gaia te kenea vaovarono me gagua, Ma hava ku gonias? te tahona bona ku talui ga nigua na vana. 18 Soko ge gagua, Ku nea te vaga eni; ku durakei nigua na lei vale baore, muku goi kisu sulei, geku talu kolui ga nigua na lei vana, ma na lei nigua totoobo. 19 Muku vania na tarunagu, Tarunagu, e subo nimua na lei totoobo te manana te subo na niulu, ko aheahe nimua, moko vana soo, moko inu, moko togotogo nimua. 20 Ma God te bosa vania, me gagua, Bule! ta na boni eni kara lavi kehaa na tarunamu tamua; ma hei ke logoi na lei totoobo to talu kasunigi? 21 Te gagua ga eni na tinoni te vali kolui vania hegena lei nina totoobo, me mua sosodo vania God.

22 Soko, ge vanira nina vaovarono, me gagua, Na pukuna keri geu gagua vanigau, kau bei talu mavaa na volaminu na hava kau gania, maia na hulinu na hava kau pulua nia. 23 Na vola te mava vaa ta na vana, ma na huli te mava vaa ta na tivi. 24 Kau pukura na lei bina; gaira tara mua lutu mara mua baobaore; tahona didira na pilupilu me tahona didira na bela ni vana, ma God te kutira soko; mi gamu tau mua haba vaa i tadiria? 25 Ahei i tamiu ke ganagana ke, me ke tanomana na togomaana na darona nia na alo togo? 26 Ma ge takau mua nigi tanomana na totoobo pile kikigi ke, me gua gau goi ganaganai gua na balu totoobo

keha? 27 Makau pukui gua na lei pepela ivei te totolo; tara mua lutu, mara mua vauvau, mi nau tu gagua vanigau, a Solomona ta na raranana soko me mua tanomana na nia pupulu te vaga sakai tadira. 28 Ma God te ke vaguvagua na buburu te vaga eni ke, ke mauri taeni, mi ropo kara sonia ta na lake, ma gaia ke mua pupulu gamu nia te haba vaa, igau ra na taluutuni pile? 29 Mi gau gua, kau bei kenea na hava kau gania, ma kau inuvia, ma kau bei ganagana ruarua. 30 Na lei taba ni vure soko ta na maramana tara kenei kiri, ma Tamamiu te pukui tua tau haga logoi na lei tobo kiri. 31 Ma kau diki kenea na nina kinakabu God me ke savuzigi vanigamu na lei tobo kiri. 32 Kau bei matagu, gau na pile ovu ni sipu; agaia a Tamamiu te dolo tua teke vahegau na kinakabu. 33 Kau vaa hunului na lei nimiu na tobo, gekau hevei leei; kau nei nimiu na kei ni rono kara mua tanomana na motu; ma nimiu na nilau te uto ta na parako, na tinoni gito ke mua dutu ga, ma na muhu ke mua tagalaganigi. 34 Evei te gahaa nimiu na puku ni tobo ga ke, na tobamiu iga gua.

35 Kau piti kasilai na gobumiu, ma nimiu na bulu ke ruruhu; 36 gekau vagara gaira tara pitua na Vunagidira ke pulohi mai ta na sonikolu ni taulagi; ma gaia ke sara mai, meke kidikidi, makara mina hanavia vania. 37 Tara uto vaa ra na tinoni ni lutu keru, na Vunagidira ke pulohi mai meke rigira tara dai pitua: e utuni inau tu bosa vanigau, agaia ke pitia na gobuna, meke sopoulaginira, meke hage mai, meke gehegehe vanira. 38 Ke mai ta na ruani na bona ni boni, pe toluni na bona ni boni, meke rigira tara pitua te vaga eni, ara uto vaa ra na tinoni ni lutu keru. 39 Migau tau pukua tua eni, agaia na

puku vale teke gilalaa ta na bona ivei te vaga ke mai na tinoni gito, ke daia, meke mua lubatia na valena geke diua. 40 Migau gua kau kabu dila; na pukuna na bona ni boni kau mua ganaganaa, agaia na Dale tinoni ke mai lokana. 41 Ma Peter te gagua, Lord, igoe to bosa vavagaha te vaga eni vanigai vamuua, pe vanira soko na vure gua? 42 Ma Lord te gagua, Ahei na rigitaoni tobo to mabo te manamanaha na magutuna ke talua na rigitaonidira soko ta na valena, geke tuvaligi kaekagei na vana vanira? 43 Te uto vaa na rigitaoni tobo keru na magutuna ke pulohi mai me ke rigia te gehegehe te vaga keru. 44 Inau tu bosa utuni vanigau mu gagua, agaia ke talua vuvuzani na lei nina tobo soko. 45 Ge ke bosa ta na kutuna na mane ni lutu keru me ke gagua, na magutu gu te sakai kise vaho na maiana; meke diki ramusira ra na lei gari mane ma na lei tahula, meke diki vana, meke inu, meke nia bulebu; 46 na magutuna na mane ni lutu keru ke pulohi mai ta na boni te mua gilalaga, meke ramusi matea, meke talua itadira tara mua talutuni. 47 Ma na mane ni lutu keru te pukua na liona na magutuna meke mua goni dilaa, meke mua taonia na liona, makara ramusi sulaa. 48 Ma agaia te mua pukua, mete gonua te manana na labuana ke, kara ramusi pilea. Kara vahea ahei te subo ke, makara goi kenei gua te subo tatana; makara tuvaligi te subo vania hei ke, meke subo nanata kara goi kenei tatana.

49 Inau tu mai sonia na lake ta na maramana; mi nau ku liona na hava ge vavu tua? 50 Ma na Vulitabu i tagua tua, kara vulitabu nia; mivei te vaga te kauliu polo ke vuha soko? 51 Igamu tau ganagana inau tu mai geku vahea na mabo ta na maramana? Tahu; minau tu gagua vanigau, na

voka. 52 Me te vuni taeni elima na tinoni kara gahara ta sakai na vale; ma kara kabu voka, etolu tadira eru, me rua tadira etolu. 53 Tainana ke nia voka na dalena, ma dalena ke nia voka tamana; ma tinana ke nia voka na dalena na vaivine, ma dalena na vaivine ke nia voka tinana; ma vuzona na vaivine ke nia voka vuzona.

54 Soko, ge gagua vanira na vure, Tau rigia na puzi ke tuguru i boko mau mina gagua, Ke uha mai; me uha sugua. 55 Me tani mai na ara ke, mau gagua, Ke papara; me papara sugua. 56 Gau na lei kiko igamu tau pukua mau vakalei na nago ni pari ma na parako, megua gau mua vakalea gua na bona eni? 57 Megua gau mua dete maemanea hegemi? 58 Koro va ta na mane ni dete rogamu na gamua na kana ke, ko nia pipo na sonikolu tatana ta na halautu. Ke bei hurugo vania na magutu, ma na magutu ke lubatigo vania na solses, ma na solses ke piligo ta na vale pipiti. 59 Minau tu gagua vanigo gatu, ko mua tanomana na ruguhoru ga, polo ko vuha tugu sokoi na rono.

XIII.

1 Ma na balu tinoni ta na boni keri tara tugunia vania ra na Galilea, a Pilatu te ule kohui tua na gabudira nia didira na lei vatei sukagi. 2 Soko, ge bosa vanira Jesus, me gagua, Igamu tau gagananara ra na Galilea keri tara tanotanodika vaa i tadira na Galilea soko, na pukuna te vahagitailira te vaga keri? 3 Taho, nau tu gagua vanigau; ma ge takau mua tugu lio, makau mate soko te vaga ra. 4 Ma gaira na tinoni keri hanavulu me sara ealu, na buko ni vale i Siloani te kokovo punisira, me pisali matera soko; igau tau gagananara

gaira keri tara dika vaa tadira na lei tinoni soko tara kabu Jerusalema? 5 Taho, nau tu gagua vanigau; ma ge takau mua tugu lio, ma kau mate soko te vagara.

6 Soko ge bosa vavagaha te vaga eni: Ahei te suba tua na rigi ta nina legai; ma gaia te haga mai kenea na vanana, me mua topoa ga. 7 Ge gagua vania na rigitaoni legai, Ko rigia, etolu tua na niulu tu mai kenea na vanana na rigi eni, mu mua topoa; ko toka kehaa; egua ge punusia na pari? 8 Ge gagua na mane ni lutu, Lord, ko lubatia me ke gahaa gua ta na niulu eni, mu ku geli taligutia, muku parikuvu lololona. 9 Me ke vanaga ke, me uto; me ke taho soo ke, ge ko toka kehaa ta na niha.

10 Ma gaia te tarai ta sakai na Vale ni kokolu ta na Boni ni aheahe. 11 Mo, ko rigia, sakai na vaivine iga, na tidalo ni sigere ilokana, me hanavulu tua me sara ealu, na niulu te sigere; me tona rogorogo, me mua tanomana na lenatada gua. 12 Ma Jesus te rigia, ge holoo mai, ge bosa vania me gagua, Age vaivine, itaeni te kaluba tua itamua nimua na sigere. 13 Soko ge talua na limana ivuvuzana; me mina maemane pulohi; ma gaia te holoutoa God. 14 Ma na mane te haba ta na Vale ni kokolu keri te nia rutu a Jesus te vavolaa na tinoni ta na Boni ni aheahe; ge gagua vanira na vure, Eono na boni iga takau gehegehe ga ilokadia, ta na lei boni kiri kau mai ga meke vavolagamu, makau sania ta na Boni ni aheahe. 15 Ma Lord te bosa vania me gagua, Kiko! ma ahei taniu ke mua togia na nina na kau pa nina na asu ta na malei vana, meke mua nia tona ta na beti ta na Boni ni aheahe? 16 Ma na vaivine eni, dalena Abarabama, a Satana te pitia ehanavulu tua me sara ealu na niulu; me mua uto na togiana na galo eni itatana ta na Boni ni

aheahe? 17 Ma gaia te bosa te vaga keri, gaira soko na levu ni pala tara maa nanata; ma na vure soko tara niggi togotogo na lei totoho te mava te gonigi.

18 Ma gaia te gagua, Ivei te vaga na nina kinakabu God? ma na hava ku vavagaha nia? 19 Te vaga na vuavua ni sinapi, na tinoni te lavia me subaa ta nina legai; me sule ga, me vuha ni gai sule, ma na lei manu ni oka tara sopou polo ta na rau-rauna. 20 Ma gaia te gagua gua, Na hava ku vavagaha nia na kinakabuna God? 21 Te vaga na *leven*, na vaivine te lavia me poloa ta na popo ni pulaoa te manana etolu na kaekage polo ke manani sokoa.

22 Ma gaia te tona haliu ta na lei komu, mi ta na lei komu sosopa, me taraira ta na tonana i Jerusalema. 23 Ma siki sakai te bosa vania me gagua, Lord, kara mua subo kara vola ta na niha? Ma gaia te bosa vanira me gagua, 24 Kau lavia na lagamiu na vaa hage ta na mataula ni peo te *nizine*; inau tu gagua vanigau, kara subo kara kenea na hage ga, ma kara mua tanomana. 25 Ta na niha na puku vale ke tuguru meke vomotia na mataula, migau kau vuivuni na tuguru i pari bebete, makau kidikidia na vovonona na vale, makau gagua, Lord, Lord, ko hanavia vanigai. Ma gaia ke gagua, Nau tu mua pukugamu ivei tau vaa butu mai. 26 Migau kau vuivuni na bosa makau gagua, Igami tai vana tua ta na matamu mai inu tua, moto tarai tua ta nimami na lei loa. 27 Ma gaia ke gagua, Nau tu gagua vanigau gatu, nau tu mua pukugamu ivei tau vaa butu mai; kau tona keha tagua igamu soko tau *gehegehe* tanotanodika. 28 Na tani ma na girigirilivo ga ta na niha, makau rigira ga a Abarahama, ma Isaaka, tolugaira FLO.

Jakobo, ma ra na ovu porovete soko, ta nina kinakabu God, makara tiva horugamu i pari. 29 Ma kara butu mai ta na malei sogi ni aho, ma ta na malei hu ni aho, mi lau mi loa, ma gaira kara sopou horu ta nina kinakabu God. 30 Ma kau rei mai, na balu tara muri taeni ma kara nago ta na niha; ma na balu tara nago, ma kara goi muri ta na niha.

31 Ma ta na boni keri na balu Pharise tara mai, mara gagua vania, Ko rugu horu mo ko tona keha, a Herodi te liona na matcamu. 32 Ma gaia te bosa vanira, me gagua, Kau vaa, makau tugunia vania na vokosi keri, makau gagua, Ko rei mai, nau ku guru horura na lei tidalo dika, minau ku vavolara na lei vahagi, gegua mi ropo, mi vunitolu vaho ge ku soko. 33 Mi gegua, mi ropo, mi valiha, ku tona soo, na pukuna ke mua mate keha siki porovete i Jerusalema. 34 A Jerusalema, Jerusalema, to matera lei porovete, mo peta matera te vetenara vanigo mai, Inau tu hage liona haia na vilikoluadira na lei dalemu, te vaga na kudo te vilikolura na dalena sara ni limana, mau hove nimiu! 35 Kau rei mai tara sania vanigau na valemui te ohu: minau tu gagua vanigau gatu, kau mua rigiu gua inau polo kau vuha gagua, Holoutoa gaia te mai ta na ahana Lord.

XIV.

1 Mi ta na Boni ni aheahe te vaa hage ta na valena siki Pharise te haba, ge ke vana ga; ma gaira tara vatogaa. 2 Ma na tinoni te lupa te tuguru punisia na matana. 3 Ma Jesus te huatira rana Tarai ma rana Pharise me gagua, Te manana na vetena na vavolaana na tinoni ta na Boni ni aheahe pe taho? 4 Ma gaira tara todore. Soko ge tabea,

me volaa, *ge lubatia*. 5 Me soko *ge bosa vanira*, me *gagua*, Ahei tamiu nina na asu pa uina kau ke kutu ta na gilu, me ke mua mina gora datao ta na Boni ni ahehe? 6 Mara mua tanomana na bosa tugu vania ta na lei totoobo ini.

7 Me bosa vavagaha vanira tara holora mai, agaia te rigira tara viligi na puku ni malei koli, *ge gagua vanira*, 8 Ahei ke hologo mai ta na *gougouu* ni taulagi ke, moko bei vaa sopou gea ta na puku ni malei koli; ke mai *gea* siki sakai te haba vaa i tamua; 9 ma *gaia* te hologau mai rogamu ke *gagua vanigo*, Ko *lubatia* na malamua *vania gaia* eui; moko nia naa nimua na keneana na bona so-soko. 10 Mahei ke hologo mai ke, moko vaa sopou soo ta na bona so-soko; me ke mai tua agaia te hologo ke, meke *gagua vanigo*, Kula, ko galaga mai; vaho kara nigo kiki-nima tara sopou kolu tamua. 11 Na pukuna ahei ke talunagoa hegena kara talumuria; mahei ke talumuria hegena kara talunagoa.

12 Soko, *ge bosa vania* te holoo mai, me *gagua*, Ko *gehetia* na vana dani pe nulavi ke, ko bei holora mai na kulamu, pa rana hogomu, pa rana tubumu, pa rana gamua na komukolu tara sodorono; kara bei goi vetena oligo *gea*, makara kaekage tamua. 13 Mi ta na niha ko *gehe vana* ke, moko holora mai na tinoni boua, ma rana kubu, ma rana rapobete, ma ra na rorodo. 14 Moko uto vaa igoe; na pukuna te taho tadira kara nia kaekage tamua; meke kaekage tamua ta na niha ra na imae-mane kara tuguru oli *ga*.

15 Mahei tadira te nia sopou kolu te romovigi na lei totoobo ini *ge gagua vania*, Te uto vaa *gaia* ke *vana* ta na kinakabu God! 16 *Ge gagua gaia*, Te *gonia* na tabatu siki sakai, *ge holora* mai tara subo. 17 Me sara

na bona ni vana *ge vetena* nina tinoni *geke* tugunigi vanira te holora mai tua, me *gagua*, Kau mai; tara goni dilai soko tua lei totoobo. 18 Ma gaira tara vuni kolu na kaukauli sania. Na diki te bosa vania me *gagua*, Inau tu pelua tua na kausa, minau ku horu muku rigia; nau tu nonigo ko *lubatiu* tu kaukauli. 19 Ma na keha gua te bosa me *gagua*, Nau tu pelui tua ehanavulu na kau, muku vaa tabotabora; nau tu nonigo, ko *lubatiu* tu kaukauli. 20 Ma sakai gua te bosa me *gagua*, Nau tu taura na vaivine, na pukuna eni *ku* mua tanomana na vaa *ga*. 21 Ma na mane vetena te tutugni vania na Magutuna na lei bosa ini. Ma na puku vale te rutu, me *gagua vania* na mane vetena, Ko mina moko rugu horu ta na lei loa, mi na lei halautu ni komu, moko nira mai na lei tinoni bona, ma ra na kubu, ma rana lei rapobete, ma rana lei rorodo. 22 Ma na mane vetena te *gagua*, Magutu, nau tu nigi tua to vetenau nia, ma na bona soo iga mua. 23 Ma na Magutu te bosa vania na mane vetena me *gagua*, Ko vaa ta na lei halautu, ma ta na lei peo, moko hugutira na hage mai, *ge meke vonu* mugna na vaelegu. 24 Minau tu *gagua vanigau gatu*, Taho sakai tadira tu holora mai tua ke nainamia nigua na tatatu eni.

25 Ma na vure te subo tara kokolu tatana; ma *gaia* te liliu pulohi, me *gagua vanira*, 26 Ahei ke mai rigin ke, me ke mua nira sika tamana, ma tinana, ma tauna, ma ra dalena, ma tahina, ma vavineana ke, me utuni, na volana gua ke, me ke mua *tanomana nigua* na vaovarono. 27 Mahei ke mua gatea nina gai vavala, meke mua saritaoni ke, meke mua *tanomana nigua* na vaovarono. 28 Ke liona na kisuana na vale daro siki sakai ke, meke mua diki padala-

ginigi na rono ni vale, te manana na kisu sokoana pe taho? 29 Ge teke talua na berena, meke mua kisu sokoana, ma gaira soko kara rigia kara vuivuni ni batoana, makara gagua, 30 Agaia kerī te puku ni kisuana, me mua vuha kisu sokoana! 31 Maia gua, siki vunagi teke rugu horu na veitotogoni ta ruana na vunagi, meke mua diki sopou, meke ganagana kasunia, nina lei tinoni ehanavulu na toga vamua ke tuguru punusia agaia te nira mai erua hanavulu na toga. 32 Me taho ke, me hau mua na ruana, meke vetena tua nina mane vetena, meke nonia na tove. 33 Te vaga gua eni, ahei tamiu ke mua toua sanigi nina lei totoho ke, meke mua tanomana nigua na vaovarono. 34 Na tahi te uto; ma na tahi ke bea ke, mivei ke nea na horotiana siki vana? 35 Te mua manana na pari, pa na lololo, ma kara soni kehāa mugua. Ahei te kuliga ke, meke ronovigi nia.

XV.

1 Ma gaira soko na lei Vahikolurono ma rana tanotanodika tara dutuvia ge kara ronovia. 2 Ma gaira na lei Pharise ma na Tarai tara belebele, mara gagua, Agaia eni te lavira na lei tanotanodika, me nira vana kolu.

3 Ma gaia te bosa vavagaha vanira te vaga eni, me gagua, 4 Ahei tamiu te logoi sakai na hanalatu ni sipu, ma sakai tadira ke tagaa ke, meke mua tona sanigi e hiua hanavulu hiua na sipu tana bona aroha, geke vaa kene kerī te tagaa, polo ke vuha topoa? 5 Me topoa tua, ge gate datao ta na valana, me nia togotogo. 6 Me sara tua i valena, ge holora mai rana lei kulana ma na gana komu kolu, me gagua, Kau togotogo kolu tagua, na pukuna tu topoa tua na sipu te

tagaa tagua. 7 Nau tu gagua vanigamu, na togotogo ke vaga eni i kokou, siki tinoni tanotanodika ke tugu lio, i tadira rana mēmane hiua hanavulu hiua te taho i tadira kara nia tugu lio.

8 Ma na vaivine gua te logoi hanavulu na rono, ma sakai na rono ke tagaa tatana; ke mua tunia na bulu meke mua hala na valena, meke nia vaivarigohi na keneana, polo ke vuha topoa? 9 Me topoa tua, ge holokolura mai na lei kulana vaivine, ma na gana komu kolu, meke gagua, Kau togotogo kolu tagua, na pukuna tu goi topoa tua na rono te tagaa itagua. 10 Nau tu bosa vanigau gatū, na togotogo te vaga eni ta na matadira nina Taruna vetena God, siki tanotanodika ke tugu lio.

11 Soko ge gagua, Sakai na tinonī erua na dalena tatana. 12 Ma na gari tumuri te bosa vania tamana me gagua. Mama, ko vaheu mai na balu nimua totoho te managu. Ma tamana te sopa tuvalira rogaira nia nina lei totoho. 13 Me mua subo mua na boni, ge vahi kolui nina totoho na gari tumuri, me boiboli vaa ta na komu hau; me vaa tovonononigi ga lei nina totoho ta na kabu toposo. 14 Ma na lei nina rono soko te luvu parihai tatana, ma na nenere sule te sodora ta na komu kerī; ma gaia te vuni ni bona ga. 15 Ma gaia te tona, me kabu nasi tatana sakai na puku komu ta na komu kerī; ma gaia te vetena ta na nina hohogo, na kuti bolo ga. 16 Ma gaia te lionī na nigī mahu na paepage na bolo te ganigi; me taho ke vahea. 17 Ma na ganaganana te pulohi mai tatana, ge gagua, Ara nīha na mane tamagu te tabara na vana tadira te subo vulera? minau eni tu nia mate na guluva. 18 Ku tuguru nigua muku varigia tamagu, muku vania, Mama, inau tu tanotanodika savua i kokou, mi ta na

matamu igoe: 19 me mua ulagagu ko holo dalea tagua: moko neu va soo ge ku tinoni ni lutu. 20 Ma gaia te tuguru ge vaa rigia tamana. Ma gaia te hau mua, ma tamana te rigia, me arovia, me samalia, me pogotao ta na luana, me noninonia. 21 Ma dalena te gagua vania, Mama, inau tu tanotanodika savua i kokou mi ta na matamu igoe, me mua ulagagu ko holo dalea tagua. 22 Ma tamana te gagua vanira nina mane ni lutu, Kau lavi horua mai na puku ni tivi, makau pulua nia, makau torovagina na siraku ta na gigirina, ma na suu ta na marevona; 23 ma kau lavi horua mai na dalei kau te korukoru, makau pahea, ma ka nia vana kolu maka togotogo. 24 Na pukuna dalegu eni te mate tua ge goi vola oli, te sivi tua geu goi topoa. Ma gaira soko tara vuivunia na togotogo. 25 Ma na kamanago ta na hoohogo; ma gaia te oli mai, me dutuvia na vale ge ronovia na galevu ma na gavai. 26 Ge holoa mai sakai na nina gari mane, me luatia me gagua, Na lava iloka? 27 Ma gaia te gagua, Na pukuna na hogomu te oli mai tua; ma tamamu te pahea na dalei kau te korukoru, na pukuna te pulohi tatavahale mai tatana. 28 Ma gaia te rutu, me mua liona na hage. Ma tamana te rugu horu me keikeria. 29 Ma gaia te bosa tugu vania tamana, me gagua, Ko rei mai, e subo na nilu tu lutu vanigo, mu mua hovea mua siki pile bosamu; mo mua vahau mua siki dalei koutu, ge ma na lei kulagu mi nau kai nia togotogo. 30 Ma vaho na dalemuni eni te oli mai, te luvuhigi tua nimua na lei to-tobo tadira na lei rebi, ge vaho pahea na dalei kau te korukoru. 31 Ge gagua vania, Dale! to gahago haia tagua, ma nigua lei to-tobo soko a nimua tua; 32 migita ka nia togotogo maka nia sunisuni; na pukuna

a hogomu eni te mate tua, ge goi vola oli, me sivi tua geu goi topoa.

XVI.

1 Ma gaia te bosa vanira nina Vao-varono, Na mane sodorono na mane rigitaoni to-tobo tatana; mara hurua nia na sonileani lei nina to-tobo. 2 Ge holoa, me gagua vania, Na hava tu ronovia tamua? ko tugunigi vaniu na to-tobo to rigitaonigi, na pukuna ko mua tanomana na rigitaonigi ta na niha. 3 Ma na mane rigitaoni te bosa vaovarono me gagua, Na hava ku nea? na magutugu te tiva kehau tana gehegehegu. Ku mua tanomana na geli pari, muku nia maa nigua na noni kolili. 4 Tu pukua tua na to-tobo ku nea, mi ta na niha tara tiva kehau ta na gehegehegu, ge kara holo panotiu ta na valedira. 5 Ge sopa holora mai tatana auina talukau na magutuna i tadira, me gagua vania na diki, Eriha nina talukau na magutugu itamua? 6 Ge gagua gaia, Sakai na hanalatu na kada ni kokolo. Ge gagua gaia, Ko lavia nimua na vatei gegere ni talukau, moko mina sopou, moko gerega e lima hanavulu. 7 Soko ge gagua vania na ruana, Migoe niha na talukau tamua? Ge gagua gaia, Na bosini koni sakai na hanalatu. Ge gagua gaia, Ko lavia nimua na vatei gegere talukau, moko gerega e alu hanavulu. 8 Ma na magutuna te holoutoa na mane rigitaoni pego-gego te gehegehe manaha; na pukuna gaira na dalei maramana eni tara manamanaha vaa ta na vatadira i tadira na dalei marara. 9 Minau tu gagua vanigau gatu, Kau lolo kula tadira ta na Mamoni tanohahi; migau kau hali ke, kara holopanotigau ta na lei vale kasila. 10 Ahei ke maemane ta na to-tobo pile kikia ke, ma gaia ke maemane gua ta na to-tobo sule. Ma-

hei ke tanohahi ta na totobo pile kikia ke, ma gaia ke tanohahi gua ta na totobo sule. 11 Migau kau mua mabo ta na Mamoni tanohahi ke, mahei ke varava vuvunamui ge ke lubatia vanigamu na puku ni totobo? 12 Migau tau mua nigi pipo ta nina totobo na keha ke, mahei ke lubatia vanigamu animiu? 13 Taho siki sakai ko lutu pape vanira erua na Magutu; agaia ke nia sika sakai, meke dolovia ruana; ke kabu nasi ta sakai, meke kochorua gua ruana. Igau kau mua lutu pape rovanira God ma Mamoni.

14 Ma rana Pharise tara lio ni rono tara ronovigi raini, mara batobatoa. 15 Ma gaia te gagua vanira, Igau tau dete maemanegamu hegemiu ta na matadira na lei tinoni, ma God te pukua na lokamui. Na totobo tara ganagana mavai lei tinoni, te tabuna God. 16 Na Ronorono vetena maia na lei porovete te sara ta John; ta na bonina gaia te vuivuni mai na tuguniana na Ronorono uto ta na nina kinakabu God, ma na lei tinoni tara huhugu hage soo i lokana. 17 Me malumu vaa na tagaana na parako ma na pari ta na pilena na gegera ta na Ronorono ni vetena ke padi ga. 18 Ahei ke sania tauna, meke lavia na keha ke, ma gaia te nelenene: mahei gua te lavia na vaivine na mane keha te sania ke, te nelenene.

19 Ma sakai na mane sodorono ga te nia pupulu na tivi te sisi te demideni, ma na tivi pura te malebo; me te nigi mahu na puku ni vana ta na lei boni soko. 20 Ma na tinoni bona ga na ahana Lasarusi, tara talua ga ta na bebetena te ila soko na hulina. 21 Me liona nia mahu na pilei vana te kutu horu ta nina bela ni vana na mane sodorono; ma na lei kau tara mai napinapia na ilana. 22 Ma na tinoni bona te mate; ma rana lei Taruna vetena tara sake galagaa ta na

luhuna Abarahama. Ma na mane sodorono gua te mate, mara tavugia. 23 Mi Betidalo te toroa ga na vahagi, ge rei tada me rigia Abarahama i halahau, ma Lasarusi ta na luhuna. 24 Ge gaegahe, me gagua, Mama Abarahama, ko aroviu, moko vetena mai a Lasarusi meke lumia na kou ni gigirina ta na beti, meke mai bihilia nia vaa na lapigu, te toro nanatau na vahagi ta na lake eni. 25 Ma Abarahama te gagua, Dale, ko ganagana olia to logoi tua nimua na lei totobo uto to vola, ma Lasarusi gua na totobo dika; mi taeni te vatogoluvua gaia, me torogo igoe. 26 Maia gua, i gobuda na boboko sule te pilu tua, ge rahei tamami takara liona na sogalaavu varigigau ke, makara mua tanomana; marahei gua i tamui kara mua tanomana gua na sogalaavu mai tamami. 27 Ma gaia te gagua, Mama, inau tu nonigo, ko vetena vaa ta na valena tamagu. 28 Ara lima hogogu iga, meke tuguni tatea vanira, ge kara bei mai ta na vatei totoro iani. 29 Ge gagua Abarahama, A Mosesi ma rana lei porovete i tadira tua, gaira kara ronovira. 30 Ge goi gagua gaia, Taho Mania Abarahama, ma ge sakai tadira tara mate tua teke vaa rigira ke, magaira kara tugu lio. 31 Ma gaia te bosa vania me gagua, Ge kara mua ronovira Mosesi ma rana lei porovete ke, kara mua ronovia sakai tadira tara mato tua ke tuguru oli.

XVII.

1 Ma gaia te bosa vanira nina Vaovarono, Na vatei kabalagi ke si-vuraga sugua; me vatei aroviana agaia te pukulagi mai tatana. 2 E uto vaa kara pitia na vatu ta na luanana, ma kara vaa sonia ta na horara, ke bei kabalaginia sakai tadira na lei gari pile ini. 3 Kau lavia na laga-

miu : a hogomu ke tanohahi ke, moko pasaa ; meke tugu lio ke, moko talu kehahi na paluna. 4 Meke vitu na tanohahiamu ta sakai na boni ke, meke vitu na tuguru ni maiana tamua ke, meke gagua, Nau tu tugu lio, ko talu kehahi na paluna.

5 Ma rana Mane vetena tara vania, Ko hanai nimami na talutuni. 6 Ma Lord te gagua, na talutuni tamiu te vaga na vuavua ni sinapi ke, migau kau gagua vania na gai eni, Ko tavuti, moko vaa totolo ta na horara ; ma gaia ke ronovigau. 7 Mahei tamiu te logoa na mane ni lutu, te ivu pe te vatoga sipu, me butu mai ta na legai, me ke gagua, Ko hage mai moko sopou horu. 8 Ma gaia ke mua gagua vania, Ko goni dilaa na gagua na vana, moko pitia na gobumu, moko gehegehe vaniu, ge ku vana muku inu ; vaho ge ko vana gamua moko inu ? 9 Agaia ke bosa utoa na mane ni lutu keri, na pukuna te gonigi ne lei totoho te vetenaa nia ? Taho. 10 Te vaga gua eni tua igau tau nei tua na totoho te vetenagamu nia, ge kau gagua, Igami na lei tinoni tai vana luvu vamua, igni tai kaliti vamua na totoho to vetenagai nia.

11 Mi ta na tonana i Jerusalema agaia te liu potai Samaria mi Galilea. 12 Ma gaia te rugu hage ta sakai na buto ni komu, ara hanavulu na tinoni tara ila tara topoa, mara tuguru hauvia, 13 mara gaegahe, mara gagua, Jesus Tarai ! ko arovigai ! 14 Ma gaia te rigira, ge gagua vanira, Kau tona, makau tatei na hulimiu vanira na Mane Sukagi. Mi ta na tonadira tara marabu ga. 15 Ma sakai tadira te rigia te mavo tua, ge pulohi, me bosa sule, me holohabaa God ; 16 me mai kutu horu ta na tuana, me holoutoa ; ma gaia na Samaria. 17 Ma Jesus te gagua, Ara mua hanavulu tara marabu oli ? me hiua, ivei

gaira ? 18 Tu mua rigi matadira tara pulohi mai na holohabaa God, ma gaia vamua na sinogs eni. 19 Soko ge gagua vania, Tuguru, moko tona, nimua na talutuni te vavolago.

20 Ma rana Pharise tara huatia nia na nina kinakabu God eniha vaho ke mai ? Me bosa tugu vanira me gagua, Nina kinakabu God te mua mai ma na vure kara totolaa. 21 Ma kara mua gagua, Ko rei mai, aeni ; pa kara gagua, Ko rigia vaa, keri ; ma nina kinakabu God ta na loka-miu.

22 Ma gaia te gagua vanira nina Vaovarono, me gagua, Na lei boni ke mai ta na niha, ma kau liona nanata na rigiana sakai na bonina na Dalei tinoni, makau mua rigia. 23 Ma kara gagua vanigau, Kau rigia eni ; pa kara gagua, Kau rigia keri ; makau bei tona keha, makau bei saritaonira. 24 Me te vaga na viti te vilavila taligu levuna na parako, ke vaga keri na Dalei tinoni ta na bonina. 25 Ke diki vadanitaligi na lei vatei totoro te subo, ma na vata eni kara hovea. 26 Me te vaga ta na bonina Noa i dania, ke vaga gua keri ta na lei bonina na Dalei tinoni ta na niha. 27 Agaira tara vana soo, mara inu, mara lavigi na vaivine, mara taudira na mane, polo te vuha poso na boni keri a Noa te hagelia na vaka ; ge mai na kada me matera soko. 28 Maia gua ta na bonina Loti, agaira tara vana, mara inu, mara pelupelu, mara hunuhunulu, mara vade, mara kisu vale ; 29 ma ta na boni keri a Loti te tona sania Sodoma, na lake maia na poipoi te simisimi mai ikokou, ge vaa matera soko. 30 Ke gagua ga keri ta na boni vagana na Dalei tinoni ke tate mai lokana. 31 Mi ta na boni keri ahei ke gahaa vuvuna ni vale ke, ma nina lei totoho iloka ni vale, ke bei goi vaa horu ni laviani : mahei te ga-

haa ta na hooogo ke, ke bei goi pulohi. 32 Kau ganagana olia tauna Loti. 33 Ahei ke kenea na volana ke, ke nia tagaa; mahei ke nia tagaa ke, ke vavolaa. 34 Nau tu gagua vanigau, Ta na boni eni erua na mane koro koli ta sakai na malei gime; makara hola kehaa sakai, makara sania ga na ruana. 35 Me rua na vaivine koro gigiri koukolu; mahara hola kehaa sakai, makara sania ga na ruana. 36 Me rua na mane gua ta na hooogo; makara hola kehaa sakai, makara sania ga na ruana. 37 Ma gaira tara gagua, Ivei, Lord? Ge gagua vanira, Ivei te pipili na huli ke, tara vaa kokolu ga na lei manukama.

XVIII.

1 Ma gaia te bosa vavagaha vanira, me gagua, na lei tinoni kara kokoeliulivuti haia, makara bei nia lugu, ge gagua, 2 Ta sakai na komu te gahaa ga na mane dete, me mua nia kikinima God, me mua nia maa na tinoni. 3 Mi ta na komu kerite gahaa gua ga na matesasani, ma gaia te vaa rigia me vania, Ko dete mabou tatana te huruu. 4 Mi te na vuvuni te mua liona. Me soko ge bosa vaovarono me gagua, Tu mua nia kikinima God, mu mua nia maa na tinoni; 5 ma na matesasani eni te niu mala ta na bule vaho ku dete maboa, ke bei mai haia me ke bei niu gigirou gea. 6 Soko, ge gagua a Lord, Kau ronovia na hava te bosa na mane dete tanohahi. 7 Ma God ke mua mina dete mabora nina tinoni te vilira tua, tara gaegahe haia ta na lei bozi ma na dani, te pitura hai me lio dolo vanira? 8 Inau tu gagua vanigau gatu, agaia ke mina dete mabora. Ma na Dalei tinoni ke horu mai ta na niha, ke rigia siki taluutuni pe taho ta na maramana?

9 Ma gaia te bosa vavagaha vanira

gaira tara ganaganara hegedira tara lio kikinima, mara koehorura tara keha. 10 Erua na tinoni toro dato ta na Bebete te tabu na vaa kokoe-liulivuti, sakai na Pharise, ma na ruana na Vahikolurono. 11 Ma na Pharise te tuguru, me kokoeliulivuti vaovarono, me gagua, God, inau tu holoutogo, inau tu mua vagara na lei tinoni keha, tara sagu, mara dete hahihahi, mara tanodika, mu mua vagaa na Vahikolurono eni. 12 Inau tu talukauu hegegu erua na bozi ni uiki: mu nigi vehei lee na hanavuni ta nigma na lei totobo. 13 Ma na Vahikolurono te tuguru hau, me mua liona gua na rei tada i kokou; me tupia vamua na garona, me gagua, God, ko aroviu inau na tanotanodika. 14 Inau tu gagua vanigau, Na tinoni eni te pulohi ta na valena te vaga na tinoni tara dete maemanea; ma na Pharise te taho. Na pukuna ahei te talusulea hegena kara talupilea; mahei te talupilea hegena, kara talusulea.

15 Ma gaira tara nira mai na lei meomeo vania, geke tabera; ma rana Vaovarono tara pasara. 16 Ma Jesus te holora na meomeo mai tatana, me vanira gaira, Kau lubatira na lei gari pile gekara mai tagua, makau bei hovera; na pukuna na kinakabuna God tadira te vagara. 17 E utuni inau tu bosa vanigamu, Ahei ke mua lavipanotia na kinakabuna God te vaga na meomeo ke, meke mua tano mana na hage ilokana.

18 Ma sakai na vunagi te huatia, me gagua vania, Tarai uto, na hava ku gonja, geku logoa na maurihali? 19 Ma Jesus te gagua vania, Egua geo holou nia na uto? Taho gua siki sakai te uto, ma sakai vamua, God. 20 O pukui na lei ronorono ni vetena? te gagua, Ko bei tanodika, moko bei labutabo, moko bei gito, moko bei vuhavuha, ko talumavara

tamamu ma tinamu. 21 *Ge* gagua gaia, Inau tu panotigi tua ta na gari-mancagu mai na lei totoho kiri. 22 Ma Jesus te ronovigi na lei bosa kiri, *ge* gagua vania, Ma sakai gua na totoho te taho mua ; ko hunului lei nimua na totoho, moko sopa tuvaligi vanira na lei tinoni bona ; moko lo-goa na puku ni totoho i kokou ; moko mai, moko taoniu. 23 Ma gaia te ronovigi na lei bosa ini, *ge* dika lio nanata : na pukuna agaia na sodo-rono. 24 Ma Jesus te rigia te dika lio nanata, *ge* gagua, E vahola lee na hageana na mane sodorono ta nina kinakabu God ! 25 E malumu vania na kamelu na sulupaana ta na potana na nilo, na vaa hageana na mane sodorono ta nina kinakabu God. 26 Mara ronovia gera gagua, Ahei ke tanomana na vola ? 27 *Ge* gagua gaia, Na lei totoho ke mua nigi tanomana na tinoni, ma God sugua ke nigi tanomana. 28 Ma Peter te bosa vania me gagua, Ko rei mai, igai tai sanigi lei nimami na totoho mai saritaonigo. 29 Ma gaia te gagua vanira, E utuni inau tu bosa vanigau, Taho sakai ke sania na valena, pa tamana, pa hogona, pa tauna, pa ra na dalena, na pukuna nina kinakabu God, 30 me ke mua tabe suboa ta na vola eni, mi ta na maramana ga na maurihali.

31 Soko *ge* vili kehara ara hanavulu me sara e rua, *ge* gagua vanira, Kau rei mai, igita ka galaga i Jeru-salema, ma na lei totoho tara gerei tua na lei porovete ta na Dalei tinoni ke kalei soko. 32 Agaira kara lubatira vanira na voo, ma kara batobatoa, ma kara nia sika, ma kara amusu ivuvuzana ; 33 ma kara ramusia, gekara vaa matea, mi ta na toluni na boni vaho geke tuguru oli mai. 34 Ma gaira tara mua manahani na lei totoho ini, ma na bosa keru te polo vanira, ma gaira tara

mua pukui mua na lei totoho te tungunigi vanira.

35 Ma gaia te dutuvia tua Jeriko ; ma na rorodo *ga* te sopou ta na liligi ni hala, me noni rono. 36 Me ronovia na vure te tona haliu, *ge* huatira me gagua, Na hava te gagua ? 37 Ma gaira tara tu'ugunu vania, A Jesus na Nasareta te tona haliu. 38 Ma gaia te nanaraha sule me gagua, Jesus, Dalena Davidi, ko aroviu. 39 Ma gaira tara gide tara pasaa, *geke* todore ; me hau vaa, me bosa laga vaa tana vuivuni, me gagua, Dalena Davidi ! ko aroviu. 40 Ma Jesus te tuguru me vetenara nia na laviana mai. Me dutuvia tua *ge* huatia Jesus, 41 me gagua, Na totoho hava to liona ku nea vanigo ? Ma gaia te gagua, Lord, tu haga reirei oli gua. 42 Ma Jesus te vania, Ko reirei oli gua ; nimua na talutuni te vavolago. 43 Ma gaia te mina reirei oli gua, me taonia gaia, me holoutoa God ; ma na vure soko tara rigia mara bosa utoa God.

XIX.

1 Ma gaia te hage, me tona haliu Jeriko. 2 Mo ko rigia, na tinoni tara holoa nia na ahana a' Sakeusi, agaia na puku ni Vahikolurono, ma gaia te sodorono. 3 Te haga rigia Jesus ivei te vaga ; me mua tanomana na pukuna na vure, gaia te kukulu. 4 Ma gaia te vaa sama utuhia i nagona, me sei ta na gai geke rigia, na pukuna gaia ke liu *ga*. 5 Ma Jesus te sara tua ta na bona keru ge rei tada, me rigia, *ge* vania, Sakeusi, ko mina horu mai, na pukuna inau ku gahau gegua ta na valemu. 6 Ma gaia te mina horu, me lavi togotogoa. 7 Ma gaira soko tara rigia, gera nia veivaevarei, mara gagua, Te va kabu tatana te tanotanodika. 8 Ma Sakeusi te tuguru me gagua vania Lord, Ko rigia Lord, na levu ni

nigua na totoho tu vahera na lei tinoni bona; minau tu talukamai vania siki sakai ke, me vati na tuguni. 9 Ma Jesus te vania, Gegua na vola te sara ta na vale eni, ma gaia gua dalena Abarahama. 10 Na pukuna na Dalei tinoni te mai geke kenea meke vola na totoho te tagaa tua.

11 Ma gaira tara ronovigi raini, ge hanaa nina bosa nia na bosa vavagaha; na pukuna te dutuvia tua Jerusalema, ma gaira tara ganagana anina kinakabu God ke mina tate mai. 12 Ge gagua, Sakai na Vunagi te tona ta na komu keha, te haga vaa lavia na kinakabu, geke pulohi mai. 13 Ge holora mai nina mane ni lutu ara hanavulu, ge sopa vahera e hanavulu na pauna; ge gagua vanira, Kau nigi gehegehe raini polo ku vuha oli mai. 14 Ma gaira na gana komu kolu tara nia sika, mara vetenara na mane vetena na tumuriana, ge kara gagua, Igai tai mua liona na tinoni eni ke vunagimami. 15 Ma gaia te vaa lavi soko na kinakabu, ge oli mai, me vetenara gekara holora mai nina mane ni lutu, te vahera tua na rono, geke sopa rigigi na hava tara sodoi ga tara gehegehe. 16 Ma na diki te mai rigia, me gagua, Lord, nimua na pauna te goi poposoni tua, me godo tua e hanavulu na pauna. 17 Ma gaia te gagua, Na tinoni uto igoe, te lagalaga uto. Na pukuna to maemane ta na totoho pilo kikia, ko vunagi ni e hanavulu na komu. 18 Soko ge mai rigia na ruana, me gagua vania, Lord, nimua na pauna te goi poposoni mai, me godo tua e lima na pauna. 19 Ma gaia te goi gagua vania gna, Igoo gua, ko haba ta na komu e lima. 20 Ma sakai gua te mai, me gagua, Lord, ko rei mai, aeni nimua na pauna, te gahaa haia tagua ta na tivi ni kaikari. 21 Na pukuna inau tu matagunigo to mua

dolo, to lavi galagaa na totoho to mua diki talu horua, mo te geligi na totoho to mua diki vadei. 22 Ma gaia te gagua, Ta na manamu ku detego, na tinoni dika; o pukuu sugua tu mua dolo tu lavi galagaa na totoho tu mua talu horua tua, mutu geligi na totoho tu mua diki vadei. 23 Megua geo mua talua nigua na rono ta na vale ni rono? muku pulohi mai, vaho geku hola oligi, ma na rono te au gua. 24 Soko ge vanira tara tuguru taligutia, Kau hola kehaha na pauna tatana, makau vahea te logoi tua e hanavulu na pauna. 25 Ma gaira tara gagua vania, Lord, a gaia te logoi tua e hanavulu na pauna, ra vania. 26 Ge vanira, Inau tu gagua vanigau, kara savunigi vania te lologo tua, mahei te mua lologo, kara hola kehaha tatana na totoho te logoa. 27 Ma gaira na gagua na kana, tara mua liogu ku vunagidira, kau nira mai makau labu matera ta na matagu.

28 Me bosu soko raini, ge tona haliu, te dato i Jerusalema.

29 Me te dutuvia tua Betevage mi Betania, ta na gotu na ahana Oliveti, ge vetenara e rua nina Vaovarono, 30 me vanira, Koro vaa ta na komu te paleva mai, mo koro rigitopoa ga na dalei asu tara piti dilaa tua, taho mua na tinoni te sopou vuvunana; koro togia, mokoro lavia mai. 31 Me ke huatigau siki sakai meke gagua ke, Egua gero mai togia? koro bosa vania te vaga eni, A Lord te liona. 32 Ma rogaira na mane vetena toro tona, moro rigia te vagi te bosai vanira. 33 Mi ta na togiana na dale asu, tara logo tara gagua vanira, Egua gero mai togia na dalei asu? 34 Gero gagua, A Lord te liona. 35 Ma rogaira toro nia tona na dalei asu vania Jesus; moro haraa nia rodidira na tivi, gero sopoulaginia Jesus vuvunana. 36 Me tona haliu,

magaira tara vorahaginigi didira na tivi punisia na halautu. 37 Me dutu ni sugihoru ta na gotu ni Oliveti, na lei Vaovarono soko tara vuivunia na togotogo, mara gaegahe, mara bosautoa God, na pukuna na lei butuli tara rigigi tua; 38 gera gagua, Holoutoa na Haba te mai ta na ahana Lord! na mabo ta na parako, ma na marara ni kokou. 39 Ma na balu Pharise ta na vure tara gagua vania, Tarai, ko hovera nimua na Vaovarono. 40 Ma gaia te vanira, me gagua, Inau tu gagua vanigau, ta kara todore raini, ma na lei vatu kara ninili dato.

41 Me dutu tua ge rigia na komu, ge tanihia, 42 me gagua, Ge toko pukui igoe, ta na bozimu eni, na lei totobo te manana na maboamu! mi taeni tara poloi ta na matamu. 43 Na pukuna na lei bozi ke poso mai ta na niha tamua, na lei levunimate kara gelia na gilu punisigo, makara utu taligutigo, ma kara pilu punisigo, 44 ma kara durakego maia rana dalemu ilokamu, ma kara mua lubatia siki vatu vuvuna ni vatu ilokamu; na pukuna to mua pukua na bozimu tu mai sodego ga ilokana.

45 Ma gaia te vaa hage ta na bebete te tabu, me vunia na guru horuadira tara pelupelu mara hunuhunulu ilokana. 46 Ge gagua vanira, Te gerea tua te gagua, Na valegu na vale ni kokoeliulivuti, mau nea nia na vatu luna ni gito.

47 Ma gaia te tarai ta na lei dani ta na bebete te tabu. Ma gaira na puku ni sukagi, mara na tarai, maia tara haba ta na vure tara kenea na mateana. 48 Mara mua pukua na totobo kara nea; na pukuna na vure soko tara sakuria na bosana, tara ronovia.

XX.

1 Me sakeragi ta na balu boni, agnia te taraira na vure ta na Bebete

te tabu, te tugunia vanira na Ronorono uto; ma gaira na puku ni sukagi ma rana tarai, ma rana lei tonikama, tara sodea; 2 mara gagua vania, Ko tugunia vanigai iveri te vaga na mana to nei nia na lei totobo ini, ma hei te vahego na mana keru? 3 Ge bosa tugu vanira me gagua, Minau gua ku huatigau nia sakai na bosa, kau tugunia vaniu. 4 Na nina vulitabu John te mai ikokou, pi ta na tinoni? 5 Ma gaira tara vei ronorono hegedira, mara gagua, Ka gagua ke, Ikokou, ma gaia ke gagua, Megua gau mua talutunia? 6 Ma ka gagua ke, Ta na tinoni, ma na vure soko kara peta mategita, agaira soko tara talutunia a John na porovete. 7 Ma gaira tara vuha gagua vania, Igai tai mua pukua iveri te butu mai. 8 Ma Jesus te gagua vanira, Minau gua ku mua tugunia vanigau iveri te vaga na mana tu nei nia na lei totobo ini.

9 Soko ge vuni ni bosa vanira na vure na bosa vavagaha eni, me gagua, Sakai na mane te subaa na legai ni vaini, me lubatia vanira gua rana mane ni lutu, ge kabu hau ta na komu keha. 10 Mi ta na mena ni vana vaho ge vetena vanira nina tinoni, ge kara vahea na balu vavana ta na legai ni vaini. Ma gaira na mane ni lutu tara ramusia, mara vetena keha lea. 11 Ma gaia gua te vetena na dolana, ma gaira tara ramusia, mara tupia mara vetena keha lea. 12 Soko ge goi vetena dolana gua e toluni na tinoni; ma gaira tara labu paea, mara tiba horua. 13 Ge gagua na puku legai ni vaini, Na hava ku kabaria? Nau ku vetena dalegu tu pabea, kara nia kikinima soega kara rigia. 14 Ma gaira na vure ni lutu tara rigia, gera vei ronorono mara gagua, Aeni na vaivarina; ka matea, ge ka logo tugua na legai. 15 Gera tiba horua ta na legai, mara matea. Ma na hava ke kabaria vanira gaia

te logo legai? 16 Gaia ke mai, meke durake sokora na vure ni lutu kerī, geke lubatia vanira tara keha na legai ni vaini. Ma gaira tara ronovia, gera gagua, Ke sania te vaga kerī. 17 Soko ge vaevanera, me gagua, Ma na hava eni te gereā idania te vaga eni, Na vatu agaira tara kisu vale tara hovea, ke puku ta na piu ni vale? 18 Ahei ke kutu ta na vatu kerī ke labuhagi sodusodua, me ke kutu vuvuzana siki sakai ke, ke pisali paruhaa.

19 Mi ta na bona ni boni kerī rana puku ni sukagi, ma rana lei tarai tara kenea na lotiana, mara matagunia na vure; na pukuna gaira tara pukua agaia te bosa na bosa vavagaha eni me kalera. 20 Ma gaira tara polunia mara vetenara takara vato-gaa kikokiko, tara maemane, gekara lavia na bosana, gekara hurua makara lubatia vania na Kavana. 21 Ma gaira tara huatia, mara gagua, Tarai, igami tai pukugo to bosa maia to tarai maemane, to mua lavi taboa na matana hei, maia to tuguni utunia na halantuna God. 22 Te manana na vetena ka sosoni vania Kaisari, pe taho? 23 Ma gaia te pukua didira na sualiliu, ge gagua vanira, Egua gau pegou? 24 Kau tatea mai na rono. Ahei na titinonina ma na gegerena te gahaa ga? Gera gagua, A Kaisari. 25 Ge gagua gaia, Kau vahe pulohia Kaisari nina totobo a Kaisari, ma vania God nina totobo God. 26 Ma gaira tara mua tanomana na holooa na bosana ta na matadira na vure, ma gaira tara nia hare nia na bosa tugu, mara todore vaovarono.

27 Gera mai tatana na balu Saduke, gaira tara gagua na tuguru oli te taho, mara gagua, 28 Tarai, a Mosesi te gereā vanigita idania me gagua, gea tugana hei ke mate ke, ma tauna te gahaa soo, meke taho na dalena ke,

ma tahina ke lavia na vaivine, ge ke vahua na gari vania tugana. 29 Ra na lei tamatahi ara vitu, na kamanago te taulagi, me mate, me taho dalena. 30 Ma na ruana te goi lavia na vaivine, ma gaia te mate gua, me taho gua dalena. 31 Me toluni te goi lavia; ma gaira soko ra vitu te vaga kerī; mara mua mate sania daledira, tara mate soko. 32 Me soko gaia na vaivine te mate. 33 Mi ta na tuguru oli ta na niha ahei ke tauna tadira? agaira vitu tara tauna. 34 Ma Jesus te bosa tugu vanira, me gagua, Na dalei maramana iani tara lavi vaivine, mara taudira na mane; 35 marahei te ke detersa tara manana na saraviana na maramana ga, maia na tuguru oli tadira tara mate, kara mua lavi vaivine makara mua taudira na mane. 36 Na pukuna agaira kara mua mate gua, tara vagara na Tarua vetena; mara na dalena God, na pukuna gaira rana dalei tuguru oli. 37 Ma Mosesi gua te tuguni tatea gaira tara mate tua kara tuguru oli gua, ta na bona ni karukaili; te holooa nia Lord God Abrahama, maia God Isaaka, maia God Jakobo. 38 Na mua didira God tara mate, ma gaira vamua tara vola. Na lei tinoni soko tara vola tatana. 39 Ma na balu Tarai tara bosa tugu mara gagua vania, Tarai, igoe to bosa uto. 40 Ma gaira tara matagunia na huatiana nia gua siki totobo.

41 Soko ge huatira me gagua, Egua gera bosa a Christ dalena Davidi? 42 Ma gaia a Davidi te gagua ta na gegere ni line, A Lord te gagua vania Lord inau, me gagua, Ko sopou ta na madologu, 43 polo ku vuha talu horura na gamua na kua nia na vatei tuturi ni tuamu. 44 Ma Davidi te holooa gaia nia Lord, mivei ke nia tanomana dalena.

45 Ma na vure soko tara ronovia,

ge gagua vanira na Vaovarono me gagua, 46 Kau rigitaonigau hegemiū tadira rana Tarai tara liona na nigi tona olioli na lei tivi daro, maia tara liona na tonagi ta na lei malei sabiri, ma na lei puku ni malei sopou ta na lei Vale ni sonikolu, ma na puku ni male gime ta na lei vana sule; 47 mara vaa vana luvu na valedira na matesasani, mara kokoeliulivuti hau me hau na pukuna na kiko. Ma gaira kara tabe vulea na dete ta na niha.

XXI.

1 Ma gaia te rei tada me rigira na mane sodorono tara: vaa soni horui didira na hevei lee ta na malei soni rono. 2 Ge rigia sakai na matesasani te bona te vaa soni horua ga e rua na pile rono; 3 me gagua, E utuni inau tu bosa vanigau, na matesasani te bona eni te sosoni vulera soko. 4 Na pukuna agaira soko tara sosoni rono te au, tara hea lea God; ma gaia te bona te soni soko na totoho ke nia vola ga.

5 Ma na balu tara bosa na Bebe te tabu tara vaguvagua nia na lei puku ni vatu maia na lei vatei sonihalavu, me gagua agaia, 6 Na lei totoho ini tau rigigi, na lei boni ke mai kara mua lubatia siki vatu vuvunana siki vatu, kara mua durakea. 7 Ma gaira tara huatia mara gagua, Tarai, ke gua niga vaho geke kalei na lei totoho ini? ma na hava na vaugilala na lei totoho ini te dutu tua? 8 Ge gagua, Kau lavia na lagamiu kara bei kikogau; na pukuna kara subo kara mai ta na ahagu ma kara gagua, Inau agaia, maia, Te dutu mai tua na boni. Kau bei saritaonira. 9 Mi ta na niha igau kau ronovia na veitotogoni, maia na kisu mate, kau bei marate; ke diki sivuraga mai rakiri, ma na sosoko ke mua mina sara.

10 Soko ge gagua vanira, Sakai na taba ni vure ke tuguru punusia na taba ni vure kelua, ma na kinakabu vania sakai na kinakabu: 11 ma na lei anu ke sule ta na balu komu, na lei nenere, ma na lei vahagi ni mavitu, ma na lei totoho te mataguga, ma na lei vaugilala sule ta na parako. 12 Ma ta na lei totoho ini te mua sara mua, kara lotigau ma kara nigau gigirou, ma kara lubatigau vanira ta na lei vale ni Sonikolu, mi ta na lei vale ni pipiti, ma kara goragau vaa ta na matadira na lei Vunagi ma rana lei Haba, na pukuna na ahagu. 13 Na vatei talu vatoga vanigau. 14 Kau talua ta na kutumiu, ma kau sania na diki ganaganaa ivei kau nea na bosa tugu vanira. 15 Na pukuna inau ku vahegau na maza maia na manaha, rana lei levu ni mate kara mua tanomana na bosa punisiania ma na huruana. 16 Ma rana tamamiu ma rana hogomiu, ma rana tubumiu, ma rana kulamiu kara perogau, ma kara mitera na balu tamiu. 17 Ma na vure soko kara nigau sika na pukuna na ahagu. 18 Ma sakai na vuvulu ta na ulumiu ke mua tanomana na tagaana. 19 Mi ta na nimiu na vadani-tai kau panotiaga na volamiu.

20 Ta na niha kau rigira rana mate kara tona punisia i Jerusalema, gekau pukua te dutu mai tua na ohu itatana. 21 Ta na bona keri arahei tara kabu i Judua kara gogo ta na lei gotu; ma rahei tara kabu i lokana kara ruguhoru sania, ma rahei tara kabu ta na hoohogo kara bei ruguhage i lokana. 22 Na pukuna aini na lei boni ni lavi tugu, ma na lei totoho soko tara gerei tua ke poso ilokana. 23 Me vatei aroviadira tara bohe, maia na meomeo ta na susu tadira ta na lei boni kiri; na pukuna na dika lio te sule ke gahaa ta na maramana, ma na rutu ta na vure

eni. 24 Ma kara kutu nia na mana ni isi, ma gaira kara sagura ta na lei vure soko; ma na levu ni mate ke turi laukusa Jerusalema, polo ke vuha poso na bozidira na Voo. 25 Ma na vaugilala ta na aho, mi ta na vula, mi ta na lei veitugu, mi ta na pari na ponolio ke parara na lei vure, me ke nigi hogohare na liodira, ma na horara ma na tahi ke tagumu. 26 Ma na liodira na tinoni ke huga-huga poto, na pukuna na matagu, ma na pituani na lei totobo ke toha puzisia na maramana; ma na lei totobo tara laga i kokou kara anuanu. 27 Me vaho gekara rigia na Dalei tinoni te nia mai na mana ma na rarana sule ta na parako. 28 Mi ta na niha ke poso mai na lei totobo kiri, kau rei tada, makau gatei na ulumiu, na pukuna te dutu mai tua animiu na huioli.

29 Soko, ge bosa vavagaha vanira me gagua, Kau rigia na *vigi* ma na lei gai te subo. 30 Ta na niha takara pururu ke, migau tau rigia mau pukua hegemiua na niulu tina te dutu mai tua. 31 Te vaga gua eni, igau kau rigia na lei totobo ini ke nei ke, gekau pukua te dutu mai tua na kinakabuna God. 32 E utuni inau tu bosa vanigamu, na vavata eni ke mua tanomana na pisu meke poso tua na lei totobo ini. 33 Na parako ma na pari ke pisu sugua, ma na lei bosagu ke mua tanomana na pisu.

34 Kau rigitaonigau hegemiua ke bei mavatigi na tobamiu na vana maumahu ma na inu bulebule, maia na lei totobo te puiupunisi soko ta na vola eni, ma na boni keri ke ribehaginigau gea te vaga na tenediu. 35 Ke gagua ga keri na sogaviadira tara gahara ta na maramana taligu. 36 Makau dai ga, makau kokoeliulivuti ta na lei bona soko, ge kau kaekage gekau ruguhoru tatavahale ta na lei

totobo ini teke mai ta na niha, ma gekau tuguru ta na matana na Dalei tinoni.

37 Mi ta na lei dani te taraira ta na Bebeta te tabu; mi ta na lei boni ke ruguhoru me gahaa ta na gotu tara holoa nia a Oliveti. 38 Ma na vure soko tara sogu labota gekara vaa ronohia ta na Bebeta te tabu.

XXII.

1 Ma na *gougonu* ni bread gulu te dutu, na ahana na Lovovule. 2 Ma rana puku ni sukagi, ma ra na tarai tara kenea ivei kara nea na mateana; na pukuna tara matagunira na vure.

3 Ma Satana te hagevia a Judasi na ruani ahana Isikarioti, agaia sakai tadira na sara erua. 4 Soko ge tona keha me ronorono tadira na puku ni sukagi, maia tara haba, ivei ke nea na peroana vanira. 5 Ma gaira tara nia togo, mara baubahu vania kara vahea na rono. 6 Ma gaia te tala tua, me kenea na bona ke peroa vanira ga, ke hauvira na vure.

7 Ma na boni ni bread gulu te dutu tua, gaira kara labua na Lovovule ilokana. 8 Me vetenara a Peter ma John, me gagua, Koro vaa, mokoro vaa goni dilaa na Lovovule, ge ka gania. 9 Gero gagua, Ivei to liona koro vaa goni dilaa ga? 10 Ma gaia te gagua, Koro rigia, irogau koro vaa sarahage tua ta na komu, ma na tinoni te hunia na popo ni beti ke sodogau; mokoro saritaonia ta na vale te hage ilokana; 11 mokoro bosa vania na puku vale mokoro gagua, Na Tarai te gagua vanigo mai, ivei na voki ni sinogo igami na lei nigua na Vaovarono mi nau kai gania ga na Lovovule? 12 Ma gaia ke tugunia vanigan na voki te sule ikokou, tara hara dilaa tua; koro goni dilaa ga. 13 Ma rogaira toro tona, moro rigi sodoa te vaga te bosai

vanira tua; ma rogaira toro goni dilaa ga na Lovovule.

14 Me poso tua na bona ni boni, ge vaa sopou horu, maia rana Mane vetena itatana. 15 Ma gaia te gagua vanira, Inau tu liona nanata na gani koluana tamin na Lovovule eni inau tu mua vadanitai mua. 16 Na pukuna inau tu bosa vanigau mu gagua, nau ku mua gania gua polo ke vuha kalei ta nina kinakabu God. 17 Me tabea na seu, me bosa utoa, me gagua, Kau tabea eni, ma kau tuvalia vanigamu hegemi. 18 Na pukuna Inau tu bosa vanigau, Inau ku mua inuvia gua na kokolo ni *vaini* polo ke vuha sara na nina kinakabu God. 19 Soko ge tabea na bread me bosa utoa, ge niti vokaa, ge vahera, me gagua, Aeni na huligu, tu talana na pukuna igamu; kau nea te vaga eni gekau ganagana oliu nia. 20 Te vaga gua eni, te soko tua na vana, ge tabea na seu me gagua, Na seu eni na baubahu vaolu ta na gabugu, te tave na pukuna igamu. 21 Ma kau rei mai, na limana ke perou ta na malei vana itagua. 22 Me utuni na Dalei tinoni ke vaa tona te vaga te detea tua; me vatei aroviana agaia ke peroa. 23 Ma gaira tara sopa vuni na keneana itadira, ahei ke nea te vaga eni.

24 Me te vuni na huguhugu tadira, kara ganaganaa ahei tadira te haba. 25 Ge gagua gaia, Rana didira na vunagi na lei vure soko tara haba punisira, ma na tinoni soko tara holora gaira tara haba tadira tara pabera. 26 Migamu kau bei te vaga ker: mahei te sule itamiu ke vagaa na gari, mahei ke vunagi ke vaga na mane ni lutu. 27 Mahei te haba? agaia te sopou ta na bela ni vana, pa gaia na inane ni gehegehe? Ma mua gaia te sopou? Minau ta ua gobumiu te vagau na mane ni gehegehe. 28 Migamu tau kabu

haia tagua ta na tobotabongu; 29 mi nau tu talua na kinakabu vanigamu te vaga a Tamagu te talua tua vani; 30 gekau vana ma kau inu ta nigua na bela ni vana ta na kinakabugu ma kau sopou ta na lei malei sopou ni vunagi gekau detera e hana-vulu me sara e rua na kema ni Israeli. 31 Ma Lord te gagua, Sinion, Simon, ko rei mai, a Satana te kenegamu haia, na kavulahamiu te vaga na korn. 32 Minau tu kokoe-liulivutigo tua ke bei tagaa gea nimua na talutuni. Mi ta na niha ko tugua na liomu ke, moko patura na lei hogomu. 33 Ge gagua gaia, Inau tu ganagana dila ge koro tona kolu ta na vale pipiti, pi ta na mate. 34 Ge gagua Jesus, Nau tu bosa vanigo Peter, ke mua tani mua na kokoroko gegua, polo ke vuha tolu na niu huguagu to mua pukuu inau.

35 Ma gaia te bosa vanira, me gagua, Nau tu vetenagau gatu na kirisa ni rono, ma na lobo, ma na suu te taho ga, ma na hava tau liona te taho ga tamiu? Ma gaira tara gagua, Taho. 36 Ge gagua gaia, Mi taeni ahei te logoa na kirisa ni rono, ke holaa, ma na lobo gua; mahei te taho na isi tatana ke, meke hunulua nina tivi geke pelua nia. 37 Na pukuna inau tu gagua vanigau, na bosa eni tara gereu tua inau ke kaleu, Tara pada kolua nia rana tanotano-dika; ma na lei totobo te managu te kalei sokoi. 38 Soko gera gagua gaira, Lord, ko rigia, e rua na isi raini. Ge gagua gaia, Uto tua.

39 Soko ge ruguhoru me tona te vaga haia ta na gotu Oliveti, ma rana Vaovarono tara saritaonia. 40 Ge sara ta na bona, me gagua vanira, Kau kokoeliulivuti gekau bei vaa gea ta na tabotabo. 41 Ma gaia te sagauvira te vaga ka peta sodoa soo, me tualagi tuturu, ge kokoeliulivuti. 42 Me gagua, Mama, ko liona ke,

moko lavi kehaa na goe eni i tagua ; moko sania te vaga tu liona inau, meke vaga vasoo to liomu igoe. 43 Ma na Taruna vetena te tate vania mai kokou, na patupatuana. 44 Ma na ganagana te galagirigiri, ge nia bareibarei na kokoeliulivuti. Ma na vivikino te vaga na kolukolu ni gabu te tadutudu horu ta na pari. 45 Ma gaia te tuguru galaga ta na kokoeliulivuti, ge tona sodora nina Vaovarono, me rigira tara matura na pukuna na dikalio. 46 Ge gagua vanira, Egua gau matura? Kau tuguru makau kokoeliulivuti, ge kau bei vaa gea ta na tabotabo.

47 Mi ta na bona te bosabosa vasoo, ko rigia, na vure tara mai ; ma gaia tara vatua nia Judasi, gaia sakai tadira na sara e rua, te gidevira, me vaa dutuvia Jesus goke noninonia. 48 Ma Jesus te gagua vania Judasi, To peroa na Dalei tinoni nia na noninoniana? 49 Ma gaira tara tuguru itatana tara pukua na hava te gagua, gera huatia, Lord, ka nia labu na isi? 50 Ma sakai tadira te labua nina tinoni na puku ni sukagi, me kamo kehaa na kuli madolona. 51 Ma Jesus te gagua, Kau talana gua te manana vasoo eni. Ma gaia te tabea na kulina, me volaa. 52 Ma Jesus te gagua vanira na puku ni sukagi tara mai rigia, ma vanira gua tara haba ta na Vale te tabu, ma vanira na lei tonikama, me gagua, Igamu tau rugu horu mai tagua te vaga tau kenea na tinoni gito nia na isi ma na lei tila? 53 Minau tu kabu haia tamiu ta na lei boni ta na Bebetete te tabu, mi gau tau mua haa na limamii vuvunagu ; ma eni sugua nimii na bona ni boni, ma na puzi te mana ga ilokana.

54 Ma gaira tara tabea, mara nia tona, mara lavi hagea ta na valena na Puku ni sukagi ; ma Peter te saritaonia mai ga te hau. 55 Soko gera

kerua na lake ta na gobuna na loa, gera sopou kolu soko, ma Peter te sopou horu i gobudira. 56 Ma sakai na tahula te rigia te sopou ta na mararana na lake, me rei kenekema me gagua, Na tinoni eni gua itatana. 57 Ma gaia te nia hugu, me gagua, Vaivine, inau tu mua pukua gaia. 58 Me hau vasoo na pile, sakai na mane te goi rigia gua, me gagua, Migo-gue gua sakai tadira. Ma Peter te goi gagua, Mane, inau taho. 59 Me hau gua sakai na bona ni boni ; ma na mane keha te huru nanataa, me gagua, E utuni sugua na tinoni eni te gahaa itatana, na pukuna gaia na Galilea. 60 Ma Peter te gagua, Mane, tu mua pukua na totobo to bosaa. Me mina ta na bona keru te bosabosa vasoo na kokoroko te tani. 61 Ma Lord te liliu pulohi me vaevanea Peter ; ma Peter te vaho ganagana pulohia na bosa te bosaa vania a Lord, me gagua, Na kokoroko ke mua tani mua meke tolu na niu huguagu. 62 Ma agaia te ruguhoru i pari, me tani nurunuru.

63 Ma rana tinoni tara lotia Jesus tara batobatoa, mara ramusia ; 64 ma gaira tara punisia na matana gera tapoa, mara huatia mara gagua, Ko tugunia nia na lio ni porovete, ahei te tapogo? 65 Ma gaira tara koenelea nia na bosa subo te keha, mara naraa.

66 Me dani, ma gaira na lei tonikama ta na vure, ma rana puku ni sukagi, ma rana tarai, tara sonikolu, gera nia vaa ta na vale ni dete. 67 Mara bosa vania mara gagua, Igoe na Christ ke, moko tugunia vanigami. Ge gagua gaia, Ku tugunia vanigau ke, makau mua taluutunui. 68 Mu ku huatigau ke, migau kau mua bosa tugu vaniu, makau mua lubatiu. 69 Me te vuni taeni, ma na Dalei tinoni ke sopou ta na lima madolona God te mana. 70 Ma gaira soko tara gagua, Mi goe na Dalena God? Ma gaia te gagua, Igau tau bosau inau. 71 Ma

gaira tara *gagua*, *Ka* *kenea* *gua* na *bosa* ni *huluhuru* na *pukuna* na *hava*? *Igita* ta *ronovia* tua ta na *manana*.

XXIII.

1 *Ma* na *vure* *soko* tara *sakeragi*, *mara* *nia* *tona* *vania* *Pilatu*. 2 *Ma* *gaira* tara *vuni* ni *huruana*, *mara* *gagua*, *Igai* *tai* *rigia* *agaia* *eni* te *pegora* na *vure*, *maia* te *hovera* *gekara* *soni-*
kolua na *rono* *vania* *Kaisari*, te *bosa* *agaia* *Christ* na *vanagi*. 3 *Ma* *Pilatu* te *huatia* me *gagua*, *Igoe* na *vanagi-*
dira na *Judea*? *Ge* *bosa* *tugu* *vania* me *gagua*, *To* *bosaa* *igoe*. 4 *Ma* *Pilatu* te *gagua* *vanira* *rana* *puku* ni *sukagi* *ma* *rana* *vure*, me *gagua*, *Inau* tu *mua* *rigi* *sodoa* na *paluna* *itatana* na *tinoni* *eni*. 5 *Ma* *gaira* tara *huru-*
rua *mara* *gagua*, *Gaia* te *gunalia* na *vure*, te *tarai* *vogara* na *Judea* *tagigu* *mai*, te *vuni* i *Galilea*, me *sara* *iani*. 6 *Ma* *Pilatu* te *ronovia* na *Galilea*, *ge* *huatira* me *gagua*, *Na* *tinoni* *eni* na *Galilea*? 7 *Me* *ronovia* tua *agaia* ta *nina* *kinakabu* *Herodi*, *ge* *vetenaa* *vania* *Herodi*; te *kabu* i *Jerusalema* ta na *lei* *bozi* *kiri*.

8 *Ma* *Herodi* te *rigia* *Jesus* te *nia* *togotogo*, te *hau* tua te *liona* na *rigi-*
ana, na *pukuna* e *subo* tua na *totobo* te *ronovigi* *tatana*; me *liona* na *rigi-*
ana *siki* *butuli* ke *nea*. 9 *Me* *subo* na *huatiana* *ma* *gaia* te *mua* *bosa* *tugu* *vania*. 10 *Ma* *rana* *puku* ni *sukagi* *ma* *rana* *tarai* tara *tuguru* *mara* *vulha* *nanataa*. 11 *Ma* *Herodi* *maia* *nina* *solses* tara *koenelea*, *mara* *batobatoa*, *mara* *pulua* *nia* na *tivi* te *denideni*, *ge* *vetena* *pulohia* *vania* *Pilatu*. 12 *Ma* *rogaira* *Pilatu* *maia* *Herodi* *toro* *goi* *vuni* *sonikolu* ta na *bozi* *keri*; a *rogaira* *toro* *gege* *idania*.

13 *Ma* *Pilatu* te *holo* *kolura* *mai* *rana* *puku* ni *sukagi* *maia* *rana* *haba*, *maia* na *vure*; 14 *ge* *gagua* *vanira*, *Igau* tau *nia* *mai* na *tinoni* *eni* te

vaga *siki* *tinoni* te *pegopegora* na *vure*, *mi* *nau* tu *nia* *vaivarigohi* na *keneana* ta na *matamiu*, *mu* *mua* *rigi* *sodoa* na *paluna* ta na *tinoni* *eni* te *manana* na *lei* *totobo* tau *huru* *nia*. 15 *Ma* *Herodi* *gua* te *taho*; *ma* *gaia* te *varena* *pulohia* *vanigita* *mai*, *ma-*
kau *rigia*, te *mua* *nea* *siki* *totobo* te *manana* na *mateana*. 16 *Minau* ku *ramusi* *sokoa* *vasoo* *geku* *lubatia*? 17 *Na* *pukuna* *anina* tua na *lubatiana* *vanira* *sakai* ta na *gougouu*. 18 *Ma* *gaira* *soko* tara *gaegahe* *sakai* *soni-*
kolou *mara* *gagua*, *Hola* *kehaa* na *tinoni* *eni*, *moko* *lubatia* *vanigami* *Barabasi*; 19 *tara* *pilia* tua ta na *vale* *pititi*, na *pukuna* te *gunalia* na *vure* ta na *komu*, me *labutabo*. 20 *Ma* *Pilatu* te *goi* *bosa* *vanira* *gua*, *gaia* te *liona* na *lubatiana* *Jesus*. 21 *Ma* *gaira* tara *gaegahe*, *mara* *gagua*, *Patokia*! *Patokia*! 22 *Soko* *ge* *goi* *toluni* *soo* na *bosa* *vaniadira*, me *gagua*, *Na* *hava*? na *tanotanodika* na *hava* te *kabaria* *gaia* *keri*? *Inau* tu *mua* *rigi* *sodoa* na *pukuna* *itatana* ku *matea* *nia*; ku *ramusi* *vasoo* *geku* *lub-*
batia. 23 *Ma* *gaira* tara *gaegahe* *mara* *hugutia*, *tara* *nonia* *geke* *pa-*
to-
kia; *mara* *vulha* *hugu* *tanonana* *gai-*
ra. 24 *Ma* *Pilatu* te *detea* te *vaga* tara *kurutia* *nia*. 25 *Me* *lubatia* *agaia* *keri* *vanira*, *tara* *talua* tua ta na *vale* *pipiti*, na *pukuna* te *gunalia* na *vure* me *labu* *tabo*, *agaira* tara *nonia* *ita-*
tana; me *lubatia* *Jesus* *vanira* *kara* *taonia* na *liodira*.

26 *Ma* *gaira* tara *nia* *tona* *Jesus*, *gera* *tabea* *Simoni* ni *Kurené*, te *butu* *mai* ta na *kinakova*, *gera* *talua* na *gaivavala* i *vuvunana*, *geke* *holaa* i *murina* *Jesus*.

27 *Ma* na *vure* te *subo*, *tara* *sari-*
taonia, *ma* *rana* *lei* *vaivine* *tara* *na-*
zaraha *mara* *tanihia*. 28 *Ma* *Jesus* te *rei* *pulohi* *vanira* me *gagua*, *Gau* *lei* *vaivine* *dalei* *Jerusalema*, *kau* *bei* *tanihiu*, *makau* *tanihigau* *hegemiu*,

maia rana dalemiau. 29 Na pukuna, kau rigia, na lei boni te dutu mai te kara gagua ga, Ara uto vaa na vaivine tara maemane, maia na lei kutu tara mua vahuhu mua, maia na lei susu tara mua susuvigi mua. 30 Mi ta na boni keri kara vuni hoholo na lei gotu makara gagua, Kau parikuvigami! ma vanira na lei gotugotu, Kau pologami! 31 Na pukuna kara nea kakeri ta na gai mauri ke, mivei kara nea gua ta na gai mate?

32 Mara nia tona kolu nia e rua na tanotnodika ge kara mate kolura tolugaira.

33 Mara sara tua ta na bona na ahana Karanioni, gera patokia ta na gai vavala ga, maia rana tanotnodika gua e rua, sakai ta na pala madolona, ma ruani ta na pala maolina. 34 Ma Jesus te bosa me gagua, Mama! ko poloi na pa udiia, na pukuna tara mua pukuna na hava tara kabaria. Ma gaira tara tuvaligi nina tivi, mara talui ga didira na vaugilala. 35 Ma na vure tara tuguru mara totola. Ma rana haba tadira tara batobatoa mara gagua, Gaia te vavolara na keha, meke vavola hegena, ge teko Christ gaia, God te vilia tua. 36 Ma rana mane gehe mate tara batobatoa, mara vaa tatana mara haua na vinega vania, 37 mara gagua vania, igoe na habadia na Judea ke, moko volago hegemu. 38 Ma na gegere vaugilala vuvunana, tara gerea tana leu ni Gerokia, mi Roma, mi Heberu, te gagua, AENI NA VUNAGIDIRA NA JUDEA.

39 Ma sakai gua na mane tanotnodika tara sorovaginia tua te naraa me gagua, Ge toko Christ ke, moko volagita tolugita, e gagua. 40 Ma na ruana te bosa tugu vania, me pasaa, me gagua, To mua nia kikini ma mua God, na pukuna tara dete kolugo nia? 41 Ma tara kagei vanigita rogita, na pukuna irogita toro sopa holai te manani rodida na gehe-

FLO.

gehe; ma gaia keri te mua kabaria siki tootobo dika. 42 Ma gaia te bosa vania Jesus me gagua, Lord, ko ganaganau ko va mai ta nimua na kinakabu. 43 Ge vania Jesus, E utuni, Inau tu bosa vanigo, gegua ko kabu kolu tagua i Paradisu.

44 Mi te vaga na ononi na bona ni boni taeni ma na puni te kuvihia na komu udolu polo ke vuha sara ta na hiuani na bona ni boni, 45 ma na aho te kuro; ma na vovons ni voki ta na Vale te tabu te tarosi i gobu. 46 Ma Jesus te gaegahe nia na mana sule me gagua, Mama, inau tu lubatia na tarunagu ta na limamu. Me bosa te vaga keri ge ahe sakai. 47 Ma na mane te habatira na hanalatu te rigia na tootobo te vaa ge holo habaa God, me gagua, E utuni na tinoni eni te maemane. 48 Ma na vure soko tara kokolu mai na buzutiana, mara rigigi na lei tootobo te nei, gera tapoi na garodira mara pulohi. 49 Ma rana lei kulana soko tara tuguru hau, ma ra na lei vinekama gua, tara nia udokolu mai i Galilea, tara tuguru hau mara rigigi na lei tootobo ini.

50 Moko rigia, sakai na mane na ahana Josefa, agaia sakai tadira na ovu ni dete, na mane uto, maia te kikinima. 51 Gaia te mua tala taonigi didira na bosa ni dete ma na gehegehe; agaia na tinoni ni Arimatea na komu ni Judea; ma gaia gua te pitua na nina kinakabu God; 52 te vaa rigia Pilatu, me nonia na hulina Jesus. 53 Me hola horua, me pulua nia na tivi pura, me talua ta na beku tara tupia tana vatu, te mua koli mua ga sikisakai. 54 Ma na boni goni dila, ma na boni ni aheahe te dutu tua. 55 Ma na lei vinekama tara udu mai tatana i Galilea, tara tumuria, mara vaevanea na gilu, mivei tara nea na taluana na hulina. 56 Soko gera pulohi, mara vaa goni dilai na lei tootobo uruuru ma na muru. Ma ta na

H

boni ni aheahe gera aheahe taoria na vetena.

XXIV.

1 Mi ta sakai na boni ta na uiki te labota mulemule, gaira tara tona ta na gilu, mara nigi tona na lei totoobo uruuru tara goni dilai tua, ma na balu vinekama gua tara nira udu. 2 Ma gaira tara rigia na vatu te kabu kili keha tua tana gilu. 3 Ma gaira tara vaa hage ilokana, mara mua rigia na hulina Lord Jesus. 4 Ma gaira tara ganagana ruarua ga, ko rigia, e rua na tinoni toro tuguru dutuvira, toro nigi pupulu na tivi te marabu lee. 5 Ma gaira tara matagu gera ulu horu na matadira ta na pari, ma rogaira toro bosa vanira moro gagua, Igamu tau mai kenea agaia te vola itadira na tinoni tara mate na pukuna na hava? 6 Agaia te taho iani, mete tuguru tua, kau ganagana oligi na bosana te tugunigi vanigamu tua te gahaa mua i Galilea, 7 agaia te gagua, Kara peroa na Dalei tinoni ta na limadira na tanotanodika, ma kara patokia ta na gai vavala, me toluni na boni ke tuguru oli gua. 8 Vaho gera ganagana oligi na bosana, 9 mara pulohi ta na gilu, gera tugunigi na lei totoobo ini vanira rana sara sakai ma vanira gua tara keha. 10 Ma Meri ni Magidala, maia Joana, maia Meri tinana James ma na balu vinekama gua tara nira udu, tara tugunigi te vagai raini vanira na sara sakai. 11 Ma na bosadira te ganai ta na matadira te vagai na ronoroño batobato, mara mua talutunigi. 12 Ma Peter te tapatuguru me sama vaa ta na beku, ge taoragi, me rigia na lei tivi tara sausaqua nia te pipili hegedira, ge pulohi me nia hare na totoobo te nea.

13 Moko rigia vaa, e rua itadira toro tona ta na boni keri ta na komu te hauvia Jerusalema te vaga e ono

hanavulu na bona, na ahana Emausi. 14 Ma rogaira toro nigi tutugu na lei totoobo soko te gonigi tua. 15 Ma rogaira toro tutugu moro kakae, ma gaia a Jesus te dutuvira, me nira udu kolu. 16 Me punisigi na romatadira, koro bei pukua. 17 Ge gagua gaia, Na hava na lei bosa ini toro nigi vei huahnati toatona? Moro tuguru, me te nigi mataburuku na romatadira. 18 Ma sakai rotadira, na ahana Keleopasi te bosa tuguvania me gagua, Igoo hegemu vamua na tagiha mai i Jerusalema geo mua pukua na lei totoobo te gonigi ga ta na lei boni ini? 19 Ge gagua gaia, Te vaga na hava? Gero gagua rogaira, Na lei totoobo tara gonigi vania Jesus ni Nasareta; agaia na porovete me nigi mana na lei gehegehe ma na bosa ta na matana God, maia na vure soko. 20 Ma gaira na lei puku ni sukagi, ma gaira tara vinagimami tara talana ge kara dete matea, mara patokia tua ta na gai-vavala. 21 Migai tai ganagana dilaa te ke mina hui olira na Isaraele. Maia gua tara gonigi na lei totoobo kiri ta na tolu nina boni taeni. 22 Ma na balu vaivine tamami tara mai ribehagimami; gaira tara sogalabota ta na gilu; 23 ma gaira tara mua rigia na hulina, ma gaira tara oli mai, mara nia tutugu gua tara rigia na mabubu na lei Taruza vetena, tara bosa te vola. 24 Ma na balu gua tamami tara tona ta na gilu, mara rigia te vagai tara tutugui tua na lei vinekama, mara mua vuha rigia. 25 Soko ge gagua vanira rogaira, Rana bule, na kutumiu te kise na taluutuniani na lei totoobo tara bossa na lei porovete. 26 Te mua ulagana ga a Christ ke vadavitai te vagakeri, soko ge vaa hage ta na raranana? 27 Soko ge vuivuni ta Mosesi ma na lei porovete soko, vaho ge togigi rovanira na lei totoobo te ka-

lea ta na lei gegere te tabu. 28 Ma tolu^gaira tara dutuvia na komu toro vaa ga rogaira; ma Jesus te nea te vaga te *haga* tona haliu. 29 Ma rogaira toro keikeria, moro gagua, Ko gahago gua rotamami; te dutu tua na nulavi, maia te ligi tua na aho. Me te hage me gahaa rotadira. 30 Ma gaia te sopou kolu rotadira, *ge* tahea na bread, me bosa utoa, me nitia, *ge* sopa vahera. 31 Ma na romatadira te davora, mo toro vuha pukua gaia. Ma gaia te mina taga lea ta na romatadira. 32 Moro bosa-bosa moro gagua, Te mua nia papara na rokutuda te bosa vanigita ta na halautu, maia te togia vanigita na lei gegere? 33 Ma rogaira toro tapatuguru ta na bona ni boni keria, moro pulohi Jerusalema, moro topora *ga* rana sara sakai tara kokolu, maia na halu gua itadira. 34 Moro gagua vanira, A Lord te tuguru sugua, me tate tua vania Simoni. 35 Moro padai na lei toto^{bo} te nei tootonai, maia ivei toro nea na pukuana *ga* te nitia na bread.

36 Ma gaira tara nia uli na bosa, a Jesus te mai tuguru gobudira, me gagua, Na mabo tamiu. 37 Ma gaira tara marate me nia maro na manadira, tara ganagana gaira tara rigia na taruna. 38 *Ge* gagua vanira gaia, Egua *ge* gunaguna na kutumiu? me-gua *ge* ruarua sivuraga ta na lokamiu na ganagana? 39 Kau rigigi nimiu na limagu ma na tuagu, Inau loloto. Kau tavotavonou, makau rigiu nimiu; na taruna te taho na vinahina ma na hulina *ga*, te vaga tau rigia tagua. 40 Me bosa soko te vaga eni *ge* tatei

vanira na limana ma na tuana. 41 Ma gaira tara mua talutuni mua soo na pukuna na togotogo, mara nia hare, *ge* gagua vanira, Siki vana gua itamiu? 42 Ma gaira tara vahea na pile iga tara kerea tua, maia na soso ni midua. 43 Ma gaia te tabei, me ganigi ta na matadira.

44 Me bosa vanira, Na lei bosa ini inau tu bosai vanigau tua, tu gahau mua itamiu, tu gagua na lei toto^{bo} soko tara gerei tua idania ta na Ronorono vetena nina Moses, ma rana porovete maia na lei Line te managu ke kalei. 45 Ma gaia te magorai na liodira *ge* kara pukui na lei gegere to tabu. 46 *Ge* gagua vanira, Tara gerei tua idania te vaga eni, agaia Christ ke vadaitai, ma gaia ke tuguru oli gua tadira tara mate tua ta na toluni na boni. 47 Ma kara ladavaginigi ta na ahana na tugu lio maia na talu kehaana na paludira vanira na lei vure soko, te vui^vuni Jerusalema. 48 Migamu kau tugunigi te kaekage *ga* raini soko. 49 Ma kau rei mei, nau ku vetena vuvuzamiu nina baubahu Tamagu; makau ganagau soo ta na komu Jerusalema, polo ke vuha kuvihigau nia na mana ni kokou.

50 Ma gaia te idevira polo te sara Betania; *ge* haua na limana, me bosa utoa. 51 Mi ta na bosa utoadira *ge* hauvira, me sagau vaa ikokou. 52 Ma gaira tara tualagi tuturu vania, mara pulohi i Jerusalema nia na togotogo sule, 53 mara kabu haia ta na Bebetete te tabu, mara holotoa mara bosautoa God.

NA RONORONO UTO NINA JOHN.

I.

1 Ta na vuivuni na Bosa, ma na Bosa itatana God, ma na Bosa agaia God. 2 Mi ta na vuivuni eni itatana God. 3 Te vuha itatana na lei totobo soko; me mua kelia tatana siki totobo te vuha tua. 4 Ilokana na Vola; ma na Vola na didira na marara na lei tinoni soko. 5 Ma na marara te hina ta na puzi, ma na puzi te mua kuvihia. 6 Na tinoni ga God te vetenaa mai, na ahana a John. 7 A eni te mai, ge ke tuguni tatea na marara ge rana lei tinoni kara nia talutuni na pukuna gaia. 8 E mua gaia na marara; me te haga tugunia na marara. 9 Na puku ni marara ke vamararara na lei tinoni ke mai ta na maramana. 10 Gaia ta na maramana tua, me te vuivuni na maramana tatana, ma na maramana te mua gilalaa. 11 Te mai tadira lei nina tinoni, ma na lei nina tinoni tara mua holopanotia. 12 Ma gaira tara holopanotia, te manazira agaira, ma kara nia dalena God, agaira vamua tara talutunia na ahana; 13 tara mua nia sivuraga mai na gabu, maia mua ta na lio ni huli, ma mua ta na lio ni tinoni, mi tatana God vamua. 14 Ma na Bosa te vuha huli, me kabu itatada; migami tai totolaa na rarazana te vaga na rarazana na Dalena sakai vamua itatana na Mama, me vonugia vamua na sonihalavu ma na utuni. 15 A John te tuguni tatea agaia, me bosa galaga, me gagua, Eni agaia tu bosaa tua, mu gagua, Te mai i murigu, ma gaia te nago itagua tua; na pukuna agaia te diki nago mai vaa itagua. 16

Migita soko ta lavia itatana na totobo te nia vonu, ma na sonihalavu te savuzia na sonihalavu. 17 Na pukuna te vahera na Ronorono ni vetena a Mosesi, ma na sonihalavu ma na utuni te nigi mai Jesus Christ. 18 Taho siki tinoni te rigia God; na Dalena sakai vamua, te gahaa ta na aheahena na Mama, gaia te tatea tua.

19 Ma eni nina tutugunu John, agaira na Judea tara vetenara mai Jerusalema rana lei mane Sukagi, ma rana Levi, na mai huatiana, mara vania, Ahei igoe? Me tuguni ladaa, me mua hugu poponona, 20 me tuguni ladaa, me gagua, Inau tu mua Christ, te vanira. 21 Mara gagua gaira tara huatia, Na hava soo? Igoe a Elia? Me gagua gaia, Inau tahoe. Mara gagua, Igoe na porovete keru? Ma gaia te goi bosa, Taho. 22 Gaira tara gagua soo, Mahei igoe? ge makai va tugunia vanira tara vetenagami mai. Na hava ko bosago hegemu? 23 Me gagua gaia, Inau na mana ni tinoni te bosa galaga ta na bona aroha, me gagua, Kau vaa maemanea na halautuna Lord; te vaga Isaia na porovete te bosa tua. 24 Ma gaira, tara vetenara vania, rana Varise. 25 Ma gaira tara goi huatia, mara gagua, Megua igoe geo vulitabu, geko mua Christ, mo mua Elia, mo mua na porovete keru? 26 Ma John te bosa vanira, me gagua, Inau tu nia vulitabu na beti; ma gaia te tuguru tua igobu paupatumu, tau mua gilala agaia, 27 agaia te mai i murigu, ma gaia te diki pukulagi mai itagua; me te mua ulagagu na togiana na galo ta na tuana. 28 Me te nei na lei totobo ini i Betabara

ta na levu ni Joridani, a John te vulitabu ga.

29 Me te roropo gaa a John te rigia a Jesus te mai, me gagua, Rigia, na nina dale sipu God, te lavi kehaa na palu ni maramana! 30 Aeni inau tu bosaa tua, Na tinoni te mai i murigu, me diki pukulagi mai i tagua, na pukuna agaia te nago vaa tua itagua. 31 Minau tu mua gilalaa; me ge ke tate vanira na Isaraele, na pukuna aeni nau tu nia mai vulitabu na beti. 32 Ma John te tuguni tatea, me gagua, Minau tu rigia na Taruna te horu mai ta na parako te vaga na bola, me gahaa ivuvunana. 33 Minau tu mua gilala mua agaia; ma gaia te vetenau ku nia vulitabu na beti me gagua vaniu, Ko rigia na Taruna ke horu mai, meke gaha ivuvunana ahei ke, agaia ke nia vulitabu na Taruna te Tabu. 34 Minau tu rigia, minau tu tuguni tatea agaia na Dalena God.

35 Me roropogana gua a John te tuguru, mara rua na nina vaovarono. 36 Me vaevanea Jesus te tona, me gagua, Rigia nina Dale sipu God! 37 Me rua na vaovarono toro ronovia te bosa, moro saritaonia Jesus. 38 Ma Jesus te rei pulohi, me rigira rogaira toro saritaonia gaia, me gagua, Na hava toro kakaea? Moro gagua, Rabi, (ta bosa tugua ke, Tarai,) mivei to gahago? 39 Ma ge gagua vania, Mai rigia. Ma rogaira toro va, moro rigia na bona te gahaa ga; na rogaira tara gahara itatana ta na bozi keri; na na bona ni bozi te vaga e hanavulu. 40 Ma sakai irotadira toro ronovia John, moro saritaonia, a Aderu hogona a Simoni Petere. 41 Me diki topoa na puku ni hogona Simoni, me gagua, I rogami toro sodoa a Mesia, ta bosa tugua ke, Christ. 42 Me nia va ta Jesus. Ma Jesus te vaevanea, me gagua, Igoe

a Simoni dalena Jona, kara vatugo nia Kevasi, ta bosa tugua ke, Petere.

43 Me roropo gua a Jesus te liona na rugu horu i Galilea, me topoa a Vilipi, me vania, Ko mai taoniu. 44 Ma Vilipi ni Betesaida, na baebase ni komudira Aderu ma Petere. 45 Ma Vilipi te topoa Natanaele, me vania, Igami tai topoa agaia, a Mosesi ta na Romorono vetena, ma na lei porovete tara gerea, a Jesus na dalena Josepa ni Nasareta. 46 Ma Natanaele te gagua vania, Ke tano-mana na rugu horu mai siki totobo te uto i Nasareta? Ma Vilipi te vania, Ko mai, moko rigia. 47 Ma Jesus te rigia Natanaele te mai rigia, me bosaa, me gagua, Rigia, na puku ni dalei Isaraele, te mua gahaa siki kiko itatana. 48 Ma Natanaele te gagua vania, Ivei to nea geo gilalau? Ma Jesus te vania, A Vilipi te mua hologo mna, to gahago sarana na *vigi*, mi nau tu rigigo ga. 49 Ma Natanaele te bosa tugu vania, me gagua, Tarai, Igoe na Dalena God: Igoe na Habadira rana Isaraela! 50 Ma Jesus te bosa tugu vania, Na pukuna inau tu bosa vanigo, Tu rigigo sarana na *vigi*, to taluutuniu? Mi ta na niha ko rigigi na totobo te sule va ta na lei totobo ini. 51 Ma gaia te bosa vania, E utuni, e utuni, inau tu bosa vanigamu, Kau rigia na parako ke lovovoka, ma na lei nina Taruna vetena God kara dato, ma kara horu mai i vuvunana na Dale tinoni.

II.

1 Me toluni na boni na gehe gougonu ni taulagi i Kana ta na komu i Galilea; ma tinana Jesus ga. 2 Ma gaira tara holoa mai a Jesus, ma ra na lei nina Vaovarono ta na gougonu. 3 Ma na vaini te mua manadira; ma tinana Jesus te mai vania, Te taho na vaini itadira, e gagua. 4 Ma

Jesus te vania, Na hava itagua mi tamua viuekama? na bonigu te mua sara mai mua. 5 Ma tinana te vanira na gehegehe, me gagua, Na hava ke vetenagamu nia ke, makau nea, e gagua. 6 Mi ga te sopou e ono na popo vatu, na vatei vamara-buadira na Judea; na vanana sasakai te manana e rua pe tolu na tuabogulu. 7 Ma Jesus te vanira, Kau heo vonui na popo nia na beti. Ma gaira tara heo vonui, me titipiuini. 8 Me goi bosa vanira, Kau heotia taeni, makau vahea na haba. Ma gaira tara vahea. 9 Ma gaia te haba te nami tabonana na beti te liliu ni vaini, me mua gilala na vaini mai vei; ma gaia na gehegehe tara heotia tua tara gilala; ge holca na tinoni te taulagi, 10 me vania, Na lei tinoni tara diki tuvalia na vaini uto, ma na lei tinoni tara inuvi suboa tua, gera tuvalia na vaini te mua sakai uto; migoe to tabe poloa mai na vaini uto. 11 A Jesus te nea na vuvuni ni butulu eni i Kana i Galilea, ge tatea ga na raranana, ma gaira na nina Vaovarono tara taluutunia.

12 Me soko te sugi horu i Kapernaumu, agaia ma tinana, ma rana hoga, maia rana Vaovarono; ma gaira tara gahara ga, te mua subo na boni.

13 Ma na didira na lovovule na Judea te dutu, ma Jesus te va dato i Jerusalema. 14 Me rigi sodora ta na Bona te tabu tara sabiri kau ma na sipu ma na bola, ma rana tinoni tara kasa rono tara sopou ga. 15 Me nia na galo ni raramu, me guruhoru sokora ta na Bona te tabu, ma na lei kau ma na lei sipu, me kovala kehai na didira na rono tara kasa rono, me boki taovaginigi na didira na bela. 16 Me bosa vanira tara sabiri bola, Lavi kehai na lei totobo ini; kau bei nia vale ni sabiri na valena Tamagu. 17 Ma rana Vaovarono

tara ganagana olia te vaga tara gerea tua, Na vatei lio papara na valemu te gani soko tua inau. 18 Ma rana Judea tara gagua vania, Na hava na vaugilala ko tatea vanigami, to nei na lei totobo ini? 19 Ma Jesus te goi gagua vanira, Kau durakea na Vale te tabu eni, muku goi tuguruvagina e tolu na boni. 20 Mara gagua rana Judea, E vati hanavulu me sara e ono na niulu tara kisua na Vale tabu eni; migoe ko goi tuguruvagina e tolu na boni? 21 Ma gaia te bosa nia na Vale te tabu, na hulina. 22 Me to tuguru oli sania na mate, vaho gera ganagana olia rana nina Vaovarono te nia na bosa eni; ma gera talutunia na gegere, ma na bosa te bosa a Jesus.

23 Ma gaia tua i Jerusalema, ta na lovovule na gougonu; ma gaira tara subo tara taluutunia na ahana, agaira tara vaevanei na vaugilala te nei. 24 Ma Jesus te kana vanira, na pukuna te gilala sokora na lei tinoni; 25 me mua pitua ahei ke tugunia vania na tinoni; me pukua hegena na totobo i loka ni tinoni.

III.

1 Ma na m ane ni Varise ga, na ahana a Nikodemusi, na vunagi hadira na Judea. 2 Ma gaia te va rigia a Jesus te boni, me vania, Tarai! igami tai gilalago igoe to butu ni tarai mai ta God; ke mua gahaa God itatana siki sakai ke, meke mua tanomana na neani na butuli te vaga to nei tua. 3 Ma Jesus te bosa tugu vania, me gagua, E utuni, e utuni, nau tu bosa vanigo, ahei ke mua goi valu vaolua gua, ke mua tanomana na rigiana na nina kinakabu God. 4 Me gagua Nikodemusi, Ivei ke goi gagua geke tanomana na vahuna na tinoni te tonikama tua? Ke goi tanomana na varuani rugu hage gua ta

na kutuna tinana, *geke* goi vahua mai? 5 Ma Jesus te goi *gagua* vania, E utuni, e utuni, inau tu bosa vanigo, ahei ke mua goi vahua nia na beti ma na taruna, ke mua tano-mana na hage ta na nina kinakabu God. 6 Na tobo tara vahua mai ta na huli, te huli lee; ma na tobo tara vahua mai ta na taruna, te taruna. 7 Ko bei nia hare inau tu bosa vanigo, mu *gagua*, Kau goi vahua vaolugamu gua. 8 Na guri te guri ivei mivei te liona, moto *romovia* na tagumu ni guri, moto mua *gilala* te va mai *ga* maia ke va *ga*; te vaga gua eni na tinoni te sivuraga mai ta na Taruna. 9 Ma *gaia* a Nikodemusi te vania, Ivei ke *gagua* *geke* tano-mana na lei tobo ini? 10 Ma Jesus te bosa tugu vania me *gagua*, Igoe sakai na Tarai ni Isaraele, mo to mua *gilalai* na lei tobo ini? 11 E utuni, e utuni inau tu bosa vanigo, igami tai bosa na tobo tai *gilala* tua, migami tai tugunia na tobo tai *rigia* tua; migami tau mua *lavipanzotia* nimami na tutugu. 12 Inau tu tugunia vanigamu na lei tobo i pari, migamu kau mua taluutunia ke, mivei kau nea na taluutuniana na lei tobo i kokou? 13 Mahei te mua dato tua i kokou, ma *gaia* hegema vamua te horu mai tua i kokou, na Dale Tinoni, te gahaa i kokou. 14 Me te vaga a Mosesi te talu galagaa na poli ta na komu aroha, te vaga gua eni te detea tua ra talugalagaa na Dale Tinoni; 15 *agaia* vamua ke taluutunia ke, ke tabea na maurihali na pukuna *agaia*.

16 Na pukuna God te dolovi nataa na inaramana, *ge* lubatia na Dalena sakai vamua na *gaia* vamua ke taluutunia ke mua taga tua, meke tabea na maurihali. 17 Ma God te mua vetena mai na Dalena ta na maramana, *ge* ke dete matea na maramana; me ke vola nia mugua na

maramana. 18 Mahei ke taluutunia te mua dete matea; mahei vamua ke mua taluutunia, te dete matea tua *agaia*, na pukuna te mua taluutunia na ahana na Dalena God sakai vamua. 19 Ma eni na dete; na marara te mai ta na maramana, ma na lei tinoni tara liona na puzi, mara mua liona na marara, na pukuna na didira na *gehegehe* te dika. 20 Na pukuna *agaia* te *gehegehe* dika te nia sika na marara, mete mua *tate* mai ta na marara, ke bei lada dika na nina *gehegehe* *ga*. 21 Ma *gaia* te *gehegehe* utuni te mai ta na marara, te *haga* *tatea* na nina *gehegehe*, te *gehegehe* sugua ta God.

22 Me te soko na lei tobo ini, a Jesus ma rana nina vaovarano tara mai ta na komu i Judea, me gahaa *ga* itadira, me te vulitabu. 23 Ma John te vulitabu i Enoni te dutuvia i Salimi, na pukuna te subo na beti *ga*; ma gaira tara mai mara lavia *ga* na Vulitabu. 24 Ma gaira tara mua *pitia* mua a John ta na vale pipiti. 25 Ma rana nina Vaovarano a John ma rana Judea tara nia veihuhugui na lei vatei vamarabu. 26 Ma gaira tara va *rigia* a John, mara *gagua* vania, Tarai! *agaia* te gahaa itamua i Joridani levu ka, moto tuguni *tatea*, ko *rigia*, te vulitabu, ma na lei tinoni soko tara ovu tatana. 27 Ma John te bosa tugu vanira, me *gagua*, Na tinoni ke mua tabea siki tobo, tekemua vahea mai i kokou. 28 I gamu tau tuguni tateu hegemi nau tu *gagua* tua, Inau na mua Christ, mete diki veteranu mai nagona. 29 Ahei te tabea na vaivine *agaia* te taulagi; ma na kulana te taulagi te tuguru, me te *romovia*, me te nia *togotogo* na manana te taulagi; ma eni na nigua na *togotogo* te vonugia tua. 30 *Gaia* ke hahaba galaga, minau ku kubolu horu.

31 Ahei te mai i kokou ke, *agaia* i

vuvunani na lei tobo soko ; mahei i pari, agaia ta na pari, me te bosa na lei tobo ta na pari ; me te mai i vuvuna ni parako i vuvunana na lei tobo soko. 32 Ma na lei tobo te rigigi maia te rohovigi, kiri te tugunigi ; ma tahosiki sakai te lavi panotia nina tutugu. 33 Mahei ke lavia na bosa te tugunia ke, me te talu vaugilalana God te utuni. 34 Mahei God te vetena mai te bosa na lei bosa na God, na pukuna God te mua vahe pilea na taruna. 35 Na Mama te dolovia na Dale, me talui na lei tobo soko ta na limana. 36 Mahei ke talutunia na Dale ke tabea na maurihali ; mahei ke hovenana na Dale ke mua rigia na vola, ma na nina rutu God te gahaa soo i vuvunana.

IV.

1 Ma Lord te gilalana rana Varise tara rohovia a Jesus te lavira na vaovarono me vulitabura tara subo vaa ta John. 2 Ma gaia Jesus te mua vulitabu hegena, ma rana lei nina Vaovarono, 3 Ge sania i Judea, me va gua i Galilea. 4 Me liu pota i Samaria. 5 Me va ta na komu ni Samaria, tara vatua nia i Sukari, i liligina na bona a Jakobo te vahea tua na dalena Josepa. 6 Ma nina tuvu Jakobo ga. Ma Jesus te lughia na tona, me sopou ga ta na tuvu : me te vaga e ono na bona ni boni. 7 Ma na vaivine ni Samaria te mai heo beti. Ma Jesus te vania, He gagua beti mai. 8 Ma rana Vaovarono tara vaa tua ta na komu, ge kara sabiri vana. 9 Ma na vaivine ni Samaria te vania, O gua igoe na Judea geononi na he gamua beti, inau na vaivine ni Samaria ? Na pukuna agaira na Judea tara mua nira vaukolu rana Samaria. 10 Ma Jesus te goi vania, Ge ko-gilalaa na nina sonihalavu God,

magaia te bosa vanigo, He gagua beti mai, ko nonia gaia, meke vahego gatu na beti mauri. 11 Ma na vaivine te vania, Magutu, e talo nimua na va-tei lalabeti, ma na tuvu te horuga ; mivei tamua na beti mauri ? 12 To haba vaa igoe ta tamada Jakobo ? te vahegami na tuvu, ma gaia gua te inu gana ga, ma ra na lei dalena, ma na lei nina kau. 13 Ma Jesus te vania, Ahei ke inuvia na beti eni ke goi haga inu gua ; 14 mahei ke inuvia na beti inau ku vahea gatu, ke mua haga inu gua ke vaa me vaa ; ma na beti inau ku vahea gatu ke liliu tuvu ilokana me ke vuravura ta na maurihali. 15 Ma na vaivine te gagua vania, Magutu, ko vaheu mai na beti eni, ge ku mua haga inu gua, mu ku mua goi mai heoheo beti. 16 Ma Jesus te vania, Ko tona, moko holoo na taumu, mo ko pulohi mai. 17 Ma na vaivine te gagua vania, Te taho na tangi. Ma Jesus te gagua vania, Eo, to bosa uto, Te taho na tangi, to gagua. 18 Na pukuna e lima tua na taumu idania, ma na tinoni te gahaa itamua i taeni na mua taumu ; e utuni keri to bosa utunia. 19 Ma na vaivine te bosa vania, me gagua, Magutu, inau tu pukugo igoe na porovete. 20 Rana tamamami tara gehegehetia na lei tobo te tabu ta na gotu eni ; migamu tau bosa i Jerusalema na puku ni bona ni gehegehe tabu. 21 Ma Jesus te vania, Vaivine, ko talutunui, te dutu mai na bona ni boni, igamu kau mua gehegehe tabu vania na Mama ta na gotu eni maia i Jerusalema gua. 22 Igamu tau gehetia na tobo te tabu tau mua manahani ; igami tai gehegehe na tobo tai manahana ; na pukuna na vola te pukulagi itadira rana Judea. 23 Te dutu na bona ni boni, me sara tua, rana gehegehe tabu tara utuni kara suagia na Mama nia na taruna maia na

utuni, na pukuna na Mama te kenera te vagara ma kara gehegehe vania. 24 God na Taruna, ma gaira tara gehegehe tabu vania kara gehegehe vania nia na taruna maia na utuni. 25 Ma na vaivine te vania, Inau tu gilalaa Mesia ke mai, tara holoa nia Christ, ma ta na maiana ke mai tuguni sokoi vanigita na lei to-tobo. 26 Ma Jesus te vania, Inau tu bosa vanigo, agaia.

27 Mi ta na bona keri rana Vaovarono tara pulohi mai, ma gaira tara nia hare gaia te kokoe vania na vaivine; me taho siki sakai ke gagua vania, Na hava to kenea? taho ke gagua ke, Ma na hava to bosa vania? 28 Ma na vaivine te sania na nina vatei heobeti, me tona ta na komu, me bosa vanira na lei tinoni ga, me gagua, 29 Kau mai, ma kau rigia na tinoni te tugunigi vaniu na lei to-tobo tu nei tua; agaia soega a Christ? 30 Ma gaira tara rugu-horu ta na komu mara varigia. 31 Mi ta na bona gobu keri rana Vaovarono tara nonia, mara gagua, Tarai, ko vana. 32 Ma ge gagua vanira, Na gagua na vana itagua tau mua gilalaa. 33 Ma rana Vaovarono tara bosa kolu, mara gagua, Ahei te vahea siki vana? 34 Ma Jesus te gagua vanira, Gagua na vana na neana na to-tobo agaia te vetenau mai te liona, mu tu haga nei sokoani nina gehegehe. 35 Igamu tau mua bosa, E vati mua na vula iga, me te dutu mai na gegeli? Kau rigia, nau tu bosa vanigamu, kau rei tada, makan vae-vanea na lei legai te rara tua ga ta na gegeli. 36 Ma gaia te gegeli te holaria na taba, me baorei na vana ta na maurihali; ma gaia te sosoni, maia te baobaore, koro nia togotogo kolu. 37 Mi taeni na bosa te utuni, A sakai ke sononi, ma na ruana ke gegeli. 38 Minau tu vetenagamu na geliani na to-tobo tau mua lutui;

agaira na keha tara lutui tua, migamu tau hage mai ta didira na lutu.

39 Ma na lei tinoni ni Samaria tara subo ta na komu keri tara talu-utunia, na pukuna na bosana na vaivine te va tuguni tatea, me gagua, Te tugunigi vauu na lei to-tobo tu nei tua. 40 Ma rana Samaria tara varigia, mara nonia na gahaana itadira; ge gahaa ga itadira e rua na boni. 41 Ma gaira tara subo gua tara taluutuni na pukuna na bosana, 42 mara vania na vaivine, Igami tai mua taluutunia vama na pukuna na bosamu; migami tai ronovia hegenami, migami tai gilalaa agaia eni te utuni na Vavolana na maramana, a Christ.

43 Me soko e rua na boni te sania na bona keri, me va Galilea. 44 Ma Jesus te tuguni tatea hegena, me gagua, Kara mua ganagana mavaa na porovete ta na puku ni komuna. 45 Me va sara i Galilea, ma gaira na Galilea tara panotia, tara rigigi tua na lei to-tobo te nei i Jerusalem ta na gougonu; na pukuna agaira gua tara tona ta na gougonu.

46 Ma Jesus te tona gua i Kana i Galilea, te nea ga na beti me liliu vaini. Ma na Vunagi ga, ma na dalena te vahagi i Kaperinaumu. 47 Me ronovia a Jesus te butuni mai i Judea, me mai i Galilea, ge varigia, me kurutia ge ke horu, me ke vavolaa na dalena; na pile vaso meke mate. 48 Ma Jesus te vania, Kau mua rigigi na vaugilala ma na lei butuli ke, igamu kau mua taluutuni, e vania. 49 Ma na Vunagi te vania, Magutu, ko mina diki horu te mua mate mua nigua na gari. 50 Ma Jesus te gagua vania, Ko gatu, te vola na dalemu. Ma na tinoni te taluutunia na bosana Jesus te bosa vania, me tona. 51 Ma gaia te sugi soo, me sodora na lei nina mane ni lutu, mara tugunia vania mara gagua, Te vola na dalemu,

tara vania. 52 Ma huatira ivei na bona vagana te vuiuunia na gaota. Mara gagua vania, Inola, e vitu na bona ni boni te kaluba itatana na vahagi papara. 53 Ma na mama te gilala na bona ni boni keri a Jesus te bosa ilokaina, Te vola dalemu ; ma ge taluutuni gaia ma gaira soko gua tara gahara ta na valena. 54 E ruani na butuli eni te nea gua a Jesus, te horu mai tua i Judea me va i Galilea.

V.

1 Me te soko na lei totobo ini na didia na gougonu rana Judea ga, ma Jesus te va dato i Jerusalema.

2 Ma na kolokama ga i Jerusalema ta na malei sabiri sipu, na ahana ta na bosa ni Judea Betesida, me lima na vaevalelevu ga. 3 Ma na vure subo tara koli ga tara vahagi, rana rorodo, ma rana logu, ma rana rapobeto, agaira tara pitua na tipotipo na beti. 4 Na pukuna na Taruna vetena te horu mai na balu bona ni boni ta na kolokama me tipotipoa na beti ; me soko ahei te diki sugi horu ta na beti te tipotipo tua, te vola ta na vahagi vagana te sodoa tua. 5 Ma siki tinoni iga, te gahaa tua e tolu hanavulu me sara e alu na niulu te vahagi. 6 Ma Jesus te rigia te koli ga, me te gilala te hau tua te gahaa, me gagua vania, O liona na vola ? te vania. 7 Ma na vahagi te gagua vania, Magutu, inau te taho itagua ke haveu na va ta na kolokama ta na bona ni tipotipo na beti ; minau tu tona ke, ma na balu te laugidegu. 8 Ma Jesus te vania, Tuguru, moko holatia na malamau, moko tona. 9 Ma na tinoni te mina vola, me holatia na sapena, me tona.

Mi ta na boni keri na Boni ni ahealie. 10 Ma gaira na Judea tara bosa vania agaia te vola tua, mara gagua, Itaeni na Boni ni ahealie, me te

hovego na holatiana na sapemu. 11 Me gagua vanira, Agaia te vavolau te bosa vaniu, Holatia na sapemu moko tona. 12 Ma gaira tara huatia, mara gagua, Ahei na tinoni keri te nea vanigo na bosa, na holatiana na sapemu, moko tona ? 13 Ma gaia te vola tua te mua gilala ahei agaia, na pukuna a Jesus te tagaa tua, te subo ga na vure ta na bona. 14 Mi muri a Jesus te goi rigi sodoa ta na Bona te tabu, me vania, Rigia, to vola tua, moko bei goi tanotanodika gua, ke bei sodigo gea na totobo te dika vaa. 15 Ma na tinoni te tona keha, me va tugunia vanira rana Judea, agaia a Jesus te vavolaa. 16 Ma na pukuna eni rana Judea ta: a kanahaginia Jesus, mara kakaea na mateana ; na pukuna te nei na lei totobo ini ta na Boni ni ahealie. 17 Ma Jesus te bosa vanira me gagua, A Tannagu te lutu me sara ta na boni eni, minau gua tu lutu gua. 18 Ma na pukuna keri rana Judea tara kakae nanataa na mateana, te mua nia parile vamua na Boni ni ahealie, maia te holoa nia na puku ni Tamana God, maia te haga nia vakaekage ta God.

19 Ma Jesus te bosa vanira me gagua,

E utuni, e utuni, inau tu bosa vanigamu, na Dale te mua nia tovonu na kabariana siki totobo, te ke mua rigia na Maina te nea ; na pukuna na lei totobo agaia te nei, na Dale ke nei gua te vagai. 20 Na pukana na Mama te dolovia na Dale, me naunaua nia na lei totobo agaia te ke nei ; me ke naunaua nia na gehegehe ke sule va taeni, ge kau nia hare. 21 Ma te vaga na Maina te tuguruvagiinira tara mate tua, me vavolara, te vaga gua eni na Dale ke vavolara rahei te liodira. 22 Ma na Mama ke mua detea gua siki tinoni, me lubatia soko tua vania na Dale na dete. 23 Ge ma na lei tinoni kara ganagana sulea

na Dale, te vaga tara nea na gagagana-suleana na Mama. Mahei ke mua ganagana sulea na Dale ke, me te mua ganagana sulea gua na Mama te vetenaa mai. 24 E utuni, e utuni, inau tu bosa vanigamu, ahei ke varonolia na bosagu, me ke taluutunia te vetenau mai, te tabea na maurihali, me ke mua tanomana na sodoana na dete, mete sogavulea tua na mate ta na vola. 25 E utuni, e utuni, inau tu bosa vanigamu, te dutu mai na bona ni boni, mete sara tua, ma na lei tinoni mate kara ronovia na manana na Dalena God, ma gaira kara ronovia kara vola. 26 Na pukuna te vaga na Mama te logoa na vola ilokana, te vaga gua eni te lubatia vania gua na Dale geke logoa na vola ilokana. 27 Me sonihalavua vania gua na mana ge ke dete, na pukuna agaia na Dale Tinoni. 28 Kau bei nia hare na tofoto eni; ke sara mai na bona ni boni, ma gaira soko ta na lei gilua kara ronovia na manana, 29 kara rugu horu mai; ma gaira tara hegehehe uto kara tuguru oli sodoa na vola; ma gaira tara hegehehe dika kara tuguru oli sodoa na dete.

30 Tu mua tanomana na neana hegegu siki tofoto; minau tu dete te vaga inau tu ronovia; ma nigua na ronorofo ni dete te maemane, na pukuna tu mua kakaea na tofoto tu liona nigua, ma na tofoto vamua na Mania te vetenau mai te liona. 31 Ma ge ku tuguni oliu hegegu, nigua na tutuguni ke mua utuni. 32 Agaia na keha te tuguni tateu inau, minau tu gilala na bosa te tuguni tateu nia te utuni. 33 Ma tau vetenara na balu va ta John, ma gaia te tuguni tatea na utuni. 34 Minau tu mua tabea na bosa ni tutuguni ta na tinoni; minau tu nei na bosa keri vaniamiu ge ma kau nia vola. 35 Agaia na bulu te ruruhu me te hina; miga mu tau liona na nia togotogo na

mararana na balu boni. 36 Minau tu tabea na bosa ni tutuguni te sule vaa ta na bosana John; na lei hegehehe te talani vaniu na Mama na kabariani, na lei hegehehe kiri inau tu nei te tutuguni tateu na Mama te vetenau mai. 37 Ma na Mama te vetenau mai, agaia te tuguni tateu tua. Migamu tau mua ronovia vagua na manana, mau mua rigia na hulina. 38 Migamu tau mua logoa na bosana te gabaa ilokamui; na pukuna tau mua taluutunia agaia te vetenau mai. 39 Igamu tau kakaei na lei gegere te tabu, na pukuna tau ganagana kau sodoa ga na maurihali ilokadira; ma kiri te tuguni tateu inau. 40 Igamu kau mua mai tagua na tabeana na vola. 41 Inau tu mua tabea na lada ta na tinoni; 42 mi nau tu gilala gamu tau mua logoa na nina dolo God ilokamui. 43 Inau tu mai ta na ahana Tamagu; mi gamu tau mua lavi panotiu inau; ma na keha ke mai tabo ta na ahana hegena ke, ge kau lavi panotia agaia. 44 Ivei kau va tanomana na taluutuni? igamu tau sopa tabea na lada itamui hegemiu, ma tau mua kakaea na lada te mai ta God hegena vamua. 45 Kau bei ganagana gea inau ku hurugamu vania na Mama. Ahei na keha ke hurugamu, a Mosesi, i gamu tau vavaravagi tua itafana. 46 Mi gamu kau taluutunia a Mosesi ke, ma kau taluutuniu gua inau, na pukuna agaia te gereu tua. 47 Makau mua taluutunigi na nina gegere ke, mi vei kau nia na taluutuniani na lei bosagu.

VI.

1 Me soko na lei tofoto ini a Jesus te halavu i levu ni kolokama ni Galilea, agaia keri na kolokama ni Tiberiasi. 2 Ma na vure te subo te tumuria, na pukuna tara rigigi na lei vaugilala te nei vanira na lei

vahagi. 3 Ma Jesus te sei dato ta na gotu, me sopou horu ga tadirana rana nina Vaovarono. 4 Ma na Lovovule na didira na Gougou rana Judea te dutu. 5 Ma Jesus te sonivagi matana, me rigira na vure te subo te mai rigia; ge vania a Vilipi, Ivei ka sabiria na bereti, ge kara ganigi raini? e gagua vania. 6 Me te nea na bosa vaniana keru te haga tabotaboa, ma gaia te pukua na toto-bo ke kabaria. 7 Ma Vilipi te bosa tugu vania me gagua, Ka nigi sabiri bereti e rua na hanalatu ni rono ke, meke mua sopa manadira ge kara tano sakai pile. 8 Ma sakai itadira rana Vaovarono, na ahana Aderu, na hogona a Simoni Petere, te gagua vania, 9 Na gari eni e lima na bereti tatana, me rua na pile iga; mivei ke nigi na manadira na vure te subo? 10 Me gagua a Jesus, Kau vasopoulaginira na lei tinoni. Me te lodu ga na buburu ta na bona; ma na lei tinoni tara sopou ga te vaga e lima na toga. 11 Ma Jesus te tabei na bereti, me bosa utoi, me tuvaligi vanira rana Vaovarono, ma rana Vaovarono tara tuvaligi vanira tara sopou tua, ma na iga gua te vagaa te ke liu liodira. 12 Ma gaira tara mahu soko, me vanira rana nina Vaovarono, Kau vahikolui na lei pile pile vana te au, ke bei tagaa vasoo na pile. 13 Ma gaira tara vahikolui, mara hogoui vouui e hanavulu rua na kei, na pile ni e lima vamua na bereti tara ganigi me au tadirana. 14 Ma na lei tinoni tara rigia na butuli a Jesus te nea, mara gagua, E utuni, aeni na porovete te mai ta na mara-mana, ra gagua.

15 Ma Jesus te pukura tara haga mai ponoo ma kara nea geke vunagidira, ge tona keha hegena gua ta na gotu.

16 Me nulavi rana nina Vaovarono tara sugi horu ta na kolokama. 17

Ma gaira tara hagelia na tiola, mara halavu levu ni kolokama i Kaperinumu. Mete puzi tua, ma Jesus te mua varigira mua. 18 Ma na guri sule te tazi mai, ma na kolokama te tipo galaga ga. 19 Ma gaira tara vohea tua na bona te vaga e rua hanavulu lima, pe tolu hanavulu; gera rigia a Jesus te sakusaku tua, me mai ta na beti, me dutuvia na tiola; ma gaira tara matagu. 20 Ma gaia te bosa vanira, Inau eni, kau bei matagu. 21 Me soko tara liona na lavi hageana ta na tiola; ma na tiola te mina sara ta na komu tara va ga.

22 Me ropogana na vure te tuguru i levu ni kolokama, tara rigia te taho gua siki tiola keha, ma sakai vamua keru rana lei Vaovarono tara hagelia tua, ma Jesus te mua nira haehage kolu rana nina Vaovarono ta na tiola, ma gaira ra na nina Vaovarono hegedira; 23 ma na balu tiola gua te talusapa mai i Tiberiasi i liligina na bona tara ganiga ga na bereti a Lord te bosa utoi tua; 24 ma na vure tara pukua a Jesus te taho, ma rana nina Vaovarono tara taho gua iga, ma gaira tara goi hage-ligi na lei tiola, mara vaa i Kaperinaumu tara kenea Jesus. 25 Ma gaira tara rigi sodoa i levu ni kolokama mara vania, Tarai, eniha to mai? 26 Ma Jesus te vanira, E utuni, e utuni, inau tu bosa vanigamu, igamu tau keneu, ma na mua pukuna na lei vaugilala tau rigigi tua, ma na pukuna vamua tau ganiga na bereti ma tau nia mahu tua. 27 Kau bei nia jipo na vana te tagaa, nua na vana vaso te gahaa ta na maurihali, na Dale tinoni ke vahegamu gatu, na pukuna na Mama te talu vaugilalana agaia, God. 28 Mara gagua agaira, Ma na hava kai kabaria, ge kai gehetia na lei nina gehegehe God? 29 Ma Jesus te

vanira, Aeni na nina gehegehe God, ge ma kau talutunia agaia kerī te vetenaa mai. 30 Mara gagua agaira, Na hava na vaugilala to nea ta kai rigia, ge kai talutunigo? na hava to kabaria? 31 Ra na lei kukuada tara gania na *Mana* ta na komu aroha; te vaga tara gerea tua, Te hegadiia na bereti mai kokou. 32 Ma Jesus te vanira, E utuni, e utuni, inau tu bosa vanigamu, a mua Mosesi te vahegamu na bereti mai kokou; ma Tamagu te vahegamu mai na bereti te utuni i kokou. 33 Na pukuna na nina bereti God na bereti kerī te horu mai i kokou, te vahea na vola na maramana. 34 Ma gaira tara vania, Magutu, ko vahegami mai haia na bereti kerī. 35 Ma Jesus te bosa vanira, me gagua, Inau na bereti ni vola; ahei ke mai i tagua ke mua vitolo, mahei ke talutuniu ke mua haga inu ke hau me hau. 36 Minau tu bosa vanigamu tua, Igamu tau rigiu tua inau, mau mua talutunui. 37 Na toতোbo soko na Mama ke vaheu ke mai itagua; minau ku mua tivaa siki sakai ke mai tagua. 38 Na pukuna tu mai i kokou, ge ku taonia na liogu hegegu, na liona vamua te vetenau mai. 39 Ma eni na liona na Mama te vetenau mai, ku bei tovozo sonia gea siki toতোbo va te vaheu mai, minau ku tuguruvaginia ta na sosoko ni bozi. 40 Ma eni na liona na Tamagu; ahei ke rigia na Dale ke, meke talutuni, ke tabea na maurihali, minau ku tuguruvaginia ta na sosoko ni bozi.

41 Ma ra na Judea tara pasapasa popoloa, gaia te nia na bosa, Inau na bereti te horu mai i kokou, te a. 42 Mara gagua, E mua aeni Jesus, na dalena Josepa? igita ta gilalara tamana ma tinana. Ma na hava te bosa gaia kerī, te gagua, Inau tu horu mai kokou? 43 Ma Jesus te bosa vanira, me gagua, Kau bei

pasapasa polou. 44 Ke mua tano-mana mai tagua siki sakai, ke mua goraa na Mama te vetenau mai, muku tuguruvaginia ta na sosoko ni bozi. 45 Tara gerei nia tua ra na porovete, te a, God te tarai sokora. Na pukuna eni ahei ke rovia ta na Mama, meke manaha ga, ke mai tagua. 46 Taho siki sakai te rigia tua na Mama; agaia vamua te pukulagi mai ta God te rigia na Mama. 47 E utuni, e utuni, inau tu bosa vanigamu, ahei ke talutunui inau te tabea na vola kasila. 48 Inau na bereti ni vola. 49 Rana kukuamui tara gania na *mana* ta na bona aroha, mara mate tua; 50 ma eni na bereti te horu mai kokou mahei ke gania ke, meke mua mate. 51 Inau na bereti te vola, mete horu mai ikokou; mahei ke gania na bereti eni ke, ke nia vola kasila; ma na bereti inau ku vahea na vinahigu, ku vahea na vatei vavola na maramana.

52 Ma rana Judea tara nia hugu-hugu, mara gagua, Na tinoni eni ivei ke nia na vaheada na vinahina ge ka gania? 53 Ma Jesus te vanira, E utuni, e utuni, inau tu bosa vanigamu, kau mua gania mua na vinahina na Dale tinoni, ma kau mua inuvia na zarana ke, ma kau mua tabea na vola ilokamui. 54 Mahei ke gania na vinahigu, meke inuvia na naragu, te tabea na vola kasila, minau ku tuguruvaginia ta na sosoko ni bozi. 55 Na pukuna na vinahigu na vana te utuni, ma na naragu na vatei inu te utuni. 56 Ahei ke gania na vinahigu meke inuvia na naragu ke, te gahaa i lokagu, minau i lokana. 57 Te vaga na Mama te vola te vetenau mai, minau tu vola na pukuna na Mama, mete vaga gua aeni ahei ke ganiu, agaia gua ke vola na pukuna inau. 58 Aeni na bereti te horu mai i kokou; me te mua vaga rana lei kukuamui tara

gania na Mana, mara mate tua; mahei ke gania na bereti eni ke nia maurihali ke vaa me vaa. 59 Me te bosai na lei bosa ini ta na Vale ni Sonikolu, te taraira i Kaperinaumu.

60 Ma na balu Vaovarono tara subo tara rozovia mara gagua, E viri na bosa eni; ahei ke tanomana na ronovi vakodoana? 61 Ma Jesus te gilalara hegema rana Vaovarono tara nia pasapasa polo, ge vanira, Aeni te nigamu ge au kabalagi? 62 Ma na hava takau rigia na Dale tinoni ke goi pulohi dato ta na bona te gahaa ga idania? 63 Na taruna te vavola, ma na huli ke mua tanomana. Na lei bosa tu bosai vanigamu na taruna, ma na vola. 64 Ma na balu i tamiu tara mua taluutuni. Na pukuna a Jesus te gilalara tua ta na viuvuni mai agaia tara mua taluutunia, ma agaia ke peroa. 65 Me gagua, Na pukuna aeni nau tu bosa vanigamu, A Tamagu ke mua talana ahei, ke mua tanomana na mai tagua.

66 Vaho ge ra pulohi ra na lei Vaovarono tara subo mara mua nia ndu gua. 67 Ma Jesus te vanira hanavulu rua, me gagua, Igamu gua tau liona na tona? 68 Ma Simoni Petere te bosa vania, me gagua, Lord, tahei kai tona? tamua na lei bosa ni maurihali. 69 Migami tai taluutunigo mai gilalago igoe na Christ Dalena God. 70 Ma Jesus te gagua, Nau tu viligamu ra hanavulu rua? ma sakai itamiu agaia na nina Satana. 71 Mete bosaa Judasi Isakarioti na dalena Simoni, na pukun gaia te haga peroa, a sakai itadira ra sara e rua?

VII.

1 Me soko na lei totobo ini a Jesus te tona i Galilea; te mua liona na tona i Judea, na pukuna agaia na Judea tara kakaea na mateana. 2

Ma na didira na Gougouu rana Judea, na gougouu ni vaevala, te dutu. 3 Na pukuna eni rana lei hogona tara vania, Ko tona keha, moko vaa Judea, mara nimua na Vaovarono kara rigigi ga na lei gehegehe to nigi. 4 Na pukuna te taho siki tinoni te gehegehe polo, ma gaia te liona na kabu ta na mata ni tinoni. Ko gagua ga ke, moko tatego hegemu ta na maramana. 5 Ma rana lei hogona tara mua taluutunia. 6 Ma Jesus te bosa vanira me gagua, To mua sara mua na bonigu, ma na bonimiu te kalei haia. 7 Na maramana ke mua tanomana na nigamu sika; meke niu sika inau. Na pukuna inau tu tugunia na nina gehegehe te vatei sikana. 8 Kau va dato ta na Gougouu eni; minau ku mua dato mua ta na Gougouu eni, te mua sara mua na bonigu. 9 Me te nia na bosa eni vaniadia, me te gahaa sono i Galilea.

10 Ma na lei hogona tara va dato tua ta na Gougouu vaho ge dato gaia; me te mua tate, me te vaga te polo soo. 11 Ma rana Judea tara kakaea ta na Gougouu, mara gagua, Ivei keia! 12 Ma na pasapasapoloana te sule ta na vure, ma na balu tara bosaa, Agaia te uto. Ma na balu tara gagua, Taho, te hahilaginia na vure. 13 Me taho siki sakai te bosa tatea, na pukuna tara matagunira rana Judea.

14 Mi ta na gobuna na Gougouu a Jesus te dato va ta na Bona te tabu. ame taraira ga. 15 Ma rana Judea tara nia hare, mara gagua, Ivei te nia gaia na gilalana na bosa gegere, ma tara mu' taraira nia? 16 Ma Jesus te bosa vanira, me gagua, Na nigua na bosa ni tarai na mua nigua, anina vamu te vetenau mai. 17 Ahei te liona na taoniana na liona agaia, ke gilala na bosa ni tarai, tatana God ke, pi nau tu bosa hege-

gu. 18 Te bosa tigena ke te kenea na ladana hegena. Mahei vamua te kenea na ladana te vetena, agaia te utuni, mete mua gahaa siki vagiliu itatana. 19 Me mua a Mosesi te vahegamu na Ronorono ni Vetena? mahei itamiu te mua gehetia na Ronorono ni Vetena. Megua ge au kenea na mateagu? 20 Ma na vure te vania, Na tidalo dika ilokamu; ahei te kenea na mateamu? 21 Ma Jesus te vanira. A sakai vamua na gehegehe tu nea tua, mau nia hare soko. 22 Ma na pukuna iga a Mosesi te vahegamu na Pahevau-gilala; mete mua vuni ta Mosesi, nii tadira rana tamada; migamu tau pahevaugilalaa na tinoni ta na Boni ni aheahe. 23 Ma tau pahevaugilalaa na tinoni ta na Boni ni aheahe ke, ke bei durake gea nina na Ronorono Vetena a Mosesi, megua gau rutu vaniu na pukuna tu vavola soko na tinoni ta na Boni ni aheahe? 24 Kau bei detea na matana na tinoni, makau dete maemane vasoo.

25 Ma na balu Jerusalema tara bosa mara gagua, Keia aeni tara kenea na mateana? 26 Makau rigia, te bosa ta na mata ni tinoni, ma gaira tara mua bosa tugu vania. E utuni, agaira lakamua rana haba tara pukua agaia e utuni na Christ? 27 Migani tai pukua na tinoni eni ivei te va butu mai; ma Christ ke mai ke, taho siki sakai ke pukua ivei te butu mai. 28 Na pukuna aeni a Jesus te bosa gaegahe te tarai ta na Bona te tabu, me gagua, Igamu tau gilalau inau ma tau gilalau ivei tu va butu mai: minau tu mua mai tigege, ma te vetenau mai te utuni, ni gamu tau mua gilalaa agaia. 29 Minau tu gilala agaia, na pukuna inau tu butu mai itatana, ma gaia te vetenau mai. 30 Na pukuna aeni tara kakaea, gekara lotia; me taho siki sakai ke tano galauvua na pukuna te mua sara

mua na bonina. 31 Ma na lei tinoni te subo ta na vure tara talutunia, mara gagua, A Christ ke va mai ta na niha, meke subo vaa na vaugilala ke nei itatana gaia eni? 32 Ma rana Varise tara ronovia na vure tara nia bosa kolu ga, ma rana Varise ma rana Sukagi tara vetenara rana mane ni gehegehe na lotiana. 33 Ma Jesus te gagua vanira, Na pile bona mua iga inau tu gahau itamin, minau ku varigia te vetenau mai. 34 Igamu kau keneu, makau mua rigi sodou; migamu kau mua tantomana na tona ta na bona ku gahau ga. 35 Na pukuna aeni rana Judea tara bosa kolu mara gagua, Ivei ke va gaia keru geka mua varigi sodoa ga? Ke varigira rana havukagi tadira na Gereikia, meke taraira rana Gereikia? 36 Ma na bosa hava te bosa eni, Igamu kau keneu makau mua rigi sodou? maia, Igamu kau mua tantomana na va ta na bona tu gahau ga.

37 Mi ta na sosoko ni boni, na boni sule ni Gongonu, a Jesus te tuguru, me gaegahe, me gagua, Ahei ke haga inu ke, meke mai tagua meke inu. 38 Ahei ke talutuniu inau ke, te vage te bosai na lei gegere te tabu, na lei tina ni beti mauri ke vura ta na tobana. 39 Me te bosaa na Taruza tara talutunia kara lavia ke mua hau; na pukuna te taho mua na Taruza te Tabu, te mua ronoraga mua a Jesus. 40 Me subo ta na vure tara ronovia na lei bosa ini, mara gagua, E utuni aeni na porovete. 41 Ma na balu tara gagua, Aeni a Christ. Ma na balu gua tara gagua, Taho, a Christ ke ruguhoru mai i Galilea? 42 Na gegere te mua bosa, a Christ ke va butuni mai ta na kemana Davidi? meke mai i Betelehema, na komu a Davidi te gahaa ga? 43 Ma na vure tara nia voka na pukuna agaia. 44 Ma na balu tara haga lotia; me taho siki sakai ke tano galauvua.

45 Ma rana mane ni *gehegehe* tara goi pulohi mai itadira na Puku ni Sukagi ma rana Varise; ma gera *gagua* vanira, *Egua geau* mua lavia mai? 46 Ma *gaira* tara *gagua*, Na tinoni te mua nia mua na bosa te vaga na tinoni eni. 47 Ma rana lei Varise tara *gagua* vanira, E goi kiko gamu? 48 Mahei itadira rana puku na tinoni te talutunia tua, pi tadira rana Varise? 49 Ma na vure eni tara mua manahana na Ronorono na vure vavarana.

50 Ma Nikodemusi, *agaia* te va rigia a Jesus te boni idania, a sakai tadira, te vanira, 51 A dida na Ronorono ke detea na tinoni, meke mua diki ronovia, meke gilala na hava te kabaria? 52 Ma *gaira* tara bosa vania mara *gagua*, Igoo gua na Galilea? Ko kakae, geko rigia na porovete ke mua tuguru mai i Galilea. 53 Ma *gaira* tara sopa tuvakaha ta na lei valedia.

VIII.

1 Ma Jesus te tona te na gotu Oliveti. 2 Me te roropo te pulohi ta na Bona te tabu, ma na vure soko tara va rigia, me sopou horu, *ge* taraira. 3 Ma ra na tarai ma rana Varise tara nia mai i tatana na vaivine tara tabea ta na tanodika; ma *gaira* tara tuguruvaginia i gobu. 4 Mara *gagua* vania, Tarai, na vaivine eni tara buloa te tanodika. 5 Ma Mosesi te vetenagita ta na Ronorono na peta mateadira takara *gagua ga*; migoo, na hava ko bosa ga? 6 Ma tara nia na bosa vaniana keru, tara tabotaboa, mara *haga* sodoa na vatei huruana. Ma Jesus te sirogotu horu, me nia gegere ta na pari na *gigirina*. 7 Ma *gaira* tara gahara mara huatia; me rei tada me vanira, Ahei itamui te mua *tanotanodika* ke, me ke diki sonia na vatu ivuvuana. 8 Me sirogotu horu gua, me nia gegere na *gigirina* ta na pari.

9 Ma *gaira* tara ronovia, ma na liodira te sopa dete kalera hegedira: mara sopasopa rugu horu, tara vuni rana lei tonikama me sara itadia tara sosoko. Mara rugu horu sania ma Jesus te gahaa hegena, maia na vaivine te tuguru i gobu. 10 Ma Jesus te rei tada me mua rigia ki sakai, ma na vaivine hegena, me vania, Vaivise, iveira tara hurugo? te taho ki sakai te dete matego? 11 Me *gagua* *agaia*, Eo, te taho sakai, Magutu. Ma Jesus te vania, Minau gua, tu mua dete matego; ko tona soo, moko bei goi *tanotanodika* gua.

12 Ma Jesus te goi bosa vanira me *gagua*, Inau na mararana na mara mana; ke taoniu ke, ke mua tona ta na puni, ma na mararana na vola te gahaa itatana. 13 Ma rana Varise tara vania, To tuguni tatego, ma nimua na bosa ni tutuguni te mua utuni. 14 Ma Jesus te vanira, Inau ku tuguniu hegegu ke, ma nigua na bosa ni tutuguni te utuni; na pukuna inau tu gilala ivei tu va butu mai, mi vei ku vaa; migamu tau mua gilala ivei tu va butu mai, maia gua ivei ku vaa. 15 Igamu tau dete ta na huli vamua, minau tu mua detea siki sakai. 16 Ma *ge* ku dete inau ke, nigua na dete te utuni; e mua nau hegegu, irogami na Mama te vetenau mai. 17 Me te *gagua* tara ge-rea ta nimui na Ronorono, Na rodidia na bosa tutuguni e rua na tinoni te utuni. 18 Inau tu bosa tu tuguniu hegegu, ma na Mama te vetenau mai te tuguniu gua inau. 19 Ma *gaira* tara bosa vania, mara *gagua*, Ivei tamamu? Ma Jesus te vanira, Igamu tau nua gilalau inau, mau mua gilala Tamagu; ma *ge* kau gilalau inau ke, *ge* kau gilala gua a Tamagu. 20 A Jesus te nia na bosa eni ta na vale ni Rono, te tarai ta na Bona te Tabu. Me te mua tabea siki sakai, na pukuna te mua sara mua na bonina.

21 Ma Jesus te goi gagua vanira, Inau tu tona keha, migamu kau ke-neu, migamu kau nigi mate kolu na palumiu; igamu kau mua tanoimana na tona ta na bona tu ku va ga. 22 Ma rana Judea tara bosa mara gagua, Ke matea hegena? ge nia na bosa, Igamu kau mua tona ta na bona inan ku va ga, te gagua. 23 Ma gaia te goi bosa vanira, Igamu tau butuni i pari, minau i kokou; migamu tau va ta na maramana eni, mi nau tu mua va ta na maramana eni. 24 Na pukuna aeni inau tu bosa vanigamu, Igamu kau nigi mate kolu na palumiu, tu gagua. Migamu kau mua taluutuniu inau ke, kau nigi mate ko'u na palumiu. 25 Ma gaira tara bosa vania, mara gagua, Ahei igoe? Ma Jesus te gagua vanira, Te vaga keru tu tugunia vanigamu mai ta na vuivuni. 26 Na lei totoho te subo tagua ku bosai itamiu, muku detei. Ma gaia te vetenau mai te utuni; ma na hava tu ronovia itatana, na lei totoho kiri tu bosai vania na maramana. 27 Ma gaira tara mua manahana te bosa vanira na Mama. 28 Ma Jesus te gagua vanira, Kau talu galagaa na Dale tinoni, ge makau pukua inau agaia, minau tu mua nia hegegu siki totoho, me te vaga Tamagu te taraiu tua, minau tu bosa na lei totoho ini. 29 Ma gaia te vetenau mai te gahaa itagua; na Mama te mua lubatui na gahaa hegegu; na pukuna inau tu nei talaui na lei totoho te lionni. 30 Me te nia na bosa aeni, ma tara subo tara taluutunia.

31 Na pukuna aeni a Jesus te nia na bosa vaniadirana rana Judea tara taluutunia, Kau gahagamuso ta na bosagu ke, mi gamu sugua na nigua na Vaovarono; 32 migamu kau gilalaa na utuni, ma na utuni ke nigamu ge kau kabu tatavahale. 33 Ma gaira tara bosa vania, mara gagua, Igami rana kukuana Abarahama, tai mua

FLO.

kabu ruruguvagi mua tatana siki sakai; ma na hava to bosa, Igamu kau kabu tatavahale? 34 Ma Jesus te vanira, E utuni, e utuni, inau tu bosa vanigamu, ahei ke nia na tanotanodika ke, ma gaia te kabu popono ta na tanotanodika. 35 Ma gaia te kabu popono ke mua kabu kasila i vale; na Dale vamua ke kabu kasila. 36 Na Dale ke nigamu gekau tatavahale ke, me utuni kau tatavahale sugua. 37 Inau tu gila'agamu igamu rana kukuana Abarahamu; migamu tau kakaea na mateagu, na pukuna na bosagu te mua tatavahale ilokamiu. 38 Inau tu bosai na totoho tu rigigi tua ta Tamagu; migamu tau nei gua na totoho tau rigigi ta tamamiu. 39 Ma gaira tara bosa vania, mara gagua, A tamamami a Abarahama. Ma Jesus te vanira, Migamu na dalena Abarahama ke, ge ma kau nei na gehegehe nina Abarahama. 40 Mi taeni igamu tau kenea na mateagu, inau na tinoni tu bosa vanigamu na utuni tu ronovia itatana God. Ma Abarahama te mua nia te vagaa. 41 Igamu tau nia na nina gehegehe tamamiu. Ma gaira tara goi bosa vania, Igami tai mua sivuraga mai ta na tanodika; a tamamami sakai vamua God. 42 Ma Jesus te goi gagua vanira, Ge ke tamamiu God ke, ge makau doloviu inau; na pukuna inau tu rugu horu, maia tu va mai ta God; minau tu mua rugu horu hegegu, ma gaia te vetenau mai. 43 Egua ge au mua manahana nigua na tutugu? na pukuna igamu tau mua tanomana na varonohiana na bosagu. 44 Igamu tau va mai ta tamamiu a Satana; migamu tau lionna na neana na nina lio ni tanotanodika a tamamiu. Agaia te labu tabo ta na vuivuni mai, me mua tuguru ta na utuni, na pukuna na utuni te mua gahaa itatana. Me te bosa kikokiko ke, me bosa horui mai ta na lei nina totoho. Na pukuna agaia te kikokiko,

I

ma tamana na kikokiko. 45 Minau tu bosa utuni; ma na pukuna aeni igamu tau mua talutuniu. 46 Mahei itamui ke dete kaleu nia na tanohahi? Mi nau tu bosa utuni ke, megua geau mua talutuniu? 47 Ahei ke va mai ta God ke, ge meke ronovigi na bosana God; ma na pukuna aeni igamu tau mua ronovigi, igamu tau mua va mai ta God. 48 Ma rana Judea tara bosa vania mara gagua, Ma tai bosa uto sugua tai nia na bosa, Igoe na Samaria, ma na tidalo dika ilokamu? 49 Ma Jesus te gagua vanira, Te mua gahaa siki tidalo dika ilokagu; minau tu ganagana mavaa a Tamagu, migamu tau niu gari peepee inau. 50 Minau tu mua kakaea na ladagu hegegu: agaia iga ke kakaea, maia ke dete. 51 E utuni, e utuni, inau tu bosa vanigamu, Ahei ke panotia na bosagu ke, meke mua rigia tua na mate ke va me va. 52 Ma rana Judea tara gagua, I taeni vaho tai pukugo na tidalo dika sugua ilokamu. A Abarahama te mate tua, ma rana lei porovete tara mate; migoe to nia na bosa, Ahei ke panotia na bosagu ke, meke mua napi pilena na mate ke va me va. 53 Igoe to haba vaa a tamada Abarahama te mate tua, ma ra na lei porovete tara mate tua? Ahei igoe, geo gagua? 54 Ma Jesus te bosa vanira, me gagua, Ku ladavaginiu ke, ma nigua na lada ke taho; me te ladavaginiu vamu a Tamagu; migamu tau bosa agaia God igamu, tau nia. 55 Migamu tau mua gilala gaia, minau tu gilalaa; minau tu mua gilalaa ku gagua ke, minau ku vagagamu, ku kiko; minau tu gilala agaia, minau tu panotia na bosana. 56 A tamamui a Abarahama te nia togotogo na rigiana bonigu, mete vuhia rigia, me nia togo. 57 Ma rana Judea tara vania, Te mua poso mua e lima hanavulu na niulumu, moto rigia a Abarahama? 58 Ma Jesus

te vanira, E utuni, e utuni, inau tu bosa vanigamu, a Abarahama te mua sivuraga mai mua, minau tu pukulagi mai tua. 59 Ma gaira tara tabea na lei vatu, mara laga petaa. Ma Jesus te polo, me ruguhoru ta na Vale te Tabu, me liu potara, me tona padi ga.

IX.

1 Ma gaia te liu padi, me rigia na tinoni te nia sivuraga kolu na rorodo. 2 Ma rana nina Vaovarono tara, hua-tia, mara gagua, Tarai, ahei te tanohahi, gaia aeni pa tamana ma tinana, ge nia sivuraga kolu na rorodo? 3 Ma Jesus te vanira, Agaia te mua tanohahi, ma mua tamana ma tinana; ma na pukuna na nina gehegehe God ke fate itatana. 4 Me te doteu nia na gehetiana na nina gehegehe te vetenau mai, te dani mua; te dutu mai na boni, mahei ke mua tanomana na gehegehe ilokana. 5 Inau tu gahau mua ta na maramana inau na mararana na maramana. 6 Me te nia gua na bosa eni, me anusu horu ta na pari, me nia ge nenepa, ge pokea nia na matana te nia sivuraga kolu na rorodo. 7 Ge bosa vania, Tona, moko va sau ta na kolo Siloami, mi ta na bosa ni Gela ke, Tara vetena. Ma ge tona, me pulohi mai, te reirei. 8 Ma rana gana komu kolu, marahei gua tara rigi pukua tua idania te rorodo, tara gagua, Agaia lakamua aeni te sosopou me noni ka? 9 Ma na balu tara gagua, Agaia; ma na balu gua tara gagua, Te vagaa sugua; ma gaia te gagua. Inau. 10 Ma gaira tara bosa vania mara gagua, Ivei to gagua ge davoraa na matamu? 11 Ma ge gagua vanira agaia, Sakai na tinoni na ahana Jesus te nea na pari ge nenepa, me pokea nia na matagu, me gagua vani, Ko tona ta na kolo Siloami, ko sau ga; minau tu tona, mu sau,

mu reirei *ga*. 12 Mi vei *agaia*? ra vania. Me *gagua* *gaia*, U mua *gilala*.

13 Ma *gaia* tara *lavia* *vanira* rana *Varise*, *agaia* *keri* te *rorodo* tua *idania* ka. 14 Ma na *boni* *keri* a *Jesus* te *nea* na *pari* *ge* *nenepa*, me *davoraa* *nia* na *matana*, na *Boni* ni *aheahe*. 15 Ma rana *Varise* tara *goi* *huatia* *gua*, mara *gagua* *vania*, Ivei te *nia* na *goi* *reirei*? Ma *gaia* te *gagua*, Te *talua* na *pari* te *nenepa* ta na *matagu*, *minau* tu *saua* *vaho* mu *reirei*. 16 Ma na *balu* *Varise* tara *gagua*, Na *tinoni* *aeni* te *mua* va *butuni* mai ta *God*, te *mua* *vatogaa* na *Boni* ni *aheahe*. Ma ra *gagua* na *balu*, Na *tinoni* *tanotanodika* *ivei* ke *nia* na *gehetiani* na *lei* *vaugilala* *vagani*? Me *vuni* *ga* na *voka* *itadira*. 17 Ma *gaira* tara *goi* *bosa* *vania* te *rorodo* tua, mara *gagua*, Na *hava* ko *vatua* *nia* *agaia*? te *vadavoraa* na *matamu*? ra *vania*. Me *gagua*, *Agia* na *Porovete*. 18 Ma rana *Judea* tara *mua* *talutunia* na *rorodoana*, ma na *matana* *ge* te *goi* *reirei*, *polo* *gera* *vuha* *holora* mai *tamana* ma *tinana* te *goi* *reirei*. 19 Mara *huatira*, mara *gagua*, Na ro *dalemui* *aeni*, mi *rogamu* *toro* *bosa* te *nia* *sivuraga* *kolu* *sugua* na *rorodo*? *Mivei* te *gagua* *ge* *reirei* *itaeni*? 20 Ma *tamana* ma *tinana* *toro* *gagua*, *Rogami* *toro* *gilala* *sugua* *eni* na *rodalemami*, *maia* te *nia* *sivuraga* *kolu* *sugua* na *rorodo*. 21 *Mivei* *mua* te *gagua* *itaeni* *ge* *reirei* *toro* *mua* *gilala*; *mahei* *mua* te *vadavoraa* na *matana*, *irogami* *toro* *mua* *gilala*; te *sule* tua, *makau* *huatia*, *meke* *bosa* *hegena*, ro *gagua*. 22 Ma *tamana* ma *tinana* *toro* *nia* na *bosa* *eni*, na *pukuna* *rogaira* *toro* *matagunira* rana *Judea*: *agaira* rana *Judea* tara *bosa* tua na *guruhoruana* ta na *Vale* ni *sonikolu* ke *tuguni* *tatea* *gaia* a *Christ*. 23 Na *pukuna* *aeni* *tamana* ma *tinana* *toro* *nia* na *bosa*, Te *sule* tua, *kau* *huatia*, *gero* *gagua*. 24 Ma

gera *goi* *nia* na *holoana* mai *gua* te *rorodo* tua ka, mara *gagua* *vania*, Ko *kolohabaa* *God*: *igami* tai *gilala* na *tinoni* *eni* *agaia* na *tanotanodika*. 25 Ma *gaia* te *gagua* *vanira*, Inau tu *mua* *gilala* *gaia* te *tanotanodika* *pe* *taho*; ma *sakai* *vamua* na *totobo* tu *gilala*, inau tu *rorodo* tua, mi *taeni* *vaho* tu *reirei*. 26 Ma *gaira* tara *goi* *vania*, *Mivei* *sugua* te *nego*? *ivei* te *nea* na *vadavoraana* na *matamu*? 27 *Ge* *gagua* *vanira*, Nau tu *bosa* *vanigamu* tua, *nau* *mua* *ronoviu*; me *gagua* *geau* *liona* na *goi* *ronoviana* *gua*? *Migamu* *gua* tau *liona* na *varonoviana*? 28 Ma *gaira* tara *parinaginia*, mara *gagua*, *Igoe* to *varonovia* tua, *migami* tai *varonovia* *Mosesi*. 29 *Igami* tai *gilala* *God* te *bosa* *vania* *Mosesi*; ma *aeni*, *igami* tai *mua* *gilala* *ivei* te *butu* mai. 30 Na *tinoni* te *bosa* *vanira*, me *gagua*, *Eo*! Ma *eni* na *butuli*; *igamu* tau *mua* *gilala* *maivei* *agaia*, *mete* *vadavoraa* tua na *matagu*. 31 *Igita* ta *gilala* *God* te *mua* *ronovira* rana *tanotanodika*; *mahei* *vamua* te *nia* *kinima* *God* ke, me te *gehetia* na *liona*, ke *ronovia*. 32 Mi ta na *vuiyunina* mai *mua* te *mua* *ronovia* *mua* ki *sakai* *ahei* *teke* *vadavoraa* na *matana* *ahei* te *sivuraga* *kolu* na *rorodo*. 33 Ma *gaia* ke *mua* va *butuni* mai ta *God* ke, *ge* *meke* *mua* *nia* *tanomana* *siki* *totobo*. 34 Ma *gaira* tara *vania*, Na *tanotanodika* *vamua* to *nia* *sivuraga* *kolu*, *moko* mai *taraigami*? ra *vania*. Mara *soni* *horua*.

35 Ma *Jesus* te *ronovia* tara *soni* *horua*, me *kakae* *sodoo*, me *gagua* *vania*, To *talutunia* na *Dalena* *God*? 36 Me *gagua* *gaia*, *Ahei*, *Lord*, *geku* *talutunia*? 37 Ma *Jesus* te *bosa* *vania*, To *rigia* tua *gaia*, me te *bosa* *vanigo* *agaia*. 38 Me *gagua* *gaia*, *Lord*, inau tu *talutuni*, e *gagua*; me va *tualagi* *tuturu* *vania*. 39 Me *gagua* a *Jesus*, Inau tu mai ta na *mara*.

mana eni na pukuna na dete ; ma gaira tara mua reirei *ge* vaho kara reirei, ma *agaira* tara reirei kara rorodo. 40 Na balu Varise tara gahara itatana, mara ronovia na bosa eni, mara vania, Igami gua na rorodo ? 41 Ma Jesus te gagua vanira, Mi gamu kau rorodo ke, *ge* makau mua *tanotanodika* ; mi taeni tau gagua, Igami tai reirei, ma na pukuna aeni na niumu na *tano-tanodika* te gahai soo.

X.

1 E utuni, e utuni, inau tu bosa vanigamu, *agaia* ke mua hage ta na peo ni sipu ta na mataula, ma *gaia* te sei hage ta na bona keha, *agaia* na gito ma na labu polo. 2 Ma *gaia* vamua te liu hage ta na mataula, *agaia* na Vatoga sipu. 3 Te rigi taonia na mataula ke *hazavia* vania, ma na lei sipu tara ronovia na manana ; me sopa holoi na ahadia na nina sipu, me lavi horura i pari. 4 Me lavi horura na lei nina sipu ke, me hulira, ma na lei sipu tara taonia, na pukuna gaira tara gilalaa na manana. 5 Ma tara mua saritaonia na matakeha, mara keba vania, na pukuna tara mua gilalai na manadia rana matakeha. 6 A Jesus te bosa vanira na bosa vavagaha eni, ma gaira tara mua manahana na hava na lei totobo te bosai vanira.

7 Na pukuna aeni a Jesus te goi bosa vanira, me gagua, E utuni, e utuni, inau tu nia na bosa vaniamiu, Inau na Mataula ni sipu. 8 Ma gaira soko tara gide punisiu, *agaira* rana gito ma rana labu polo ; ma na lei sipu tara mua ronovigi na manadia. 9 Inau na mataula ; ahei ke liu hage itagua inau ke, me ke vola, meke hage meke horu, meke rigi sodoa na gana. 10 Na tinoni gito ke mai vamua *geke* gito meke labu meke dudurake ; minau tu mai tu

haga neri gekara tabea na vola, *ge* ma kara tabe aua. 11 Inau na Vatoga sipu te uto ; na Vatoga te uto te talu horua na volana na pukuna na lei sipu. 12 Ma *gaia* tara tabaa vamua, me mua vatoga sipu, me mua logoa na lei sipu, meke rigia na kau asi ke mai ke, meke lubatira rana sipu, meke sama keha ; ma na kau asi ke sogavira rana sipu, meke havukaginira soko. 13 Na mane taba ke tona, na pukuna *gaia* na mane taba vamua, me mua ganaganara na lei sipu. 14 Inau na Vatoga te uto ; mu tu manabadira ra nigua ; ma gaira rana nigua tara manahagu inau. 15 Te vaga na Mama te manahagu inau, te vaga eni inau tu manahana na Mama ; minau tu talu horua na volagu na pukuna na lei sipu. 16 Ma na nigua na balu sipu gua *iga*, ma ta na mua peo eni, ma gaira gua ku mua taho na laviadira mai ; ma kara ronovia na managu, me ke sakai vamua na ovu ni sipu me te vaovatoa a sakai vamua. 17 Na pukuna a Tamagu te doloviu, na pukuna inau tu talu horua na volagu geku lavi galagaa gua. 18 Taho siki sakai ke lavi kehaa itagua, minau tu talu horua tigu-gu. Minau tu mana na talu horuana, minau tu mana gua na talu galagaana. Nau tu lavia na ronoro no ni vetena aeni itatana Tamagu.

19 Me goi vuni *ga* na voka itadira rana Judea na pukuna na lei bosa ini. 20 Ma na balu tadira tara subo tara gagua, Na tidalo dika itatana, te bulelaginia ; e gua *geau* ronovia ? ra gagua. 21 Ma na balu tara gagua, Na lei bosana e mua bosana *agaia* na tidalo dika ilokana. Na tidalo dika ke *tanomana* na vadavorai na matedira na rorodo ?

22 Ma na Gougou na Vatei vamarabuana na Vale te tabu te sara tua, mi ta na rara. 23 Ma Jesus te tona

olioli ta na Bona te tabu ta na vale levu nina Solomona. 24 Ma rana Judea tara kokoluvu taligutia, mara gagua vania, E naha mua na boni iga moko goi nigami makai ganagana ruarua? Migoe sugua a Christ ke, moko tuguni vanigami ta na mata ni tinoni. 25 Ma Jesus te bosa vanira, me gagua, Inau tu bosa vanigamu tua, mau mua taluutuni. Na lei gehegehe inau tu nigi ta na ahana Tamagu, te tuguniu. 26 Migamu tau mua taluutuni, na pukuna igamu tau mua gahagamu ta nigua na sipu, te vaga tu bosa vanigamu tua. 27 Na lei nigua na sipu tara ronovia na managu, minau tu gilalara agaira, ma gaira tara taoniu. 28 Minau tu vahera na maurihali, ma gaira kara mua mate ke vaa me vaa; meke mua tanomana na saguadira siki sakai ta na limagu. 29 A Tamagu te soni halavura vaniu mai, te haba va tadira soko; meke mua tanomana na saguadira siki sakai ta na limana Tamagu. 30 Irogami a Tamagu a sakai vamua. 31 Ma rana Judea tara goi tabea gua na vatu, tara haga petaa. 32 Maia Jesus te vanira, Inau tu tatea vanigamu mai ta Tamagu na lei gehegehe uto te subo; ma na hava na gehegehe vagana kau petau nia? 33 Ma rana Judea tara goi bosa vania, mara gagua, Igami tai mua haga petago nia na gehegehe te uto; ma nimua na bosa tabo vamua; mi goe na tinoni, moto haga nigo geo God. 34 Ma Jesus te vanira, Te gere a ta nimiu na Ronorono pe taho, te vaga eni? Nau tu bosa tua igamu rana lei God. 35 Me ke va holora nia na lei God ke, na bosana God te mai tua itadira; ma na gegere te mua tanomana na dila; 36 ma agaia God te tabua tua, ge vetenaa mai ta na maramana, migamu tau bosa, Te bosa tabo, na pukuna nau tu nia na bosa, Inau na Dalena God? 37 Ma geku mua nigi

na lei nina gehegehe a Tamagu kau bei taluutuniu. 38 Minau ku nigi ke, ma kau mua taluutuniu inau ke, ma kau taluutunigi na lei gehegehe; go ma kau gilala ma kau taluutunia na Mama i tagua inau, minau itatana agaia. 39 Ma na pukuna aeni tara kenea na lotiana, ma gaia te tona keha ta na limadira.

40 Me goi tona gua i levuna i Joridani ta na bona vagana te diki vulitabu ga a John; me gahaa ga. 41 Ma na lei tinoni te subo tara va tatana ga, mara gagua, A John te mua gehetia siki butuli; ma na lei totobo te bosai tatana na tinoni aeni te utuni. 42 Ma tara subo tara taluutunia ga.

XI.

1 Ma siki tinoni te vahagi i Betania, na ahana a Lasarusu, ta na ro komudia a Meri ma hogona a Marata. 2 A Meri vagana eni te dalovia nia na tuana Lord na kokolo, me guduri mamahi na tuana nia na uluna, na na vavinena aeni te vahagi. 3 Ma rana vavinena toro vetena siki sakai na va vaniana, Lord, agaia to dolovia te vahagi. 4 Ma Jesus te ronovia, me gagua, Na vahagi keru te mua manana na mate: ma na pukuna na mararana God, ge na Dalena God ke nia marara. 5 Ma Jesus te dolovira a Meri ma na hogona, ma tolugaira a Lasarusu. 6 Me te ronovia te vahagi, me gahaa nina soo e rua na boni ta na bona vagana te gahaa ga. 7 Me soko, te vanira rana Vaovarono, Ka pulohi gua i Judea. 8 Ma rana Vaovarono tara vania, Rabi, rana Judea tara tagiha kenego vasoo ge kara petago, moko goi va nimua soo ga? 9 Na Jesus te bosa vanira, E mua hanavulu me sara e rua na bona ta sakai na dani? Mahei ke tona kolili ta na dani ke meke mua kabalagi, na pukuna te rigia na marara ta na

maramana eni, 10 Mahei ke tona kolili te boni ke, ke kabalagi, na pukuna na marara te taho ilokana. 11 Me te nigi ga na bosa ini, ge bosa vanira, me gagua, A kulada Lasarusu te maturu tua, minau ku gatu geku vararahia. 12 Ma rana Vaovarono tara vania, Lord, ke maturu ke, meke vola sono. 13 Ma Jesus te bosa na mateana, ma gaira tara ganagana te bosa te ahehe ta na maturu. 14 Ma na pukuna aeni a Jesus te bosa tatea vanira, me gagua, A Lasarusu te mate. 15 Mi nau tu nia togo na pukuna inau tu mua gahau ga, gekau tanomana na taluntuni; migita ka gatu varigia. 16 Ma Tomasi, tara holoa nia gua Didimusi, te gagua vanira na lei Vaovarono ra na gana udu, Migita gua ka gatu, geka mate kolu itatana.

17 Ma Jesus te sara, me gilala e vati tua na bonina ta na gilu. 18 Mi Betania te dutuvia i Jerusalema, te vaga hazavulu lima na bona. 19 Me te subo rana Judea tara varigira rogaira Marata ma Meri, tara haga va togoluvui na ro liodira, na pukuna na ro vavinedia. 20 Ma Marata te ronovia a Jesus te dutu mai tua, me va sodoa; ma Meri te sopou soo ta na vale. 21 Ma Marata te bosa vania Jesus me gagua, Lord, ko gahago iani ke, ge meke mua mate na vavinegu. 22 Minau tu gilala gua itaeni to konia siki totoho itatana God ke, ma God ke vahago mai. 23 Ma Jesus te vania, Na vavinemu ke tuguru oli. 24 Me gagua a Marata, Inau tu gilalaa ke tuguru oli ta na sosoko ni boni ta na Tuguru oli mavitu. 25 Ma Jesus te vania, Inau na Tuguru oli ma na Vola; ahei ke talutunui, me ke mate ke, ke goi vola. 26 Mahei ke vola meke talutunui ke, ke mua mate ta na niha ke vaa me vaa. Moto talutunia eni? 27 Me gagua vania, Eo, Lord, inau

tu talutunigo igoe a Christ na Dalena God, to mai ta na maramana. 28 Me te ne sokoa gua na bosa, ge tona keha, me va holopua mai hogona a Meri, me vania, A Tarai aeni, e vania, me hologo gatu. 29 Ma gaia te ronovia, me mina tuguru, me va rigia. 30 Ma Jesus te mua sara mua ta na komu, te gahaa sono ta na bona te va sodoa tua ga a Marata. 31 Ma rana Judea tara gahara itatana ta na vale, tara va togoluvua na liona, mara rigia a Meri te mina tutuguru me rugu horu, mara saritaonia, mara bosa, Te haga tona ta na gilul meke tani ga. 32 Ma Meri te va sara ta na bona a Jesus te gahaa ga, te rigia, me va pogotao ta na tuana, ge vania, Lord, geko gahago iani ke, ge meke mua mate vavinegu, e gagua. 33 Ma Jesus te rigia te tani, me rigira gua rana Judea tara nia udu kolu mai tara tani, me vahagitailia ta na tarunana, me te dika na liona. 34 Me gagua, Ivei tau talua? Mara gagua agaira, Lord, ko mai rigia. 35 A Jesus te tani. 36 Rana Judea tara bosa mara gagua, Rigia, te dolovi nanataa. 37 Ma na balu tadira tara bosa Aeni te davoraa tua na matana te rorodo, meke mua mana na punusia na mate ta na tinoni eni? ra gagua. 38 Ma na tarunana Jesus te vahagitailia gua, me tona me va sara ta na gilul. Na vatuluma, ma na vatu te pipili vuvunana. 39 Ma Jesus te gagua, Hola kelaa na vatu. Me gagua a Marata, na vavinena na tinoni mate, Lord, te mabulu tua, e vati tua na bonina te mate. 40 Ma Jesus te vania, Nau tu mua bosa vanigo te vaga, Moko ta'utuni ke, moko rigia na niina mararana God? 41 Ma gaira tara hola kelaa na vatu ta na malana na tinoni mate te pipili ga. Ma Jesus te rei tada na matana, me gagua, Mama! inau tu bosa utogo igoe to ronoviu. 42 Mi nau tu gilala

igoe to varonoviu haia ; minau tu bosa na pukuna na vure eni te tuguru taligutiu, ge makara talulunigo to vetenau mai. 43 Me te nia na bosa eni, ge nia gaogahe galaga na niana te sule me gagua, Lasarusu, ruguhoru mai ! 44 Ma na tinoni mate te ruguhoru mai, tara pului sono na linana ma na tuana nia na tivi, mara pitia nia na matana na tivi ni kaikari. Ma Jesus te gagua vanira, Togia, makau lubatia meke tona.

45 Ma rana Judea tara subo tara diki varigia tua a Meri, tara vaevanea na nina gehegehe Jesus, mara taluutunia. 46 Ma na balu tara va rigira rana Varise, mara bosai vanira na gehegehe te nei tua a Jesus.

47 Na pukuna aeni rana Puku ni Sukagi, ma rana Varise, tara holo kolua mai na Ovu ni dete, mara gagua, Ivei ka nia ? Na tinoni eni te nei na lei butuli te subo. 48 Ma ka lubatia te vaga ke, ma na vure soko ke taluutunia ; ma rana Roma kara mai, ma kara lavikehaa na malada, ma na vure soko. 49 Ma sakai itadira, a Kaiavasi na Puku ni Sukagi ta na niulu vagana, te gagua vanira, Igamu tau mua gilala, 50 migamu tau mua ganagana dila vagua, aeni te uto vanigita, ge ma sakai vasa na tinoni ke mate tugua na komu, ma na vure soko kara mua tagara ga. 51 Me te mua nia tovonu na bosa ; ma gaia na Puku ni Sukagi ta na niulu vagana me te bosa dilaa na mateana a Jesus te dutu tua, na pukuna na vure ta na komuna. 52 Ma mua gaira vamua ta na komu keri, me teke vahikolura rana lei dalona God tara havukagi tua. 53 Mi ta na boni vagana keri vaho tara nia bosa kolu na mateana.

54 Na pukuna aeni o Jesus te mua goi tona olioli ta na mata ni tinoni itadia rana Judea ; me tona keha ta na bona te dutuvia na bona aroha, ta

na baebase ni komu tara vatua nia Evaraimi, me gahaa ga tadira rana lei nina Vaovarano. 55 Ma na didira na Lovovule rana Judea te dutu mai, ma tara subo tara dato i Jerusalema, tara butu mai ta na komu udolu te mua Lovovule mua, tara haga vamarabura tigatedia. 56 Ma gaira tara kakaea Jesus, mara tuguru ni bosa kolu ta na Bona te tabu mara gagua, Na hava tau ganagana ? ke mua mai ta na Gougou ? ara gagua. 57 Ma rana Puku ni Sukagi ma rana Varise tara talua tua na vetena, mara gagua, ahei ke gilala ivei te gahaa ke, meka tugunia, ge kara lotia.

XII.

1 Me ono mua na boni iga na Lovovule, ma Jesus te tona i Betania, ma Lasarusi ga, agaia te mate tua, ma Jesus te tuguruvaginia tadira tara mate. 2 Ma gaira tara gonja ga na vana, ma Marata te mai lagalaga, ma sakai itadira tara koli koukolu ga a Lasarusi. 3 Ma Meri te tabea na vatei daodalo te vahola nanata, me mai daodaloo nia na tuana Jesus, me guduri mamaha na tuana nia na uluna ; ma na vale te vonugia na uru ni vatei daodalo. 4 Ma sakai tadira rana Vaovarano, a Judasi Iskarioti, na dalena Simoni, agaia teke peroa, te gagua, 5 Eguu gera mua hunulua na vatei daodalo eni nia na rono te ke tolu na hanalatu, ma ge kara vahera rana bosa ? 6 Me te nia na bosa eni, na mua pukuna te nira kanoraga rana tinoni bona, ma na pukuna agaia na gito, maia na kei ni rono itatana, mete lavi kehai na lei toতোবো tara talui ilokana. 7 Me gagua a Jesus, Ko lubatia, te rigitaonia tua aeni ta na boni kara bekuu ilokana. 8 Na lei tinoni bona tara gaha kasilira itamui ; minau ku mua gahau kasila itamui.

9 Ma tara subo rana Judea tara gilala agaia iga, ma gaira tara mua va ga na pukuna Jesus vamua, ma tara haga rigia gua a Lasarusi te tuguruvaginia tua itadira tara mate. 10 Ma rana lei Puku ni Sukagi tara goi bosa na mateana a Lasarusi gua. 11 Na pukuna rana Judea tara tona keha na pukuna gaia, mara taluutunia a Jesus.

12 Me te roropogana na vure te subo te tona ta na Gougou, me ronovia na maiana i Jerusalema a Jesus, 13 mara lavia na lei gaba ni niuniu, mara ruguhoru gera vasodoa nia, mara ninili mara gagua, Hosana, bosa utoa te mai ta na ahana Lord, na Vunagidira rana Israeli. 14 Ma Jesus te rigi sodoa na pile asi, me sopou ivuvunana, te vaga tara nia tua na gegereana, 15 Ko bei matagu na Dalei Sioni vaivine, ko rigia mai, na Vunagimu te mai, te sopou ivuvunana na dalena na asi. 16 Ma rana Vaavarono tara mua diki gilalai mua iui; ma vaho a Jesus te lada tua, ge ra vuha puku oligi na lei totobo ini tara gegerei nia tua idania, ma gaira tara nei vania. 17 Ma na vure te tuguni tatea agaia, tara gahara tua itatana te holohorna a Lasarusi ta na gilua, te tuguruvaginia. 18 Na pukuna aeni na vure te va sodoa gaia, agaira tara ronovia tua te nea na vaugilala eni. Ma gaira rana Varise tara bosabosa kolu mara gagua, Igamu tau mua rigia geau mua nia tamomaga? ma na maramana te tona va tumuria tua. 19 Ma na balu tinoni ni Girekia tara dato mai tara haga kokoeliulivuti ta na Gougou.

20 Ma gaira tara va rigia a Vilipi ni Betesaida i Galilea, mara nomia mara gagua, 21 Magutu, igami tai liona na rigiana a Jesus. 22 A Vilipi te tona, me va bosa vania a Aderu, ma Aderu ma Vilipi toro va bosa vania a Jesus. 23 Ma Jesus te gagua

vanira, Te sara tua na boni na Dalei tinoni ke lada ilokana. 24 E utuni, e utuni, inau tu bosa vanigamu, Na vua ni koni ke mua kutu ta na pari, meke mua mate, ke gahaa hegena; me ke mate mugua, geke talua na lei vavana te subo. 25 Ahei ke pabea na volana ke va tagalaginia; mahei ke nia siki na volana ta na maramana eni, ke lavi panotia ta na maurihali. 26 Ahei ke haga lutu vaniu ke, ke taoniu; muku gahau ivei ke, ma na nigua na tinoni ke gahaa gua ga; mahei teke va lutu vaniu, na Mama ke ganagana sulea agaia. 27 Itaceni na tarunagu te gunaguna, ma na hava ku bosa? Mama! ko vavolau ta na bona ni boni eni; ma na pukuna aeni inau tu sara mai tua ta na bona ni boni eni. 28 Mama! ko va ladavaginia na ahamu. Ma na mana te ruguhoru mai i kokou te gagua, Nau tu ladavaginia tua, muku goi ladavaginia gua. 29 Ma na vure tara tuguru dutu tara ronovia, mara gagua, Te viviha; ma na balu gua tara gagua, Na Taruna vetena te bosa vania. 30 Ma Jesus te vanira me gagua, Na mana eni te mua ruguhoru mai na pukuna inau, migamu vamua. 31 Itaceni na deteana na maramana eni; itaceni ke soni kehaa na vunagina na maramana eni. 32 Mi nau, ge ke lavigalagau ta na pari ke, vaho ku saurura mai tagua na lei tinoni soko. 33 Me te nia na bosa eni, te vaugilalaa na mate ivei ke nia na mate. 34 Ma na vure te vania, Igami tai ronovia ta na Ronorono a Christ ke galta kasilaa, ma na hava to bosa, Kara lavi galagaa na Dale tinoni? to gagua. Mahei na Dale tinoni keru? 35 Ma Jesus te gagua vanira, Na bona ku kulu vamua na marara ke gahaa ita miu. Kau tona soo na marara te gahaa mua itamiu, ke bei kuviligamu gea na puzi; ahei ke tona ta na puzi te mua gilala ivei ke va. 36 Ma na

marara te gahaa mua itamiu, makau taluutunia na marara ma gekau nia dalei marara.

A Jesus te nia vaso na bosa soko eni, ge tona, me va polopolo vanira. 37 Me te nia na lei vaugilala te sule te vaga eni ta na matadira, ma gaira tara mua taluutunia. 38 Na pukuna vaho te kale na bosana a Isaia na porovete te bosaa, me gagua, Lord, ahei te taluutunia na bosamami, ma na limana Lord te livulagi vania ahei? 39 Ma na pukuna kerī gaira tara mua tanomana na taluutuniana: na pukuna Isaia te nia gua na bosa, 40 Te punihigi tua na matadira, me nasiligi na tobadira, kara bei nigi reirei gea na matadira, ma kara bei manamanaha gea ta na tobadira, ma kara pulohi vaho geku vavolara. 41 A Isaia te nigi na lei bosa ini te rigia na mararana, mete bosaa gaia. 42 Ma rana haba tara subo tara taluutunia, ma tara mua tuguni tatea, na pukuna rana lei Varise kara bei guruhorura gea ta na Vale ni Sonikolu. 43 Tara liona na lei tinoni kara talunagora, mara mua liona God ke talunagora.

44 Ma Jesus te bosa galaga me gagua, Ahei ke taluutunui, te mua taluutunui vamua, me te taluutunia te vetenau mai. 45 Mahei te vacvanau inau, te vacvanua gua te vetenau mai. 46 Inau tu mai marara ta na maramana, na pukuna ahei ke taluutunui meke mua gahaa ta na puni. 47 Ahei ke ronovigi na bosagu meke mua taluutunigi, i mua nau ku detea; na pukuna tu mua nia mai na deteana na maramana, na na vavolaana vanua na maramana. 48 Ahei teke hovegu, pa hei teke mua tabea na bosagu, ma na lava gua ke detea. Na bosa inau tu bosaa, na bosa kerī ke detea ta na sosoko ni boni. 49 Na pukuna tu mua bosa hegegu tua, ma na Mama sugua te vetenau mai, agaia

te vaheu mai na ronoronona na lei to-tobo geku bosai, mu tuku tugunigi. 50 Mi nau tu gilala na ronoronona na maurihali; ma na to-tobo inau tu tuguni, te vaga na Mama te bosai vaniu tua, inau tu tuguni te vagai ini.

XIII.

1 Mi nagona Gougou ni Lovovule, ma Jesus te gilala te dutu tua na bonina teke tona keha tana maramana eni meke va rigia a Tamana; me dolovira na lei nina tinoni tara gahara ta na maramana eni, me dolovira me sara ta na sosoko. 2 Mi ta na vana; ma Satana te talua tua na ganagana ta na kutuna a Judasi Isakarioti na dalena Simoni geke peroa. 3 Ma Jesus te gilala a Tamana te talua tua na lei tatobo soko ta na limana, maia te ruguhoru mai ta God, maia ke goi pulohi gatu varigia God; 4 me tuguru ta na vana, me talu kehaa nina tivi, me tabea na tivi ni kaikari, me pipisia na. 5 Soko, te kovala horua na beti ta na popo, me vuivunia na apoani na tuadira rana Vaovarono, me guduri mamalai nia na tivi te nia pipisi. 6 Me sara ta Simon Peter; ma gaia te gagua vania, Lord, ko apoi na tuagu? 7 Ma Jesus te gagua vania, To mua gilala mua na to-tobo tu kabaria, mi ta na niha vaho ko manahana. 8 Ma Peter te gagua vania, Ko mua apoa na tuagu. Jesus te gagua vania, Ku mua apogo ke, moko mua vaukolu i tagua, e vania. 9 Ma Simoni Petere te vania, Lord, ke bei tuagu vaso, ma na limagu gua ma na ulugu. 10 Ma Jesus te gagua vania, Na tinoni te siu tua, meke apoa na tuana vaso, me marabu soko; migamu tau marabu, mi mua gamu soko. 11 Na pukuna te gilalaa teke peroa; na pukuna kerī te nia na bosa, Tau mua marabu soko.

12 Me apo sokoi na tuadira, me goi sikomia gua na nina tivi, me goi koli gua, me bosa vanira, Tau manahana pe taho na tootobo tu nia vanigamu? 13 Igamu tau holou, nia, Tarai, ma Lord; migamu tau bosa utuni, inau sugua te vagaa. 14 Mi nau a Lord ma na Tarai tu apoi na tuamui, ma kau nia gua ga na veiapoani na tuamui. 15 Inau tu vahegamu na nilibu, mete vaga tu nia vanigamu tua, ge ma kau nia gua te vaga eni. 16 E utuni, e utuni, inau tu bosa vanigamu, Na tinoni lutu te mua haba vulea na magutuna, maia te ronovi vetena te mua haba vulea te vetenaa. 17 Ge takau gilalai na lei tootobo ini, makau nia togotogo na kabaiiani. 18 Nau tu mua bosagamu soko; inau tu gilalala inau tu vilira tua, ma vaho ke kalei na gegere te gagua, Agaia te gania na bereti itagua te talugalagaa vaniu na borokasi ni tuana. 19 Ma vaho i taeni tu tugunia vanigamu, te mua sara mua; me ke sara ta na niha, makau talutunui inau sugua agaia. 20 E utuni, e utuni, inau tu bosa vanigamu, Ahei te holo panotia tuku vetenaa gatu, te holo panotiu inau; mahei te holo panotiu inau, ke holo panotia gua te vetenau mai.

21 Ma Jesus te nia vaso na bosa soko eni, ma na tarunana te gunaguna, me vuha tutugunu tate, me gagua, E utuni, e utuni, inau tu bosa vanigamu, sakai itamui ke perou. 22 Ma rana lei Vaovarono tara sopa vei vaevanei, mara sopa ganagana rua rua ahei ka te bosaa. 23 Ma sakai na Vaovarono te koli varava ta na aheahena Jesus, a Jesus te dolovia. 24 Ma Simoni Petere te tonagi vania va meke huatia e nia, ahei sugua te bosaa. 25 Ma gaia te ulu va ta na aheahena Jesus me gagua, Lord, ahei? 26 Ma Jesus te gagua vania, Agaia keru inau tu vahea na pile vana tu lumia. Ma ge lumia na pile

vana, me vahea va a Judasi Isakarioti na dalena Simoni. 27 Mi murina na pile vana vaho te va hage a Satana itatana. Na pukuna aeni a Jesus te gagua vania, Ko mina nia na tootobo to haga kabaria. 28 Mo taho sakai itadira tara koukolu ta na vana te manahana na pukuna te bosa vania nia. 29 Ma na balu tara ganagana, ne pukuna lakamua a Judasi te panotia na kei ni rono, ge bosa vania a Jesus, Ko sabiri dida na tootobo ni Gougou, pe teke vahera siki tootobo rana tinoni bona. 30 Ma gaia te tabea tua na pile vana, me mina ruguhoru; me puzi tua.

31 Ge gagua a Jesus, Itaeni te valadavaginia na Dale tinoni, me valadavaginia God itatana gaia. 32 Me te valadavaginia itatana agaia ke, ma God ke valadavaginia itatana hegena agaia, meke miua meke valadavaginia. 33 Gau ra dalegu, ke pile mua na bona tuku gahau itamui. Makau kakaeu, me te vaga tu nia tua na bosa vaniadirana rana Judea, takau mua tanomana na va sara ta na bona ku va ga, mitaeni gua tu bosa vanigamu te vaga. 34 Na ronorofo te vaolu nau tu vahegamu, ge makau vei dolovi vasa; me te vaga inau tu dolovigamu, ge makau nia gua na vei dolovi te vaga. 35 Ma vaho na lei tinoni soko kara gilalagamu igamu na nigua na Vaovorono, na vei dolofo sugua te gahaa itamui. 36 Ma Simoni Petere te bosa vania, me gagua, Lord, ivoi ko va? Me gagua gaia a Jesus, Ko mua tanomana na saritaonigu itaeni ku va ga; mi ta na niha vaho ko saritaoniu. 37 Me gagua vania a Petere, Lord, egua geku mua tanomana saritaonigo itaeni? Minau ku talu horua na volagu na pukuna igoe. 38 Ma Jesus te gagua vania, Ko talu horua na volamu na pukuna inau? E utuni, e utuni, inau tu bosa vanigo, Ke mua

tani mua na kokoroko, me tolu tua na niu huguagu.

XIV.

1 Ke bei *gunaguna* na kutumiu ; tau taluutuniu God, ma kau taluutuniu inau. 2 Te subo na voki ta na valena *Tamagu*, pe ke mua *gagua* ke, mutu bosa vanigamu ; minau ku tona muku mabo kasunia vanigamu na bona. 3 Minau ku tona mu ku va mabo kasunia vanigamu na bona, muku goi pulohi mai *gua*, muku mai lavigamu va *itagua* ; mu ku gahau *ga* ke, igamu *gua ga*. 4 Ma kau *gilalaa* na bona tu va *ga*, makau *gilalaa* *gua* na halautu. 5 Ma *Tomasi* te *gagua* vania, Lord, tai mua *gilalaa* na bona toko va *ga*, mivei kai nia *tanomana* na *gilalaana* na halautu ? 6 Ma *Jesus* te *gagua* vania, Inau na halautu ma na utuni, ma na vola : ke mua varigia na *Mama* siki sakai teke mua liu *itagua*. 7 Igamu kau manahagu ke, makau manahana *gua* na *Mama* ; mi taeni tau vuha manahana *gaia*, migamu tau vaevanea tua. 8 Ma *Vilipi* te *gagua* vania, Magutu, ko tatea vanigami na *Mana*, meke manamami. 9 Ma *Jesus* te *gagua* vania, Inau tu gaha kasilau mai itamui, Vilipi, mo mua manahagu mua ? Ahei te vaevaneu tua inau te vaevanea *gua* na *Mama*. Mivei to nia na bosa, Ko tatea vanigami na *Mama*, to *gagua* ? 10 To mua taluutuniu inau ta na *Mama*, ma na *Mama* *itagua* inau ? Ma lei bosa tu bosai vanigamu, nau tu mua bosa hegegu ; ma na *Mama* te gahaa *itagua*, agaia te nigi na lei *gehegehe*. 11 Kau taluutuniu inau ta na *Mama*, ma na *Mama* *itagua* inau ; meke taho ke, makau taluutuniu na *pukuna* vamuua na lei *gehegehe*. 12 E utuni, e utuni, inau tu bosa vanigamu, Ahei ke taluutuniu ke, na lei *gehegehe* tu nigi tua teke nei *gua* agaia ; me ke

nigi teke *sule* va ta na lei *gehegehe* ini, na *pukuna* inau tu varigia *Tamagu*. 13 Ma na totoho kau *nonia* ta na *ahagu* inau ku nia, ge meke lada na *Mama* ta na *Dale*. 14 Kau *nonia* siki totoho ta na *ahagu* ke, muku nia. 15 Migamu kau doloviu inau ke, makau *panotia* na lei *nigua* na *Ronoro* ni *vetena*. 16 Mi nau ku *nonia* ta na *Mama*, meke vahegamu na ruani na *Patupatu*, geke kabu kasila i tamui ; 17 na *Taruna* ni utuni ; na maramana te mua *tano* mana na *laviana*, na *pukuna* te mua *rigia*, maia te mua *manahanaa* ; migamu tau manahanaa, na *pukuna* agaia te gahaa itamui, maia ke kabu ilokamui. 18 Nau ku mua tona *sannigamu* ge kau dalei samu, muku goi pulohi mai *rigigamu* soo. 19 Ke mua hau na maramana ke mua *rigiu* *gua* inau ; migamu vamuua kau *rigiu* ; na *pukuna* inau tu vola, migamu kau vola *gua*. 20 Ta na bozi keri igamu kau manahana inau ta *Tamagu*, migamu *itagua* inau, minau i tamui igamu. 21 Ahei ke tatea meke *panotia* na lei *nigua* na *Ronoro* ni *vetena* ke, agaia te doloviu ; mahei ke doloviu inau ke, a *Tamagu* ke dolovia, mi nau *gua* ku dolovia, minau ku tugini tateu vania. 22 Ma *Juda*, e mua *Isakarioti*, te *gagua* vania, Na hava to bosa toko *haga* tatego vanigami vamuua, me taho vania na maramana ? 23 Ma *Jesus* te *gagua* vania, Ahei ke doloviu ke, meke *panotia* na bosagu, a *Tamagu* ke dolovia, mi rogamu koro va itatana, mo koro va kabu itatana. 24 Ma hei teke mua doloviu, ke mua *panotigi* na lei bosagu ; ma na bosa tau ronovigi na mua bosagu, na bosana na *Mama* vamuua te *vetenau* mai.

25 Mi nau tu nia tua na bosa ini vaniamui, inau tu gahau mua itamui ; 26 ma na *Patupatu*, na *Taruna* te *Tabu*, na *Mama* ke *vetena* mai ta na

ahagu, agaia vaho ke taraigamu nia na lei totobo soko, meke madalai ta na liomiu na lei totobo tu bosai vanigamu tua. 27 Inau tu lubatia na mabo vanigamu; inau tu vahegamu nigua na mabo; te mua vaga na maramana te nia hevei, tu vahegamu inau. Na kutumiu ke bei gunaguna, me ke bei matagu. 28 Igamu tau ronovia tua tu nia na bosa vaniamiu, Nau ku tona muku goi mai rigiamiu gua. Ma kau doloviu ke, makau nia togotogo inau tu bosa tua, Ku varigia na Mama; na pukuna agaia Tamagu te haba vaa itagua. 29 Mi taeni nau tu bosa dila vanigamu te mua sara mua, me teke sara vaho gekau talutuni. 30 Minau ku mua bosa daro vanigamu gua. Ma vunagi ni maramana eni te mai, me mua topoa siki nina totobo itagua. 31 Ma na pukuna na maramana ke pukua inau tu dolovia na Mama, me te vaga na Mama te vetenau nia, minau tu nia te vagaa. Tuguru, ma ka tona keha.

XV.

1 Inau na Vaini te utuni, ma Tamagu na mane ni lutu ta na legai. 2 Ma na gaegame itagua ke mua vanaga ke sonia; ma na gaegame te vanaga ke, agaia ke manatia geke vuvunuga vaa. 3 Me va marabugamu tua igamu na pukuna na bosa tu bosaa vanigamu tua. 4 Kau gahagamu itagua inau, ni nau itamui igamu. Te vaga na gaegame ke mua tano-mana na vanaga hegena, ke mua gahaa ta na vaini ke, migamu te vaga gua, kau mua gahagamu itagua. 5 Inau na Vaini, migamu na lei gaegame. Mahei ke ba gahaa itagua, minau ku gahau itatana, ma gaia ke vuvunuga; na pukuna kau kabu sagauvui ke, makau mua nia tano-mana siki totobo. 6 Mahei ke mua gahaa itagua inau ke, te soni kehaa

tua te vaga na gaeguine, mete sesebe; makara vahi kolui, makara sonigi ta na lake, me ke vavu. 7 Ge kau gahagamu itagua ke, me ke gahai ilokamui na lei bosagu, kau nonia na totobo tau liona ke, meke vahegamu. 8 Itaeni vaho a Tamagu te lada tua, migamu kau vuvunuga; migamu kau nigua na Vaovarono. 9 Te vaga na Mama te doloviu, te vaga gua aeni tu nia na doloviamiu; ma kau gahagamu ta nigua na dolo. 10 Kau panotia na nigua na lei Ronorono ni vetena ke, ge makau gahagamu ta nigua na dolo; te vaga inau tu panotia na lei nina Ronorono ni vetena a Tamagu, minau tu gahau ta na nina dolo. 11 Minau tu nia na bosa vaniamiu eni, ge meke gahaa itamui na nigua na togotogo; ma ge meke vonu gua na nimui na togotogo. 12 Ma eni na nigua na Ronorono ni vetena ge ma kau vei dolovigamu, te vaga inau tu dolovigamu tua. 13 Te mua gahaa ta siki sakai na dolo te sule vaa i tatana na tinoni ke talu horua na volana na pukuna rana lei kulana. 14 Migamu rana lei kulagu, ge makau kabarigi na lei totobo tu vetenagamu nia. 15 Mi taeni tu mua hologamu nia na mane ronovi vetena; na pukuna na mane ronovi vetena te mua gilala na hava ke kabaria na magutuna; minau tu hologamu nia rana kulagu, na pukuna nau tu nigamu geau gilalai na lei totobo tu ronovigi tua ta Tamagu. 16 Igamu tau mua vilu, minau vama tu viligamu, minau tu talugamu gekau tona haliu, ma gekau vanaga, ma ge na vuavuiamui ke kau; ma ge a Tamagu ke vahegamu gatu na lei totobo kau nonia ta na ahagu. 17 Nau tu nia na vetenamui eni ge makau sopa vei dolovigamu hegemiu. 18 Ke nigamu sika na maramana ke, makau manahaua gua te diki niu sika tua inau. 19 Ge igamu kau ruguhoru

mai ta na maramana ke, na maramana ke dolovia nina; migamu tau mua ruguhoru mai ta na maramana, minau tu viligamu tua ta na maramana, ma na pukuna aeni na maramana te nigau sika. 20 Kau ganagana olia na bosa tu bosaa vanigamu tua, Na mane ronovi vetena te mua haba vaa itatana na magutuna. Ma kara kanahaginiu ke, nia kara kanahaginiu gaa; makara va panotia na bosagu ke, makara panotia gua na bosamiu. 21 Ma kara nia vanigamu na lei toboho ini na pukuna na aliagu, tira mua gilala te vetenau mai. 22 Nau ku mua mai, muku mua bosa vanira, te mua paludia; ma vaho itaeni tara mua tanomina na nigi hugu na paludia. 23 Ahei te niu sika, te nia sika gua a Tamagu. 24 Muku mua nigi itadira na lei gehegehe, meke mua ahei ke keha te nigi, meke mua paludia; mi taeni tara rigigami, mara nigami sika i rogami Tamagu. 25 Me ge kalei na bosa te gerei tua ta didia na Ronorono, te gagua, Gaira tara niu sika tabo. 26 Mi ta na maiana na Patupatu, tuku va vetenaa vanigamu mai ta na Mama, na Taruna ni utuni, te ruguhoru mai ta na Mama, agaia ke tuguni tateu inau. 27 Migamu gua kau tuguniu, na pukuna igamu tau gahagamu itagua ta na vuivunina mai.

XVI.

1 Nau tu bosa vanigamu na lei bosa ini, kau bei vuha kabalagi gea. 2 Agaira kara guruhorugamu ta na lei Vale ni Sonikolu; mete dutu mai gua na boni mahei teke ba mategamu ke ganagana te gehegehe vania God. 3 Ma gaira kara nia vanigamu na lei toboho ini, na pukuna gaira tara mua gilala na Mama ma inau. 4 Minau tu nia tua na bosa vaniamiu eni, mi ta na niha vaho igamu, ke sara na bona

ni boni, ge makau ganagana olia tu diki tugunia vanigamu tua; mutu mua tugunigi vanigamu na lei toboho ini ta na vuivunina, na pukuna inau tu gahau mua itamiu. 5 Mi taeni inau ku va rigia te vetenau mai; me taho ki sakai itamiu ke luatiu, Ivei ko vaa? 6 Minau tu nia na bosa vaniamiu eni, ma na dika lio te vonugia na kutumiu. 7 Minau tu bosa utuni vanigamu, inau tuku tona sanigamu, me uto; mu tuku mua tona sanigamu ke, na Patupatu ke mua mai tamiu; mi nau ku tona mugua, muku vetenaa vanigamu mai. 8 Mi ta na maiana ke dete kalea na maramana na tanotanodika, ma na lio kikinima ma na dete. 9 Na tanotanodika, na pukuna gaira tara mua talutuniu. 10 Ma na lio kikinima na pukuna inau ku va rigia a Tamagu, makau mua vaevaneu mua. 11 Ma na dete, na pukuna te detea tua na vunagi ni maramana eni. 12 Te gahai mua na lei toboho subo tagua, ge mu ku bosai vanigamu; migamu tau mua tanomana mua na lavi panotiani itaeni. 13 Ma ta gaia na Taruna ni utuni ke mai, meke uhuligamu ta na utuni soko; na pukuna ke mua bosa hegena, me ke bosai na lei toboho ke poso ta na niha. 14 Ma gaia ke ladavaginiu; na pukuna ke lavia nigua, meke tugunia vanigamu. 15 Na lei toboho soko na Mama te logoi, a nigua; na pukuna sugua iga, geu nia na bosa, Ke lavia nigua, meke tugunia vanigamu. 16 Ke mua hau makau mua vaevaneu; meke mua hau gua makau goi rigiu; na pukuna inau ku va rigia na Mama. 17 Ma na balu Vaovarono tara nia vei bosa kolu mara gagua, Na hava keru te bosa vanigita, Ke mua hau makau mua vaevaneu, meke mua hau gua makau goi rigiu, tea! maia, Na pukuna tuku varigia na Mama? 18 Ma gaira tara bosa, Na hava eni te bosaa,

Te mua hau? Igitā ta mua gilala na hava te bosa. 19 Ma Jesus te gilala agaira tara liona na huatiana, *ge* gagua vanira, Igamu tau sopa kaka na totobo inau tu bosa vanigamu, Ke mua hau makau mua vaevanen, meke mua hau makau goi rigiu. 20 E utuni, e utuni, inau tu bosa vanigamu, igamu kau tani makau karukolobu, ma na maramana ke *togotogo*; migamu kau dikalio, ma nimiu na dikalio ke liliu *togotogo*. 21 Na vavine te vahuhu ke, me nia dika na liona, na pukuna na bona ni bonina te poso tua; me vahua tua na meomeo, me mua goi ganagana olia na vatei aroviana, na pukuna te nia *togotogo* vama na tinoni te puputu mai ta na maramana. 22 Me te vaga eni igamu tau dikalio itaeni; mi nau ku goi rigigamu gua, ma na liomiu ke *togotogo* gua, me taho siki sakai ke lavi kehā itamui na nimiu na *togotogo*. 23 Mi ta na boni keri kau mua huatui nia siki totobo. E utuni, e utuni, inau tu nia na bosa vaniamui, na lei totobo soko takau nonia ta na Mama nia na ahagu ke vahegamu. 24 Igamu tua mua nonia nia mua na lei totobo na ahagu; kau nonia makau lavia, *ge* ke sule na nimiu na *togotogo*.

25 Inau tu tugunigi vanigamu na lei totobo ini ta na bosa vavagaha; me te dutu mai na boni muku mua bosa vavagaha vanigamu muku bosa tatea vanigamu vama na Mama. 26 Mi ta na boni keri igamu kau nia noni na ahagu; mu tu mua bosa vanigamu inau tuku huatia na Mama na pukuna igamu; 27 ma na Mama te dolovigamu hegena, na pukuna igamu tau doloviu tua inau, maia tau talutuniu inau tu va butu mai ta God. 28 Inau tu butu mai ta God, mu mai ta na maramana; minau ku goi sania na maramana, muku goi varigia na Mama. 29 Ma rana Vaovaronō tara vania, Kō rigia, itaeni to vuha bosa

tate, moto mua bosa vavagaha vama. 30 Mi taeni tai pukugo to gilalai na lei totobo soko, moto mua pitua na huatiamu sikisakai; ma na pukuna eni igami tai talutunigo igoe to va butu mai sugua ta God. 31 Jesus te bosa tugu vanira, Igamu tau talutuniu itaeni? 32 Kau rigia, na bona ni boni te dutu, mete poso tua itaeni, mi gamu kau havukagi ma kau sopa vaa ta na lei komumiu; makau sanui hegegu; mi mua nau hegegu, na pukuna na Mama itagua. 33 Minau tu nia na bosa vaniamui eni *ge* makau lavia na lio beto itagua. Mi ta na maramana kau kabu vatei aroviamui; makau *togotogo* nimiu, inau tu laga vulca na maramana.

XVII.

1 Ma Jesus te bosa sokoi vasoo na bosa ini, me rei tada na matana i kokou, me gagua, Mama, te dutu tua na bona ni boni; moko ladavaginua na Dalei, *ge* na Dalei gua ke ladavaginigo igoe. 2 Te vaga to vahea na mananiadira na huli soko, *geke* vahera na maurihali na lei totobo to vahea mai. 3 Ma eni na maurihali, *ge* makara manahamu igoe God to utuni, sakai palai koda hegemu vama, maia a Jesus Christ to vetenaa mai. 4 Nau tu ladavaginigo tua ta na pari, nau tu kabari sokoa na *gehegehe* to vaheu mai na kabariana. 5 Mi taeni, Mama, ko ladavaginiu i tamua nia na lada keri tu logoa i tamua ta na bona te mua vuvunia tua na maramana. 6 Minau tu tatea vanira na ahamu na lei tinoni to vaheu mai ta na maramana; agaira rana nimua, migoe to vaheu mai agaira, ma gaira tara panotia tua na bosamu. 7 Ma gaira tara manahana itaeni na lei totobo to vaheu mai te ruguhoru mai itamua. 8 Na pukuna inau tu vahera tua na lei bosa

to vaheu mai ; ma gaira tara lavigi, mara manahana utuni sugua inau tu butu mai itamua, ma gaira tara talutunigo igoe to vetenau mai. 9 Nau tu nonigo na pukuna gaira ; tu mua nonigo na pukuna na maramana, ma gaira vamua to vaheu mai ; agaira ra nimua. 10 Ma nigua na lei totoho a nimua ; ma na lei nimua soko na nigua ; minau tu lada tua itadira. 11 Minau ku mua kabu gua ta na maramana, ma gaira ini tara kabu ta na maramana, minau ku gatu rigigo. Mama to Tabu, ko vatogara ta na ahamu agaira to vaheu mai, ge ma kara sakai sonikolu vasoo te vaga frogita. 12 Minau tu gahau i tadira ta na maramana, mu vatogara ta na ahamu ; nau tu rigitaonira gaira to vaheu mai, me mua sivi sakai tadira ; ma na dalei sivi kasila hegena vamua, te haga kalei ga na gegere. 13 Mi taeni inau ku gatu rigigo, minau tu nigi na bosa ini ta na maramana, ge ma kara lavia nigua na togotogo ine ke au tadira. 14 Nau tu vahera na bosamu ma na maramana te nira sika ; na pukuna agaira tara mua ruguhoru mai ta na maramana, te vaga gua inau tu mua ruguhoru mai ta na maramana. 15 Tu nua nonia na lavikehadira ta na maramana, ma ge moko tuguru punusira vamua i tatana te dika. 16 Agaira tara mua ruguhoru mai ta na maramana. 17 Ko vatabura ta nimua na utuni ; na bosamu te utuni. 18 Te vaga to nia na vetenaagu mai tua ta na maramana, te vaga gua aeni inau tu vete-nara tua ta na maramana. 19 Ma na pukuna agaira inau tu vatabuu inau, tu haga nira gua agaira ge kara nia tabu na utuni. 20 Mu tu mua nonigo agaira hegedira, ma gaira gua kara talutuni nia na bosadia ; 21 ge ma gaira soko kara sakai vasoo, te vaga igoe, Mama, itagua inau, minau itamua igoe, ma gaira kara sakai

vasoo irotatada frogita ; geke talu-utunia na maramana igoe te vetenau mai. 22 Ma na lada keri to vaheu mai tu vahera gatu, ge makara sakai vasoo, te vaga frogita sakai vamua : 23 Inau itadira, migoe itagua inau, ge makara sakai sonikolu uto ; ma ge na maramana ke manahana igoe to vetenau mai, moto dolovira agaira te vaga to nia na doloviagu. 24 Mama, to vaheu mai gaira minau tu liodira kara va gahara itagua tu gahau ga inau : gekara rigia na ladagu to vaheu mai, na pukuna igoe to doloviu tua inau, to mua vuhaa mua na maramana. 25 Mama to liokikinima, na maramana gua te mua manahamu, minau vamua tu manahamu, ma gaira soko raini tara manahana to vetenau mai. 26 Minau tu nera gekara gilalaa na ahamu : minau ku goi nera gua ; ge ma na dolo to doloviu nia ke gahaa itadira, minau gua itadira.

XVIII.

1 Ma Jesus te bosa soko'i na lei bosa ini, me nira ruguhoru kolu rana Vaovarono levu ni beti Kederoni ; ma na legai ga, ma gaia te va ilokana, ma rana Vaovarono. 2 Ma Judasi te peroa te gilalaa na bona, na pukuna a Jesus ma rana lei Vaovarono tara kokolu haia ga. 3 Ma Judasi te sakeragi, me lavia na vure ni kisumate ma rana vetevetena tadira rana Puku ni Sukagi, ma rana Varise, me va ga ; ma gaira tara tabea na lei bulu ma na lei tinabe. 4 Ma Jesus te pukui tua na lei totoho ke sodoa, me ruguhoru, ge gagua vanira, Ahei tau kenea ? 5 Ma gaira tara vania, A Jesus ni Nasareta. Me gagua vanira agaia, Inau agaia. Ma Judasi te tuguru itadira. 6 Ma gaia te nia na bosa vaniadia, Inau agaia, ma gaira tara maolo pulohi, mara kavulaha

horu ta na pari. 7 Ma *gaia* te goi hua-tira *gua* me *gagua*, Ahei tau kenea? Ma *gaira* tara *gagua*, A Jesus ni Nasareta. 8 Ma Jesus te *gagua*, Inau tu *bosa* vanigamu tua inau *agaia*; *nigamu* tau keneu ke, makau lubatira raini soko makara tona keha. 9 Ma *ge* kalei na *bosa* te *bosa* tua idania, te *gagua*, Tu mua sivilaginia sakai tadia to vaheu mai. 10 Me soko a Simoni Petere te tabea na isi, me sipaa, me labua na nina mane na Puku ni Sukagi, ma totopusia na kuli madolona. Ma na ahana na mane a Malikusi. 11 Ma Jesus te *gagua* vania Petere, Ko hili-pagini horua ta na malana na nimua na isi; na seu te vaheu mai a Tamagu minau ku mua inuvia?

12 Ma na vure ni kisumate, ma na vunagidia na toga, ma ra na lei vetevetena tadia rana Judea, tara ta'ea Jesus mara pitia. 13 Mara diki nia va ta Anasi, na pukuna *agaia* na vuzona a Kaiavasi na puku ni Sukagi ta na niulu eni. 14 A Kaiavasi eni te diki *bosa* dilai vanira tua na Judea na manana te vaga eni, Siki sakai vaso ke mate na pukuna na vure soko ke, me uto.

15 Ma Simoni Petere te saritaonia Jesus, arogaira a sakai na Vaovarono, ma na Puku ni Sukagi te gilala tua na Vaovarono keri, gero va hage koulou a Jesus ta na loana na Puku ni Sukagi. 16 Ma Petere te tuguru soo ililigina na mataula ipari. Ma na Vaovarono keri, na Puku ni Sukagi te gilala *gaia*, te rugu horu, *ge* *bosa* vania na vaivine te rigitaonia na mataula, *ge* lavi hagea mai a Petere. 17 Ma na tahula te rigitaonia na mataula te *bosa* vania a Petere, me *gagua*, Igoe sakai na nina Vaovarono na tinoni aeni? Nau tu taho, e *gagua* *agaia*. 18 Ma rana lei tinoni soo, ma rana vetevetena tara tuguru *ga*, ma tara kerua tua na lake, tara ma-

laho didia, mara madiru; ma Petere te tuguru i tadia, me madiru.

19 Ma na Puku ni Sukagi te hua-tia nia Jesus rana Vaovarono ma nina'ronorono ni tarai. 20 Ma Jesus te *gagua* vania, Inau tu *bosa* ta na mata ni tinoni ta na maramana, mu tarai haia ta na lei Vale ni sonikolu, maia ta na Bona te tabu, tara kokolu haia *ga* rana Judea mu mua *bosa* *ga* te uri. 21 Megua *geo* hua-tiu? Ko hua-tira ki balu tara ronoviu tua, na hava tu *bosa* vanira tua. Rigia, *agaia* tara gilalai na lei to-tobo tu bosai tua. 22 Me te nei soko vaso na *bosa* eni, ma sakai na vetevetena te tuguru i liligina me tapoa Jesus, me *gagua*, Ko nia *ga* na *bosa* tugu vaniana na Puku ni Sukagi? ea. 23 Ma Jesus te *gagua* vania, Tu *bosa* dika tokoa ke, moko tugunia vaniu mai te dika keri; me te uto ke, egua *geo* labuu. 24 Ma tara pitia; ma Anasi te nia vetena va ta Kaiavasi na Puku ni Sukagi.

25 Ma Petere te tuguru me madiru soo, Ma *gaira* tara vania, Ma keia igoe *gua* a sakai tadia rana nina vaovarono? Me hugu *agaia* me *gagua*, Inau tu taho, e *gagua*. 26 Ma sakai na nina tinoni na Puku ni Sukagi, na hogona *gaia* a Petere te totopusia na kulina, me *gagua* vania, Nau tu rigigo ka nea itatana ta na legai? 27 Ma Petere te goi hugu *gua*; ma na kokoroko te mina tani vasa.

28 Ma *gaira* tara goi nia *gatu* Jesus ta Kaiavasi mara nia tona ta na vale ni Haba. Me te labota mua; ma *gaira* tara mua hage ta na vale, kara hage ke ma kara meto tua, ma tara haga gania na Lovovule. 29 Ma na pukuna aeni a Pilatu te ruguhoru vanira mai, me *gagua*, Na hava tau hurua nia na tinoni eni? 30 Ma *gaira* tara *gagua* vania, Ma *ge* ke mua tinoni tanohahi eni ke, *ge* makai mua lavia vanigo mai. 31 Ma Pila-

tu te gagua, Kau lavia gatu igamu, makau detea taonia nia na nimiu na Ronorono ni vetena. Mara gagua rana Judea, Igami tai mua tanomana na dete mateana siki sakai. 32 Te haga kalei na bosa a Jesus te nia vangilala ivei teke nia na mate.

33 Me soko a Pilatu te goi hage gua i vale ni Haba, me holoa Jesus, me vania, Igoe na Vunagidira rana Judea? 34 Ma Jesus te gagua vania, Igoe to bosa hegemu te vaga eni, pa rahei tara keha tara tuguniu vanigo inau? 35 Ma Pilatu te gagua, Inau na Judea? Ma gaira na ganiua na komu kolu, ma rana lei Sukagi sule tara lubatigo vaniu mai; ma na hava to kabaria tua? 36 Ma Jesus te gagua vania, Na nigua na kinakabu ta na mua maramana eni: ma ge ke nigua na kinakabu ta na maramana eni, ge ma rana nigua na tinoni kara vei totogoni, kara bei lubatiu vanira rana Judea; ma nigua na kinakabu te mua gahaa iani. 37 Ma na pukuna aeni a Pilatu te vania, E utuni, igoe na Vunagi? Ma Jesus te gagua, Igoe to bosau inau tu vunagi. Ma na pukuna aeni inau tu sivuraga mai, na pukuna sugua geu mai ta na maramana, tu haga mai tuguni tatea te manana na utuni. Ma gaira na utuni kara ronovia na managu. 38 Ma Pilatu te gagua vania, Na hava na utuni?

Me te nia sokoa vaso na bosa eni, ge vaho te goi rugu horu gua, me varigira rana Judea; me gagua vanira, Tu mua rigi sodoa siki paluna itatana. 39 Ma na ronorono te vaga hai tua, na lubatiana siki tinoni pipiti takau liona ta na Lovovule; migamu tau liona na lubatiana vanigamu na Vunagidia rana Judea? 40 Ma gaira soko tara gaegahe gua, mara gagua, Ko sania keri, ma Barabasi ko lubatia. Ma Barabasi na labupolo.

XIX.

1 Ma Pilatu te tabea Jesus me ramusia. 2 Ma rana kisumate tara polia na pitulu nia na karukaili, mara va talua ta na uluna, mara pulua nia na tivi sisi. 3 Mara gagua, Age, na vunagidira na Judea! mara tapoa. 4 Ma Pilatu te goi rugu horu gua, me bosa vanira, Kau rigia, nau tu goi lavi horua vanigamu mai, ge kau pukua tu mua rigi sodoa siki paluna itatana. 5 Ma Jesus te ruguhoru mai, ma na pitulu ni karukaili ta na uluna, ma na tivi te sisi tatana. Ma ge gagua vanira, Kau rigia na tinoni! 6 Ma gaira na puku ni Sukagi, ma rana lei vetevetena tara rigia, mara gaegahe, mara gagua, Patokia, Patokia. Ma Pilatu te gagua, Kau lavia igamu makau patokia; minau tu mua topoa siki paluna itatana. 7 Ma gaira na Judea tara gagua vania, Ma nimami na Ronorono tua itamami; me te taonia nimami na Ronorono te detea na mateana, na pukuna agaia te haga nia ge Dalena God. 8 Ma Pilatu te ronovigi na bosa ini, ma vaho te matagu vaa. 9 Me goi hage gua i vale ni Haba, me vania Jesus, Ivei to butu mai? Ma Jesus te mua lua vania siki bosa. 10 Ma Pilatu te bosa vania, me gagua, O mua kokoe vaniu? O mua gilalau inau tu mana na pakotiamu, mutu mana gua na lubatiamu? 11 Ma Jesus te gagua vania, to mua mana hegemu na neagu, meto vahego mai i kokou na mana keri. Ma na pukuna aeni agaia te laviu mai vanigo na paluna te sule vaa. 12 Ma na pukuna aeni a Pilatu te kenea na lubatiana; ma rana Judea tara gaegahe soo, mara gagua, Ko lubatia mua na tinoni keri ke, mo mua kulana tua a Kaisari; mahei ke haga nia ge vunagi ke, te hugua Kaisari. 13 Ma Pilatu te ronovigi gua na bosa ini, me va

FLO.

K

lavi horua mai a Jesus, me sopou ta na vatei dete, ta na bona tara vatua nia Na Titili, ma tara vatua nia ta na bosa ni Heberu, Gabata. 14 Mi ta na boni keri tara agoha dilaa na Lovovule; ma na bona ni boni na ononi, *ge* bosa vanira rana Judea, me *gagua*, Kau rigia na nimiu na Vunagi! 15 Ma gaira tara *gaegahe* mara *gagua*, Lavi kehaa! Lavi kehaa! Patokia. Me *gagua* a Pilatu, Inau ku patokia na Vunaginiu? Ma rana Pukuni Sukagi tara *gagua* vania, Te taho na Vunagimami, ma Kaisari vamua, ra *gagua*. 16 Ma vaho *ge* lubatia vanira *gekara* patokia. Ma gaira tara tabea Jesus mara lavi kehaa.

17 Ma *gaia* te holaa na nina *gai*-vavala, me ruguhoru *gatu* ta na bona tara vatua nia na Bona ni vatulu, mi ta na bosa ni Heberu tara vatua nia Goligota. 18 Ma *gaia* tara patokia *ga*, me rua *gua* na tinoui i levu mi levu ta na kikisina, ma Jesus i gobu. 19 Ma Pilatu te gereca na vaugilala, me talua i kouna na *gai*vavala; me te nia na gerecana, A JESUS NI NASARETA ENI, NA VUNAGIDIA NA JUDEA. 20 Ma rana Judea tara subo tara bosa na vaugilala te gereca tua, na pukuna na bona tara patokia a Jesus *ga* i liligi na komu; ma tara gereca nia na leu ni Heberu, mi Gerekia, mi Roma. 21 Ma rana lei mane Sukagi ni Judea tara vania Pilatu, Ko bei gereca na Vunagidia na Judea, ma *gaia* hegena vanua te bossa, Inau na Vunagidia na Judea. 22 Ma Pilatu te bosa vanira, Na bosa tu gereca, tu gereca tua, e *gagua*.

23 Ma rana kisumate tara patokia Jesus, gera lavigi nina tivi, mara nigi *ga* e vati na tunuva, ma ra kisumate tara sopa tanosakai te, ma nina pupulu. Ma na pupulu tara mua sukia, tara vau udolua vamua. 24 Ma gaira tara nia bosa kolu, mara *gagua*, Ka

bei rosia, ma ka talu vaugilalana *geke* logoa vasoo siki sakai; vaho tara nei *ge* kalei na *gegere* te gerei tua, me te *gagua*, Gaira tara tuvaligi nigua na lei tivi, mara talui *ga* didia na vaugilala ta na nigua na pupulu. Ma rana kisumate tara nia te vagaa. 25 Ma tinana Jesus, ma hogona tinana, a Meri na tauna Kileopasi, ma tolugaira Meri ni Magidala, tara tuguru tua liligina na *gai*vavala. 26 Ma Jesus te rigia tinana, maia *gua* na Vaovarono *agaia* te dolovia te tuguru liligina, ma *ge* *gagua* vania tinana, Vinekama, ko vaevanea na dalemu. 27 Soko *ge* vania na Vaovarono keri, Ko vaevanea tinamu. Ma na Vaovarono keri te lavi panotia vaa ta na valena ta na bona ni boni vagana.

28 Me soko, a Jesus te *gilalai* na lei totobo te kale sokoi tua, *geke* kalea soo na *gegere* te tabu, *ge* *gagua*, Inau tu *haga* inu. 29 Ma na popo *iga* te vonugia na beti mali, mara sukia ta na *gai* na loliosi, tara lumia ta na beti mali, na ahana hisopi, mara hana va ta na manana. 30 Ma Jesus te lavia na beti mali, *ge* *gagua*, E soko tua; me te nia *gua* na bosa me malu horu na uluna, me lubatia na tarunana.

31 Mara na Judea tara nonia na tolu hulidia ke bei gahai ta na *gai* vavala ta na Boni ni aheahe; na pukuna tara agoha dilaa na Lovovule *ga*, ma na Boni ni aheahe keri na boni te haba. Ma gaira tara nonia Pilatu na gotiani na tolu tuadia, ma na lavi kelaadira. 32 Ma gaira na kisumate tara sara mai, mara gotia na tuana a sakai i nago, ma na ruana tara patoki kolua. 33 Ma gaira tara saravia a Jesus, mara rigia te mate tua mara mua gotigi na tuana. 34 Ma sakai na kisumate te tutukua nia na tinabena na kikisina, ma na gabu ma na beti te miua doedore horu vaso. 35 Me te rigia te tutugunu, ma nina na bosa ni tutugunu te

utuni ; ma gaia te pukua te bosa utuni, ma ge makau taluutuni ga. 36 Me nei na lei totobo ini geke kalei na gegere te gagua, Ke mua tagoti siki pile hulina. 37 Ma na ruana gua na gegere te gagua, Agaira kara bunutia tara tutukua.

38 Me soko na lei totobo ini, a Josepa ni Arimatea te nonia Pilatu, ma gaia nina Vaovarono a Jesus, me polo soo na pukuna te matagunira na Judea ; me te va nonia na lavi kehahana na hulina Jesus. Ma Pilatu te talana. Ge tona, me lavi kehana na hulina Jesus. 39 Ma Nikodemusi gua te mai, agaia keri te diki va rigia tua a Jesus idania te boni, me lavia na muru ma na aloe tara kaikavi kolu, te vaga na hanalatu ni pauna. 40 Ma rogaira toro lavia na hulina Jesus, moro sausagu kolua nia na tivi pura ma na gai uruuru, te vagara tara nigi rana Judea tara beku tinoni mate. 41 Ma na legai ta na bona tara patokia ga, ma na malei beku tinoni iga te vaolu ma tara mua talu tinoni mua ilokana. 42 Gero talua a Jesus ilokana, na pukuna rana Judea tara agoha dilaa na Lovovule, ma na gil u te dutu.

XX.

1 Mi ta sakai na boni ni uiki a Meri ni Magidala te tona ta na gil u, te labota puipuni mua, me rigia na vat u te tavukesi keha tua ta na gil u. 2 Me rage pulohi, me va rigia Simoni Petere, ma na ruana Vaovarono a Jesus te dolovia, me vanira, Tara lavikehaa a Lord ta na gil u, mai mua pukua ivei tara va talua ga. 3 Ma Petere te rugu horu, ma na ruana Vaovarono, ma rogaira toro tona ta na gil u. 4 Ma rogaira toro rage kolu, ma na ruana Vaovarono te mina me lau gidena Peter e, me diki sara ta na gil u. 5 Me taoragi, me rigigi na tivi

te pipili, me mua hage ilokana. 6 Ma vaho a Simoni Petere te tumuria, te sara mai, te va hage ta na lokana na gil u, me vaovanea na tivi te pipili, 7 ma na tivi kaikari tara sausagu nia na uluna te mua nia pipili kolu na tivi pura, me loku keha ta sakai gua na malana. 8 Soko na ruana Vaovarono te diki sara tua ta na gil u, vaho te va hage ilokana, me reirei, ge taluutuni. 9 Na pukuna gaira tara mua gilala mua na gegerena na tuguru olia na tadira tara mate tua. 10 Ma rana Vaovarono toro mai pulohi ta na maladira.

11 Ma Meri te tuguru i pari i lili-gina na beku me tanitani ga ; me te nia gua na tanitani, te taoragi ta na beku, 12 Me rigira e rua na Taruna vetena toro nigi pupulu na tivi marabu toro sopou, sakai ta na uluna, ma na ruana ta na tuana, ta na malana na hulina Jesus te pipili tua ga. 13 Ma rogaira toro bosa vania, Vaivine egua ge o tani ? ro vania. Ma gaia te gagua vanira, Tara lavi kehana a Lord inau mu mua gilala tara va talua ga. 14 Me nia gua na bosa eni, me liliu pulohi, me rigia a Jesus te tuguru, me te mua gilala agaia Jesus. 15 Ma Jesus te gagua vania, Vaivine, egua ge o tani ? Ahei to kenea ? Ma gaia te ganagana na tinoni te vatoga legai, ge nia na bosa, me gagua, Magutu, igoe to hola kehana koa ke, moko tugunia vaniu na bona vagana to va talua ga, muku lavi kehana. 16 Ma Jesus te gagua vania, Meri ! ea. Ge liliu pulohi agaia me gagua, Raboni ! ma na hoholo ni Gela ke, Tarai ! 17 Ma Jesus te gagua vania, Ko bei tabeu inau ; tu mua dato varigia mua a Tamagu. Ko va rigira rana hogogu, moko vanira, Inau ku dato varigia Tamagu ma Tamamiu, varigia God inau ma God igamu. 18 Ma Meri ni Magidala te tona, te vaa vahera rana Vaovarogo na ronorono, agaia te rigia

tua a Lord, maia te bo'ai vania na bosa ini.

19 Me nulavi ta na boni keri, ta sakai na bonina na uiki, ma tara vonotia tua na mataula rana Vaovarono tara kokolu ga, na pukuna tara matagunira rana Judea; ma Jesus te mai, me tuguru i gobu, me vanira, Na mabo itamiu. 20 Me te nia na bosa, me tatei vanira na limana ma na kisisina. Ma gaira rana Vaovarono tara nia togo vaho tara rigia a Lord. 21 Ma Jesus te goi gagua vanira, Na mabo i tamiu; te vaga na Mama te vetenau mai, te vaga gua aeni tu vetenagamu gatu. 22 Me te nia soko vasoo na bosa, me sonivagi aheahena savura, me gagua, Kau lavia na Taruna te Tabu. 23 Kau va lubatigi na paludia itadia rahei ke, meke tanomana na lubatiani; makau kaulavaginigi itadia rahei ke, me ke tanomana na kau.

24 Ma Tomasi, agaia sakai itadia ra na sara e rua, tara holoo nia a Didimusi, te mua gahaa itadia ge mai tadira a Jesus. 25 Ma rana balu Vaovarono tara bosa vania, Igami tai rigia a Lord, ra gagua. Me gagua vanira gaia, Ku mua rigia na malei patoto ta na limana ke, muku mua sukavaa na gigirigu ta na malei patoto, muku mua raugia via na limagu na kikisina ke, muku mua taluutuni, e gagua.

26 Me goi sara gua e alu na boni, mara goi kokolu gua rana Vaovarono ta na vale, ma Tomasi itadira. Mara vonotia tua na mataula, ma Jesus te mai, me tuguru i gobu, me gagua, Na mabo itamiu. 27 Me soko te gagua vania Tomasi, Ko nia hagalo mai na gigirimu, moko rigia na limagu; moko nia hagalo mai na limamu moko nia raugia mai na kikisigu; moko bei ganagana ruarua gua, moko taluutuni. 28 Ma Tomasi te gagua vania, A Lord inau, ma God inau! 29 Ma Jesus te

gagua vania, Tomasi, to taluutuni na pukuna to rigiu; ma gaira kara uto va tara mua reirei mara taluutuni.

30 Ma Jesus te nigi gua na lei butuli te subo, ta na matadia rana Vaovarono, te mua gerei ta na buka eni. 31 Mete gerei tua raini, ge makau taluutunia Jesus Christ, na Dalena God; ma ge igamu rana taluutuni kau logoa na vola nia na ahana.

XXI.

1 Me soko na lei totobo ini, ma Jesus te goi tate vanira gua rana Vaovarono ta na kolokama ni Tiberiasi; mi ani te nia na tateana vanira. 2 A Simoni Petere, maia Tomasi, tara holoo nia Didimusi, ma tolugaira Natanaeli ni Kana i Galilea, ma rogaira gua rana dalena Sebede, maia rarua gua tara keha itadira rana nina Vaovarono, tara va nira udukolu. 3 Ma Simoni Petere te vanira, Inau ku va gehe lau nigua, e gagua; ma gaira tara vania, Igami gua kai nigo udu, ra gagua. Mara rugu horu, mara mina va haehage ta na tiola; mi ta na boni keri tara mua horoo siki totobo. 4 Me dani tua a Jesus te tuguru i lona; na gaira rana Vaovarono tara mua pukua a Jesus keri. 5 Ma Jesus te vanira soo, Agau! rana dalegu, Ki iga sugua itamiu? Ma gaira tara gagua vania, Taho. 6 Ma gaia te goi bosa vanira gua, Kau soni horua na vugo ta na popoga madalona na tiola, ge kau sodoa. Ma gaira tara sonia ga, mara mua tanomai a na gora datoana na vugo, na pukuna na lei iga te subo. 7 Ma na Vaovarono keri a Jesus te dolovia te vania Petere, a Lord keri. Ma Simoni Petere te rozovi pukua a Lord, me pitia nia na nina tivi ni gehegehe lau, na pukuna te gahaa bona tua, me sogu horu ta na kolokama. 8 Ma rana balu Vaovarono gua tara hagelia

mai na pile tiola, na pukuna tara mua hauvia i lona, ma na bona te vaga lima hanavulu na goto na daro-na ; ma gaira tara goraa lona na vugo ma na lei iga. 9 Ma gaira tara tuturi lona, mara rigia na lake te gahaa, ma na iga te pipili, ma na bereti ivuvunana. 10 Ma Jesus te vanira, Nigi mai na balu iga tau vugoi, e vanira. 11 Ma Simoni Petere te goi va sogahage ta na tiola, me goraa lona na vugo, te vonu ga na lei iga kamahi, a sakai na hanalatu me sara lima hanavulu tolu ; me te subo na iga, me mua veoa na vugo. 12 Ma Jesus te vanira, Mai, makau vana. Me taho sakai tadia teke lio sakai na huatiana vague, meke gagua, Ahei igoe ? Na pukuna agaira tara gilalaa tua a Lord sugua. 13 Ma Jesus te va tadira, me tabea na bereti, me vahera, ma na iga gua te vaga. 14 Ma Jesus e toluni na livuana eni vanira rana Vaovarono, ta na bona te tuguru oli tua itadira tara mate tua.

15 Ma tara vana soko, a Jesus te bosa vania Simoni Petere, me gagua, Simoni na dalena Jonasi, to doloviu vaa itadira tara doloviu ? Me gagua vania agaia, Eo, Lord, to gilalau inau tu dolovigo. Me gagua agaia, Ko kutira na lei nigua na dale sipu. 16 Me goi nia gua ruani na bosa vaniana, Simoni na dalena Jonasi, to doloviu ? e vania. Ma gaia te gagua, Eo, Lord, igoe to gilalau inau tu dolovigo. Me goi gagua vania soo, Ko vatogara na lei nigua na sipu, e vania. 17 Me goi nia toluni gua na bosa vaniana soo, me gagua, Simoni, na dalena Jonasi, to doloviu ? Ma ge dika na liona a Petere, na pukuna e tolu vaho na taba ni bosa vaniana, To doloviu ? te vania. Ma gaia te gagua vania,

Lord, to gilalau na lei totoobo soko, to manahagu inau tu dolovigo, e gagua. Ma Jesus te goi gagua, Ko kutira na lei nigua na sipu. 18 E utuni, e utuni, inau tu bosa vanigo, igoe to gari mane, to kabego legemu, moto liona na tona evei ke, mo tona iga ; mi ta na niha ko tonikama, mo ko nia hagalo na limamu, ma hei ke keha ke kabego, meke lavigo va i siki pile toko mua liona. 19 Me te nia na bosa aeni, mete nia vangilala te ke ladavaginia God nia na mate ivei te kea. Mete nia soko vasoo na bosa, ge goi bosa vania, Ko saritaoni, e vania. 20 Ma Petere te rei pulohi, me rigia na Vaovarono a Jesus te dolovia te taonia i murina ; agaia keri te varava ta na garona Jesus ta na vana, me gagua vania, te huatia, Lord, ahei ke perogo ? 21 Ma Petere te rigia me gagua vania Jesus, Ma gaia eni, ivei ke gagua ? e vania. 22 Ma Jesus te vania, Muku liona ke, meke gahaa gua polo ku goi pulohi mai, me mua manamu ? Migoe ko taoni inau. 23 Me te lada na rorona vanira rana lei Vaovarono, na Vaovarono keri teke mua mate, tara nia. Ma Jesus te mua bosa vania na mua mateana ; mete gagua vamua, Ku liona ke meke gahaa soo polo ku goi pulohi mai, me mua manamu ? e gagua.

24 Ma eni na Vaovarono te tutugunu te manani na lei totoobo soko ini, te gegerei na lei totoobo soko ini ; migami tai gilalaa na nina bosa ni tutugunu te utuni.

25 Me te gahai soo na totoobo te subo a Jesus te nigi tua ; ma ge kara sopa gerei ke, inau tu ganagana, ke dukulia na maramama na lei buka kara gerei ga. Amen.

NA LEI GEHEGEHEDIRA RANA MANE . VETENA.

I.

1 NA diki *gegere* tu *gere*a vanigo tua idania ka, Theophilusi, na lei tootobo a Jesus te vuivuni ni *gehetiani*, 2 maia te nigi tarai, polo te sara ta na boni te lavi datao, *gaia* te vahe sokora tua na ronoro no nia na Taruna te Tabu rana mane vetena te viliia tua : 3 ma *gaia* te tuguni tatea vanira na volaana mete diki vadanitai tua nia na lei puku ni vaugilala te subo, me te tate vanira evati hanavulu na boni, te bosa-bosai vanira na lei tootobo ta na kinakabuna God ; 4 ma *gaia* te nira vaukolu, *ge* hovera na tona saniana i Jerusalema, ma kau pitua mugua na tootobo a Tamagu te nia baubahu tua, migamu gua tau ronovia tua itagua inau : 5 a John te nia vulitabu nina na beti, migau kau vulitabugau nia na Taruna te Tabu, ke mua subo na boni.

6 Ma *gaira* tara vaukolu tua, *gera* huatia mara gagua, Lord, ko goi tate-lavaginia gua taeni na kinakabuna Israeli ? 7 Ma *gaia* te gagua, E mua manamiu na gilalaani na niulu maia na bona ni niulu, na Mama te talua nina ta nina malei haba. 8 Migamu kau lavia nimiu na mana ta na bona te ke horu tua na Taruna te Tabu ivuvunamiu : migamu kau tugunia te managu inau i Jerusalema, mi Judea udolu mi Samaria, polo ke sara ta na sosokona na maramana. 9 Ma *gaia* te bosa soko te vaga eni, *ge* lavi datao ta na matadira ; ma na gogopa te lavi datao ta na matadira. 10 Ma ta na bona tara totola datao ikokou na

tonaana, ko rigia, erua na tinoni toro nigi pupulu na tivi pura toro tuguru tua itadira ; 11 moro gagua, Agau rana Galilea, egua *gau* tuguru rei tada ikokou ? a Jesus keri te lavi *gatu* ikokou *ge* sanigau, ke pulohi mai ropovaliha te vaga tau rigia taeni te va dato ikokou.

12 Ma *gaira* tara pulohi Jerusalema ta na gotu na ahana Oliveti, te gahaa dutuvia Jerusalema te vaga na bona te manana na bona ni boni ni ahache. 13 Mara mai ta na komu, mara sei dato ta na vata ni vale ikokou tara gahara *ga* ; a Peter, ma John, ma James, ma Aderu, a Vilipi ma Tomas, Bartolomeu ma Matiu, James dalena Aleveusi, ma Simon Selotesi, ma Juda tahina James. 14 *Agaira* ra ini tara gaha koukolura itadira lei vinekama, maia Meri tinana Jesus, mara barebare nia na kokoeliulivuti ma na nozi.

15 Mi ta na lei boni keri a Peter to tuguru ta na gobudira rana vaovarono, ma na vaukolu na vure te vaga sakai na hanalatu me sara erua hanavalu, me gagua, 16 Agau rana hogogu, na *gegere* ke mua *tanomana* na padi, na Taruna te Tabu te diki nia baubahu tua nia na manana David agaia Judasi, te hulira *gaira* tara lotia tua Jesus. 17 Na pukuna tara idumi kolua tua *gaia* itatada, ma *gaia* te logoa nina tua na malana ta na *gehegehe* eni. 18 Ma *gaia* eni te pelua na *nagu* nia na tabana na *tanotano*-dika ; me kutu ulu horu me topora igobu, ma na kutuna te susulu. 19 Ma *gaira* soko tara gahara i Jerusalema tara gilala eni, mara holoo nia na

na'gu keri ta na lendira Akeldama, te gagua na nagu ni gabu. 20 Na pukuna tara gerea ta na lei gegere ni Line, te gagua,

Na vaevalena ke ohu,

Me ke bei kabu ga siki sakai ilokana;

Me ke tugua siki sakai ta nina rigitaoni.

21 Na pukuna eni a nina sakai tadira tara nigita kabu kolu mai ta na lei boni a Lord Jesus te hage mai tua, me goi rugu horu gatu itatada, 22 te vuivuni mai ta nina vulitabu a John, polo te sara ta na boni te lavi datao tatada, ge ke vuivuni ni tutugunu kolu te kaekage itamami ta na tuguru oiana. 23 Ma gaira tara vilira erua, a Josepa tara holoa nia Barsabas, na ruani ahana Justus, maia Matias. 24 Ma gaira tara kokoelulivuti, mara gagua, Lord, to gilala sokoi na kutudira na lei tinoni soko, ko tuguni tatea, ahei rotadira to vilia tua, 25 ge ke hahana na gehegehe ta na malei mane vetena a Judas te tanotanodika sania tua, ge ke vaa tona ta na puku ni malana. 26 Ma gaira tara talui didira na lei vaugilala, me kalea Matias mara idumi kolua itadira rana Mane vetena na sara sakai.

II.

1 Ma na boni ni Pentekost te poso mai tua, gaira soko tara kokolu nia na ganagana sakai sonikolu ta sakai vanua na bona. 2 Ma na tagumu te vaga na tabuto te mina horu mai ikokou, me vonugi sokoa na vale tara sopou ga ilokana. 3 Ma ge livu vanira mai na lei lapilapi te base, te vaga na lake; me sopa sopou ta na uludira. 4 Ma gaira soko tara vonugia na Taruza te Tabu, mara nia bosa galaga na lei leu te kehakeha, te vaga na Taruza te Tabu te nera ge kara bosa tatei.

5 Mara kabu soo gua i Jerusalema rana Israeli, tara vatoga na nonorono tadira na lei komu ta na maramana. 6 Mara ronovia na talamana na vure te kokolu, mara haeharevo na pukuna gaira tara ronovira tara bosa ta na lei sopa leudira. 7 Ma na taraha te nera, ma gaira tara hare, mara gagua, Ko rigia, vaho rana Galilea ini tara bosabosa? 8 Migita soko ta ronovia na lei sopa leuda ivei te nea na vuha mai lokana? 9 Rana Parthia, rana Media, maia rana Elam, ma gaira tara kabu i Mesopotamia, i Judea, i Kapadokia, Pontus, Asia, i Phrugia, i Pamphulia, i Misraim, 10 mi levuna Libua te dutuvia i Kurene, ma rana sinogo ni Roma, 11 rana Israeli, ra na Proselut, rana Krete, ma rana Arabia, igita ta ronovira gaira tara tugunia ta na lei sopa leuda na gehegehe nina God te nonoraga. 12 Ma gaira soko tara hare, mara ganagana ruarua, mara huahuatira gaira mara gagua, Na hava eni? 13 Ma na balu tara batobato, mara gagua, Gaira raini tara vonugia na vaini manilu.

14 Ma Peter maia rana sara sakai tara tuguru galaga, ge bosa galaga me tutugu vanira me gagua, Agau, rana Judea, maia igamu soko tau kabu soo i Jerusalema, kau gilala nimiu eni, ma kau ronovia na besagu. 15 Agaira raini tara mua inu bulebule, te vaga tau ganagana; ma eni etoluni na bona ni boni vama; 16 ma eni na totobo te bosaa tua gaia Joel na porovete, ta gagua;

17 Ta na lei boni i muri, e gagua God,

Nau ku kova'na gatu nigua na Taruza ta na lei vinahi soko; Ma rana dalemui rana mane ma na vaivine kara talu boni dila,

Ma rana lei garimane itamui kara rigiti na lei mabubu.

- Ma rana lei tonikama itamiu
kara maturubole ;
- 18 Mi nau ku kovalaa gatu
Nigua na Taruna ivuvunadira
lei nigua tinoni na mane
ma na vaivine ta na boni keri ;
ma ge kara nigi talu boni
ga.
- 19 Mi nau ku tatei na lei butuli
ta na parako ikokou,
Ma na lei vaugilala ta na pari
sarana ;
Na gabu, ma na lake, ma na ahu.
- 20 Mi ta na vuivunina na aho ke
liliu ni puni,
Ma na vula ke liliu ni gabu,
Ma na bonina Lord keri ke vaho
poso,
Te haba mete marara,
- 21 Ma gaira kara holooa na ahana
Lord kara nia vola ga.
- 22 Agau, rana Israeli, kau rono-
vigi na lei bosa ini ; A Jesus ni
Nasareta, na tinoni God te tuguni
tatea vanigau nia na gehegehe te
mana, ma nia na lei butuli, ma na lei
vaugilala, God te nei vania tua igobu-
patumiu, te vaga tau pukua tua ; 23
te lubatea tua, te vaga God te gana-
gana dila tua, me hau tua te diki
manahana ga, migau tau lotia, mau
potokia ta na gai nia na lima ni tano-
hahi. 24 Ma God te tuguruvagina,
me hui kehai na vahagina na mate
itatana : na pukuna te mua tanomana
na mananiana. 25 Ma David te bosa
gaia me gagua,
Nau tu rigia haia a Lord ta na
matagu ;
Agaia ta na madologu ge ku bei
alcate :
- 26 Na pukuna eni na kutugu te nia
togotogo, ma na lapigu te nia
rivurivu ga ;
Ma na vinahigu te nia togoluvu
na ganagana dila ;
- 27 Na pukuna ko mua ponoliomu
na tarunagu i Betidalo,

- Mo ko mua lubatia a nimua te
tabu ge ke nago.
- 28 To tugunia tua vaniu na halau-
tu ni vola ;
Moko neu geku nia vonu na
rivurivu ta na matamu.
- 29 Agau rana lei hogogu, kau lubatiu
geku tuguni kaekalea vanigau a
David, na puku ni kema, te mate tua,
mara bekua, ma na giluna te gahaa
soo itatada polo te ritini taeni. 30 Ma
gaia na porovete, ma gaia te gilala
nina agaia God te baubahu papara
vania, geke kalei ta Christ ta na ke-
mana, geke sopou ta nina malei sopou
ni vunagi ; 31 ma gaia te manahana
tua, ge bosa nina na tuguru oli Christ,
te mua nia ponolio na tarunana i
Betidalo, ma na vinahana te mua rigia
na nago. 32 A Jesus eni te tuguruva-
giniolia God, migami soko tai tugunia
te manana. 33 Me lavi datoo ta na li-
ma madolona God, ma gaia te lavi so-
koa nina ta na Mama na Taruna te ta-
bu te bahua nia tua, vaho ge kovala
horua na totobo eni tau rigia, mau
ronovia taeni. 34 Ma David te mua
dato ta na parako ; ma gaia te gagua,
A Lord te bosa vania a Lord
inau, me gagua,
Ko sopou ta na madologu,
- 35 Polo ku vuha talu horura na
gamua na kana nia nimua na
malei tuturi ta na sara ni
tuamu
- 36 Na pukuna eni gaira soko, ta na
kema ni Israele, kara gilala sugua,
a God te talua Jesus eni, igamu tau
patokia tua, ge ke Lord, me ke Christ.
- 37 Ma gaira tara ronovia eni, ge
nia papara ga na liodira, gera bosa
vania Peter maia rana mane vetena,
mara gagua, Agau hogomami, na
hava kai kabaria ? 38 Ma Peter te
gagua, Kau tugulio, makau sopa
lavia na Vulitabu ta na ahana Jesus
Christ, na vatei talu keha palu ; mi-
gau kau laviparotia nimiua na soni-

halavu ni Taruna te tabu. 39 Na pukuna na bosa ni baubahu eni vanigau, ma vanira ra na dalemiu, ma vanira gaira tara hau mua, a Lord God igitā ke holora mai. 40 Ma gaia te tuguni kaekalea, me hugutira nia na lei bosa keha te subo, me gagua, Kau volagau ta na vavata eni te halihihi. 41 Ma gaira tara lavi panotia na bosana, mara vilitabura; mi ta na boni keri te vaga etolu na toga ni taruna te savunira. 42 Ma gaira tara kabu soo, tara kau nasi ta na liodira rana Mane vetena, ma na vaukolu, ma ta na niti *bread*, maia ta na kokoeliulivuti.

43 Ma na matagu te sopa nera lei taruna: ma rana Mane vetena tara nei na butuli, ma na vaugilala te subo. 44 Ma gaira tara taluutuni tara kabu vaukolu, ma sopa didira lei tobo toba tara logo koukolui. 45 Ma gaira tara hunului didira na talu, maia didira lei hegohego, mara sopa tualira na balu tara bona itadira. 46 Ma gaira tara kabu vaukolu ta na lei boni ta na Be-bete te tabu, mara nitigi na *bread* ta na valedira, mara nigi rivurivu na tabeana na gadira na vana nia na toba te kaekage, me vautoa God; ma na vure soko tara liouto vanira. 47 Ma Lord te savunia haia nina. Holohoru nia gaira tara vola oli soo.

III.

1 Ma Peter ma John toro dato ta na Be-bete te tabu, ta na bona ni boni ni kokoeliulivuti e hiuani. 2 Ma gaira tara sakea mai sakai na tinoni te nia sivuraga kolu mai na rapobete, mara talua haia ta na mataula ni peo ni Be-bete te tabu tara holoo nia Utoutoa, geke noni hevei lee itadira gaira takara vaa hage ta na Be-bete. 3 Ma gaia te rigia Peter ma John toro haga vaa hage ta na Be-bete te tabu me nonira siki vatei hevei lee rotadira.

4 Ma Peter te tolavia, maia John, me gagua, Ko vaevanegai. 5 Ma gaia te ronovi vakodora, me ganagana geke tabea siki tobo rotadira. 6 Ma Peter te gagua, na *silver* ma na *gold* te taho tagua, ma na tobo itagua, nau ku vahego gatu. Ta na aha-na Jesus Christ ni Nasareta, tuguru moko tona kolili. 7 Me tabea na lima madolona, ge gora datoa, ma na marevona ma na tuturuna te mina nasi. 8 Ma gaia te tapatuguru me vuni na sakusaku tua; ma tolugaira tara tolu rugu hage koukolu ta na Be-bete te tabu, me te tona kolili me sogasoga me holoutoa God. 9 Ma na vure soko te rigia te tona kolili mara holoutoa God. 10 Ma gaira tara gilala tua agaia sugua te sopou haia geke noni rono ta na mataula ni Be-bete te tabu, tara holoo nia te Utoutoa, mara vonugia na hare ma na taraha ta na tobo tara na vania.

11 Ma gaia te tabera soo a Peter ma John, ma na vure taru sana kolu mara varigia ta na tavag-re ni vale, tara holoo nia nina Solomononi, mara hare nanata. 12 Ma Peter te rigia, ge gagua vania na vure, Agau rana Israeli, egua gau nia hare na tobo eni? megua gau tolavigai tolugai te vaga irogai hegamani toro mana, po toro uto na neana agaia eni ge sakusaku tua? 13 God Abraham ma Isaka, tolugaira Jakopo, God didira kukuada te nea geke ladavaginia dalena a Jesus; agaia tau lubati kohaa tua, mau hovea tua ta na matana Pilatu; agaia te nia liosakai na lubatiana. 14 Mi gau tau hovea gaia te Tabu maia te maemane, mau nonia geke lubatia vanigau agaia te labu tabo; 15 mau vaa matea na Puku ni vola; ma God te tuguruvagini olia ta na mate, migami tai tugunia te kaekage ga. 16 Ma mugua na Aha-na te vaa nasilia agaia eni, igau tau rigia mau gilala tua gaia, na pukuna

te taluutunia na ahana ; e utuni, na taluutuniana te vahea nia gaia eni, geke uto pulohi ta na matamiu soko. 17 Mi taeni, gau hogogu, inau tu pukua igau maia gaira tara vunagimiu tau nea na tootobo eni nia na vooga. 18 Ma na lei tootobo keri God te nigi baubahu tua nia lei nina Porovete te gagua anina Christ ke vadaitai, mete nei kalei te vaga eni. 19 Na pukuna eni, kau tugu lio nimiu, ma kau pulohi, geke durakei na palumiu, ma na lei boni ni aheahe ke butu mai ta na matana Lord. 20 Ma gaia ke vetena mai na Christ te talua tua na pukuna igamu, a Jesus sugua. 21 Ma na parako ke tabea polo ke vuha poso na bona ni hala goniani lei tootobo, God te bosai mai nia na manadira lei porovete tara tabu ta na pukuna na maramana mai. 22 Ma Mosesi te bosa me gagua, A Lord God igamu ke tuguruvaginia itadira hogomiu na porovete te vagau inau ; kau varonohigi na lei tootobo ke bosabosai vanigau. 23 Me ke gagua iani, na sopa lei taruna kara mua ronovia na Porovete keri, ke nia tagaa ta na vure. 24 E utuni, rana lei Porovete soko tara va vuni mai ta Samuel, ma gaira gua i murina mai, tara bosa alaala mai, mara nigi baubahu na lei boni ini. 25 Igamu rana daledira na lei porovete, maia rana dalei baubahu keri, God te baubahu vania tamada, me gagua vania Abraham, Ke vautoa na lei kema soko ta na maramana ta na vuavua na hulimu. 26 God te va tuguruva-giniua tua nina tinoni Jesus, te diki vetena vanigau tua, ge ke vantogan, me ke vaa olivag-nigau ta na sopa palumiu.

IV.

1 Mi ta na bona rogaira toro bosa vania na vure, rana puku ni sukagi ma gaira tara rigitaonia na Bebetē te

tabu, maia rana Saduke tara tona punisira. 2 Mara lavibuleadira na pukuna rogaira toro taraira na vure, moro tuguni tatea na tuguru oli ta na mate na pukuna Jesus. 3 Ma gera lotira rogaira, mara vaa talura ta na vale pipiti polo te vuha dani, na pukuna te nulavi tua. 4 Me subo vaa itadira tara ronovia na bosa tara taluutuni, mara idumira na tinoni te vage e lima na toga.

5 Me dani tua gaira tara vunagi, maia rana tonikama, maira rana Tarai, 6 maia Anasi na puka ni sukagi, ma Kaiavasi, ma John, ma Aleksada, ma gaira soko ta na kema ni puku ni sukagi, tara vaukolu i Jerusalema ; 7 mara tuguru vaginira igobu, gera huatira rogaira, mara gagua, Na mana maia na aha mivei toro nei nia te vaga eni ? 8 Ma Peter te vonugia na Taruna te tabu, ge bosa vanira me gagua, Agau tau vunagidira na vure, mi gau gua rana lei tonikama ni Israeli, 9 ge takau nia vaivarigohi na kencana gegua rotamami na tootobo uto te nea vania agaia te rapobete eni, ahei te vavolaa ; 10 kau ronovia nimiu, migau gua ta na kema ni Israeli, agaia eni te tuguru nasi ta na matamiu soko nia na ahana Jesus Christ ni Nasareta, igau tau patokia tua, ma God te tuguruvagini olia itadira tara mate. 11 Ma eni na vatu igau rana lei kisu vale tara nelea tua, mi taeni tara nea geke puku ni vatu ta na piu. 12 Me te taho gua na vavola itatana ahei te kela, me te taho gua siki rua ni alia ta na maramana kara vahera mai ta na lei tinoni ge kara nia vola.

13 Ma gaira tara vaevanera didira a Peter ma John toro bosabosa ; mara gilalara tua rogaira na voo ma na tovonon tinoni vama, gera hare, vaho ge na ganagana pulohia rogaira toro kabu kolu tua itatana Jesus. 14 Ma gaira tara rigia agaia te tagiha vola oli te nira tuguru kolu, mara mua

tanomana na huguadira rogaira. 15 Mara vetena horua gua ipari sania pa ova ni dete, vaho gera vei bosa-bosai hegedira, mara gagua, 16 Na hava ka nea vanira rogaira eni? na pukuna toro ladavaginia didira na butuli te sule ta na matadira soko tara kabu i Jerusalema; migita ka mua tanomana na huguana. 17 Ma na to-tobo eni ke bei dulagi gea ta na vure, igita ka hove kakaira rogaira, ge koro bei bosa vania gua sikisakai ta na aha eni. 18 Ma gaira tara holora mai gera hovera, ge koro bei bosabosaa tua, mo koro bei nia tarai na ahana Jesus. 19 Ma Peter ma John toro bosa tugu vanira moro gagua, Kau villia niniu, te kaekage sugua ta na matana God na ronovi utoamui ta na ronovi utoana God. 20 Mi rogai koro mua goi tanomana na kehaani ta na bosa tateani na lei to-tobo rogai toro rigigi mo toro ronovigi tua. 21 Ma gaira tara hove kakaira gua, mara lubatira, gaira tara mua pukua na pukuna kara matera nia, na pukuna na vure, agaira soko tara holoutoa God ta na to-tobo te nea tua. 22 Ma na tinoni tara gonina na butuli tatana, na niuluna keia ke vatihanavulu tua.

23 Mara lubatira rogaira ma rogaira toro varigira na doladira moro tuginigi vanira na lei to-tobo rana puku ni sukagi ma ra na lei magutu tara bosai tua. 24 Ma gaira tara ronovigi, ma gaira bosa sakai soni kolu tara nia bosa galaga na manadira vania God mara gagua, Lord igoe God to gonina tua na parako, ma na ruruguna, ma na horora, ma na lei hegohego ilokadira soko. 25 Mo nia bosa tua na manana David nimua na tinoni mo gagna,

Egua na lei sinogo gera dedemo,

Ma na vure tara ganagana hahi?

26 Rana lei haba ta na maramana tara tuguru,

Ma na lei vunagi tara bosa kolua,

Na va tuguru punisiana Lord, maia nina Christ.

27 Rutuni a Herodi, ma Pontiusi Pilatu ma ra na lei sinogo, maia rana Israeli tara nia kokolu ta na bona ni komu eni nimua na tinoni te tabu a Jesus, te siusua tua gaia, 28 ge kara gonigi na lei to-tobo na limamu maia nimua na liosakai te ganagana dilai tua na gehetiani. 29 Mi taeni Lord ko vaevanei didira na hove ma na kakai, ko vetena vanira lei nimua na mane ni lutu, ge kara tatea nimua na romorono; 30 ko hau galaga mai na limamu geko vavola, nia na neani na butuli ma na lei vaugilala nia na ahana Jesus nimua na tinoni te tabu. 31 Ma ta na bona tara kokoeliulivuti, na bona tara kokolu ga ilokana te anuanu; ma gaira tara vonugia na Taruna te tabu, mara bosa tatea na bosana God.

32 Ma gaira na vure tara taluutuni, na lokadira ma na tarunadira te sakai vamua na tee; me taho tua sakai tadira ke gagua te logoi hegena lei nina to-tobo, ma mugua tara logo koulolui soko. 33 Ma gaira na mane vetena tara tugunia te manana na nina tuguru oli a Lord Jesus nia na mana te sule; ma na sonihalavu te sule te gahaa tadira soko. 34 Me taho tua ahei ke gaha lea itadira: na pukuna ahei te logo to-tobo ga, pa na talu, pa na vale ke, me hunulua me lavigi na mateni na to-tobo ni hunulu; 35 me va talui ta na tuadira rana mane vetena, mara sopa tuvalira agaira tara sopa liona.

36 Ma Josepu, rana manevetena tara vatua nia na rua ni ahana Barnabasi, te gagua na bosa tugu na dalei togoluvu, ta na kemana Levi, ma na mane ni Kupiroso; 37 anina na talu iga, me hunulua, me lavigi na rono, me va talui ta na tuadira rana manevetena.

V.

1 Ma sakai na tinoni na ahana Ananiasi, maia tauna Sapira te hunulua nina talu. 2 Ma gaia te pulohia na levuna na rono, ma tauna to pukua, me lavia mai na levuna na rono, me va talui ta na tuadira rana manevetena. 3 Ma Peter te gagua, Egua *ge* hogovonua Satana na lokamu *geko* kikoa na Taruna te Tabu, *ge* o poloa na levuna na rono ni talu? 4 Na talu te gahaa soo, me mua nimua na talu? mo hunulu soko tua, me mua nimua na rono? me *gua ge* o ganagara te vaga eni ta na lokamu? to mua kikoa na tinoni ma God sugua. 5 Ma Ananiasi te ronovigi na bosa ini, me kutu horu me lubatia na tarunana. Ma gaira tara ronovia na tofobo eni, me hahi tua na matagu te horuvira. 6 Ma rana lei gari mane tara tapatuguru, mara sausauga, mara hola horua, mara tavugia.

7 Me te vaga etolu na bona ni bozi te soko, na tauna te hage mai, me mua gilala na hava te nea tua. 8 Ma Peter te gagua, Ko tugunia vaniu sugua, na ronona na talu toro hunulua raini? Me gagua gaia, Eo, *gaigi* sugua. 9 Ma Peter te gagua, Egua gero nia liokolu na kikoana nina Taruna Lord? Ko rigia, na tuadira tara tavugia tua taumu te tuguru soo ta na mataula, ma kara goi hola horugo soo igoe. 10 Me goi mina kutu horu soo ta na tauna, me lubatia na tarunana; ma rana lei gari mane tara liage mai, mara rigia me mate tua, mara hola horua, mara tavugia dutuvia tauna. 11 Me sule nanata na matagu te nea na Holohoru soko, ma gaira soko tara ronovigi na lei tofobo ini.

12 Me nei na butuli ma na lei vaugilala te sule tadira na vure nia na limadira ra na mane vetena; ma gaira tara vaukolu ta na tavagere ni vale nina Solomoni. 13 Me taho tua

siki tinoni tadira tara keha ke lio sakai *geke* kau itadira, ma na vure soko tara talunagora. 14 Ma na vure te subo, na mane ma na vaivine, tara savunira tara taluutunia Lord. 15 Na pukuna gaira tara gate horura gaira tara labe ta na lei halautu, ta ra kolivaginira ta na lei malegime ma ta na lei sape, *ge* ma na nununa Peter, te tona haliu, ke unahira *ga*. 16 Ma na vure ta na lei buto ni komu tara kabu taligutira tara kokolu Jerusalema mara sakera mai agaira tara labe, maia gaira lei tidalo gume te lavibuleadira, mara vavolara soko.

17 Ma na puku ni sukagi ma gaira itatana, agaira ta na liodira ra na S Duke, tara tuguru, mara vonugia na rutu. 18 Mara lotira rana manevetena, mara talura ta na vale ni pipiti, ta na voki ni mavitu. 19 Me te bozi auina Taruna vetena Lord te hanavia na mataula ni vale pipiti, me sake horura, me gagua, 20 Kau tona, kau va tuguru ta na bebete te tabu, ma kau tuguni soko vania na vure na bosana na vavola eni. 21 Ma gaira tara ronovia, *ge* ra va hage ta na Bebete te Tabu, ta na labota, mara tarai. Ma na puku ni sukagi ma gaira i tatana tara mai, mara holo kolura mai na ovu ni dete, ma rana magutu tadira rana dalei Israeli, mara vetenara vaa na balu ta na vale pipiti *ge* lavira mai. 22 Ma gaira tara vetenara tara va sara *ga*, mara mua rigira ta na vale ni pipiti, mara pulohi mai, gero tutugunu mara gagua, 23 Igami tai rigia nimami sugua na vale ni pipiti, mara tuga nasilia soo, ma gaira tara rigitaoni tara tuguru puzisia soo na mataula; mai hanavia, migami tai mua rigia siki tinoni ilokana. 24 Ma rana puku ni sukagi maia te vunagina na Bebete Tabu tara ronovigi na lei bosa ini, mara nia maa *ga*, na hava ke nea ropovalia. 25 Ma sakai na tinoni te mai, me tugunia vanira me

gagua, Kau rigia, agaira soko tau talura ta na vale pipiti ka, tara tuguru tua taeni ta na Bebeta te Tabu, mara taraira na vure. 26 Ma gaia te Rigitoni ma na lei nina tinoni tara gatu, mara gatera mai, mara mua huguhugura, na pukuna tara mataginira na vure, kara bei petara gea. 27 Mara lavira mai, mara vaa tuguruvaginira ta na vale ni dete. Ma gaia na puku ni sukagi te luatira me gagua, 28 Migami tai mua hove nanatagamu sugua, ge kau bei nia tarai na aha eni? Ma kau rigia, igamu tau vonugia tua i Jerusalema nia nimiu na tarai, mi gamu tau liona ge me ko kau ta na ulumami na gabuna agaia eni. 29 Ma Peter ma gaira rana manevetena tara bosa tugu vanira mara gagua, Te kaekage sugua na ronovi utoana God ta na ronoviana na tinoni. 30 God didira kukuada te tuguruvaginira a Jesus, migau tau lotia, mau patokia. 31 Agaia eni God te lavi datoa nia na madolona, na Vunagi ma na Vavola, geke valera na tugu lio rana Israeli, maia na talu kehaani na lei palu. 32 Mi gami tai tugunia te kaekage ga na lei bosa ini, na Taruna te Tabu gua, God te sonihalavua vanira gaira tara ta nia na liona.

33 Ma gaira tara ronovigi raini, ge gunaguna na kutudira, gera liona na mateadira. 34 Ma sakai na tinoni, na ahana Gamaliel, na Parise, te tapatuguru ta na ovu ni dete, ma gaia na Tarai ta na Ronorono, ma na vure soko tara talu mava gaia, na gaia te keikeri gekara lavi horura gua i pari rana manevetena; 35 ge gagua vanira, Agau rana Israel, kau rigitaonigamu, na hava kau haga kabaria vanira na lei tinoni ini. 36 I nagona na lei bozi ini a Teudasi te tuguru, me ganagana gaia te haba; ma na ovu ni tinoni te vaga e vati na hanalatu te gahaa itatana; mara labu matea, ma gaira tara taonia tara havukagi,

me luvu parihai. 37 Me soko eni, a Judasi ni Galila te tapatuguru ta na lei boni tara padara soko, me saurura na vure te subo; mara labu matea, ma gaira tara taonia tara havukagi vamua. 38 Mi taeni inau tu bosa vanigau mu gagua, Kau kabu beto tadira gaira raini, makau lubatira, na pukuna ge te ke pukulagi mai ta na tinoni na Ronorono ma na gehegehe eni ke, ke durake; 39 ma ge te ke pukulagi mai tatana God ke, nigamu kau mua tanomana na togi kehaana, ma kara bei pukugita ta na niha igita ta tuguru punisia God. 40 Ma gaira tara talamaginira eni, ma gera holora mai rana manevetena, mara ramusira, mara hovera ge kara bei bosabosa na ahana Jesus, gera lubatira. 41 Ma gaira tara ruguhoru togotogo ta na matadira ra na ovu ni dete, na pukuna tara ganagana tara kaekage, ge kara vadanitai na pukuna na ahana. 42 Mi ta na lei bozi, ta na Bebeta te tubu, maia ta na valedira, gaira tara mua mantu na tarai ma na tutugu, a Jesus agaia Christ.

VI.

1 Mi ta na lei boni keri rana va-ovarono tara subo galaga, gaira rana Grekia tara belebele vanira rana Hebrew, na pukuna tara padira haia rana mate sasani itadira ta na lei bona tara tutuva. 2 Ma rana sararua tara holokolura mai rana vaovarono itadira, mara bosa vanira mara gagua, Emua uto kai nia norusavi na bosana God, ma kai vaa gehegehe ta na lei bela ni vana. 3 Na pukuna eni, gau lei hogomami, kau vilira ke vitu na tinoni itamui, ta kau vakalera te uto na liodira, mara vonugia na Taruna te Tabu ma na manaha, ge kai mananira nia na gehegehe eni, 4 Mi gami kai kabu haia ta na kokoe-liulivuti, ma na gehetiana na bosa.

5 Ma na vure soko tara nia lio uto na bosa eni, ma gaira tara vilia Stephen, te vonugia na taluutuni ma na Taruna te Tabu, ma Philip, ma Prokorus, ma Nikanor, ma Timon, ma Parmenas, ma Nikolas, na Proselut ni Antiokia. 6 Mara va tuguru vaginira ta na matadira rana manevetena, ma gaira tara kokoe-liulivuti, mara talui na limadira ivuvunadira.

7 Ma na bosana God te hali, ma rana vaovaronzo tara subo namata i Jerusa'ema; ma na vure te subo tadira rana sonisukugi tara talamaginia na taluutuni.

8 Ma Stephen te vonugia na sonihalavu maia na mana, te gonigi haia na lei butuli ma na vaugilala te sule itadira na vure. 9 Ma gaira ta na Vale ni sonikolu tara holoo nia Libertini mi Kurene, mi Aleksandria, mi Kilikia, mi Asia, tara tapatuguru mara huguhugua Stephen. 10 Mara mu tanomana na tuguru puzisiana, na pukuna na manaha ma na Taruna te Tabu te bosa vanira nia. 11 Ma gaira tara naunaura na balu tino-ni, gekara bosa ma kara gagua, Igami tai ronovia agaia eni te bosa taboo Mosesi ma God. 12 Ma gaira tara gunalia na vure, ma rana lei magutu, naia rana Tarai; mara ruguhoru vaa itatana, mara lotia, mara holatia vaa ta na ovu ni dete. 13 Mara tuguru vaginira na balu gekara vuhavuha mara gagua, Agaia eni te mua mautu na nia pala huguhugu na Bebe te Tabu maia na Ronorono. 14 Na pukuna igami tai ronovia gaia te bosa me gagua, a Jesus eni ni Nasareta ke nia tagaa na bona eni, meke liliui na lei ronorono te vahegita mai tua Mosesi. 15 Ma gaira soko tara sopou ta na ovu ni dete tara totolaa, mara vaevanea na matana, te vaga na mata ni Taruna vetena.

VII.

1 Ma na Puku ni sukagi te gagua, Na lei totobo ini, te utuni pe taho? 2 Ma gaia te gagua,

Agau lei hogogu, ma rana lei tamagu, kau varonohiu. A God te marara te livu vania tamada a Abrahamia, i Mesopotamia, ta na bona te mua kabu mua i Haran. 3 Me bosa vania me gagua, Ko sania na komumu, ma rana tubumu, mo ko boiboli vaa ta na komu ku tugunia vanigo. 4 Vaho ge ruguhoru sania na komudira rana Kaldea, me va kabu i Haran; me mate tua ga tamana, ma God te bolia mai ta na komu eni, igamu tau gahagau ga taeni. 5 Me mua vahea tua siki nina pari ga, taho vaho tua teke vaga vagua na marevo ni tua; mete nia baubahu tua teke vahea gatu sugua meke logoa nina, ma vanira rana lei kukuana imurina; me taho mua dalena. 6 Ma God te bosa te vaga eni me gagua, Rana kukuamu kara diki boiboli soo ta na komu keka, ma gaira na vure ni komu kara ponora ma kara torora, evati na hanalatu ni niulu. 7 Ma na taba ni vure kara popono inau ku detera nigua, e gagua God; meke soko ke, gaira kara ruguhoru, ma kara la'alaga vaniu ta na bona eni. 8 Ma God te vahea na baubahu ni pahevaugilala; ma gaia te vahua Isaaka me nea nia te vaga, me pahevaugilala ta na aluni na boni; ma Isaka te vahua Jakob; ma Jakob te vahua rana puku ni kema tara sara erua. 9 Ma gaira rana puku ni kema tara nia gigirou Joseph, mara hunulua vaa i Misraim; ma God te kabu soo tatana. 10 Ma gaia te va ruguhoru ta nina lei kabu vateiaroviana, me nea Pharao, na vunagi ni Misraim, geke lio uto vania, meke manaha ga ta na matana; ma gaia te vatuguruvaginia, geke haba punisia i Misraim, ma na valena

soko. 11 Ma na *nenere* te nea na komu Misraim soko, maia i Kanaan, me sule na vateiarovidira *ga*; ma gaira rana tamada tara mua rigi sodoa na gadia na vana. 12 Ma gaia Jakob te *ronovia* na ladana na vana i Misraim, *ge* diki vetenara gatu rana tamada. 13 Ma ta na ruani na tona *ge* tuguni tatea Joseph vanira rana hogona, vaho *ge* pukura Pharao rana hogona Joseph. 14 Ma Joseph te vetena olira gaira, gekara lavia mai tamana Jakob, maia rana lei hogona soko, gaira soko ara vituhazavulu me sara elima. 15 Ma Jakob te horu i Misraim; ma gaia, maia rana tamada tara mate soko *ga*. 16 Ma gaira tara hola horura i Shekem, mara talura ta na beku ni tinoni mate, a Abraham te pelua tua i lania Shekem nia na rono vanira rana dalena Emor. 17 Ma na bona ni bauhahu te haga poso mai, God te nia baubahu papara vania *ga* Abraham, gera subo, mara hali galaga i Misraim; 18 polo te vuha sara te vunagi keha te tapatuguru me mua gilala Joseph. 19 Ma gaia te *guequelora* na gada na kema, me terora rana tamada, *ge* kara sonihorura rana lei meomeo itadira, *ge* kara bei vola *gea*. 20 Mi ta na bona keri a Mosesi tara vahua mai, ma gaia te utoutoa lec, mara kutia ta na valena tamana etolu na vula. 21 Ma gera sonia, ma dalena Pharao na vaivine te lavi galagaa, me kutia nia dalena. 22 Me taraia nia Mosesi na lei vata soko ni manaha ni Misraim; ma nina lei bosa, maia nina lei *gehegehe* te mana soko. 23 Me haga vati hazavulu tua na niuluna, vaho *ge* liu liona na va kaoadira rana lei hogona, rana Israeli. 24 Ma gaia te rigia sakai te vadanitai, siki mane ni Misraim te toro, *ge* hanaa, me karasia tatana te nia gigitou, me labna na mane ni Misraim. 25 Ma gaia te ganagana ke, ma rana lei

hogona kara pukua didira, agaia God te haga volara nia limana; mara mua pukua didira. 26 Me roropogana gua te topora eruua toro veihuguhugu, me bosa vanira, *ge* koro sonikolu, me gagua, Rogau na tamahogoni! Egua gero dikalagamu hegemi? 27 Ma gaia te dikala na gana komu kolu te tiba kehaa, me gagua, Ahei te talugo igoe, geko vunagi punisigami, mo ko dete vanigai? 28 Igoe to liona na mateagu inau, te vaga to matea tua na mane ni Misraim inola? 29 Ma gaia Mosesi te tona keha na pukuna na *ronorono* eni, me kabu sinogo ta na komu Midian; me vahura *ga* ra rua dalena. 30 Me soko tua evati hazavulu na niulu, *ge* livu vania nina Taruna vetena God ta na komu aroha, ta na gotu Sinai, ta na kaukaru te vavu. 31 Ma Mosesi te rigia, *ge* nia hare na toতোbo te rigia; ma gaia te dutuvia, *geke* rigia nina; ma na manana Lord te ruguhoru vania mai, me gagua, 32 Inau God kukuamu, God Abraham, ma God Isaak, ma God Jakob. Ma Mosesi te *gebegebe*, ma gaia te matagu nina na reirei. 33 Ma Lord te bosa vania, Ko togia na suu ta na marevomou, na pukuna na bona to tuguru *ga* ke, na bona te tabu. 34 Inau tu rigia nigua sugua nigua na vure te kabu vateiaroviana i Misraim, mu *ronovia* didira na sonosonoeta; mi nau tu horu mai geku sagura; mi taeni, ko mai, muku vetenago gatu i Misraim. 35 A Mosesi eni agaira tara hovehovea, mara bosa mara gagua, Ahei te talugo geko vunagi punisigami mo ko dete vanigami! agaia eni God te vetena pulohia, *ge* ke vunagi, me ke hui oli, nia na limana na Taruna vetena te tate vania tua ta na kaukaru te vavu. 36 Ma gaia eni te lavi horura mai; te goni sokoi na butuli ma na lei vangilala, ta na komu Misraim, maia ta na horara sisi, maia

ta na komu aroha, evati hanavulu na niulu. 37 Aeni a Mossi, agaia te bosa vanira rana dalei Israeli me gagua, A Lord God ke va tuguruvaginia na porovete itadira rana hogomiu te vagau inau; kau ronovia. 38 Aeni agaia te kabu ta na Holohoru ta na komu arona, itatana na Taruna vetena te bosa vania tutu ta na gotu Sinai, maia itadira tamada; ma gaia te lavigi nina na bosa ni vola ge ke vahegita mai. 39 Ma gaira ra na tamada tara mua liona na tala taoniani, ma gaira tara hovea, mara ganagana olia ta na kutudira i Misraim; 40 mara gagua vania Aaroni, Ko gonigi lei god vanigita, gekara huligita; ma gaia Moses eni te lavi horugita mai ta na komu i Misraim, igita ta mua pukua na hava te nea gaia. 41 Ma gaira tara saria na titinoni ni dalei kau ta na lei boni keru, mara talu datoa na vatei sukagi vania na titinoni, mara nia togotogo na malei limadira. 42 Ma God te muri sanira, me lubatira, ge kara gehegehe vanira na lei totoho ta na parako; te vaga te gerea tua ta didira na gegere lei porovete, te gagua;

Agau, rana Israel, mi gau tau nigi sukagi vaniu na kau mate,

Evati hanavulu na niulu ta ta komu aroha?

43 I gamu tau tuguruvaginia na valena Moloko,

Ma na veitugu na vaugilala ni god igamu Repani,

Na lei titinoni tau sarigi nimiu ge kau kolitao vanira;

Mi nau ku sagugamu vaa i levuna Babeli.

44 Ma na vaevale ni vaugilala itadira tamada ta na komu aroha, te vaga te tuguni alaala, me gagua vania a Mosesi, geke kisu taonia na hulina te rigia tua. 45 Ma gaia tamada te ladavaginia na laviana mai itatana

Joshua mara lavi hagea mai ta na komudira na lei taba ni vure. God te guru kehara ta na matadira rana tamada, polo te sara mai ta na bonina David. 46 Ma God te vilia nia na lio uto, ma gaia te nonia ge me ke kisua na valo vania God Jakob. 47 Ma Solomon te kisua vania na vale. 48 Ma gaia te Haba ke mua tano-mana na kabu ta na malei lima ni tinoni, te vaga te bosa tua na porovete me gagua,

49 A Lord te gagua,

Nigua na malei sopou ni vunagi na parako,

Ma nigua na malei tuturi na maramana; mi vei te vaga na vale kau kisua vaniu?

Mi vei na boua ku vaa aheahaga?

50 Ma na mua limagu te kabarigi na lei totoho ini?

51 Rana lio nasi, igau tau mua pahevaugilalani na lokamiu, maia na kulimiu; mi gau tau tuguru punisia hata na Taruna te Tabu; te vaga rana tamamiu, maia igamu. 52 Ivei siki porovete tara mua givuti taboa gaira rana tamamiu? ma gaira tara labu matera gaira tara tutugu dilaa na maiana gaia te maemane, mi gau tau peroa, mau labu taboa. 53 Mi gamu tau lavia nimiu na Ronorono gaira rana Taruna vetena tara gehegehetia ga; mi gau tau mua vatogaa.

54 Ma gaira tara ronovigi na lei bosa ini, me nigi kurusu na tobadira, me gala girigiri na pukuna gaia. 55 Ma gaia te vonugia na Taruna te Tabu, ge totola datoa na parako, me rigia na mararana God, ma Jesus te tuguru ta na pala madolona God; 56 ge gagua, Age, inau tu vaevana na parako te lovovoka, ma na Dalcitini tu tuguru ta na pala madolona God. 57 Ma gaira soko tara nia nimili na mana sule, mara pitoi na kulidira,

mara sama kolu tatana, 58 mara guru kelaa ta na komu, gera peta matea : ma gaira tara vuhavuhaa tara talu horui didira na tivi ta na tuana na garimane, na ahana Saul.

59 Ma gaira tara petaa Stephen, ma gaia te hoholo me gagua, Lord Jesus ko lavia nimua na tarunagu. 60 Ma gaia te tualagi tuturu, me nia hoholo laga na mana te sule, me gagua, Lord ko bei idumigi na palu ini nia na paludira. Me bosa soko te vaga eni, ge maturu.

VIII.

1 Ma Saul te nira galakolu sugua na mateana. Mi ta na lei boni kiri gaira tara gunali nanataa na Holoru i Jerusalem ; ma gaira soko tara havukagi ta na lei komu i Judea, mi Samaria ; ma rana Manevetena vamuua tara taho. 2 Ma na balu itadira tara kikinima tara sake horua Stephen, me sule lee na tanihiana gaia. 3 Me Saul te nia taluageri na Holohoru, me hagevigi na lei vale, me gora horura lei mane ma na vaivine, me va talura ta na vale pipiti.

4 Ma gaira tara havukagi, mara sopa tona ta na lei komu, mara lada-vaginia na bosa. 5 Ma Philip te horu ta na komu i Samaria, me tuguni tatea vanira Christ. 6 Ma na vure soko sakai vamuua na ronoviana na bosana Philip, gaira tara ronovigi mara rigigi haia na lei butuli ma na lei vaugilala te nei. 7 Na lei tidalo gume tara nanaraha tara ruguhoru itadira na vure tara subo ; maia te vavolara na lei ludi ma na lei tatata tara subo. 8 Me hahi tua na togo te nera ta na komu keri.

9 Ma sakai na tinoni te diki gahaa tua ta na komu keri, na ahana a Simon, te liliui haia lei totoho nia nina gehegehe sorisori, me nera ge ra nia hare na vinavahuhu ni Samaria, me

FLO.

ganagana agaia te vaga ahei te haba. 10 Ma gaira soko, na lei vunagi polo ta sara itadira na lei tovonu tinoni tara taluutuni soko, mara gagua : Aeni nina mana God te sule. 11 Ma gaira tara ronovia, me neira ge kara nia hare idania nia nina gehegehe sorisori. 12 Ma vaho tara taluutunia Philip te tuguni tatea vanira na Ronorono uto ta nina kinakabu God, maia na ahana Jesus Christ, vaho ge vulitabura, rana lei mane ma ra na vaivine. 13 Ma gaia Simon te taluutuni nina ; ma ge vulitabua gaia, me gahaa soo itatana Philip, me nigii hare nanata te rigigi na lei butuli ma na lei vaugilala te sule te nei.

14 Ma gaira rana manevetena i Jerusalem tara ronovia agaira rana Samaria tara lavipanotia didira na bosana God, ma gaira tara vetenara vanira gatu a Peter ma John. 15 Ma rogaira toro horu tua, moro kokoeliu-livutira ge kara lavia didira na Taruna te Tabu. 16 Na pukuna te mua horu mua i vuvunana siki sakai tadira ; tara vulitabura vamuua ta na ahana Lord Jesus. 17 Ma rogaira vaho gero tabera, ge ra lavia didira na Taruna te Tabu. 18 Ma gaia Simon te rigia te vahera na Taruna te Tabu gaira tara tabera rana manevetena, ge nigii mai na rono ro vanira, 19 me gagua, Koro vaheu mai na mana eni, ge muku tabea nigua siki sakai, me ke lavipanotia na Taruna te Tabu. 20 Ma Peter te bosa vania me gagua, Igoe maia nimua na rono mo koro taga sokogau, na pukuna igoe to ganagana ke ma kara pelua nina sonihalavu a God nia na rono. 21 Taho vaho tua na pilena, pa na malana itanua na rono-rozo eni, na pukuna na lokamu te mua maemane ta na matana God. 22 Na pukuna eni ko tugu lio nimua ta na ganagana dika eni to nea tua, mo ko kurutia Lord, ge ke talukehai so gea na ganagana eni ta na kutumu.

I.

23 Mi nau tu pukua nigua na malina na tazohahi ke saurugo, maia na tano-tanodika ke piti nasiligo. 24 Ma Simon te bosa tugu vania, me gagua, Koro kokoeiliulivutiu vania Lord, *ge* ke bei kaleu *gea* na toto bo te vaga to bosai.

25 Ma rogaira toro tugunia te manana, moro ladavaginia na bosana God; gero pulohi Jerusalem, toro tugunia na Ronorono uto ta na lei sopo komu sosopa i Samaria.

26 Ma nina Taruna vetena Lord te bosa vania Philip, me gagua, Ko tuguru, mo ko galaga, ta na halautuna i Jerusalem te horu i Gasa ta na komu aroha. 27 Ma *gaia* te tapatuguru, me tona; mo ko rigia *vaa*, na tinoni ni Ethiopia na Eunuk *agaia* nina vunagi a Kandake na vinahogodira ra na Ethiopia, te rigitaonigi lei nina puku ni toto bo, te va tona tua Jerusalem na va kokoeiliulivuti. 28 Ma *gaia* te pulohi, te sopo ta nina tapolagolago, me siroa nina buka Isaia na porovete. 29 Ma na Taruna te bosa vania Philip me gagua, Ko va dutuvia, mo ko taetabe nasi ta na tapolagolago keri. 30 Ma Philip te mina sama, me ronovia te siroa nina buka Isaia na porovete, *ge* gagua, Ina sugua, to manahana sugua na toto bo to siroa? 31 Ma *gaia* te gagua, Ivei ku nea na manahana, *ge* te ke mua huliin *ga* siki sakai? Ma *gaia* te nozia Philip, *ge* ke sei galaga, me ke nia sopo kolu. 32 Ma na bona ni *gegere* te siroa te vaga eni,

Tara nia tona, te vaga na sipu kara va labua;

Me te vaga na dalei sipu ta na matadira tara gorua na vuvuluna te nea *ga* na todore,

Te gagua *ga* eni te mua vuke na manana.

33 Ta na bona tara talumuria, tara lavi kehaa na dete ta tana;

Ahei ke tuguni kaekalea na kemana?

Na pukuna te lavi kehaa na volana ta na maramana eni.

34 Ma *gaia* na Eunuk te bosa vania Philip, me gagua, Nau tu nonigo ko tugunia vaniu, Ahei te bosaa na porovete eni? *Agaa* hegena pa siki sakai te keha? 35 Ma Philip te vuke manana, me vuivuni ta na *gegere* eni, *ge* tuguni tatea vania Jesus. 36 Ma gaira tara tona soo ta na halautu, ma gaira tara saravia siki beti, na na Eunuk te gagua, Ko rigia, na beti; na hava te purisiu, *ge* ku mua vulitabu? 37 Ma Philip te bosa vania me gagua, *Ge* to ko nia taluutuni na kutumu soko ke, me ke *tanomana* sugua. Ma *gaia* te bosa tugu me gagua, Nau tu taluutunia sugua Jesus Christ, *agaia* dalena God. 38 Ma *gaia* te nea na tapolagolago *ge* ke tuguru beto; ma rogaira soko toro sogahoru ta na beti, a Philip ma na Eunuk; ma *gaia* te vulitabu. 39 Ma rogaira toro tuturi dato mai ta na beti, nina Taruna Lord te sagu kehaa Philip; ma na Eunuk te mua rigia gua; ma *gaia* te tona togotogo soo ta na halautuna. 40 Me topoia tua Philip i Asotus, *agaia* te tarai haliu ta na lei komu polo te sara i Kaisareia.

IX.

1 Me te ruguloru mai soo i tatana Saul na lio ni rutu ma na mateadira rana nina vaovarono a Lord, me varigia na Puku ni sonisukagi, 2 me nozia itatana na *gegerena* i Damascus, vanira ta na lei vale ni sonikolu, *ge* te ke rigi sodora na balu ta na hala utu keri, na mane, pa na vaivine, ke nira tona, ma kara pitira i Jerusalem. 3 Ma *gaia* te tona soo, me dutuvia tua Damascus; ma na marara ni kokou te mina hinari taligutia. 4 Ma *gaia* te kutu ta na pari, *ge* rono-

via na mana te gagua vania, Saul Saul, egua geo niu gikirou? 5 Ma gaia te gagua, Ma ahei igoe, Lord? Ma gaia te gagua, Inau a Jesus ni Nasareta to niu gikirou sugua. 6 Ko tuguru, mo ko vaa hage ta na komu, ge ku tugunia vanigo ta na niha na totoho ko kabaria. 7 Ma gaira tara nia udu kolu tara tuguru beto, tara ronovia na mana mara mua rigia siki-sakai. 8 Ma gaia Saul te tuguru mai ta na pari me vurehigi na matana, me mua rigi vakodoa siki totoho; ma gaira tara tabe limana ge ra lavia va i Damaskus. 9 Me tolu na boni te rorodo soo, ma gaia te mua vana me mua inu.

10 Ma sakai na vaovarono iga i Damaskus, na ahana Ananias. Ma Lord te bosa vania ta na maturubole me gagua, Ananias. Ma gaia te gagua, Ko rigi inau soo eni, Lord. 11 Ma Lord te gagua vania, Ko tuguru moko tona ta na halautu tara holoo nia Maemane, mo ko keneea ta na valena Juda na tinoni na ahana Saul, ni Tarsus: ko rigia, te kokoeliulivuti. 12 Ma gaia te rigia te vaga ta na mabubu, na mane na ahana Ananias, te vaa hage, me tabea, ge ke reirei oli gua. 13 Ma gaia Ananias te gagua, Lord, inau tu ronovia tua itadira tara subo na ladana na tinoni eni, maia na lei totoho dika nanata te nei tua vanira rana nimua na tinoni tabu i Jerusalem. 14 Miani itatana na mana te lavia tadira rana lei Puku ni sukagi, ge ke pitira gaira tara holoo na ahamu. 15 Ma Lord te gagua vania soo, Ko tona; mugua gaia eni ke puku ni vatei lutu, ke ladavaginia na ahagu ta na matedira na lei taba ni vure, maia rana lei vunagi, maia rana daledira rana Israel. 16 Na pukuna inau ku tugunia vania na lei totoho te mava te ke vadavagitailigi na pukuna na ahagu. 17 Ma Ananias te tona, me va hage ta na vale, me tabea, me

gagua, Hogogu Saul; a Lord, a Jesus keri, agaia te livu vanigo tua ta na halautu to liu mai ga, gaia te vetenau mai, geko reirei oli gua, mo ko vouugia na Taruna te Tabu. 18 Me mina kutu horu ta na matana te vaga na vuru, ma gaia te mina reirei oli, me tuguru ge ra vulitabua. 19 Ma gaia te vana ge goi laga gua.

Ma gaia te kabu na balu boni itadira rana vaovarono i Damaskus. 20 Me mua hau me mina nia tarai vaso ta na lei vale ni sonikolu a Jesus, agaia Dalena God. 21 Ma gaira soko tara ronovia, mara hare nanata, mara gagua, Na mua gaia eni te gunali nanataa i Jerusalem gaira tara holoo na aha eni; maia te va mai, na pukuna ke mai pitira me nira gatu vanira rana Puku ni sukagi? 22 Ma Saul te laga haia, me huguhugu kale vanira rana Israel tara kabu i Damaskus, nia na tuguni kaekalena aeni na Christ.

23 Me subo tua na boni te padi, rana Israel tara guruvorono kara matea. 24 Ma Saul te pukua tara polonia. Ma gaira tara daigi na lei mataula ni peo, te dani me boni, ge kara matea. 25 Ma rana vaovarono tara lavia te boni, mara dorovagini horua ta na muri peo ta na kei.

26 Ma gaia te sara Jerusalem, ge tabotaboa na nira vaukolu rana vaovarono, ma gaira soko tara matagunia, tara mua taluutunia gaia na vaovarono. 27 Ma gaia Barnabas te lavia, me nia gatu tadira rana Manevetea, me tuguni tatea vanira ivei te nea na rigiana a Lord ta na halautu, maia te bosa vania, mi vei te nea na taraiadira i Damaskus ta na ahana Jesus. 28 Ma gaia te kabu itadira, me hage me horu i Jerusalem. 29 Me bosabosa, me nia tarai na ahana Lord Jesus, me huguhugu itadira rana Girekia; ma gaira tara tabotaboa na mateana. 30 Ma gaira rana tamahogoni tara pukua,

gera nia horn Kaisareia, mara vetena kehaa vaa i Tasusi.

31 Ma na Holohoru i Judea, mi Samaria, te kabu mabo, me hali, me va sulea na nia kikinima Lord, me nia togoluvu na pukuna na Taruna te Tabu te patupatura.

32 Me padi na lei totoho ini, a Peter te va tona ta na lei komu, ge horu varigira rana Tabu tara kabu i Luda.

33 Ma gaia te rigi sodoa ga na tinoni, na ahana Aineas, ma gaia te boro vale, e alu tua na niulu te koli ta na malana.

34 Ma gaia Peter te bosa vania me gagua, Aineas, a Jesus Christ te vavolago; ko tuguru, mo ko vorahaginia na malamu. Ma gaia te mina tuguru. 35 Ma gaira soko tara kabu i Luda, maia i Saron, tara vaevanea didira gaia, ma gaira vaho tara pulohi vania Lord.

36 Ma sakai na vaovarono iga i Jopa, na ahana Tabitha, na hoholo ni Girekia ke Dorkas. Ma na vaivine eni ke te vonugia na gehegehe uto, ma na hevei lee, te nei haia tua. 37 Mi ta na lei boni keru, te vahagi, me mate; ma gaira tara siuvi soko, gera va kolivaginia ta na vata ni vale ikokou. 38 Mi Luda te dutuvia soo i Jopa; ma rana vaovarono tara ronovia a Peter iga, ge ra vetenara ara rua na tinoni, mara nonia, ke bei nego gea na varigiadira. 39 Ma Peter te tuguru, me nira udu rogaira. Me sara tua, ge ra nia dato ta na vata ni vale ikokou; ma gaira rana lei matesasani tara tuguru kolu itatana, tara tazitani, mara tugunigi na lei pupulu te subo agaia Dorkas te gehetigi tua, te gahaa mua tadira. 40 Ma Peter te vetena horura soko i pari, ge tualagi tuturu, me kokoeliulivuti, me liliua na tinoni mate, me gagua, Tabitha, ko tuguru; ma gaia te vurehigi na matana, me vaevanea Peter, ge sopou galaga. 41 Ma gaia te haua na limana, me gora datao; me ge holora

mai rana tabu, maja rana mate sasani, ge lubati olia vanira te vola tua. 42 Ma gaira soko i Jopa tara gilala ga; mara subo tara savunia na taluutuniana Lord. 43 Ma Peter te kabu na balu boni i Jopa, i tatana a Simon te lutua na guiguli ni bolo.

X.

1 Ma sakai na tinoni i Kaisareia, na ahana Kornelius, agaia na habadira na hazalatu na ovu ni tinoni tara holoa nia Italia. 2 Na tinoni mabo, ma gaia te nia kikinima God, ma gaira gua ta na valena, ma gaia te hevei lee haia vanira na vure, ma gaia te kokoeliulivuti haia vania God. 3 Ma gaia te rigi kackalea te vaga ta na mabubu, te vaga ta na hiuani na bona ni boni, nina Taruna vetena Lord te hage varigia, me gagua, Kornelius. 4 Ma gaia te tolavia, me matagu nanata, me gagua, Na hava eni Lord? Ma gaia te gagna, Ninua na kokoeliulivuti ma na hevei lee te vaga na reirei ni mata ta na matana God. 5 Mi taeni ko vetenara gatu na balu tinoni i Jopa, mo ko holoa mai a Simon, na ruani ahana a Peter. 6 Te gahaa soo itatana Simon te lutua na guiguli ni bolo, na valena te gahaa liligi ni laukokolo. 7 Ma na Taruna vetena te bosa vania tua, te tona keha; ge holora mai erua nina tinoni ta na valena, maia sakai na soldier, na tinoni uto, sakai tadira tara gabara itatana. 8 Ma gaia te tuguni kackakea vanira na lei totoho ini, ge vetenara gatu i Jopa.

9 Me roropogana tolu gaira tara tolu tona soo, mara tolu dutuvia tua na komu; ma Peter te sei dato ta na vale, ge ke kokoeliulivuti, te vaga na ononi na bona ni boni. 10 Ma gaia te vitolo, me liona na vana. Ma gaira tara gehe gana vana, me bugoro. 11 Me rigia na parako te lovo voka,

ma na tofoto te vaga na selo te sule lee te dororo horu mai, tara pitigi evati na piuna, me dororo horu ta na pari. 12 Ma na lei vata ni bolo soko ta na maramana ilokana, maia na lei tofoto soko tara tagu ta na pari, maia na lei manu ta na oka. 13 Ma na mana te bosa vania mai me gagua, Peter ko tuguru, mo ko paepahe, mo ko vana. 14 Ma Peter te gagua, Taho tua, Lord ; inau tu mua gania siki tofoto tevono, maia te meto. 15 Ma na mana te bosa tugu vania me gagua, Ko bei vatu metona siki tofoto te vamarabua tua God. 16 Me tolu na neana ga te vaga eni ; soko ke, ge vaho lavi datao na selo keru ikokou.

17 Ma gaia te ganagana ruarua me gagua, na hava na mabubu eni te rigia nina tua ; ko rigia, gaira te vetenara mai a Kornelius tara huati poipolisaginia na valena Simon, tara tuguru ta na mataula. 18 Tara holoholo, mara huahuati, mara gagua a Simon na ruani ahana a Peter, te gabaa ikakeria ? 19 Ma Peter te ganagana varonoo soo na mabubu keru, ma na Taruna te bosa vania me gagua, Ko rigia, etolu na tinoni tara kenego. 20 Ko tuguru, moko horu, moko nira udu tolugaira, moko bei hove, inau tu vetenara mai tolugaira. 21 Ma Peter te horu me gagua vanira na tinoni, Kau rigia, inau sugua gaia tau kenea ; na ha na pukuna tau tolu nia mai ? 22 Ma tolugaira tara tolu gagua, a Kornelius, na habadira na hazalati, na tinoni te maemane me nia kikinima God, ma rana Israel soko tara ganagana mavaa gaia, ma na Taruna vetena te Tabu te keikeria vania, geke hologo vaa ta na valena, me ke ronovia na bosa itamua. 23 Ma gaia te holora mai i loka ni valena, me kutira tolugaira.

Me roropogana ge sakeragi, me nira udu kolu tolugaira ma na balu hogodira ni Jopa tara saritaonira.

24 Me roropogana gua gera sara i Kaisareia. Ma Kornelius te pitura tua, te holokolura mai tua rana lei tubuna, ma na lei puku ni kulana. 25 Ma Peter te vaa hage soo, agaia Kornelius te mai sodca, me nia pogotao ta na tuana me nia kikinima. 26 Ma Peter te gora datao, me gagua, ko tuguru, mi nau gua na tinoni. 27 Ma rogaira toro vei bosabosa, me hage, me rigira na lei tinoni tara subo tara kokolu tua ; 28 ge bosa vanira me gagua, Igamu tau gilala nimiu tua te hovea tua rana Israel, kara bei nira vaukolu rana vure keha, kara bei varigira ; ma God te tuguni tatea vaniu, ge ku bei vatua nia na tofono sikisakai, mai na meto. 29 Na pukuna eni tu tala na mai rigiamiu tau holou mai. Me uto ku huatigamu, na pukuna na hava tau holou mai ? 30 Ma gaia Kornelius te gagua, Evati tua na boni, inau tu talukauu, polo te sara ta na bona ni boni te vaga eni ; mi ta na huanu na bona ni boni inau tu kokoeliulivuti ta na vagegu ; ko rigia, na tinoni te tuguru dutuvuu te nia pupulu na tivi te dara ga na mata. 31 Me gagua, Kornelius, te ronovia nimua na kokoeliulivuti, ma na hevee lee te vaga na reirei ni mata ta na matana God. 32 Ko vetena vaa sikisakai i Jopa, ko holoo mai Simon na rua ni ahana Peter ; te kabu ta na valena Simon te lutua na guiguli ni bolo, ililigi ni lau kokolo. 33 Mi nau tu mina vetenara tolugaira vanigo ; mo mai tua, me uto sugua. Mi taeni igami soko tai tuguru ta na matana God, ge kai ronovigi na lei tofoto te vetenago nia God. 34 Ma Peter te vuke manana me gagua, Eutuni nau tu vakalio nigua agaia God te mua vilia vamua ahei. 35 Ma mugua gaira soko kara sopa nia kikinima ta na lei taba ni vure, ma kara gehegehe maemane, ke holopannotia.

36 Mi gau tau gilalaa nimiu na bosa te vetena vanira mai rana Israel, me tugunia na Ronorono uto ni mabo, nia Jesus Christ (ma gaia te Vunagini lei hegohego) 37 na bosa kori sopanira tua i Judea taligu, te vuivuni Galilea, te soko tua na vulitabu te nia tarai a John; 38 agaia Jesus eni ni Nasaret God te siusiua nia na Taruna te Tabu maia na mana; ma gaia te tona kolili, me gehegehe uto, ma gaia te vavolara soko gaira te ponora tua Satana, na pukuna a God itatana. 39 Migami tai tugunigi te manani na lei tobo to gonigi tua ta na komudira rana Judea, mi Jerusalem; ma gaira tara va matea, mara sorovaginia ta na gai. 40 Ma God te va tuguruvaginia ta na toluni na boni, me nea geke livu. 41 Me mua vanira na vure soko; ma vanira vamua kara tugunia te manana, God te diki vilira tua, igami sugua, tai nia vana kolu, maia tai nia inu kolu tua, agaia te te tuguru oli tua ta na mate. 42 Ma gaia te vetenagami, ge kai taraira na vure, ma kai tugunia te kaekage ga, agaia eni God te talua, ge ke detera gaira tara vola soo maia tara mate tua. 43 Ma gaira rana lei porovete tara tugunia te manana gaia, ahei ke taluutunia ke, me ke logoa nina na talukeha palu nia na ahana.

44 Ma Peter te bosai soo na lei bosa ini, na Taruna te Tabu te horu ivuvunadira soko tara ronovia na bosa. 45 Ma gaira rana taluutuni tadira rana pahevaugilala, agaira tara nia udu kolu mai tua Peter, tara hare nanata; na pukuna te kovala horua na sonihalavu ni Taruna te Tabu ivuvunadira rana vure keha. 46 Na pukuna tara ronovia gaira tara leu, mara ladavaginia God, ge gagua Peter, 47 Ahei ke tazomana na hoveana na beti, ge ka mua vulitabura na lei tinoni eni tara lavia didira tua na Taruna te Tabu, te vaga igitai? 48

Ma gaia te bosa na vulitabuadira ta na ahana Jesus Christ. Ma gaira tara nonia, geke kabu tadira ta na balu boni.

XI.

1 Ma gaira rana Mane vetena ma rana lei hogodira tara sopa kabu i Judea tara ronovia, agaira ta na taba ni vure keha tara lavipanotia didira na bosana God. 2 Ma gaia Peter te va dato tua i Jerusalem, agaira itadira rana pahevaugilala tara mai huguhugu itatana, mara gagua, 3 Igoo to hage varigira na tinoni tara mua pahevaugilala, mo nira vana kolu. 4 Ma Peter te vuivunia na tuguni alalaana vanira, me gagua, 5 Inau tu gahau ta na komu i Jopa, tu kokoeilulivuti soo, ma ge tate vaniu, mi nau tu rigia na mabubu, na tobo to horu mai te vaga na levu ni selo te sule, te dororo horu mai ikokou nia evati na piuna, ge mai sara tagu. 6 Mi nau tu rei gegele ilokana mu ganagana vaovarono, vaho geu rigia na lei vata ni bolo soko ta na pari, ma na lei bolo asi, ma na lei tobo to tagu, ma na lei manu ni oka. 7 Mi nau tu ronovia na bosa te gagua vaniu, Ko tuguru Peter, ko paepahe mo ko vana. 8 Mi nau tu gagua, Taho tua Lord, na tobo to vono maia te meto te mua turi hagea mua na managu. 9 Ma na bosa te ruani na bosa tugu vaniagu me gagua, Ko bei vatu metona gea siki tobo to va marabua tua God. 10 Me tolu na tuguru ni neana ga te vaga eni, ge gora galaga na lei tobo to ikokou. 11 Me mua hau vaso, ko rigia, etolu na tinoni tara tuguru ta na mataula ni vale tu gahau ga ilokana, tara vetenara vaniu mai i Kaisareia. 12 Ma na Taruna te Tabu te bosa vaniu na nira udu kolu, mu ku bei hove. Mara ono hogogu ini tara gahara itagua migami tai va hage

ta na valena na tinoni keri. 13 Ma gaia te tugunia vanigami ivei te nea na vaevaneana na Turuna vetena te vaa tuguru ta na valena, me gagua, Ko vetena sikisakai i Jopa, *ge* ke holoa mai Simon, na ruani ahana Peter. 14 Ma gaia ke tugunigi vanigo na lei bosa ko nigi vola *ga*, igoe, ma gaira soko ta na valemu. 15 Mi nau tu vuivunia na bosabosa, na Taruna te Tabu te horu ivuvunadira soko te vaga ivuvunada ta na vuivuni. 16 Ma vaho *geu* ganagana olia na bosana Lord te gagna, A John te nia vulitabu na beti; ma kara vulitabugau nia na Taruna te Tabu. 17 Ma gaia God te vetena vanira mai tua te kae-kage *ga* na sonihalavu keri, te vaga vanigita soko ta taluutunia a Lord Jesus Christ, ahei inau, tu laga vaa *ge* ku tuguru punisia God? 18 Ma gaira tara ronovia eni, *ge* ra todomo, mara holo utoa God, mara gagua, God te vahera *gatu* na lei taba ni vure na tugu lio *ge* kara nia vola oli.

19 Ma gaira tara peta matea tua Stephen ma ra gunalira rana vaovarono; ma na balu tadira ta ra havukagi *ga*, mara tona ta na lei komu, mara sara i Phenikia, mi Kuprus, mi Antiokia, mara mua tugunia na bosa vania sikisakai, ma vanira rana Israel hegedira vamua. 20 Ma na balu tinoni ni Kuprus, mi Kurene, tara sara i Antiokia, mara bosa vanira rana Girekia, mara tugunia nina Ronorono uto a Lord Jesus. 21 Ma na limana Lord itadira, ma na vure te subo tara taluutuni, vaho *gea* pulohi varigia Lord. 22 Ma na ronoragadira eni te dulagi ta na kulidira na Holohoru i Jerusalem: ma gaira tara vetena *gatu* a Barnabas *ge* ke vaa sara i Antiokia. 23 Ma gaia te vaa sara *ga*, ma gaia te rigia na nina sonihalavu God, me nia togotogo, me patura nia soko na bosa vaniadiru, *ge* kara nia lio sakai ta na kutudira na kau nasi ita-

tana Lord. 24 Agaia eni na tinoni uto, maia te vonugia na Taruna te Tabu ma na taluutuni; me nera *ge* kara savunia na vure te subo vania Lord. 25 Ma agaia te va tona i Tarsus, *ge* ke kenea Saul. 26 Ma gaia te rigi sodoa, me nia tona i Antiokia. Ma gaira toro vaukolu tadira na Holohoru sakai na niulu udolu, moro taraira na vure te subo. Mara vuivuni ni holoadira nia rana vaovarono rana Christ i Antiokia.

27 Mi ta na lei boni kiri rana balu porovete tara bntu mai Jerusalem mara horu i Antiokia. 28 Ma sakai tadira te tuguru, na ahana Agabus, me nia tutugunu na Taruna, me bosa na *nenere* sule ke kalea na maramana; me kalei na totobo eni ta na bonina Kilaudiusi. 29 Ma gaira rana vaovarono, te vaga ahei ma hei kara sopa nigi hevei, mara nia lio sakai *ge* kara talana na vatei hevei lee vanira rana hogodira tara kabu i Judea. 30 Ma gaira tara nea te vaga, mara vetenai *gatu* na vatei hevei lee vanira rana lei Magutu nia na limadira a Barnabas maia Saul.

XII.

1 Mi ta na bona keri a Herod, na vunagi, te havaa na limana *ge* ke vahagitaillira na balu ta na Holohoru. 2 Ma gaia te matea tua James hogona John, nia na isi. 3 Ma gaia te rigia gaira rana Judea tara liona te vaga eni, ma *ge* goi lotia gua Peter. Ma na boni ni *bread* gulu te poso mai. 4 Mara tabea, mara talua ta na vale ni pipiti; me lubatia vanira rana *soldier* evati na taba ni vati *ge* kara rigitaonia; *gaia* te ganaganaa, ke soko vaho na Lovovule, *ge* ke lavi horua vanira na vure. 5 Mara rigitaonia Peter ta na vale ni pipiti; ma na Holohoru te kokoellulivutia nanata vania God. 6 Mi ta na boni keri gaia Herod

te haga lavi horua *ga*, ta na boni keri a Peter te matura igobudira erua na *soldier*, tara pitia nia erua na tali halo, ma rana rigitaoni gua ta na mataula tara dai. 7 Mo ko rigia, nina Taruna vetena Lord te tuguru dutuvia, ma na marara te hina ta na voki; ma na Taruna vetena te tapoa na *garona* Peter, me alihia, me *gagua*, Ko mina tapatuguru. Ma na tali halo te tavatogi ta na limana. 8 Ma na Taruna vetena te *gagua* vania, Ko kabego, mo ko pitia na pupuluna na marevemu: ma *gaia* te nei te vagai. Ma *gaia* te goi *gagua* soo, Ko kuvihigo nia nimua na polopolo mo ko saritaoni. 9 Ma *gaia* te ruguhoru, me saritaonia: me mua pukua, na utuniana na totobo eni te nea na Taruna vetena; ma *gaia* te ganagana ke me te rigia na mabubu. 10 Ma rogaira toro tona pota na malei vatoga te pala i nago, maia gua na ruana i muri; vaho ge ro sara ta na vovono halo na vatei liu horu ta na komu; ma na mataula te tavukesi hegena ro vanira; ma rogaira toro ruguhoru, moro va sara ta sakai na halautu; ma na Taruna vetena te tona keha i tatana. 11 Ma Peter te goi manaha, ge *gagua*, Itaeni tu pukua nigua, agaia Lord te vetena mai nina Taruna vetena, me saguu ta na limana Herod, maia na vure soko ni Judea, tara pituu inau. 12 Ma *gaia* te ganagana vaovarono *ga* ge vaho va sara ta na valena Meri tinana John na ruani ahana Mark; ma na vure te subo tara kokolu *ga*, mara kokoeliulivuti. 13 Ma *gaia* te kidikidi ta na vovono; ma na tahula na ahana Roda te va varozohia. 14 Ma *gaia* te rozovi vakodoa na manana Peter, me mua hanavia na mataula na pukuna na togotogo; ma *gaia* te sama hage ge vaa tugunia, me *gagua*, A Peter te tuguru ta na mataula ni vale. 15 Ma *gaira* tara *gagua* vania, To bule igoe; ma *gaia* te bosa, me *gagua* te vaga eni.

Ma *gaira* tara *gagua*, Nina Angel. 16 Ma Peter te kidikidi soo; ma *gaira* tara hanavia na mataula, mara rigia, ge ra hare nanata. 17 Ma *gaia* te aboabora ge kara todore, ge tuguni alaalai vanira ivei te nea a Lord na lavi horuana ta na vale ni pipiti. Ge bosa vanira gua me *gagua*, Kau tuguni tatei raini vania James ma rana lei hogoda. Ma ge ruguhoru me tona ta na bona keha. 18 Me dani tua, me mua pile na gunaguna itadira rana soses, na hava te nea Peter. 19 Ma Herod te kenea *gaia*, me mua topoa, ge huahuati poipolisaginira ra na rigitaoni, me bosa na mateadira. Ma *gaia* te butuni Judea me sugi i Kaisareia, me kabu *gua* *ga*.

20 Ma *gaia* te rutu nanata vanira ra na Turu ma na Sidon. Ma *gaira* tara vaikolu mai tatana, mara kurutia a Balasitus te rigitaonia na vokina na Vunagi, mara nozia na tove; na pukuna na malei gadiia vana ta na komuna na vunagi. 21 Mi ta na bozi te talu dilaa tua, a Herod te nia pupulu na tivi ni vunagi, me sopou ta na malei sopou ni vunagi, me bosa lalaga vanira. 22 Ma na vure tara bosa gacgahe mara *gagua*, Na manana God, na mua manana na tinoni. 23 Ma nina Angel Lord te mina labua, na pukuna te mua lubatia na lala vania God; ma na peri te pidi tatana, ge ahe sakai.

24 Ma na bosana God te ha'i.

25 Ma Barnabas ma Saul toro nea sokoa na ro hegehedira, mo ro pulohi Jerusalem, mo ro lavia John na ruani ahana Mark.

XIII.

1 Mi ta na Holohoru i Antiokia na balu porovete ma na tarai; a Barnabas, ma Simeon na ruani ahana Nigere, ma Lukius ni Kurene, ma Manaen, na hogona lalavu a Herod, ma Saul. 2 Ma *gaira* tara hegehehe vania Lord,

mara talukaura, na Taruna te gagua, Kau tuvalia vaniu a Barnabas ma Saul, na pukuna na gehegehe tu vilira nia tua. 3 Ma gaira tara talukaura hegedira, mara kokoeliulivuti, mara talui na limadira vuvunadira rogaira, ge ra lubatira.

4 Ma na Taruna te Tabu te vetenara gatu, ge ro sugi horu i Selukia, moro votu i Kuprus. 5 Moro sara i Salamis, rogaira toro tugunia na bosana God ta na lei vale ni Sonikolu didira rana Judea, ma John te hazara. 6 Ma rogaira toro tona haliu na koukomu polo toro sogasapa i Paphos, moro rigia ga sakai na tinoni te logo tidalo, gaia na porovete sorisori, na mane ni Israel, na ahana Bar-Jesus. 7 Te kabu itatana na vunagi, na ahana Sergius Paulus, na manaha. Ma gaia te holora mai a Barnabas maia Saul, me liona na romoviana na bosana God. 8 Ma gaia Elumas na mane logo tidalo, tara vatua nia na ahana te vaga eni, te tuguru punishia rogaira, te kenea na liliu kehaana na vunagi ke bei taluutuni. 9 Ma Saul, na ruani ahana Paul, te vonugia na Taruna te Tabu, me matarorohoa. 10 Ma ge gagua, To vonugia na kiko ma na gueguelo soko, dalei Satana, to kanahaginia na maemane, ko mua mautu na va keliana na halautuna Lord te mae-mane? 11 Mo ko rigia, itaeni na limana Lord ivuvunamu, mo ko rorodo, ko mua rigia na aho, mo ke mua nego. Ma na gavu te mina kuvihia, ma na puni gua; ma gaia te taotavono kolili, te kenea sikisakai geke hulira nia na limana. 12 Ma na vunagi te rigia na totoho te nea, ge taluutuni ga, me nia hare nina bosa ni tarai Lord.

13 Ma Paul ma gaira itatana tara talusapa i Paphos, mara togoni i Perga ni Pamphulia. Ma John te sanira, me pulohi Jerusalem. 14 Ma gaira tara liu potaa na komu ni Per-

ga, mara sara i Anitiokia ni Pisidia; mara hage ta na vale ni sonikolu ta na bovi ni aheahe, mara sopou horu. 15 Mara bosa soko na Romorono ma na lei porovete, gaira tara rigitaonia na vale ni sonikolu tara vetena sikasakai rovanira, mara gagua, Rogau hogo-mami, te gahaa rotamiu siki tutugu ni tarai vanira na vure ke, mo ko bosaa. 16 Ma Paul te tapatuguru, me abo-abora nia na limana me gagua,

Agau rana Israel, maia na balu tau nia kikinima God, kau rozo. 17 God didira na vure eni Israel te vilira nina rana kukuada, me halilaginira na vure itadira tara kabu soo ta na komu i Misiraim; me lavi kehara gatu ta na komu keri nia na limana te haua. 18 Ma na bona te vaga evati hanavulu na niulu, gaia te kutira ta na komu aroha. 19 Ma gaia te soni kehara soko evitu na taha ni vure ni Kanana vaho ge sopa vahera na komudira nia na gadira na pari. 20 Me soko keri, ge vahera rana Dete, te vaga evati na hanalatu ni niulu, polo te sara ta Samuel na porovete. 21 Me mua hau mara nonia na vunagi, ma God to vahera Saul dalena Kis, gaia ta na kemana Benjamin, evati hanavulu na niulu. 22 Ma God te lavikehaa, vaho ge tuguruvaginira vanira a David ge ke vunagi, ma gaia te tugunia te manana me gagua, Nau tu rigia nigua David dalena Jese, na tinoni te liu liogu, ma gaia ke gonigi lei totobo tu lioni. 23 Mi ta na kukuana na tinoni eni God te tatelavaginira vania Israel na Vavola, a Jesus, te vaga te nia baubahu tua. 24 Ma John te diki tugunia ta na mai-ana na vulitahu ni tugu lio vanira na lei tinoni ni Israel. 25 Me te dutu tua na sokoana nina malei tona, a John te gagua, Mi gau tau ganagana ke ma ahei nau? Mi nau tu mua gaia; ma kau rei mai, gaia ko mai murigu, te mua ulagagu na togi kehaana nina pipiti na tuana. 26 Agau, lei hogogu,

tau sivuraga mai ta na kemana Abraham, maia rana balu tamiu tara nia kikinima God, tara nia vetena mai na ronorono ni vavola eni vanigita. 27 Agaira tara kabu Jerusalem, maia tara vunagidira te nia puni na liodira agaia, maia na bosadira rana lei porovete tara siroi haia ta na lei bozi ni aheahe, me kalei na lei bosa kerī, tara dete matea. 28 Ma gaira tara mua topoa na pukuna kara matea nia, ma gaira tara nonia Pilatu geke matea. 29 Ma gaira tara nei kalei na tobo tara gerei tua dania tatana, ma gaira tara lavi horua ta na gai, mara bekua ta na gilu ni tinoni mate. 30 Ma God te tuguruvaginia ta na mate. 31 Ma gaira tara nia udu kolu mai Galilea i Jerusalem tara rigia te subo na bozi, ma gaira tara tugunia te manana taeni vania na vure. 32 Mi taeni igami tai nia mai na Ronorono uto vanigamu, ma na baubahu tara bahua nia kukuada, 33 God te nee kalea vanigita tua rana daledira, agaia te tuguruvaginia Jesus, te vaga tara gerea ta na ruani na line, te gagua, Igoe Dalegu, nau ku sivuraga taeni. 34 Ma gaia te tuguruvagini olia tadira tara mate, me ke mua pulohi gua ta na nago, gaia te bosa te vaga eni te gagua, Nau ku vahego na tobo utuni te tabu nina David ke mua padi. 35 Ma gaia te bosa gua ta na bona keha me gagua, Ko mua hubatia a Nimua te Tabu ge ke rigia na nago. 36 Ma David te lagalaga soko tadira ta na vatana taonia na liona God, me maturu, gera talua tadira kukuana, me rigia na nago. 37 Ma God te tuguruvagiolia, te mua rigia na nago. 38 Gau rana hogogu, kau pukua nimiu, nia na tinoni eni te tugunia na talu keha palu vanigau. 39 Ma gaira kara taluutuni, ke vama-manee na pukuna eni, ta na lei tobo ke mua taromana na maemaneamiu ta nina Ronorono Mosesi. 40 Ma kau rigitaonigau, ta na tobo kerī rana

porovete tara nia baubahu tua ke bei kalegamu ;

41 Kau rei mai, rana kokoenele, makau hare, makau tagagau ; Na pukuna inau tu nea na gehegehe ta na bozimiu, Me ke tuguni alaalai vanigau sikisakai ke, mi gamu tau mua taluutunigi.

42 Ma gaira tara ruguhoru, mara nozira rogaira ge koro tugunigi gua na lei bosa ini ta sakai na bozi ni aheahe. 43 Mara lubatira na vure me havukagi, ma rana Israel tara subo ma na balu Porosolut tara kikinima, tara toanira Paul ma Barnabas ; ma rogaira toro bosa vanira, mo ro kurutira gekara kau nasi ta nina sonihalavu God.

44 Mi ta sakai na bozi ni aheahe na pile vasoo ma na komu udolu ke koukolu, ge kara ronovia na bosana God. 45 Ma rana Israel tara rigia na vure te subo, ma gaira tara vonugia na rutu, mara nigi hugu na lei tobo te tugunigi a Paul, tara hugu, mara bosa tabo. 46 Ma Paul ma Barnabas toro talu matadira mo ro gagua, Te talana pa ronorono, ge kara diki tugunia vanigamu na bosana God ; mi gamu tau tiva kehaa, mau mua detegau na kaekage ta na maurihali, kau rigia, vaho ge koro nea tugua vanira na vure voo. 47 Agaia Lord te vetenagai te vaga eni, te gagua,

Inau tu tuguruvaginigo te vaga na marara vanira na vure,

Ge ko kabu na vavola polo ke sara ta na kouna na maramana.

48 Ma rana puku komu tara ronovigi, vaho gera nia togotogo ga, mara ladavaginia na bosana Lord ; ma gaira soko tara vilira tua gekara maurihali, tara taluutuni. 49 Mara tuguni tatea na bosana Lord ta na lei komu kerī. 50 Ma rana Israel tara gunalira rana balu vinekama tara nia kikinima God, maia rana haba

ta na komu, *ge* kara nira gigirou Paul ma Barnabas, mara guru kehara ta na komudira. 51 Ma rogaira toro kavulaha kehahi na pugu ni pari ta na tuadira, moro tona Ikonium. 52 Ma rana lei vaovarono tara nia vonu na *togotogo* maia na Taruna te Tabu.

XIV.

1 Mi Ikonium rogaira toro hage pape ta na vale ni sonikolu didira rana Israel, moro bosa; ma na vure te subo, rana Israel ma rana Girekia, tara taluutuni. 2 Ma gaira tara mua taluutuni tadira rana Israel tara gunalira rana pulu komu, mara nera gaira, *ge* kara liodika vanira rana tamahogoni. 3 Ma rogaira toro kabu hau *ga* moro ladavaginia Lord, me tugunia te manana na bosa te sonihalavua tua, me nei na vaugilala, maia na lei butuli nia na ro limadira. 4 Ma na vure ta na komu keri tara voka; na balu tara nira vaukolu rana Israel, ma na balu tadira rana Manevetena. 5 Ma rana puku komu, ma rana Israel, maia tara haba itadira tara haeharevo, *ge* kara lavibuleadira rogaira, ma kara petara rogaira. 6 Ma rogaira toro pukua *ga*, *ge* ro sogi i Lustra mi Derbe, na komu ni Lukaonia, mi ta na lei komu taligu. 7 Ma rogaira toro tugunia *ga* na Ronorono uto.

8 Ma siki tinoni i Lustra te sopou, na tuana te logu, me te nia sivuraga kolu mai na rapobete, me mua tona kolili mua. 9 Agaia eni te ronovia Paul te bosabosa; ma *gaia* te tolavia, me rigia tatana na taluutuni te manana na volaana. 10 *Ge* bosa laga me gagua, Ko nia tuguru mo ko magolohia maemaene na tuamu; me tapatuguru, me tona kolili. 11 Ma na vure soko tara rigia na tobo te nea Paul, mara bosa gaegahe mara gagua, Rana god toro vuha ni huli, moro horu mai tatada. 12 Ma gaira tara

holoa nia Barnabas a Dis, ma Paul a Hermes, te pukulagi na bosa tatana. 13 Ma na tautabuna Dis te gahaa i nago ni komu, te lavia na lei kau mane maia na lei vuavua ni gai ta na mataula ni peo, ma *gaia* ma na vure tara liona na sukagi. 14 Ma rana Mane vetena, a Paul ma Barnabas, toro ronovia *ga*, moro ro-sigi ro didira na pupulu, moro rugu-horu ta na ovu ni vure, moro bosa gaegahe, moro gagua, 15 Agau, na pukuna hava tau nea te vaga eni? Irogai gua na tinoni, sakai vamua na lio te vaga na liomiu, mai taraigau, *ge* kau pulohi sanigi na lei tovonoto tobo ini varigia God te vola, te gonina na parako, ma na pari, na horara ma na lei hegohego soko ilokadira. 16 Mi ta na diki vata ni tinoni te lubatia na kema ni tinoni soko *ge* kara taonia hegedira na halautudira. 17 Ma *gaia* te mua lubatia *ge* kara mua tuguni tatea, ma *gaia* te *gehegehe* uto, te vahegita mai kokou na uha, ma na lei vula ni vana; *ge* nia vonu na kutuda na vana ma na *togotogo ga*. 18 Ma na pile vaso mo koro hovera me koderi na vure nia na bosa te vaga eni, ma na sukagiadira.

19 Ma na balu tinoni ni Israel tara butu mai Antiokia maia i Ikonium, mara kurutia na vure; mara petaa tua Paul, mara gora horua ta na komu, tara ganagana me ke mate tua. 20 Ma rana vaovarono tara koukoluvia, *ge* tuguru, me vaa lage ta na komu; me roropogana rogaira Barnabas toro ruguhoru, moro tona Derbe. 21 Ma rogaira toro tuguni soko na Ronorono uto ta na komu keri, moro pukulaginira na vaovarono tara subo, vaho *ge* ro pulohi i Lustra, mi Ikonium, mi Antiokia. 22 Mara patui na tarunadira rana Vaovarono, moro keikeirira, *ge* kara tuguru nasi ta na taluutuni; moro gagua ta na lei vatei to-toro te subu ka vaa hage ta na kina-

kabuna God. 23 Ma rogaira toro vilira na balu magutu ta na lei Holohoru soko, moro kokoeiliuvuti, mara talukaura hegedira, *ge* ra lubatira vania Lord, gaira tara taluutunia tua. 24 Moro tona potaa i Pisidia, *ge* ro sara i Pamphilia. 25 Moro tugunia na bo a i Perega gero horu i Atalia. 26 Moro votu vaa Antiochia, tara lubatira tua *ga* idania, nia nina sonihalavu God *ge* koro kabaria na *gehegehe* toro vaho soko taeni. 27 Moro sara *ga*, *ge* ro holokolura mai na Holohoru, *ge* ro tuguni haliui na lei totoho God te nei tua ro vanira ; a Lord te hanavia na mataula ni taluutuni vanira na lei vure voo. 28 Ma rogaira toro kabu hau tadira na vaovarono.

XV.

1 Ma na balu tinoni tara horu mai Judea, mara taraira rana tamahogoni ma ra gagua, Kara mua pahevaugilagamui, te vaga nina ronoroza Moses ke, ma kau mua tanomana na vola. 2 Ma Paul ma Barnabas toro hugu nanata, moro huatira gaira, vaho gera vanira Paul ma Barnabas, ma na balu *ga* itadira, *ge* kara dato i Jerusalem varigira rana Manevetena ma rana lei magutu na pukuna na huguhugu keru. 3 Ma na Holohoru te nira *gatu* ; ma gaira tara liu potaa i Phenikia mi Samaria, mara tugunia rana lei vure voo tara tugu lio, mara nia togotogo nanata *ga*. 4 Ma gaira tara sara Jerusalem, na Holohoru ma rana Manevetena ma rana lei magutu tara holopanotira ; ma gaira tara tuguni alaalai na lei totoho God te nei vanira tua. 5 Ma na balu tadira na Pharise, mara taluutuni, tara tuguru, mara gagua, Te manana na ronoroza *ge* kara pahevaugiladira, mara vetenara *ge* kara taonia nina Ronoroza Moses.

6 Ma gaira rana Manevetena ma na lei magutu tara kokolu, *ge* kara pukua na bosa eni. 7 Me subo na keneana, ma Peter te tapatuguru, me bosa vanira me gagua,

Agau, na lei hogogu, igau tau gilala nimiu God te vilia idania tatada, *ge* ma na lei vure voo kara ronovia na Ronoroza uto ta na managu, ma kara taluutunia *ga*. 8 Ma God te gilalai na lei lio, te tugunia te manadira gaira, me vetena vanira na Taruna te Tabu, te vaga igita. 9 Me mua goni kehagita igita itadira, me va marabui na tobadira nia na taluutuni. 10 Mi taeni, egua *gau* tabotaboa God, *gau* haga talua na vatei hola te mava ta na luadira rana Vaovarono, mi gita ma rana tamada ta mua tanomana na holaana? 11 Migita ta talutuni, *ge* ka nia vola nina sonihalavu a Lord Jesus, te vaga gaira.

12 Ma na vure soko tara todore, mara ronovira Barnabas ma Paul toro tuguni alaalai na vaugilala ma na lei butuli, God te nei tua itadira na vure voo ro vanira. 13 Ma rogaira toro bosa soko, a James te bosa tugu vanira, me gagua, Gau lei hogogu, kau ronoviu inau.

14 A Simon te tugunia, idania God te kaora ra na vure voo, *ge* ke lavi datora na vure ta na ahana. 15 Ma na bosadira ra na lei porovete te kalei, te vaga tara gerei tua,

16 Ke soko eni ke, *ge* ku pulohi mai,

Mu ku kisua *gua* na valena David te kutu tua ;

Mu ku kisu olia ta na ravuna na vale,

Mu ku tугuruvaginiolia.

17 Ma *ge* gaira tara gahara mua ta na maramana, ma na lei taba ni vure, tara holoa na ahana ivuvunadira,

Kara kenea na Lord.

18 A Lord, te manahani na lei

totobo ini ta na vuivunina na maramana mai, te bosaa.

19 Na pukuna eni, inau tu detea kau bei lavibuleadira agaira itadira na lei tala ni vure tara pulohi tua varigia God. 20 Migita ka gerea vanira soo, kara bei gania na totobo tara sukagia nia na titinoni, ma kara bei tanodika, ma kara bei gania na totobo tara dokoa, ma kara bei gania na gabu. 21 Ta na lei vavata mai i dania tara nigi tarai ta na lei komu na nina Ronorono Moses, maia tara siroa haia ta na lei boni ni aheahe ta na lei vale ni Sonikolu.

22 Me soko rana Manevetena, maia rana lei magutu, maia na Holohoru soko tara nia lio kolu, ge kara vetenara na balu tara vilira itadira i Antiokia, kara nira udu a Paul ma Barnabas; na ro ahadira a Juda na ruani ahana Barsabas, ma Silas, toro haba tadira rana tamahogoni. 23 Mara gerea te vaga eni ta na limadira, Rana Manevetena, ma rana lei magutu, ma rana tamahogoni tara bosa utora rana lei tamahogoni tadira na lei taba ni vure tara kabu i Antiochia, mi Suria, mi Kilikia. 24 Igami tai ronovia tua na balu tinoni tara ruguhoru tamami, mara lavibuleamui nia na bosadira, mara gunaligi na tarunamui, mara gagua, kara pahavaugilalamui, ma kau taonia na Ronorono, mi gami tai mua vetenara nia. 25 Mi gami tai nia kokolu na ganaganaana, vaho gai ganagana te uto kai vetenara gatu na balu tai vilira vanigamu, kara nira udu a Barnabas ma Paul tai ganaganara; 26 a rogaira toro nia lio sakai na voladira na pukuna na ahana Lord igita Jesus Christ. 27 Mi gami tai vetenara gatu a Juda ma Silas, ma rogaira koro tugunigi nia gua te vaga keru na manadira. 28 Na Taruna te Tabu mi gami tai ganagana, kai bei talui vuvunamui na ronorono te mava ta

na lei puku ni totobo ini, 29 Kau bei ganigi na totobo tara sukagira nia na Titinoni, ma kau bei gania na gabu, na na totobo tara dokoa, ma kau bei tanodika; ge ta kau nigi bati na lei totobo ini ke me uto. Kau kabu uto.

30 Mara lubatira, gera sugi horu i Antiokia, moro holo kolura na vure soko, gera vahera na gegere. 31 Mara siro sokoa, vaho gera nia togotogo na bosa ni togoluvu. 32 Ma Juda ma Silas, rogaira na porovete, moro togoluvura hogodira nia na lei bosa te subo, moro patupatura. 33 Mara kabu vasoo ga, ma rana tamahogoni tara lubati mabora vanira gatu tara vetenara mai. 34 Ma Silas te liona na kabu gua ga. 35 Ma Paul ma Barnabas toro kabu i Antiokia, ma na balu gua tara subo, mara tarai, mara tugunia na bosana Lord.

36 Me padi tua na balu boni, a Paul te gagua vania Barnabas, Rogita koro pulohi ge koro kaora rana lei hogoda ta na lei komu, toro tugunia tua ga na bosana Lord, ge koro rigira ivei tara gagua. 37 Ma Barnabas te liona na lavi doladira nia John na ruani ahana Mark. 38 Ma Paul te mua liona na nia udu na pukuna te tona sanira tua i l'amphulia, me mua nira udu kolu na vaa gehegehe. 39 Moro nia huguhugu nanata ga; moro vuba nia voka; ma Barnabas te lavia Mark me votu i Kupros. 40 Ma Paul te vilia Silas, me ruguhoru, ma rana hogodira tara lubatira nia nina sonihalavu God. 41 Ma gaia te liu pota i Suria mi Kilikia, me patura na lei Holohoru.

XVI.

1 Me vaa sara i Derbe mi Lustra; ko rigia sakai na vaovarono ga, na ahana Timotheus, na dalena na vaevine ni Israel te taluutuni, ma tamana na Girekia. 2 Ma rana tamahogoni

ni Lustra mi Ikonium tara talunagoa. 3 Ma Paul te liona nia udu kolu; ma *gaia* te lavia, *ge* pahevangelalaa, na pukuna rana Judea tara kabu *ga*; agaira soko tara pukua didira, a tamana na Girekia. 4 Ma rogaira toro tona ta na lei komu, toro lubatia vanira na ronoro *ge* kara vatoga, rana Manevetena ma rana lei magutu tara nia bosa kolu i Jerusalem. 5 Moro patua na Holohoru, me nia tuguru nasi na taluutuni, me te hali ta na lei boni soko.

6 Ma rogaira toro liu potaa Purgia, ma na lei komu ni Galatia; ma na Taruna te Tabu te hovera kara bei tugunia na bosa i Asia. 7 Ma rogaira toro vaa sara i Musia, vaho *ge* ro tabo-
taboa na tona Bithunia; ma nina Taruna Jesus te mua lubatira. 8 Ma gaira toro liu padia i Musia, vaho gera sugihoru i Troas. 9 Me tate vania Paul te boni, na mabubu na tinoni ni Makedonia, te tuguru, me nonia, me gagua, Ko halavu mai i Makedonia, mo ko hanagami. 10 Ma *gaia* te rigia na mabubu, mi gami tai mina ganagana na tona i Makedonia, igami tai ganagana a Lord te vetenagami *ge* kai tugunia na Ronorono uto vanira.

11 Ma tai talusapa i Troas, igami tai kale maemanea Samothrake, me roropogana i Neapolis. 12 Me soko i Philipi, na puku ni komu sule i levuna i Makedonia, ma na kolonia. Mi gami tai kabu na balu boni ta na komu keru. 13 Mi ta na boni ni ahe-
ahe igami tai ruguhoru ta na mataula ni peo i liligi ni beti tina, ta na bona tara kokoeliulivuti *ga*; mai sopou horu, gai bosabosa vanira rana lei vaivine tara kokolu *ga*. 14 Ma sakai na vinekama, na ahana Lidia, na vaivine sabiri tivi sisi, *gaia* na Thuatira, te nia kikinima God, me rono; ma Lord te hanavia na liona, ma *gaia* te ronovi vakodoi na lei totobo te bosai a Paul. 15 Mara vulitabu soko

gaia, ma gaira gua ta na valena, *ge* gagua, *Ge* takau ganagana inau tu taluuntunia Lord, kau mai, makau kabu ta na vaeleu. Ma *gaia* te kuru-
tigami.

16 Mi gai tai tona ta na kokoeliulivuti, na tahula te sodogami, na tidalo, na Puthon, ilokana; ma *gaia* te talu boni dila, me subo na nia sosodo tara logoa. 17 Ma *gaia* eni te mai murimami Paul, me gaegahe, me gagua, Agaira raini na nina tinoni God te Haba; tara tugunia vanigita na halautu ni vola. 18 Me subo na boni te nea te vaga eni. Ma Paul te nia dika na liona, me liliu pulohi, me bosa vania na tidalo me gagua, Nan tu bosa vanigo ta na ahana Jesus Christ, ko ruguhoru tatana. Ma *gaia* te ruguhoru tatana ta na bona ni boni keru.

19 Ma gaira tara logo tahula tara rigia didira, na didira na vatei sosodo te tagaa itadira, *ge* ra lotira a Paul ma Silas, *ge* ra gotara vaa ta na malei sabiri vanira tara haba. 20 Mara nira tona vanira rana Dete, mara gagua, A rogaira eni, rana Israel, toro gunalia na komuda; 21 moro tugunia vanigami na lei ronoro te mua uto *ge* kai tabei, ma kai taonigi; igita eni na Roma. 22 Ma na vure soko tara koukoluvira rogaira, ma rana Dete tara rosigi na rodidira na tivi, mara bosa na ramusiadira. 23 Me subo na ramusiadira *ge* ra pilira ta na vale pipiti; mara bosa laga nanata vania te rigitaoni, *ge* ke piti nasilira. 24 Ma *gaia* te ronovia na bosa ni vetena te vaga eni, vaho *ge* pilira vaa ta na voki buriti, me kapisigi na tuadira ta na gai. 25 Me te boni hau a Paul ma Silas toro kokoeliulivuti, moro liro vania God; ma gaira gua tara pipiti tara rono. 26 Ma na anu te sule te nera, me kahia na bere ni vale ni pipiti; ma na lei mataula te mina tatavana, ma na alo ni pipiti te tavatogi tadira soko. 27 Ma *gaia* te rigitaoni

te rarai, me rigigi na lei mataula ni vale ni pipiti te tatavana, me sipaa na isi ge ke matea hegena ; gaia te gaganana tara ruguhoru tua tara pitira. 28 Ma Paul te gaegahe, me gagua, Ko bei dikalago, igami soko tai gahagami soo iani. 29 Ma gaia te nozia na bulu ge sogahage, me nia tatata na matagu, me tualagi tuturu vanira a Paul ma Silas. 30 Ma gaia te lavi horura ipari, me gagua, Rogau, na hava ku gonía, ge ku nia vola ga. 31 Ma rogaira toro gagua, Ko taluutunia Lord Jesus Christ, ma ge ke vavolago, ma gaira soko gua ta na valemu. 32 Ma rogaira toro tugunia vania na bosana Lord, ma vanira soko gua ta na valena. 33 Ma gaia te lavira ta na bona ni boni kerí, me apoi na malei gai tadira ; me mina tabea na vulitabu gaia, ma gaira soko itatana. 34 Ma gaia te nira vaa ta na valena, me gehe gadira vana, me taluutuni togo-togoa God, maia gaira ta na valena.

35 Me dani rana Dete tara vetenara didira na tinoni, mara gagua, Ko lubati mabora rogaira kerí. 36 Ma gaia te rigitaonia na vale ni pipiti te tugunigi na bosa ini vania a Paul, me gagua, Rana Dete tara vetenara na balu ge ku lubatigamu : e uto, taeni koro tona keha, koro tona mabogatu. 37 Ma Paul te gagua, Gaira tara ramusi tabogai ta na matadira na lei tinoni, mara mua dete mua ; mi rogai na Roma ; mara piligami ta na vale ni pipiti ; mi taeni kara guru horugai ta na uri ? Taho tua, ma gaira kara mai, ma kara lavi horugai rogai. 38 Ma didira na tinoni tara tugunigi na bosa kiri vanira rana Dete ; ma gaira tara matagu tara ronovia a rogaira na Roma. 39 Ma gaira tara mai, mara kurutira rogaira, mara lavi horura rogaira, moro novira ge koro ruguhoru ta na komu. 40 Moro ruguhoru ta na vale ni pipiti, vaho gero vaa hage ta na valena Lidia ;

moro vaevanera rana hogodira, moro bosa patupatura, vaho ge ro tona keha.

XVII.

1 Ma gaira tara liu pota ni komu i Amphipolis, mi Apolonia, mara sara i Thesalonika, ma didira na vale ni sonikolu rana Israeli ga. 2 Ma Paul te vaa hage tadira, na liona tua, me barebare me tutugunu kaekale ta na gegere te tabu, etolu na boni ni ahe-ahe. 3 Te tuguni kaekalea, me talu horua na bosa, a Christ ke vadanzitai sugua, me ke tuguru oli tadira tara mate ; me gagua, A Jesus eni, nau tu tuguni tatea vanigau, a gaia Christ. 4 Mara balu tadira tara taluutuni, mara nira vaukolu a Paul ma Silas, ma rana kikinima ni Girekia tara subo, ma rana puku ni vinekama tara subo. 5 Ma rana Israeli tara mua taluutuni tara lavira na balu tinoni tanotano-dika, na tinoni tovonu, mara gehia na vure, mara gunalia na komu, mara lavibuleana na valena Jason, tara kenea na lavi horuadira ta na vure. 6 Mara mua rigira rogaira, mara goraa Jason ma na balu hogodira vaa tadira tara haba ta na komu, mara gagua, Agaira tara lavibuleana na maramana tara mai iani. 7 Ma Jason te holopanotira ; ma gaira ra kiri tara hugui lei nina rozorono Kaisar, tara gagua, Na vunagi keha, na ahana Jesus. 8 Ma gaira tara gunalia na vure, maia tara haba ta na komu tara ronovia te vaga eni. 9 Ma gaira tara tako ni popono ta Jason, ma rana hogodira, ge ra lubatira.

10 Ma rana tamahogoni tara nira vetenara a Paul ma Silas te boni i Beria ; ma rogaira toro sara ga, moro hage ta didira na vale ni sonikolu rana Israeli. 11 Ma gaira tara uto vaa tadira na Thesalonika, na pukuna tara lavipanotia na bosa nia na liopapara ; mara nigi pipo haia na lei

Gegere, na lei totoho ini te kalei pe taho. 12 Na pukuna eni tara subo tara taluutuni; me subo tadirā na lei vinekama ni Girekia tara haba, ma na balu mane gua. 13 Ma ra na Israel ni Thesalonika tara ronovia a Paul te tugunia na bosana God i Beria, ge ra mai gua mara gunalira mara koenelera na vure ga. 14 Ma ra na tamahogoni tara vetena gatu Paul ge sapa ilau. Ma Silas ma Timotheus toro kabu so ga. 15 Ma gaira tara nia tona Paul tara lavia vaa i Athenis: mara nia tona na bosana ro vanira Silas ma Timotheus ge koro mina mai tatana, ge ra tona keha.

16 Ma te pitura i Athenis, na tarunana te gunaguna ilokana, na pukuna te rigia na komu te vonugia na lei titinoni tidalo. 17 Ma gaia te huguhugu ta na vale ni sonikolu, tadirā na Israel, ma ra na liokikinima, mi ta na lei malei sabiri haia tadirā tara tona topoa. 18 Ma na balu tarai ni Epikurusi mi Sitoe tara vatopoa ma na balu tara gagua na hava te bosaa na tinoni lepolepo? Ma na balu gua tara gagua, te haga tuguni tatei na lei tidalo te tagiha, na pukuna te taraira nia Jesus ma na tuguru oli. 19 Ma gaira tara lotia mara nia vaa ta nina gotu Aresi mara gagua, Igami tai haga pukua evei te vaga na tutugu ni tarai te vaolu eni, to bosaa igoe? 20 To nigi mai ta na kulimami na lei totoho te keha: migami tai haga pukui na lei totoho ini ivei te gagua. 21 Ma ra na Athenis ma ra na sinogo tara bol-boli vaa ga tara nia pipō na totoho eni vamuā, na tutuguana pa na ronoviana siki totoho vaolu. 22 Ma Paul te tuguru ta na bebetena Aresi, me gagua,

Gau na Athenis, Inau tu pukugamu nigua tau kikinima tabo nanata vaho ta na lei totoho soko. 23 Minau tu

halui mu tu rigigi na lei mimiū totoho ni kikinima inau tu va topoa na bela ni sukagi tara gere vaugilalana te vaga eni, A NINA NA GOD IGAMI TAI MUA PUKUA. Minau ku tuguni tatea vanigamu na totoho tau nia kikinima tabo. 24 God te gonis na maramana ma na lei hegohego soko ilokana, gaia Lord te vunagina na parako ma na pari, te mua gahaa ta na lei vale tabu na malei lima ni tinoni. 25 Tara mua gehegehe vania nia na lima ni tinoni, te vaga na tinoni te pitua siki totoho; na pukuna agaia te vahera soko, na vola, ma na aheahe, ma na lei totoho soko. 26 Me te gonira ta sakai na puku na lei vata ni tinoni soko tara gahara ta na maramana taligu, me te talu dilai na bonadira te viligi tua, ma na lei kobekobeni ni komudira. 27 Ge kara kenea God, ge kara taotaovono taboa soega, na pukuna te mua sagauvia siki sakai tatada. 28 Migita ta vola ma aleale kolili ma ta kabu tatana; te vaga na balu tadirā na mimiū na mane manaha tara bosaa, Igita ra na dalena gua. 29 Me mua uto, igita ra na dalena God, ka ganaganāa God te vaga na gold, pa na siliva, pe na vatu, na tinoni te saria nia na manahana. 30 Mi ta na lei bona ni voo God te nigi pono li; mi taeni te kekeirira na lei tinoni ta na lei komu soko ge kara tugu li. 31 Na pukuna te talu dilaa na bowi ke dete maboa ga na maramana taligu nia na tinoni te vilia tua; me te savuvia vanira na lei tinoni na taluutuniana, na pukuna te tuguruvaginia itadirā tara mate.

32 Ma gaira tara ronovia na tuguruli ta na mate, na balu tara batobato; ma na balu gua tara gagua, Igami tai haga ronovia gua tamua na totoho eni. 33 Ma Paul te ruguhoru tadirā. 34 Ma na balu tinoni tara kau nasi tatana, mara taluutuni: e sakai tadirā Dionisusi ta na gotu ni Aresi, ma na vaivine

na ahana Damarisi, ma na balu gua tadira.

XVIII.

1 Me te padi na lei totoho ini, a Paul te tona sania Athenis, me va sara Korinith. 2 Me topoa ga sakai na tinoni ni Israel na ahana Akila, ni Pontusi, te tagiha butu mai Italia rogaira tauna Piriskila, na pukuna Kilaudiusi te tiva keha sokora na Israel i Roma : ma Paul te mai tadira. 3 Ma na pukuna sakai vama didira na gehegehe, te kabu tadira, me te lutu : a didira na gehegehe tara suki vale selo. 4 Me te keikeirira haia ta na lei vale ni sonikolu ta na lei boni ni aheale, me kurutira na Israel ma na Girekia.

5 Ma Silas ma Timothi toro sugi mai Makedonia, na tarumana Paul te gunalia, me te tuguni tatea vanira na Israel a Jesus na Christ sugua. 6 Ma gaira tara tuguru punusia, mara naraa, ge seburukaginia na nina pupulu, me gagua vanira, Na gabuiniu ke kau i vuvuzamiu : inau tu nia marabu : itaeni vaho inau ku va tadira na vure voo. 7 Ma gaia te tona keha ga, me te hage ta na valena sakai na tinoni na ahana Justusi, agaia te nia kikinima God, ma na valena te ravetia na vale ni sonikolu. 8 Ma Kurispus, te haba ta na vale ni sonikolu, te taluutunia Lord ma gaira soko ta na valena ; mara na Korinth tara subo tara roxovia ge ra taluutuni, me vulitabura. 9 Ma Lord te bosa vania Paul ta na mabubu te boni, me gagua, Ko bei ma'agu, ko bosa, mo ko bei todore : 10 Inau tamua, me ke mua tanomana na dikalaamu siki tinoni : na pukuna te subo nigua na vure ta na komu eni. 11 Ma gaia te gahaa ga sakai na karano me e ono na vula, me te tugunia vanira na bosana God.

12 Ma Galio te vunagi i Akaia, ra

FLO.

na Israel tara tuguru punusia Paul, mara nia vaa ta na malei dete, mara gagua, 13 Agaia eni te keikeirira na lei tinoni ge kara nia kikinima God te mua vagaa na ronorono ni vetena. 14 Ma Paul te haga vuke manana, a Galio te bosa vanira na Israel, me gagua, Ge ke manana na tanohahi pe na tanodika na totoho eni ke, inau ku ronovigau, gau ia na Israel : 15 ma ge ke manana na lei bosa lee vama na na lei aha, ma nimiru na ronorono, kau nia pipo nimiru ; inau tu mua liona na deteani na lei totoho ini. 16 Me guru kehara ta na malei ni dete. 17 Ma gaira soko tara lotia Sosithenesi, na haba ni vale sonikolu, mara ramusia liligina na malei dete. Ma Galio te mua ganaganai na lei totoho ini.

18 Me te padi na lei totoho ini a Paul te ganaa ga na balu boni, ge bahura ra na tamahogoni, me votu i Suria, a Akila ma Piriskila ma gaia : te goria na uluna i Kenekiria : na pukuna te baubahu tua. 19 Mara va sara i Epesusi, ma gaia te sanira rogaira ga : me te va hage ta na vale ni sonikolu, me te keikeirira na Israel. 20 Ma gaira tara kurutia ge ke kabu hau tadira, me hove nina ; 21 me bahura, me gagua, Inau ku pulohi mai tamiu, ke talagu God. Ge sakeragi sania Epesusi. 22 Ma gaia te soga lona i Kaisareia, me dato ga me bahura na Holohoru, ge sugi horu i Antiokia. 23 Ma gaia te kabu ga na balu boni, ge tona keha, me liu potai alaala na lei komu ni Galatia mi Pirugia, me patupatu sokora rana vaovarono.

24 Ma siki tinoni ni Israel na ahana Apolosi, tara vahua i Alekisadria, na tinoni manaha, te sara mai Epesusi : ma gaia te puku nanatai na lei gegero te tabu. 25 Na tinoni eni tara taraia nia na ronoronona Lord ; ma gaia te liopapara, me te lavia na lagana na bosaani ma na tutugu tateiani na lei totoho te manana na ronoronona Jesus.

M

te pukua vama nina vulitabu John. 26 Ma gaia te vuni ni bosa tate ta na vale ni sonikolu. Ma rogaira Piriskila ma Akila toro ronovia, ge ro lavia mai tadira, moro nia pipo va na tuguni tateana vania na halautuna God. 27 Ma gaia te ganagana ke halavu i levu i Akaia, rana tamahogoni tara keikeiria, mara gegere vanira rana vaovarono ge kara lavipanotia. 28 Me te va sara ga, te hana nanatara nia na sonihaluva gaira tara taluutuni : na pukuna agaia te bosa kalera na Israel, ta na matadira na vure, me te tuguni tatea Jesus na Christ ta na lei gegere te tabu.

XIX.

1 Ma Apolosi te gahaa soo i Korinith, a Paul te tona haliu ta na lei komu i matana me te va sara i Epesusi, 2 me te topora ga na balu vaovarono : me vanira, Igau tau lavia na Taruna te Tabu tau taluutuni pe taho ? Ma gaira tara gagua, Taho, igami tai mua ronovia mua na Taruna te Tabu i ga pe taho. 3 Ma gaia te gagua, Mi ta na hava tara vulitabugamu ? Ma gaira tara gagua, Ta nina vulitabu John. 4 Ma Paul te bosa, John te nia vulitabu na vulitabu ni tugulio vama ; me vanira na vure ge kara taluutunia gaia ke mai i murina, a Jesus. 5 Mara ronovia eni ge vulitabura ta na ahana Lord Jesus. 6 Ma Paul te talui na limana i vuyunadira, ge mai tadira na Taruna te Tabu : mara leui na lei leu keha, mara tutugu. 7 Ma gaira soko te vagara e hanavulu me sara rua na tinoni.

8 Ma gaia te hage ta na vale ni sonikolu, me te bosa tate ga e tolu na kula, te keikeirira me te kurutira nia na lei totobo te manana na kina-vabuna God. 9 Ma ra na balu tara kutu vatu mara hove, mara koehorua na Halautu vanira na vure, ge tona sanira, me vila kehara ra na vaova-

rono, me keikerita haia ta na nina sukulu Turanusi. 10 Me nea te vagaa eru na niulu : ma gaira soko tara kabu i Asia tara ronovia na bosana Lord, ra na Israel ma rana Girekia gua. 11 Ma God te nei na lei butuli te haba vaa nia na limana Paul : 12 mara lavigi na lei tivi ni kaikari, ma na lei tivi ni posi ta na hulina, mara nigi vaa tadira na vahagi, ma na lei vahagi te tagai tadira, ma na lei tida'o dika gua te ruguhoru tadira. 13 Ma ra na balu tinoni ni Israel tara oha kolili, ra na tinoni kisu, tara tabotaboa na holoana na ahana Lord Jesus ivuvunadira na lei tidalo gume ilokadira, mara sopa gagua, Inau tu keikerigamu nia na ahana Jesus, a Paul te tutugua. 14 Ma Sikeva, na puku ni Sukagi, ni Israel, e vitu na dalena ga, agaira tara nea te vagaa. 15 Ma na tidalo gume te bosa tugu vanira, me gagua, Inau tu pukua sugua Jesus, ma Paul gua tu gilalaa : ma hei igau ? 16 Ma na tinoni na tidalo gume te gahaa ilokana te sogavira, me laga vulera, me mana punusira, mara sogu sania na vale to pai soko na hulidira maia tara soesole. 17 Ma na totobo eni te lada tadira soko, na Israel ma ra na Girekia, tara gahara Epesusi ; ma na matagu te torora soko, me te nia ronoraga ga na ahana Lord Jesus. 18 Tara subo tadira tara taluutuni tua tara mai tatei didira na gehegehe tara nei. 19 Ma ra na balu tadira tara kisu tara nigi mai didira gegere, mara kerei ta na matadira na vure soko : mara idumigi na mateni, me godu tua elinia hanavulu na toga ni siliva. 20 Te gagua ga na haliana ma na tanomanaana na bosana God.

21 Me soko na lei totobo ini, Paul te ganagana dila ke tona halui Make-donia mi Akaia, me soko ke pulohi Jerusalem, me gagua, I muina keri ku va rigia mugua Roma. 22 Ma gaia

te vetenara gatu i Makedonia erua tadira tara *gehegehe* vania, Timothi ma Erasitusi. Ma gaia te pitu so i Asia.

23 Mi ta na lei boni kiri te mua pile na *gunaguna* te sivuraga na pukuna na Ronorono. 24 Sakai na tinoni, na ahana Demetiriusi, te lutu siliva, ma gaia te sarigi na lei pile titinonina na valena Artemis, mara nia sodorono lee ra na tinoni tara lutu vania. 25 Ma gaia te holo kolura na tinoni gua tara taonia na lutu keru, me gagua, Gau lei magutu, igamu tau pukua igita ta nia sodorono na *gehegeheda* eni. 26 Igamu tau rigia ma tau ronovia, a Paul eni te kukuruti me te hahilagi kolilira na vure te subo i mua Epesusi vanua, na pile vasoo mi Asia udolu, me gagua, agaigi kiri na mua god na malei lima ni tinoni vamua. 27 Na mua *gehegeheda* vamua te *haga durake*; ma na nina vale tabu Artemis gua, na god sule keru te nia kikinima Asia ma na mara-mana udolu gua te nia paripari lee gua, ma na ronoragana te tagaa. 28 Mara ronovigi na lei bosa ini, ge vonugira na rutu, mara gageahe mara gagua, Artemis ni Epesusi te haba. 29 Ma na komu udolu te *gunaguna*: mara sama kolu ta na vale ni bubu, mara lotira Gaius ma Aristarkusi ni Makedonia, ra na gana udu Paul. 30 Ma Paul te liona na hage ga tadira na vure, mara na vaovarono tara mua lubatia. 31 Ra na balu gua tadira na haba ni Asia, tara kulaga itatana, mara vetena gatu vania siki sakai na kurutiana ke bei lubatia hegena na va hage ta na vale ni bubu. 32 Ma na vure tara sopa bosa keha me keha: me te sule lee na haeharevo; mara subo lee tadira tara mua pukua na hava tara nia kokolu. 33 Ma na balu tadira na vure tara keikeria Aleksander, mara na Israel tara kurutia. Ma Aleksander te abobora nia na limana, me

haga huguhugu vanira na vure. 34 Ma gaira tara pukua didira agaia na Israel, ge ra bosa sakai sonikolu, te vaga erua na bona ni boni, mara gageahe, Artemis ni Epesusi te haba. 35 Ma na magutu te betora na vure, ge gagua, Gau ra na Epesusi, ma ahei te mua pukua na komudira na Epesusi tara nia kikinima Artemis, na god sule, ma na tinoni te kutu horu mai Dis? 36 Ka mua *tanomana* na huguani na lei totobo ini, na pukuna eni kau kabo beto nimiu, ma kau bei matagi *gehe* taboa siki totobo. 37 Migamu tau nira mai na lei tinoni ini, tara mua nia paripari lee na gitonana siki totobo ta na valedira na gada na tidalo. 38 Ma Demetiriusi, mara na lei tinoni ni lutu tatana, kara *haga* hurua siki sakai ke, ma na vale ni dete ga, ma rana Dete gua; kara va ga, ma kara vei huguhugui. 39 Ge ta kau nia pipo na keneana na totobo keha ke, kara dete maboa na vure tara vaukolu uto. 40 Tara *haga* huru kalegita sugua na pukuna na haeharevo geni, me taho siki pukuna ka talu punusia nia. 41 Me bosa soko te vaga eni ge lubatira na vure.

XX.

1 Me beto tua na haeharevo, a Paul te holo kolura mai tatana na lei vaovarono, me te keikerira, me bahura; ge ruguhuru me *haga* tona i Makedonia. 2 Me tona haliu ta na lei komu kiri, me te keikeri *nanatara*, ge va sara Girekia. 3 Ma gaia te gahaa ge etolu na vula, ma ra na Israel tara nia guruvarono, te *haga* votu i Suria, ge ganagana ke liu Makedonia ta na pulohiana. 4 Mara nia udu vaa i Asia a Sopater ni Berea, maia Aristarkusi ma Sekudusi ra na Tesalonika, maia Gaiusi ni Derebe, ma Timothe; maia Tukikusi ma Tirovimusi ni Asia, 5 Agaira ini tara ide, mara pitu gai

i Tiroasi. 6 Me padi na lei boni ni beredi gulu igami tai talu sapa i Philipi, me lima na boni gai sara i Tiroasi; mai kabu *ga* evitu na boni.

7 Mi ta sakaini na boni ni uiki, tai vaukolu ta na niti bereti, a Paul te taraira, te ganagana dilaa na tona saniadira ta na ropogana; me bosa daro polo te riti na boni hau. 8 Me subo na bulu *ga* ta na voki ikokou tai kokolu *ga*. 9 Ma na gari mane na ahana Eutukusi te sopou ta na mataula, me maturu mate *ga*; ma Paul te tarai daro vaho, me tootoonagi agaia *ge* kutu horu ta na toluni na vata, mara lavidatoa te mate tua. 10 Ma Paul te sugi horu, me pogo tao i vuvunana, me boloa, me gagna, Kau bei nia dika lio: na vola te gahaa soo ilokana. 11 Ma *ga* te sei dato gua, me nitia tua na bereti, me vana, me kokoe hau tadira, polo te taporasa na dani, *ge* tona sanira. 12 Mara lavia na garimane te vola, me nia togoluvu lee na liodira.

13 Migami tai ide ta na vaka, mai lilihi Asosi, mai ta haga ludania *ga* Paul: ma *gaia* te baubahu vanigami te vagaa, ma *gaia* te liona na liu lona. 14 Ma *gaia* te va sodogai i Asosi, migai tai ludania, mai va sara Mitulene. 15 Ma tai sakeragi *ga*, me ropogana tai sara i Kiosi: me ropogana *ga* tai sara Samosi, mai kabu *gaia* i Torogiliumi, mi ta na ropogana *ga* tai togoni Miletusi. 16 A Paul te bosa na padiana Epesusi, ke bei punusia *gea* na kabu hauana i Asia; na pukuna te haga mina tona, ke tazomana ke, me ke kabu i Jerusalem ta na boni ni Pentekost.

17 Ma *gaia* te gahaa i Miletusi, *ge* vetenara na balu kara samalira mai, ra na lei magutu ni Holohoru. 18 Mara sara mai tatana, *ge* vanira,

Igamu tau pukua tua na kabuagu tamiu ta na boni tu diki tuturi lona i Asia, mi ta na lei boni soko, 19 inau

tu lagalaga vania Lord nia na lio ni talumuri, mi ta na kolubu, na pukuna na lei sosodo te kaleu ra na Israel tara niu gurutavono. 20 Mi nau tu mua matapoloi vanigau na lei totobo ke hanagau, minau tu taraigau nia ta na mavitu, ma ta na lei sopa valemui, 21 mu tu tutugu alaalai vanira na Israel ma ra na Girekia *gua* na tugulio vaa ta God, ma na talu-utuniana Jesus Christ Lord igit. 22 Mi taeni, ku tona i Jerusalem, ma na Taruna te pitii, mu mua pukui na lei totobo ke kaleu *ga*. 23 Ma mugua na Taruna te Tabu te bosa dilai na lei alo ni pipiti ma na vatei totoro te pitu kasuniu ta na lei komu soko. 24 Mi nau tu mua nia pani na volagu, *ge* mu ku nea haliu soko na tonagu, ma na *gehegehe* Lord Jesus te vaheu mai, *ge* ku tuguni alaala na ronorono uto ta nina sonihalavu God. 25 Mi taeni, inau tu pukugau igamu tu taraigamu nia tua na kinakabuna God, kau mua tazomana na rigiana *gua* na matagu. 26 Na pukuna eni inau tu gagau vanigamu taeni, ke mau kauliu na gabuna sikisakai. 27 Na pukuna inau tu mua hove na tuguni sokoana vanigau *gatu* na liona God. 28 Kau rigitaonigau hegemi, ma na ovu ni sipu *gua* na Taruna te Tabu te talugau *ge* kau Bisope *ga*, *ge* kau kutia nina holohoru God, agaia te huia nia na gabuna. 29 Mi nau tu pukua eni i murina na tonagu na lei kau asi gagala ke hage mai tamiu, me ke nua mautu na sagiana na ovu ni sipu: 30 mi gobu patumiu *gua* na balu tinoni kara tuguru, ma kara bosai na lei bosa ni pegoego, *ge* kara mamura na vaovarono ma kara taonira. 31 Na pukuna eni kau dai nimi, ma kau ganagana oligi inau tu mua aheahe na sopa tarai dilaamiu nia na kolobu, etolu tua na niulu te boni me te dani. 32 Mi taeni inau tu lubatigamu vania

God, mi ta na bosa te sonihalavua vanigita mai, te mana na va halilaginiamiu, me ke vahegamu na malamiu tadira tara tabura tua. 33 Inau tu mua nia garu siki nina siliva, pa na gold, pa nina pupulu siki sakai. 34 Igamu tau pukua nimiu na limagu eni te lutui hegeni na lei tofoto igami, ra na gagua na udu, mi nau, tai lionni. 35 Inau tu talua vanigamu na nilabu ta na lei tofoto soko ge kau hanara ra na labe nia na lutumiu, ma kau ganagana oligi na bosana Lord Jesus, te gagua nina, Kara ho'outora vaa tara hevei lee tadira tara hohogo.

36 Me bosa soko te vaga eni, ge tualagi tuturu, me kokoeliulivuti kolu tadira. 37 Ma gaira soko tara tani sule, mara pogo tao ta na luana Paul, mara noninonia, 38 mara nia dika lio nazata vaa na bosa te bosaa vanira, kara mua tanomana na rigi matana gua. Mara nia udu vaa ta na vaka.

XXI.

1 Igami tai sanira mai talusapa mai kale maemanea Kosi, mi ropogana i Rodosi, me padi keru i Patara. 2 Migami tai topoia ga na vaka te haga votu i Penikia, tai hagelia mara tari selo. 3 Migami tai rigia Kupurus, tai padia i pala maui, mai togoni i Suria, mai sega i lona i Turu : tara haga ali lonai tofoto ga. 4 Ma tai topora ra na vaovarono, tai kolu tadira evitu na boni : mara bosa vania Paul nia na Taruna, ke bei dato i Jerusalem. 5 Me padi na lei boni kiri, igami tai sakeragi mai tona ; ma gaira soko, ma na taudira ma na daledira, tara nigai udu polo tai sania na komu, migami tai tualagi tuturu ta na sara vahale, mai kokoeliulivuti. 6 Migami tai vei baubahui ; me soko igami tai haehage ta na vaka, ma gaira tara pulohi.

7 Migami tai votu sosoko mai Turu, tai sara Polemaisi ; mai bahura rana tamahogoni, mai kabu i tadira sakai na boni. 8 Me ropogana tai tona keha, mai va sara Kaisareia : mai va hage ta na valena Philip na Dikon (agaia sakai tadira e vitu) mai gahagai tatana. 9 Agaia eni ara vati na dalena ga, na samu soko agaira, tara talutalu boni dila. 10 Migami tai kabu ga te subo na boni, me te sugi mai Judea sakai na porovete, na ahana Agabus. 11 Ma gaia te sara mai tamami, ge tabea na gana kabe Paul, me pitia hegena nia na limana ma na tuana, me gagua, Na Taruna te Tabu te gagua, Ra na Judea kara pitia i Jerusalem na tinoni te logoa na kabe eni, ma kara lubatia ta na limadira na vure voo. 12 Migami tai ronovigi na lei bosa ini, igami ma gaira gua na vure ni komu, tai kurutia ke bei va dato i Jerusalem. 13 Ge bosa tugu vanira Paul, me gagua, Eguu ge au gunalia na tobagu nia na tani ? inau tu ganagana dila tua kara mua pitii vama, ma kara mateu sugua i Jerusalem na pukuna na ahana Lord Jesus. 14 Mai mua nia tanomana, gai todore, mai gagua, ke liu liona Lord.

15 Me padi na lei boni ini tai hogoni dilai nimami na luluda, mai va tona Jerusalem. 16 Mara nigai udu na balu vaovarono ni Kaisareia, ma sakai na vaovarono haulagi tadira na ahana Minasoni ni Kupurus, migami tai haga boiboli vaa tatana.

17 Migami tai sara i Jerusalem ra na tamahogoni tara lavi panoti togotogami. 18 Me ropogana a Paul migai tai va rigia James, mara na lei magutu gua ga. 19 Ma gaia te bosa utua, ge tuguni sopasopai vanira na lei tofoto God te nei vanira na vure voo nia na nina gehegehe. 20 Ma gaira tara ronovigi, ge ra ladavagina God ; mara gagua vania,

Age hogomami, to rigira na Israel na idu hahi tara taluutuni tua; ma gaira soko tara nia lio papara na taoniana na ronorono ni vetena: 21 ma na balu tara tutugugo vanira, igoe to taraira na Israel tara gahara tadira na vure voo ge kara sania Moses, ma kara bei pahevaugilaladira na dale-dira, ma kara bei taonigi na lei ronorono. 22 Na hava eni? Kara ronovia sugua na maiamu na vure. 23 Igoe ko nea te vaga eni igami tai bosa vanigo: Evati na tinoni tamami iani tara baulahu tua. 24 Ko lavira agaira, ma kau vaa marabu kolugamu, mo ko totosadira, ge kara gorigi na uludira: ma na vure soko kara pukua tara huru tabogo nia na lei totobo ini; mo to kabu mabo soo, maia to vatogaa na ronorono ni vetena. 25 Migami tai gerea, mai detea tua na vure voo tara taluutuni, ge kara nigi bati te vaga ini, na lei totobo tara sukagigi nia na lei titinoni, ma na gabu, ma na totobo tara dokoa, ma na tanodika. 26 Me roropogana Paul te lavira na lei tinoni kerī, me marabu kolura nia gaia, ge va hage ta na bona te tabu, me gagua na lei boni ni va marabu, polo kara nigi sukagi sopa didira na vatei sukagi, te padi tua.

27 Me dutu tua na padiani evitu na bozi, agaira na Israel tara butu mai Asia, tara rigia ta na bona te tabu, mara koenelera na vure, ge ra lotia, mara gaegahe, 28 Gau ra na Israel, kau hanagai: agaia eni te taraira haia na lei tinoni ge kara nira sika na vure, ma na ronorono, ma na bona eni: ma gaia gua te lavira mai na Girekia ta na bona te tabu me te salamia na bebete te tabu. 29 Na pukuna tara rigia Tirovimusi ni Epesusi ma gaia ta na komu, ma gaira tara ganagana ke te nia vaa ta na bebete te tabu. 30 Ma na komu udolu te gunaguna, ma na vure tara

sama kolu: mara lotia Paul, mara gora horua ta na bebete te tabu: mara mina vonotigi na lei mataula. 31 Ma gaira tara haga matea, na ladana te sara mai tatana te vunagidira na toga, me gagua, Jerusalem udolu te gunaguna. 32 Ma gaia te mina holo kolura mai na solses, ma na lei vunagidira na hanalatu gua, mara sama horu tadira; ma gaira tara rigira na vunagidira na toga ma na lei solses, ge ra luba na ramusiana Paul. 33 Ma na vunagidira na toga te saravia, me lotia, me bosaa, kara pitia nia erua na talihalo; me huatira nia agaira ahefi agaia ma na hava te kabaria. 34 Ma na vure tara sopa gaegahe nia na lei bosa te sopa keha. Ma gaia te mua pukua ahefi te utuni na pukuna na haeharevo, ge bosa na laviana vaa ta na vale te vahola. 35 Me te sara tua na palapala, ma ra na solses tara gatea na pukuna na vure tara haga sogā muri nagoa. 36 Ma na vure te subo te tumuria, mara gaegahe, mara gagua, Lavikehaa.

37 Mara dutu ni lavihageana tua Paul ta na vale te vahola, ge gagua vania na vunagidira na toga, Ko talagu ge ku bosa vanigo siki pile? Ma gaia te gagua, Migoe to gilala sugua na leu ni Girekia? 38 Mo mua mane ni Misiraimi mua soo, ta na gunaliandira na vure iniha, mo to vunagidira vaa ta na bona aroha evati na toga ni tinoni tara labu tabo? 39 Ma Paul te gagua, Inau sugua na Israel, na komugu i Tarsusi ni Kilikia, na mua komu vouvouha kerī: mi nau tu kurutigo ko talagu ge ku bosa vanira na vure. 40 Ma gaia te talana. Ma Paul te tuguru ta na palapala me aboabora na vure nia na linana: mara todore vaovarono, ge bosa vanira ta na leu ni Hebereu, me gagua,

XXII.

1 Gau lei hogogu ma ra na tamagu, kau ronovigi taeni nigua na bosa ni hugu.

2 Ma gaira tara ronovia te bosa vanira ta na leu ni Heberu, ge ra beto mate : me gagua,

3 Inau na Israel, tara vahuu i Tarsus ni Kilikia, mu sule galaga ta pa komu eni, ta na tuana Gamaliel, mara nia pipo na taraiaagu nia na ronoronodira na tamada, mu tu nia liopapari God, te vaga igau soko taeni. 4 Minau tu nira gigitou agaira ta na halautu keru polo tu vuha matera na balu, mu tu pitira mu tu pilira ta na vale pipiti na lei mane ma na lei vaivine. 5 Ma na puku ni sukagi ke tugunia te managu tu mua kiko, ma ra na lei magutu soko gua : inau tu lavigi tadiru na letasi vanira tama hogoni, minau tu nigi tona i Damas-kus, ge ku pitira vaa i Jerusalem, ge kara detera. 6 Minau tu tona soo, mu tu dutuvia Damaskus, te hina-gota, te mina binariu mai na marara sule ni kokou. 7 Mi nau tu kutu ta na pari, mu tu ronovia na mana, te bosa vaniu, me gagua, Saul, Saul, egua ge o niu gigitou ? 8 Minau tu bosa tugu vania, mu gagua, Ahei Igoc, Lord ? Ma gaia te bosa tugu vaniu, me gagua, Inau Jesus ni Nasareta, to niu gigitou. 9 Ma gaira tara niu udu tara rigia sugua na marara, mara mua ronovia na manana agaia te bosa vaniu. 10 Minau tu gagua, Na hava ku kabaria Lord ? Ma Lord te bosa vaniu, Tuguru, mo ko va tona i Damaskus ; ma kara tugunigi vanigo na lei totoho te talu dilai vanigo na kabariani. 11 Minau tu mua reirei na pukuna na rarazana na marara keru, ma ra na gagua na udu tara tabe limagu vaa i Damaskus. 12 Ma sakai na tinoni, na ahana Ananiasi, te nia kikinima na rono-

rono, ma ra na Israel tara gahara ga tara talumavaa, 13 te mai tagua, me tuguru dutuvii, me gagua, Hogogu Saul, ko reirei oli. Mi ta na bona vaho keru geu reirei oli gua mu vae-vanea gaia. 14 Ma gaia te bosa, God ra tamada te viligo ge ko manahana na liona mo ko vae-vanea Gaia te Maemiane mo ko ronovia na bosa ta na manana. 15 Na pukuna igoc ko tutugui na lei totoho te manana to rigigi mo to ronovigi vanira na lei tinoni soko. 16 Mi taeni egua ge o nego ? Tuguru mo ko tanea na vuli-tabu, mo ko siuvikehai na palumu nia na holoana na ahana. 17 Minau tu sara pulohi Jerusalem, mu kokoeliu-livuti ta na bebete te tabu, mu bugoro, 18 mu vae-vanea na mabubu, ma gaia te bosa vaniu, Ko nia pipo mo ko mina ruguhoru i Jerusalem : na pu-kuna agaira kara mua lavipanotia na bosamu te managu. 19 Minau tu gagua, Lord, agaira tara puku didira inau tu pitira agaira tara taluutunigo, mu tu ramusira ta na lei vale ni soni-kolu soko. 20 Mara tavelaginia na gabuna Sitiven ke te ladavaginigo nia na bosana, inau tu tuguru dutuvira, mu tu nia lio uto, mu tu rigitaonigi didira na pupulu tara matea. 21 Ma gaia te bosa vaniu, Inau ku vetena haugo gatu tadiru tara voo.

22 Ma gaira tara varonohia soo polo te riti na bosa eni : ge ra gae-gahe galaga, mara gagua, Lavikehaa na tinoni tovozo vagana eni : e mua ulagana na vola soo gaia. 23 Mi ta na bona keru tara gaegahe, mara rosigi didira na pupulu, mara havu-kagini datao na pugu ni pari, 24 na vunagidira na toga te vetenara na lavihageana ta na vale vahola ; me bosa, kara tabotaboa nia na ramusiana, ge ke pukua na pukuna tara gahelava-ginia. 25 Mara pitia tua nia na guiguli ni kau, ge bosa Paul vania te vunagidira na hanalatu te tuguru du-

tuvia, E manana sugua na ronoroŋo ni vetena na ramusiana na tinoni ni Roma, mara mua detea mua? 26 Ma ua vunagidira na hanalatu te ronovia eni, ge vaa rigia na vunagidira na toga, me bosa vania, me gagua, Ko nia pipo na totoŋo to haga kabaria, na pukuna na tinoni eni na Roma. 27 Ma na vunagidira na toga te mai tatana, me gagua, Ko tugunia vaniu, igoe na Roma sugua? Ma Paul te bosa, Eo. 28 Ma na vunagidira na toga te bosa tugu me gagua, Inau tu pelua nia na rono te subo na totoŋo eni. Ma Paul te gagua, Tara vahuu mai te vaga keru. 29 Ge ra mina tokeha tatana tara haga tabotaboa: ma na vunagidira na toga te ronovia agaia na Roma, ge matagu na pukuna te pitia.

30 Mi ta na roropogana, agaia te haga ronovi vakodoa na pukuna na hava gaira na Israel tara hurua, ge luba'ia; me holokolura mai ra na puku ni sukagi ma na ovu ni dete soko, ge lavi horua Paul, me tuguruvagina ta na matadira.

XXIII.

1 Ma Paul, te rigira na ovu ni dete, me gagua, Gau hogogu, inau tu lavia na lagagu na gehegehe uto vaniana God me ritini mai taeni. 2 Ma Ananiasi na puku ni sukagi te bosa vanira tara tuguru dutuvia ge kara tapoa na manana. 3 Ma Paul te bosa vania, God ke labugo, na goba igoe tara dali puraa: to sopou ge ko deteu taonia na ronoroŋo, mo to bosa na labu agu ge ko nia punusia na ronoroŋo? 4 Ma gaira tara dutuvia tara gagua, To koehorua sugua na puku ni sukagi nina God? 5 Ma Paul te bosa tugu vanira me gagua, Inau tu mua pukua, gau na hogogu, agaia na puku ni sukagi: na pukuna te gerea, Ko bei koehorua na vunagidira na vure. 6 Ma Paul te pukura na vure, na

levu ni pala na Saduke, ma na levu na Parise, ge gaegahe, me gagua, Gau hogogu, inau na Parise, ma na dalei Parise: na pukuna tu ganagana dilaa na tuguru oliadira na mate, tara huruu nia taeni. 7 Me bosa sokoa te vaga eni, gaira na Parise ma na Saduke tara vuivuni na huguhugu: ma na vure tara tuva voka. 8 Na pukuna ra na Saduke tara gagua, te taho na tuguruoli, taho na angel ma na taruna, ma ra na Parise tara taluutuni sokoi. 9 Me te sule lee na haeharevo; ma na balu tarai tadira na Parise tara tuguru, mara huguhugu, mara gagua, Igami tai mua rigi topoa tatana siki totoŋo: na Taruna te bosa vania pa na angel? 10 Me sule na huguhugu te sivuraga, ma na vunagidira na toga te matagu kara bei sagi vokaa gea a Paul, ge vetena horura na solses ge kara sagua tadira na vure, ma kara lavi pulohia ta na vale vahola.

11 Mi ta na boni keru a Lord te tuguru dutuvia, me gagua, Ko togotogo nimua: te vaga to tuguni tatau tua i Jerusalema, re vaga gua eni ko tuguni tatau mugua i Roma.

12 Me dani tua, ra na Israel tara guruvarano, mara papari, mara gagua kara mua vana ma kara mua inu polo kara vuha matea Paul. 13 Ma gaira tara guruvarano te vagara evati hanavulu sara na tinoni. 14 Ma gaira tara mai tadira na puku ni sukagi ma rana magutu, mara gagua, Igami tai papari nanata kai mua nami tabonana siki vana polo kai matea Paul. 15 Na pukuna igau ma rana puku ni ovu ni dete kau nomia na vunagidira na toga ge ke lavi horua vanigamu i ropo, te vaga tau haga nia pipo vaa na deteana: migami kai poloni dilaa, te mua dutu mai mua, ge kai labu matea. 16 Ma tubuna Paul te ronovia tara bosa na poloniana, ma gaia te mai hage ta na vale

vahola, me tutugunu vania Paul. 17 Ma Paul te holoa mai tatana sakai na vunagi ni hanalatu, me gagua, Ko nia vaa na garimane eni i tatana na vunagidira na toga : na ronoro tātana te haga tugunia vania. 18 Ma gaia te lavia, me nia vaa ta na vunagidira na toga, me gagua, A Paul na mane pipiti te holou mai tatana, me noniu ge ku nia mai tamua na garimane eni, na ronoro tātana ke haga tugunia vanigo. 19 Ma na vunagidira na toga te taea na limana, me lavikehaa na pile, me huatia, na tobo hava tamua to haga tugunia vaniu ? 20 Ma gaia te gagua, Ra na Israel tara guruhoro ge kara nonigo iropo mo ko lavi horua Paul ta na ovu ni dete, te vaga te haga nia pipo vaa na deteana. 21 Mo ko bei tala vanira : na pukuna te vagara evati hanavulu sara na tinoni tara polonia, mara nia papari kara mua vana ma kara mua inu polo kara labu matea : mi taeni tara pitu dilago, ge ko talaa vanira. 22 Ma na vunagidira na toga te lubatia na garimane, me hove nanataa ke bei tugunia vania siki sakai te va manahaa nia na tobo eni. 23 Ma gaia te holora mai tatana erua na vunagi ni hanalatu, me vanira, Koro talu dilara erua hanalatu ni solses ge kara tona i Kaisareia, ma agaira gua tara sopou ta na horse evitu hanavulu, ma gaira tara tabe tinabe erua na hanalatu, ta na toluni na bona ni bozi. 24 Me bosa na laviana na balu horse kara talua Paul i vuvuzana, ge kara nia tona tava hale vaa itatana Velikisi na vunagi. 25 Ma gaia te gerca na letasi te vaga eni :

26 Kilaudiisi Lisiasi te bosa utoa a Velikisi na vunagi uto mate. 27 Ra na Israel tara lotia na tinoni eni, mara haga matea, mi nau tu va topora nia na solses mu vavolaa, na pukuna tu ronovia agaia na tinoni ni Roma. 28 Mi nau tu haga pukua na pukua

tara hurua nia, inau tu lavi horua ta didira na ovu ni dete : 29 mi nau tu ronovi vakodaa tara hurua nia vama na tobo te manana didira na ronoro, mara mua hurua nia siki tobo te manana na mate pa na pipiti. 30 Mara tutugu vaniu tara nia guruhoro, mi nau tu mina vetena vanigo gatu, mu tu keikerira gaira tara hufuru ge kara hurua ta na inatamu.

31 Ma ra na solses tara lavia Paul te vetenara nia, mara nia tulodo vaa i Anitipaterisi. 32 Mi ta na ropogana tara sanira agaira tara sopou ta na horse ge kara nia udu, mara pulohi ta na vale vahola. 33 Ma gaira tara vaa sara i Kaisareia, mara lubatia vania na vunagi na letasi, mara talua Paul ta na matana. 34 Me siro sokoa, ge huatia nia ivei na komuna ; me ronovia tua agaia na Kilikia, ge gagua, 35 Inau ku ronovi utogo, i ropo valiha ta kara mai tara hurgo : me bosa na rigitaoniana ta na vale ni vunagi nina Herod.

XXIV.

1 Me padi tua e lima na bozi na puku ni sukagi Ananiasi, ma ra na balu magutu, ma na manalava na ahana Teritulusi ; tara sugi horua mara tugunia a Paul ta na matana na vunagi. 2 Mara holoa mai ge vuivuni na hurua Teritulusi, me gagua,

Age Velikisi, igoe na vunagi uto mate, igami tai kabu mabo ma tai nia togotogo na pukuna igoe, 3 ma na lei tobo dika te sivuraga ta na vure eni migoe to maboi tua, ma na pukuna eni igami tai holoutogo haia. 4 Minau, ku bei sakai lavibuleamu gea, inau tu nonigo ko nia liouto soo, na ronoviamami sikipile. 5 Igami tai vaevanea na tinoni eni te hahi tua na dikana, ma agaia na puku ni vatei

gunaguna haia tadirā na vure ni Israel ta na maramana taligu, ma gaia te haba itadirā na tuvavoka ni Nasa-seta : 6 maia gua te haga nia paripari lee na bebete te tabu ; migami tai lotia, mai haga detea taonia nimami na ronoroŋo. 7 Ma na vunagidira na toga a Lisiasi te mai sagua ta na limamami : 8 me vetenara mai vanigo tara huhuru : migoe ko huatia ke, ge mo ko ronovi vakodoi na lei tobo to tai hurua nia. 9 Ma ra na Israel tara sopo hanaa na bosana, mara gagua, Te utuni sugua na lei tobo to ini.

10 Ma na vunagi te tonagi vania Paul ge ke bosa tugu ; me gagua,

E utuni inau tu gilalago igoe to detera na vure eni e subo tua na niulu, ma na pukuna eni, inau tu nia lio uto na nigi huguani itagua na tobo to kiri. 11 Migoe ko pukua nimua, e hanavulu vamua me sara erua na bonigu te padi taeni inau tu dato i Jerusalem na va kokoeliulivuti ga. 12 Mara mua rigi topou ta na bebete te tabu tu huguhugu i tatana siki sakai, pu tu gunalira na vure, taho tua ta siki vale ni sonikolu, pi ta na komu. 13 Ma kara mua tanomana na dete kaleagu ta na lei tobo to tara hurua nia. 14 Mi nau tu bosa tate vanigo, inau tu lagalaga vania God tamamami taonia na Halautu keri gaira tara holoa nia na tuvavoka, mi nau tu taluutuni sokoi na lei tobo to tara gerei tua ta na Ronoroŋo ni vetena mi ta na lei porovete : 15 mi nau tu ganagana dila ta God, magaira ini tara ganaganaa sugua, agaira tara mate kara tuguru oli soko rana uto ma ra na dika gua. 16 Mi nau tu nia pipo haia na tobo to eni ge ke bei detei kaleu na ganaganagu ta siki tobo to tu nea vania God pa na tinoni. 17 Me padi tua e subo na niulu inau tu lavigi mai na hevei lee vanira nigua na vure, ma na lei vatei sukagi gua : 18 ma gaira tara vatopou ta na

bebete te tabu tu vamarabuu tua, e mua vurega, me mua haeharevoga. Ma ra na balu Israeli ni As'a ga ; 19 ma gaira sugua kiri kira mai huruu ta na mutanu, ge te ke gihaa tadirā siki tobo to kara hurua nia. 20 Me taho ke, ma agaira iui kara bosa tate tara rigia siki tobo to dika tagua, tu tuguru ta na matadira na ovu ni dete ; 21 ma na bosa eni vamua sokea, inau tu nia gaegahe tutuguru ta na matadira mu gagua, Igamu tau deteu taeni na pukuna na tuguruoliadira tara mate tua.

22 Ma Velikisi te haga puku utoa vaa na Halautu, me hovera ge kara todore, me gagua, Ke sugi mai gua Lisiasi, na vunagidira na toga, inau ku dete kalea na nimiu na ronoroŋo. 23 Ma gaia te bosa vania na vunagi ni hanalatu ge ke rigitaonia Paul, ke bei sakai kakaia ; me ke bei hovera ra na kulana kara haga mai kaa.

24 Me te padi tua na balu boni, Velikisi ma tauna Durusila, na vavine ni Israel, toro mai, me holoa mai Paul, me te ronovia na nina tutugu ni taluutuniana Jesus-Christ. 25 Ma gaia te taraia nia na lio kikinima, ma na lio ni bati, ma na dete ke mai, Velikisi te matagu, me gagua, Ko tona keha gua taeni ; ku tatavahale vaho, ge ku hologo mai gua. 26 Ma gaia te ganagana dila gua a Paul ke hea na rono ke ; ma na pukuna eni te holoa mai haia me bosa vania. 27 Me rua tua na niulu te poso, a Porokiisi Vesetusi te tugua Velikisi ; ma Velikisi te liona na togoluvuadira na Israel, ge sania Paul ta na vale pipiti.

XXV.

1 Ma Vesetusi te sara tua na komu, me padi tua etolu na boni ge sakeragi i Kaisareia me dato i Jerusalem. 2 Ma ra na puku ni sukagi ma ra na

haba tadira na Israeli tara tugunia vania a Paul; 3 mara nonia, *ge* ke talana vanira na holoana mai Paul i Jerusalem: *ge* kara polonia ta na halautu ma kara labu matea. 4 Ma Vesitusi te bosa tugu vanira, me gagua, Ku rigitaonia Paul i Kaisareia, tu ku va nigua *ga*. 5 Agaira tara haba tamiu kara niu udu horu *ga*, ma kara pukua siki toto bo dika ta tana na tinoni eni ke, kara hurua nia.

6 Ma *gaia* te kabu tadira te vaga ealu pe hanavulu na boni te padi, *ge* sugi horu i Kaisareia; me ropogana *agaia* te sopou ta na malei dete, *ge* bosa na laviana mai Paul. 7 Me mai tua, ra na Israel tara sugi horu mai Jerusalem tara tuguru taligutia, mara huru nanataa nia na lei toto bo te subo me te vahola, mara mua tano mana na huru kaleana. 8 Ma Paul te nigi hugu me gagua, Inau tu mua dikalaa siki toto bo ta na ronorono ni vetena, pi ta na hebete te tabu, pi tatana Kaisari. 9 Ma Vesetusi te haga togoluvura ra na Israel, *ge* bosa tugu vania Paul, me gagua, O talu sugua na dato i Jerusalem mu ku detego *ga* ta na lei toto bo ini? 10 Ma Paul te bosa, me gagua, Inau tu tuguru taeni ta nina malei dete Kaisari, me ulagagu *ge* kara deteu mugua *ga*: inau tu mua tanomana na dikalaadira na Israel; te vaga to puku nanataa ni-mua tua. 11 *Ge* tu ku tanohahia nigua siki toto bo te manana na mate, ku mua nia huguhugu na mate *ga*: *ge* me na lei toto bo kiri tara huruu nia ke mua kalei, taho tua siki sakai ke lubati leau vanira. Inau tu villia Kaisari. 12 Ma Vesitusi te bosabosa vanira tua na ovu ni dete, *ge* bosa tugu me gagua, Igoe to villia tua Kaisari; uto, ko va itatana Kaisari.

13 Me te padi tua na balu boni, Agiripa na vunagi ma Berenike toro sara i Kaisareia, moro bosa utoa Vesetusi. 14 Ma rogaia toro kabu *ga* te

subo na boni, ma Vesetusi te tuguni tatea Paul vania na vunagi, me gagua, Sakai na tinoni pipiti eni a Villikisi te tona sania. 15 Mi nau tu gahau i Jerusalem, ra na puku ni sukagi mara na magutudira na Israel tara tutugua vaniu *ga*, mara noniu na dete kaleana. 16 Mi nau tu bosa tugu vanira, mu gagua, Na mua liodira na Roma na lubati leana siki tinoni, agaira tara huhuru kara tuguru mugua ta na matana ma kara huru tatea, *ge* me ke tanomana na huguana na toto bo tara hurua nia. 17 Ma *gaia* tara vaokolu mai, inau tu mua nego, me ropogana tu sopou ta na malei dete, mu bosa na laviana mai na tinoni. 18 Ma *gaia* tara hurua tara tapatuguru, tara mua hurua nia siki toto bo dika te vaga tu ganagana nigua tua: 19 mara nia huguhugu itatana ta didira na ronorono, maia siki sakai tara vatua nia Jesus, te mate tua, ma Paul te bosa te volo soo. 20 Mi nau tu ganagana ruarua ivei ku nei na nigi pipo na lei toto bo ini, mu tu huatia ke tala pe taho na tona i Jerusalem, *ge* ku detea nia *ga* na lei toto bo ini. 21 Ma Paul te villia ka rigitaonia soo *ge* Augustusi vaho ke detea, vaho *geu* bosa na panotiana polo ku vuha vetena *gatu* vania Kaisari. 22 Ma Agiripa te vania Vesetusi, Inau tu haga ronovia nigua na tinoni eni. *Ge* gagua, i ropo vaho ko ronovia.

23 Me ropogana, Agiripa ma Berenike toro mai, moro va hage ta na vale ni dete, tadira na lei vunagidira na toga, ma ra na haba gua ta na komu; me gagua Vesitusi kara lavi hagea mai Paul. 24 Ma Vesitusi te gagua, Age Agiripa vunagi, migamu soko tau vaokolu mai, kau rigia na tinoni eni, na vure soko ni Israel i Jerusalem miani gua tara lavibuleagu na pukuna *agaia*, mara gaegahe te mua ulagana na volo. 25 Minau tu mua rigi topoa siki toto bo te ka-

baria te manana na mate; ma gaia hegena te vilia Augusitusi, inau tu ganagana na votenaanaga. 26 Me taho siki bosa utuni te manana ku gerea vania na Vunagigu. Na pukuna eni inau tu lavia mai ta na matamui, mi ta na matamu gua Vunagi Agiripa, ge ku kene topoa siki totoho ku gerea ga. 27 Minau tu ganaganaa, te mua ulagana na vetenaana na tinoni pipiti ma ka mua tatei na lei totoho tara hurua nia.

XXVI.

1 Ma Agiripa te bosa vania Paul, me gagua, E uto taeni igoe ko bosa nimua. Ma Paul te haua na limana me bosa tugu hegena :

2 Age, na Vunagi Agiripa, inau tu nia togotogo sugua na pukuna ku nigi hugu gegua ta na matamu na lei totoho ra na Israeli tara huruu nia. 3 Na pukuna igoe to manahani lee na lei ronorozi ni Israeli ma didira na lio ni huguhugu gua: mi nau tu nonigo ko nia liuto soo na ronoviagu siki pile. 4 Agaira soko na Israeli tara pukua na kabuagu ta na garimaneagu mai, inau tu vuni ni kabu tadira nigua na vure i Jerusalema; 5 me hau tua tara gilalau mai, kara liona na tutuguagu ke, inau tu kabu Parise, mu tu taoria dida na ronorozi tadira tara nia pipo nanata vaa. 6 Mi taeni inau tu tuguru iani, ge kara deteu na pukuna inau tu ganagana dilaa na baubahu God te bahura nia rana tamada; 7 ma ra na gada na kema ra hanavulu me sara eruua tara haga logoa didira na haubahu eni, mara nia lagalaga vauia God boiboni daidani. Ma ra na Israeli tara huruu nia na pukuna na ganagana dila eni, Vunagi. 8 Egua ge kau mua taomana na talutuniana, God ke tuguruvaginira na lei tinoni mate? 9 Inau tu ganagana vaova-

rono nigua, mu nei na lei totoho te subo ge ku puzusia nia na ahana Jesus ni Nasareta. 10 Minau tu nea te vagaa i Jerusalem: minau tu pitira ta na vale pipiti e subo tadira ra na tabu, ra na puku ni sukagi tara mananiu ga, minau tu hanara nia na bosagu tara labu matera. 11 Minau tu torora haia ta na lei vale ni sonikolu, tu haga nera ge kara kochorua; minau tu rutu nanata vanira tu nira gigirou polo tara sara na lei komu keha. 12 Mi nau tu va Damaskus na pukuna eni, ra na puku ni sukagi tara mananiu ga. 13 Age na Vunagi, te hinagota, inau tu vaevanea na marara ta na ha'auto te hina mai i kokou, me te rarana vaa ta na hinana na aho, te hinari taligutui ma gaira soko na gagua na ulu. 14 Migami soko tai kutu ta na pari, minau tu ronovia na mana te bosa vaniu ta na leu ni Heberu me gagua, Saul, Saul egua ge o niu gigirou? ko butulia me ke kodigo na vatei susuki. 15 Minau tu gagua, Ahei igoe Lord? Ma Lord te gagua, Inau Jesus to niu gigirou sugua. 16 Ko tapatuguru, mo ko nia tuguru na tuamu: na pukuna eni tu tate vanigo, ge ku viligo nia na tinoni gehegehe ma na vatei tutugunu te manani na lei totoho to rigiu tua ga, ma na lei totoho gua ku tatei vanigo ta na niha. 17 Mu ku vavolago tadira na vure voo, ku vetenago gatui tadira, 18 ge ko va davorai na matadira, mo ko lavipulohira mai ta na puzi vaa ta na marara, mi ta nina mana Safana varigia God, ge kara lavira didira na talukeha palu ma na tunuva tadira tara va tabura nia na talutuniau. 19 Na pukuna eni, Vunagi Agiripa, inau tu mua hovea na mahabu ni kokou: 20 minau tu diki tuguni tatea vanira i Damasikusi mi Jerusalemi, mi ta na komu Judea taligu, mi tadira na vure voo gua, ge kara tugu

lio ma kara pulohi varigia God, ma kara gehegehe taonia didira na tugulio. 21 Na pukuna eni ra na Israel tara lotiu ta na bebete te tabu, mara liona na labuagu. 22 Ma na pukuna God te hanau, geu gahau taeni mu tu tuguni tatea vanira na pile ma ra na sule; mu tu mua savunia nia siki bosa keha na bosadira ra na porovete ma Mosesi tara bosa dilai tua; 23 te gagua, Te manana na Christ ge kara vahagitailia, ma gaia ke diki tuguni tatea na marara vanira na vure, ma na vure voo gua, nia na tuguruoli tadira tara mate.

24 Ma gaia te hugu vanira soo te vage eni, Vesitusi te gaegahe me gagua, Age Paul, igoe to bule na kene nanataana na manaha te hahilavaginigo. 25 Ma Paul te gagua, Inau tu mua bule, Vesitusi mane uto: mi nau tu bosai vamua na bosa ni utuni ma na lio beto. 26 Na vunagi te pukui na lei totobo ini, mi nau tu mua nia maa na bosa vaniana: minau tu puku nanataa te mua polo tatana siki pile totobo ga: tara mua nee poloa na totobo eni. 27 Age vunagi Agiripa, to taluutunira sugua ra na porovete? Inau tu pukugo to taluutunira. 28 Ma Agiripa te bosa tugu vania Paul me gagua, Igoe to haga mina keikeriu ge ku nina tinoni Christ. 29 Ma Paul te bosa tugu vania me gagua, Inau tu liona ta God, ge mu ku nia tanomana na kurutiamu nia na bosa te kukulu pe te daro, ma gaira soko gua tara ronoviu taeni, ge kau vagau inau, na lei tali halo ini vamua ke taho.

30 Ma na vunagi te tapa tuguru, ma na Governor, ma Berenike, ma gaira tara sopou kolu tadira: 31 mara tona keha, ge ra bosabosa, mara gagua, Na tinoni eni te mua kabaria siki totobo te manana na mate pe na pipiti. 32 Ma Agiripa te bosa vania Vesitusi, me gagua, Ka tanomana na

lubati tatavahaleana na tinoni eni, ge te ke mua vilia Kaisari.

XXVII.

1 Me soko ge ra bosa kai votu Italia, tara lubatia Paul ma ra na balu tinoni pipiti gua vanira na vunagi ni hanalatu, na ahana Juliusi, ta nina ovu Augustusi. 2 Migami tai hagelia na vaka ni Adaramitium, te haga lilibi ta na lei komu i Asia, mai talusapa; Aristarkusi ni Makedonia te butu mai Tesalonika, te nigai udu. 3 Me roropogana tai sara i Sidoni: ma Juliusi te dolovia Paul, me lubatia ge ke va kaora na lei kulana ge kara lavipanotia. 4 Migami tai talusapa ga, ma tai kadiku uluna Kupurusi te poponoa ga, na pukuna na guri te kale nago. 5 Migami tai halavu ta na horarana Kilikia mi Pampulia, mai togoni i Mura, na komu ni Lukia. 6 Ma na vunagi ni hanalatu te topoa ga na vaka ni Aleksaderia te haga votu i Italia; ma gaia te ludanigami ga. 7 Me guguri lee nimami na totobi e subo na boni, me pile vasoo tai sara ilauna Kidosi, na guri te tuguru punusigami, migami tai kadiku uluna Kirete te poponca ga, te kaekage mate Salamone; 8 me pile vasoo mai mua lilibi ta na komu keri tai sara siki bona tara holoa nia na Logu uto; te dutuvia na komu ni Lasea.

9 Me soko tua e subo na boni, me ke mua taho siki sosodo ke topora kara votu ta na bona eni, na pukuna na lei Bozi-ni-talukau te poso tua, Paul te taraira me gagua, Gau na lei magutu, 10 inau tu pukua nigua na votu eni ke sosodoga, na mua na luluda vamua ke tagai, pile vasoo ma na volada gua. 11 Ma na vunagi ni hanalatu te ronovia vaa na bosana na kapiteni ma na puku vaka, me tiu liua Paul. 12 Ma na pukuna na logu

té mua manana na boro ga ta na ara, ma ra subo tadira tara bosa na talu sapa ga, ge takara tanomana na sara Penike na logu ni Kireti, ma kara boro ga ta na ara. 13 Ma na labu lona te kisi me tazi mai, tara ganagana ke uto vanira, tara vuti piniti ma: a lilihi i Kirete. 14 Me mua nego ma na tubuto sule te labura, tara vatua nia na guri keru Eurakilo. 15 Me labua tua na vaka, me mua tanomana na huariana, igami tai lubatia, me gari-gai. 16 Mai lilihi levuna Kauda te poponoa, mara nia pipo nanata na lavi datoana na botu. 17 Mara vuha gora datoa ge ra pitia na vaka: mara matagu kai bei tuturi ta na nunugu, ge ra loku selona na vaka me lelebo. 18 Ma na maragata te labu poipolisaginigami, ta na ropogana tara vuivuni na soniani na luluda. 19 Mi ta na toluni na boni agaira hegedira tara sonigi na hegohegona na vaka. 20 Me mua tate siki aho pa na veitugu te subo na boni, me mua pile na maragata te labugami soo, ma na ganagana ni vola me tagaa itamami. 21 Me hau tua tai mataru too, ma Paul te tuguru galala igobudira, me gagua, Gau lei magutu, ge takan ronoviu mau mua talusapa mai Kirete ke, igita ta mua sodoa na sosodo eni, me ke mua sivi na luluda. 22 Mi taeni inau tu kurutigamu, kau bei diko lio, taho siki sakai tamiu ke tagaa na volana, na vaka vamua. 23 Na pukuna nina Angel God, inau tu lagalaga vania, te tuguru dutuvui, me gagua, 24 Ko bei matagu, Paul: ko tuguru mugua ta na matana Kaisari; mo ko rigia, God te taladira vanigo mai agaira tara nigo haehage kolu. 25 Na pukuna eni, gau lei magutu, kau bei dika lio: minau tu talutunia God, ke nei kalei sugua te vaga te bosai vaniu. 26 Igita ka tuturi sugua ta siki kokomu.

27 Me padi tua e hanavulu vatini

na boni, mi gai tai taitaligu soo i Adiria, ta na boni hau ra na *selemane* tara ganagana tara dutuvia siki komu. 28 Mara soni tabotabo mara topoi erua hanavulu na goto: mara lona pile gua, ge ra goi soni tabotabo soo, mara topoi e hanavulu lima na goto vamua. 29 Mara matagu kara bei tuturi ta na sebe, ge ra sonigi evati na piniti i tagao mara liona nanata ke mina taporasa mai na dani. 30 Mara na *selemane* tara haga sogasania na vaka, mara dorovaginia na botu, tara nia kiko na soniani na piniti i nago ni vaka. 31 Ma Paul te bosa vania na vunagi ni hanalatu me gagua, Kara mua gahara ta na vaka agaira ke, kau mua tanomana na vola; e gagua. 32 Vaho ge ra kosoa na tali ni botu ra na solses, me guria. 33 Mi ta na taporasaana na dani, a Paul te kurutira ge kara vana, me gagua, Itaeni e hanavulu vatini tua na boni igamu tau maturutoko soo, mau mua gania siki vana. 34 Na pukuna inau tu kurutigau kau gania siki vana: aeni na volamiu sugua: ke mua tanomana na kutu siki vuvulu ta na ulumi. 35 Ma gaia te bosa te vagaa ge lavia na bereti, me bosa utoa God ta na matadira soko: me nitia, ge vuivunia na ganiana. 36 Ge ra nia togotogo soko, mara vana gadira. 37 Migami soko tai hagelia na vaka erua na hanalatu vitu hanavulu me sara e ono. 38 Mara mahu, ge ra soni horua na korni ta na horara, mara nea ge ke vuatia na vaka. 39 Me te dani tua tara mua pukua na komu: mara vae-vanea siki pile logu te saravahalega, mara bosabosa kara tanomana na torovagini lonana ga na vaka pe taho. 40 Ge ra kosoi na piniti mara sanigi ga ta na tahi, mara togigi na talina na tagao; mara goraa na selo sule ta na guri, mara lona soo. 41 Mara saravia siki bona te tipokolu ga na tahi, ge ra saravaginia ga na vaka;

ma na nagona na vaka te sopuku nasi, me mua aleale, ma na tagao te tabooboha na pukuna na tahi te laga. 42 Ma ra na *solses* tara bosa na labuadira ra na tinoni pipiti kara bei olo vola. 43 Ma na vunagi ni hana-latu te hovera kara bei nea te vagaa, na pukuna te haga volaa Paul; me bosa, na balu tadira tara pukua na olo kara diki sogā ma kara tuturi lona: 44 ma ra na sosoko gua, na balu kara tacea na kilova, ma na balu na tamidi ni vaka. Mara nea te vagaa, ma gaira soko tara tuturi tata-vahale i pari lona.

XXVIII.

1 Migami tai ruguhoru tatavahale, vaho gai pukua na ahana na komu i Melita. 2 Ma ra na vure voo tara dolovi nanatagami: mara tunia na lake, mara lavi panotigami soko, na pukuna na uha ma na malaho. 3 Ma Paul te vahikolui na ovu ni gai, me kerua nia na lake, na poli te ruguhoru mai ga na pukuna na papara, me pasuzia na limana. 4 Ma ra na vure voo tara rigia na poli te sasaraui ta na limana, ge ra gagua, E utuni agaia eni na tinoni labu polo, agaia te ruguhoru tatavahale mai ta na horara, ma Dike te mua lubatia ge ke vola. 5 Ma gaia te pirikaginia na poli ta na lake, me mua dikalaa. 6 Ma gaira tara ganagana soo ke tubu, pe ke mina kutu horu me ke mate: mara pitu me kodera, me mua kalea siki totobo dika, ge ra tugui na ganagana-dira, mara gagua agaia na god.

7 Mi ta na baebase ni komu keri na leinua hoochogo Pubiliusi ga na vunagi ni komu: ma gaia te lavi panotigami, me te kuti uto gami etolu na boni. 8 Ma na tamana Pubiliusi te koli, na vahagi sapania nia na suru gabu te nea: ma Paul te va hage tatana, me

kokoeliulivuti me te talui na limana ivuvunana, me vavolaa. 9 Me te nea te vagaa, agaira gua ta na komu na vahagi te torora tara mai, me vavolara. 10 Ma gaira tara talumava nanata gami: migami tai votu tara ludanigi na ahomami.

11 Me padi tua e tolu na vula, igami tai hagelia na vaka ni Aleksadiria, na hana Kastori ma Polukesi, te boro ga ta na ara. 12 Migami tai togoni Surakusi, ma tai kabu ga etolu na boni. 13 Migami tai sakeragi ga ma tai kilili gai sara Regiumi: me te padi sakai na boni na labu lona to tuguru, me ropogana tai sara Potioli. 14 Migami tai topora ga na balu tama hogoni, mara kurutigami ge kai kabu tadira evitu na boni: gai va sara Roma. 15 Ma ra na tama hogoni tara kabu ga tara ronovia na ladamami, ge ra va sodogami ta nina Malei Sabiri Apusi, me Tolu na Vale ni mavitu. Ma Paul te vacvamera, ge holoutoa God, me nia uto na liona.

16 Migami tai sara hage i Roma, na vunagi ni hanalatu te lubatira ra na tinoni pipiti vania na Vunagidira tara dai: mara lubatia Paul ge ke kabu hegena, ma na gana udu sakai na *solses* te daia.

17 Me padi tua etolu na boni, Paul te holo kolura mai ra na haba tadira na Israeli: mara vaukolu tua, ge bosa vanira, Gau ra na hogogu, inau tu mua tanodikalaa siki totobo vanira na vure, ma didira na ronoro tamada, tara pitui i Jerusalemā mara lubatiu ta na limadira na Roma: 18 mara tabotaboa na huatiagu, tara liona na lubatiagu, na pukuna te mua kalau siki totobo te manana na mate. 19 Ma ra na Israel tara huguhugu, vaho geu villa nigua Kaisari; me te taho siki totobo tagua ku hurura nia ra na gagua na komu kolu. 20 Na pukuna eni inau tu kurutigamu na mai rigi-

agu ma na bosabosa itagua : na pukuna na didira na ganagana dila na Israeli ge ra pitii nia na tali halo eni. 21 Ma gaira tara gagua vania, Igami tai mua lavia siki letasimu ni Judea, ma ra na tama hogoni gua tara butu mai ga tara mua tutugua siki totobo dika tamua. 22 Migami tai liona na ronoviana na ganaganamu na tuva voka eni, igami tai pukua tara koe-horua ta na lei komu soko.

23 Ma gaira tara talu boni vania, ge ra ovu mai tatana ta na vale te gaha ga : ma gaia te togia vanira na totobo, me tuguni tatea vanira na kinakabuna God, me keikerira nia Jesus ta na ronoronona Mosesi mara na lei porovete, te vuni ta na puipuni polo te sara ta na nulavi. 24 Ma ra na balu tara taluutunigi na totobo te bosai, ma na balu taho. 25 Mara mua ganagana sakai sonikolu, ge ra ruguhoru, ma Paul te nia bosa soso-ko sakai na bosa te gagua, 26 Isaia na porovete te nia bosa utuni na Tarua te tabu vanira tamada, me gagua,

Ko va tadira na vure eni, mo ko gagua,

Igamu kau ronovigi nia na vatei

rono ma kau mua ronovi va-kalea ;

Migamu kau vaevanea nia na vatei vaevane ma kau mua rigi vakodoa :

27 Na pukuna na tobadira na vure eni te pumi.

Ma na kulidira te pono,
Ma na matadira tara kapui,
Kara bei nia reirei na matadira,
Ma kara bei nigi rono na kuli-dira,

Ma kara bei manahani na toba-dira,

Ma kara liliu oli,
Ge ku vavolara.

28 Kau pukua nimitu na nina vavola God te vetena gatu vanira na vure voo, ma gaira kara ronovia. 29 Me bosa sokoi na lei bosa ini, ra na Israel tara tona keha mara huguhugu sule hegedira.

30 Ma Paul te kabu erua na niulu udolu ta na valena te tabaa, me lavi-paothia agaira soko tara hage mai ta tana, 31 me taraira nia na kina-kabuna God, me mua nira maa na tutuguani vanira na lei totobo te manana na Lord Jesus Christ, me taho siki sakai te tuguru punusia.





